





BX

2349

. D74

1715

JESUITICA

j. B. Keijnoogen.

UPPER LIBRARY.
H. DREXELII.

ASCETICAL WORKS.
S. J.

PALÆSTRA D

CHRISTIANA.

OPERUM

TOMUS XXIV.



COLONIAE,

Apud BALTHASAREM
ab EGMOND.

MDCCXV,

IN BREXIT

PALESTRA

IN 1811

OTRUM

TOMES



COLLEGE

PALESTRA

EGMOND

MOCK

PALÆSTRA

CHRISTIANA.

Auctore
BOSTON

P. HIEREMIA DRÆXELIO

è Societate Jesu.

Ex Posthumis Libellis quintus.

IHS



BOSTON COLLEGE

ANTWERP DOMESTIC

Typis viduæ JOANNIS CNOBARI,

MDC

LIBRARY

Cum Gratia & Privilegio.

HIGH SCHOOL

248-11

A. E. S. T. R. A.

CHRISTIANITY

INHERENT IN THE

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

CHRISTIANITY

Reverendissimo & Illustrissimo

Principi ac Domino


D. J O A N N I

ECCLESIAE BRIXINENSIS

E P I S C O P O ,

Sacri Romani Imperii Prin-
cipi,

Domino suo clementissimo.

 Uo tempore omnia ferro
& flamma in Germania
mifcentur; multi Aucto-
res prodiere, qui conscri-
ptis libris, majora bello alimenta
fubminiftrârunt. Ex iis intelligat mi-
les, qui fe poffit defendere; qui ho-
stem aggredi debeat. Exftruuntur
arces, excitantur propugnacula,
defcribuntur acies, in infidiis do-
lus & virtus confunditur. Dubi-
tes autem, plus damni patriæ an
utilitatis afferant hi novi Vegetii.
fcilicet Reipublicæ intererat effera-
ri humanum genus, & docere re-
conditos fæviendi modos. Mitiffi-
mum animal, & cui natura lacry-
mas indulfit, fertur in mutuas cæ-
des

D E D I C A T I O.

des. Iras & gladios venales habet. Gradienti per acervos cadaverum triumphus decernitur. Commoverat indignitas rei jam olim R. P. Jeremiam Drexelium, ægrè ferentem, filios hujus seculi in generatione sua, sive prudentiores, sive etiam diligentiores esse filiis lucis. Non negabat bellum indici posse. Sciverat proclamante Jobo; militiam esse vitam hominis super terram. Et quia didicerat ex præcone Tarsensi, 2. *ad Tim.* 2. laborandum, sicut bonum militem Christi decet; non abhorrebat ab armorum usu; sed ea in veriores hostes converti optabat. Quoniam non sit nobis colluctatio adversus carnem & sanguinem, sed adversus principes & potestates, adversus Mundi rectores tenebrarum harum, contra spiritualia nequitiae in cælestibus. *ad Eph.* 6. Quocirca operæ pretium facturum se sperabat, si & ipse provocatus industria profanorum militum, *Palæstram Christianam* describeret, refer-tam panoplia contra infestissimum humani generis hostem valitura. il-lud

D E D I C A T I O.

Iud ubique inculcans, quod S. Chry-
 soft. *serm. 1. de Martyr. t. 3.* Nul-
 lus Athletæ sine certamine fortior
 dici, nullus sine victoria poterit co-
 ronari. Nemo miles sine prælio ho-
 stem subjecit: nemo sine bello Im-
 peratorem promeruit. Habes Chri-
 stiane! competentia arma, quibus
 hostem expugnes: habes fortissima
 tela, quibus inimicum debelles.
 Hanc adco Palæstram, inter posthu-
 mos Patris Libellos repertam, tu s
 auspiciis, Reverendissime Præsul,
 aperiri patieris; ut omnibus utilem,
 ita meritis Illustrissimæ Celsitudinis
 Tuæ ex integro destinatam. Con-
 venientia cuique, Nautæ clavum,
 Pastori pedum offerimus: Tibi in-
 super veterano Militi contra Tarta-
 reos Spiritus, non invisâ neque
 ignota victoriæ instrumenta. Inspi-
 ce, versa, confer cæstus Entelli &
 Daretis. Si probas: credet Orbis,
 præcepta militandi ex arte tradidisse
 Drexelium. Tuo iudicio admitte-
 tur vel submovebitur. Veneran-
 dam caniciem Insula, velut galea,
 premis; succinctus lumbos in veri-

DEDICATIO.

tate, & indutus loricam justitiæ, & calceatus pedes in præparationem Evangelii pacis: in omnibus sumens scutum Fidei, in quo possis omnia tela nequissimi ignea extinguere; in tam periculosa pugna, tantò eventu felicior, quantò virtute securior. Prælianti prælia Domini, & clasticum in Christi hostes movenci, Tuba extremi Judicii formidanda non est. Te porrò Militaris Libelli Patronum non uno titulo adoptamus, quem in hac Sacra Militia jamdudum agnovimus auctoritate Imperatorem, pugnandi peritia Antesignanum, favore ac benevolentia, si liceat dicere, Commilitonem. Monachii, 13. Julii. Anno 1642.

Rever^{ma}. & Ill^{ma}. Celsit V^a.

devotissimum

*Collegium Societatis JESU
Monacense.*

IN-

INDICULUS CAPITUM
 I N
 PARTEM PRIMAM
 P A L Æ S T R Æ
 C H R I S T I A N Æ.

- Caput I. *Tota hominis vita tentatio & militia.* 1
- Cap. II. *Tentationes frequenter cò graviores, quò tentati homines sunt sanctiores.* 17
- Cap. III. *Tentationes amicis Christi neutiquam ignominiosæ.* 28
- Cap. IV. *Tentationes ostendunt quàm quisque Deo sit fidelis.* 38
- Cap. V. *Tentationes industriam acuumt & fervorem.* 53
- Cap. VI. *Tentationes animum emaculant & Sapientiam docent.* 65
- Cap. VII. *Tentationes in sui Notitia erudiunt, submissum & humilem efficiunt.* 77
- Cap. VIII. *A tentationibus nemo Mortalium securus.* 89
- Cap. IX. *Tentati hominis duodecim in spiritali pugna stultitiæ.* 102

INDICULUS CAPITUM
I N
PARTEM ALTERAM
P A L Æ S T R Æ
C H R I S T I A N Æ.

- Cap. I. Tentatoris genius generatim
describitur. 115
- Cap. II. Tentator diabolus Cupedi-
narium & Aurificem agit, deliciis
& divitiis fallit. 129
- Cap. III. Tentator diabolus pileonem
agit; ambitione decipit. 124
- Cap. IV. Tentatoris genius, præcipuæ
artes, & diversæ tentandi falla-
ciæ. 161
- Cap. V. Tentatoris vires augment huma-
na infirmitas, & naturales cujus-
que propensiones. 174
- Cap. VI. Tentator nil potest sine li-
centia; & quomodo Deus nos tentet. 187
- Cap. VII. Tentatorem Deus cur sæ-
pius permittat esse victorem. 200

INDICULUS CAPITUM

I N

PARTEM TERTIAM

P A L Æ S T R Æ

C H R I S T I A N Æ.

Caput I. *Primus in intentione resistendi modus*, Vigilare. 212

Cap. II. *Alter resistendi modus*, Principiis obstare. 222

Cap. III. *Tertius resistendi modus*, Orare. 223

Cap. IV. *Quartus resistendi modus*, Repugnare. 243

Cap. V. *Quintus resistendi modus*, Fiduciam omnem in Deo collocare. 257

Cap. VI. *Sextus resistendi modus*, Tentationum origines explorare. 258

Cap. VII. *Septimus resistendi modus*, Tentationum illecebras vitare. 280

Cap. VIII. *Octavus & Nonus resistendi modus*, Corpus castigare, carnem jejuniis edomare. 292

A 5

Cap.

Cap. I X. Quomodo diversis suis tenta-
tionibus vel restiterint , vel cesse-
rint, exemplis docetur. 306

Epilogus Dictorum de Tentationibus

326



Pars Prima

De

TENTATIONUM NATURA.

CAPUT I.

Tota hominis vita tentatio & militia.



Ussæus princeps Job de omni humana vita pronuntians: Militia est, inquit, vita hominis super terram. *a* 1. Dum homo hanc vitam vivit, militem agit; non domi, nec in pace, sed foris & militiæ versatur; tenenda ei statio quam Imperator assignaverit, quantumvis illa labori ac discrimini sit obnoxia; vigilandum, excubiæ agenda; amplectenda vitæ conditio quam dederit Deus. 2. Summa hîc parendi necessitas est. Obediendum non Imperatori tantum, sed duci, tribuno, Centurioni, aliis. Divinum imperium quantumvis durum, nunquam detrectandum; divinæ voluntati obsequendum, etsi ea cædat & verberet acerbissimè.

*Nodosam post hæc si frangat vertice vitem,
b non obloquendum duci, non centurionibus.*

a Job c. 7. v. 1.

b Juvenal. sat. 8. v. 247.

nibus, non resistendum divinæ iræ,
non ejus ministris.

3. Universa militiæ ratio miseriarum
plena; humana vita difficultatibus, pericu-
lis, ærumnis, tentationibus refertissima:
ubivis terrarum atque gentium triste ali-
quid aut sævum occurrit, quod vel corpus
vel animum percellat. Creaturæ factæ
sunt in tentationem animabus hominum,
& in muscipulam pedibus insipientium. *a*

Militia explorat militum robur, vires,
animum, tolerantiam, fortitudinem,
constantiam, quid quisque vel pati possit,
vel aggredi ausit: Humana vita experi-
mentum sumit de quovis homine; quàm
ille tolerans, quàm fortis & constans sit,
quid agere, quid sustinere DEI causa
valeat. Militia est hominis vita, tentatio
mera, & pæne continua.

Eliphaz Themanites unus aliquis ex
amicis Jobi dixerat: Homo nascitur ad la-
borem. *c* Huic Jobus: Dixisti, ait, mi Eli-
phaz hominem nasci ad laborem. Hoc
ipsum ego lubens confiteor, & unà tecum
affirmo, hominum vitam instituto milita-
ri quàm simillimam, in qua laboris pluri-
mum, & in quâ dura omnia sint toleran-
da. Militia est vita hominis super terram,
in quâ laboriosa & permolesta plurima.

Et quanti, obsecro laboris est vel solum
militaris incessus sub tantis oneribus?
Quod affirmans Tullius: Deinde qui la-
bor, inquit, quantus agminis, ferre plus
dimidiati

a Sap. c. 14. v. 11.

b Sap. c. 15. vs. 7.

dimidiati mensis cibaria, ferre si quid ad
usum *a* velint, ferre vallum. Nam scu-
tum, gladium, galeam, *b* in onere nostri
milites non plus numerant, quàm hume-
ros, lacertos, manus; arma enim mem-
bra milites esse ducunt. *c* Labores alios
vetus Poëta enumerat.

Sæpe feres imbrem caelesti nube solutum,

Frigidus in nuda sæpe jacebis humo.

Nox & hiems, longa que via. sævique labores

Et terror castris, & dolor omnis inest. d

Militia est vita hominis. Septuaginta inter-
pretes: Tentatio, ajunt, est vita homi-
nis labore, luctu, pavore, lacrymis, dolo-
re plenissima: ubique plurima mortis ima-
go. Hoc Jobus abunde satis expertus: Ter-
rores Domini, ait, militant contra me. *e*
Cunctis diebus quibus nunc milito, ex-
specto donec veniat immutatio mea. *f*
Job usquequaque tentatissimus, sed in
omni tamen tentatione fuit firmissimus.
Est enim tentatio, si etymologiam spe-
ctemus, Examen ad probandam rei fir-
mitatem adhibitum. Hinc familiares illæ
voces: Tentemus hominem, & pun-
gamus aliquantulum, & appareat quid in
eo vitii aut virtutis lateat. Et hostis, &
amicus tentat, sed animo diverso. Adver-
sarius armati hominis pectus tentat, num
rinulam

a Serra, corbis, rutrum, securis, lorum, falx,
catena, olla, veru, & si qua alia ad victum.

*b Hastam, loricam. c Cicero l. 2. Tuscu-
laest. medio ferè, mihi pag. 183.*

d Ovid. l. 2. de arte. e Job. 6. v. 4.

f Idem c. 14. v. 14.

rimulam inveniatur, quâ gladius aut contus penetret ac vulneret; amicus eundem ferreum thoracem explorat, sed an omne telum illa fus excipiat, an tutum à vulnere præmuniatur. Ita Deus tentat, & diabolus, sed modo ac fine diversissimo.

De Tentationibus differere animus est. Thema dicendi ac scribendi multò utilissimum, imò & necessarium. Et quem ea res non tangit? Quis tentationum omnium expertus? Quidam principio, sine alii vehementius tentantur. Sunt qui per omnem vitam tentationum ventis gravissimè concutiuntur, prout æterna Sapientia & æquitas ad auri libellam hæc omnia habet exactissimè appensa. Sed ante omnia noscendus est nobis ex Orco tentator vaserrimus, mille stropharum artifex. Magnæ virtutis, maximæ mercedis est tentationes hujus impostoris nôsse eludere.

Dicendi ordinem porrò hunc servabimus. Primò Tentationum naturam aperiemus. Deinde Tentatoris genium sub oculos ponemus. Tertio resistendi modum suggeremus. Militia & Tentatio est vita hominis. Hoc ipsum jam explicabimus.

§ I.

Triplex potissimum hostis cervicibus nostris imminet assiduè, *Mundus, Caro, Diabolus*. In triplicem hunc hostem Bernardus velut digitum intendens: Semper enim, inquit, spiritus Carnis mollia, spiritus mundi vana, spiritus malitiæ semper

per amara loquitur. Quoties ergo importunè (ut assolet) carnalis cogitatio mentem pulsat: verbi gratiâ, cum de potu, de cibo, de somno, cæterisque similibus ad carnis curam pertinentibus cogitantes, humano quodam inardescimus desiderio: certum sit nobis spiritum carnis esse qui loquitur: & tanquam adversarium repellamus eum, dicentes: Vade retro Satana, quoniam non sapis ea quæ Dei sunt: sed magis sapientia tua inimica est Deo. Cum autem non de illecebris carnis, sed de ambitione sæculi, de jactantiâ & arrogantia, cæterisque similibus cogitatio una versatur in cordibus nostris, spiritus mundi est qui loquitur, longè perniciosior hostis & majori sollicitudine repellendus. Interdum verò satellitibus istis terga vertentibus, princeps ipse habens iram magnam tanquam leo rugiens insurgit adversus nos, cum videlicet non ad voluptatem carnis aut sæculi vanitatem, sed ad iram, ad impatientiam, ad invidiam, ad amaritudinem animi provocamur: importune ingerendo si quid minus amicabiliter minusve discrete factum videtur aut dictum: si qua denique aut in signo aut in opere quolibet data videtur indignationis occasio, materia suspicionis. Huic ergo cogitationi non aliter quàm ipsi diabolo resistendum est: nec aliter ab eâ quàm ab ipsa perditione cavendum. *a*

Cùm igitur à Mundo, Carne, Diabolo
tam

*a Bernard. serm. de 7. spiritibus tom. I.
mihi pag. 516.*

tam variè & pæne assidue impugnemur, Jobus rectissime dixit: Tentatio est vita hominis. Aut quod Græcis vocibus efferatur; Tentatorium est vita hominis. Solent Chimici, qui flores & herbas igni eliquant, officinam suam, *Laboratorium* appellare. Hic carbones, hic diversi generis vitra, hic prunæ, hic clibanus, hic aquæ in clibano exsudatæ, hic demum est quidquid ad illam florum & herbarum expressionem spectat; pari modo quicquid ad tentandum pertinet in hac vita obvium est. Tentationibus plena omnia; nusquam non bellum; prælia & opiniones præliorum in regnis pæne omnibus. Non Asia tantum & Africa, sed & Europa tot jam annorum spatio bellis intestinis miserrime laborat. Militia est vita hominis. Verum de quanam hic Jobus militia loquitur? An de Asianâ, num Europæa, an Africana? De harum nulla, sed de illo Interiore bello quod adversus Cacodæmones gerendum, differit. Cur igitur hoc non expressit & scripsit, Militia est vita hominis contra dæmones. Non opus hoc discriminare; res ipsa loquitur. Illa alia bella huic collata umbræ sunt; Interioribus præliis de vita decernitur, eaque immortalis.

Conflictus exercituum picti & veri summe differunt. Pingit nonnunquam excellentior aliquis Apelles iconios duces, congressus armatorum, cruentas pugnas eapenicilli animatione, ut spectator se prælio putet interesse, hic ignes, & volantes globi, hic hominum & equorum cur-

fus, luctæ, lapsus, vulnera, mortes; hi cadunt, illi jacent, isti ab equis calcantur, hi expirant; omnia penicilli artificio sic animata, ut spectatorem pæne terreant; sed animus errorem suum corrigens ponit pavorem & ipse sibi ait; Hæc picta sunt vulnera, picta Mors; tormenta bellica, micantes gladii, plumbeæ glandes, arma universa sunt picta, pictum prælium; nil formidemus. Talia prorsus sunt bella omnia, bella picta si conferantur cum eo quod adversus Cacodæmonem movemus, idque ex istis causis. Inter hostiles duas acies magna plerumque æqualitas est; miles militi opponitur, vir contra virum pugnat & plerumque pari armatura; alter alterum cernit, uterque rem ferro gerit, collato pede congrediuntur, utrimque res capitis est. At interioris belli longè diversissima ratio; Nos omnium oculis expositissimi nullum hostium nostrorum cernimus; cum dimicatione capitis pugnamus: at hostes nostri non habent, quod perdant, nisi hoc unum, non vincere. 2. Nimis impares sunt qui manus conferunt. Quod Paulus affirmans: Non est nobis, inquit, colluctatio adversus carnem & sanguinem, sed adversus principes & potestates, adversus mundi rectores tenebrarum harum. ^a Cum eis luctandum est, qui natura angeli, nequitia diaboli, jam plurimo usu milites sunt experientissimi. Saul olim Davidi contra Goliathum pugnaturo dixerat: Non vales resistere Philistæo isti,

B

nec

nec pugnare adversus eum, quia puer es, hic autem vir bellator est ab adolescentia sua. *a* Idem hic dicendum: Nos pumiliones sumus & pueri bellis inexperti & infueti, at illi milites sunt exercitatissimi, gigantes, Samsones, qui Antonios, Hilariones, Macarios invadere, qui Paulum Apostolum, qui Christum ipsum Dei filium audent aggredi. Iam enim sex millibus pane annorum hanc militiam exercent, omnia nōrunt stratagemata, consilia imperatoria percallent, tot victorias adepti fortissimum quemque subegerunt. 3. Numerus hostium nostrorum tantus, ut Theologorum aliqui dicant, unicum hominem à centum diabolis oppugnari. O bone JESU, diabolorum unicus ad oppugnandos centum homines sat virium & animorum habet, quid igitur decuria Cæcodæmonum, quid non poterit centuria, si hominem undequaque imbecillimum, eumque unicum impugnet? 4. Hostium nostrorum machinæ, tela, catapultæ, arma omnia perinde ut ipsi hostes eludunt oculos, spicula in nos evolantia obtutum omnem fallunt: in conflictu spectabili cum alienum in nos gladium stringi cernimus, nostrum & ipsi stringimus; at in illo cum diabolis congressu sæpe prius vincimur, quàm pugnare nos sciamus. Non repugnat qui oppugnari se ignorat: pulvis nitratus Satanae nil habet fragoris; *b* Silentio perimit. Omne quidem peccatum

a 1 Reg. c. 17. v. 23.

b Der Teuffel hat ein getödtres Pulver.

est voluntarium, sæpe tamen incogitantes & inconsiderati peccamus. Est qui fortè fortuna non custoditum cernat annulum, nec illud religiose cogitet: Non furtum facies. Mox igitur illum sibi subducit & sacculo condit. Hoc quidem est voluntarium, sed inconsideratum: re meliùs examinata dolet & restitutum vellet annulum; ita compluries incautis excidunt mendacia. Ita sæpe victoriam perdimus, priusquam pugnam subeamus. 5. Vulnera hæc læpissimè sunt letalia; atque quod longè pessimum, non rarè sauciamur & non dolemus; mortiferam plagam accipimus, & ridemus. Talis revera ille saucius: Peccavi, ait, & quid mihi accidit triste? ^a En iste joco moritur, cælum perdit, nec jacturam sentit. Si læsum se sciret, ad chirurgum properaret; si damnum sentiret, de eo sarciendo cogitaret. 6. In exterioribus bellis locus subinde tam commodus & opportunus est, ut ab hoste securitatem promittat; sunt Urbes, Castra, Arces munitissimæ, quæ hostiles insidias omnes faciliè propulsent. Non ubique locorum in acie stamus, extra teli jactum sæpissimè agimus. At verò nullus uspiam à diaboli tentatione securus est locus: Non in templo, non ad sacram aram, non ad ipsam Christi mensam, multò minùs in foro, via, domo. A Satanæ insidiis tam parum tutus est Monachus in Odeo, Sacerdos in Altari, Anachoreta in Antro, quàm tuta non fuit Eva in paradiso. Hi

B. 2

hostes

^a Eccli. i. 5: 4.

hostes subito à sexcentis milliaribus, trans mare, ex orbe novo advolant. Tam quietus, tam desertus, tam secretus, tam munitus, tam sacer locus nullus est, qui suis latebris securum quemquam præstet à diaboli tentamentis. Quod Gregorius asserens: Quia, inquit, in hac vita adhuc homo positus in cujuslibet ordinis loco, in cujuslibet secreti secessu vivere sine tentatione nullatenus potest; plerumque in eo, quod ad requiem construitur, major dolor tentationis invenitur. *a* 7. Uti neminem Locus, ita nec Tempus ullum ab insultu diabolorum defendit. Dixerat quidam Ecclesiastes: Tempus belli, & tempus pacis. *b* Neque enim semper pugnae fervent & prælia. Sunt quandoque induciæ, sunt alia armorum feriæ: hiems è castris æstivis in hiberna trahit, ubi plus otii & quietis permittitur. At verò stygius tentator nec ferias, nec ullas servat inducias; mediis precibus obturbat, diebus sacratissimis infestat, & quidem magis quàm aliis, *c* (uti Rex Antiochus Judæos Sabbato) nullo unquam tempore ab Acheronticæ hujus bellæ incursu tuti agimus, diu noctuque excubandum, & pugnandum. Militia est vita hominis. Non dixit Jobus: In vita hominis militandum, sed

a Greg. l. 23. moral. c. 15. mihi pag. 838.

b Eccl. c. 3. v. 8.

c Vide S. Leonem serm. 3. de Fejunio decimi mensis, mihi pag. 22. & Franc. Mendoz. tom. 2. in libros Regum. Ann. 28. sect. 1. mihi pag. 507. de hoc uberius differentes.

sed ipsa tota est militia & tentatio. Arma nunquam nec momento quidem ponenda sunt. Assidui sunt illi clamores Dalila: Philistim super te Samson. *a* Cacodamones super te, ô homo. Neque velitationes tantum, aut decursiones ludicrae, sed pugnae sunt decretoriae, internecini congressus; de vita agitur & quidem aeterna.

a Jud. c. 16. v. 9. & seqq.

§. II.

Idcirco Petrus contentissimè vociferatur & monet: Sobrii estote, & vigilate, quia adversarius vester diabolus tanquam Leo rugiens circuit quærens quem devoret, cui resistite fortes in fide. *a* Sobrietas Vigilantia, Castitatis, Sapientia, Sanctitatis mater est, gula & crapula Somnolentia, Libidinis, Oscitantia, Insipientia, aliorumque vitiorum secunda parens. Timotheo Paulus: Tu verò, inquit, vigila. *b* Sardensi Episcopo Christus: Esto vigilans & confirma cetera: *c* Eam ob causam Cyrilus: Opus est, inquit, sobria mente, & vigilantibus oculis, ut Zizania viteinus pro tritico, pro ovelupum, pro Angelo bono diabolum. Hic semper vigilat in omnem nocendi occasionem intentissimus. Ergo vigilantes cum vigili luctemur. Hic Argi sumus; mille oculis in hunc unum hostem est vigilandum. Ad vigilias quoque excitans Hieronymus: Erras frater, inquit, erras, si putas

B 3

si putas

a 1 Petri c. 5. v. 8. & 9.

b 2 Timoth. c. 4. v. 5.

c Apoc. c. 3. v. 2.

si putas nunquam Christianum persecutionem pati. Tunc maximè oppugnaris, cum te oppugnari nescis. Adversarius noster insidiatur in occulto, sicut leo in spelunca sua; insidiatur ut rapiat pauperem: & tu frondosæ arboris tectus umbraculo, molles somnos, futurus præda, carpis? Inde me persequitur luxuria, inde avaritia conatur irumpere, inde venter meus vult mihi Deus esse pro Christo: compellit libido, ut habitantem in me Spiritum Sanctum fugem, ut templum ejus violem: persequitur, inquam, me hostis, cui nomina mille, mille nocendi artes: & ego infelix victorem me putabo, dum capior? *a* Uti verò sollicitus est Deus, ut nos foveat & servet; ita sollicitus est diabolus, ut nos perdat & mactet.

Nec comedere tantum sed devorare prædam cupit. Qui assum vituli armum comedunt, ossa relinquunt; diabolus devorat: nam homini, quem tentando vicit, DEUM, Dei gratiam, cælum, cælique gaudia rapit, glutit & consumit omnia. Miliria est vita hominis, tentatio jugis. Vigilandum & certandum. Nemo immunis à tentationibus. Cum Petro Chrysologo proclamare licet: Communis cursus est præsentis vitæ, tentationibus apprehendi. Arenam pugnae ancipitis ingressus es, in qua non apprehendas bravium nisi curras, non coronaberis nisi pugnes.

Loca omnia diabolus tentator reddit in-

a Hieron. tom. 1. epist. 1. ad Heliodorum ante medium.

infecta, aërem, terram, aquas; jamque venatorem, jam aucupem, jam piscatorem agit. Aviculas fallit viscatis virgis, virgatis decipulis, laxioribus nodis, dispositis cassibus. *a* Pisces capit hamo, reti, nassa, tridente. Eam scilicet infigit hamo escam, quam scit appetituros pisculos, insidiæ locis omnibus instructæ. Quod si aviculam vel plumula vel unguiculo detineat unico, jam capta est. Ita hominum quosdam illecebris oculorum, alios illecebris aurium, hos gulæ, illos luxuriæ delinimentis, hos lingua, illos vestium pompa, hos nimia corporis cura irretit. Omnia tentationum laqueis plenissima: quod Antonium Magnum ferunt vidisse. Laqueorum medii stamus, sedemus, ambulamus, dormimus; imò laqueos comedimus & bibimus. Copiosissima utique tentationum materia; defectu aut excessu nusquam non laboratur. *b* Militia & tentatio est vita humana. Hebræus psaltes: Ecce, inquit, mensurabiles posuisti dies meos: *c* Sunt qui cum Ambrosio legunt: Ecce palæstras posuisti dies meos. En, mi Domine, ait, omnes dies vitæ sunt palæstrici, luctationibus sacri. O mortales, nemo hic somniet dies quietis, feriarum, soporis, deliciarum, ludorum, otii, gaudiorum, bacchanalium. Breves & pauci dies sunt, sed laboris, vigiliarum, negotiorum, exercita-

B 4

tionis,

a Leimruth/Schlagen/Kloben.

b Zwenig vnd zvil/ verderbt alle Spil.

c Psal. 38. vers. 6.

tionis, dolorum, afflictionis, dies luctus & luctæ, dies operosi valde. Ecce palæstras posuit Deus dies hominis. Rectè additur: Univerſa vanitas omnis homo vivens; Et ſubſtantia mea tanquam nihilum ante te. Subitò totus homo veluti follis aut pila vento inflata, ſi compungatur acicula, diffluit & ſolvitur: ſic vita hominis, re minutiffima diſſipatur, & in vagum pulverem ſuumque nihilum fatiſcit.

§. III.

Hominis vita eſt militia, quam Epictetus etiam exponens: An nescis, inquit, longo vitæ tempore neceſſe eſſe multa, ea-que varia accidere: hunc ſuccumbere feбри, illum latroni, alium tyranno. Talis enim mundi natura eſt, tales amici tui. Frigora & æſtus, & victûs ratio minùs apta, & itinera & navigationes, & varij caſus, alium perdunt, alium extorrem agunt: alium legationem obire, alium militare cogunt. Sedeto *a* ergo ad hæc omnia attonitus, lugens, impos voti, calamitoſus, aliunde pendens, neque ex uno atque altero, ſed ex infinitis. Iſtanc audiſti è Philoſophis? Iſta didiciſti? An nescis negotium hoc eſſe militiam? huic excubias agendas, illi ſpeculatum abeundum, alii etiam pugnandum in hoſtem? Fieri nequit, ut eodem in loco ſint omnes: neque etiam expedit: Tu verò omiſſis Imperatoris mandatis quæris, tibi aliquid durius mandatum eſſe, neque id exſequeris nec
animad.

a Ironia.

animadvertis qualem facias (quantum quidem in te est) exercitum? Nam si te quidem omnes imitentur, non fossam quisquam fodiet, non vallum muniat, non excubabit, non pugnabit: sed nullum usum expeditioni præbere videbitur. Rursus nave cum veheris, unum locum tene, in eoque permaneto. Si verò malus conscendendus erit, recusa. *a* Si in pro-ram currendum, nolito. Quis autem gubernator te feret, ac non potius tanquam inutile vas ejiciet, qui nihil aliud sis nisi impedimentum & malum exemplum ceteris nautis? Ita & hic res sese habet: militia quædam est cujusque vita, eaque longa, & varia. Tuendum tibi est militis munus: & quicquid Imperator jusserit, ad nutum ejus exsequendum; & si fieri queat, divinandum etiam quid velit. Obtemperandum & vigilandum. Vigilate itaque, & cetera confirmate. His geminam præceptiunculam subnecto.

I. Si nostra omnis vita est militia, tentatio, Palæstra merissima, uti est verissimè, constitutum nobis sit omnia perpeti, quæ munerarius noster Imperator ac Editor Christus nos pati voluerit. Quisquis olim ad arenam, ludum, palæstram auctorabatur, jurabat se omnia passurum ausurumque quæ legitimum gladiatorem facere jus, mos esset hoc modo: Sacramentum juramus uri, vinciri, verberari, ferroque necari. *b* Ergo in unctionem, verbera, ne-

B 5 cem

a Ironia iterum.

b Vide Lipsii Saturnalia l. 2. c. 4.

cem juratum. In has ipsas leges & nos Christo Ludi Domino juremus. Nec mirum, nec novum nec insolitum, nec nimis durum videatur, quicquid denique obverit perferendum. Milites, Palæstritæ, gladiatores sumus ad hunc ludum, & ad hanc palæstram auctorati. Contusiones, plagas, vulnera si non ridente ore, tranquillo saltem ac patiente animo perferamus. Medii tentationum agimus. Nihil inopinatum si, nobis, quod in arena gymnastica fieri consuevit Gladiatorum non est ad ullum ictum trepidare.

II. Imparati nunquam simus ad luctandum. Ubique hostes & antagonistæ, ubique tentationes & pericula, ubique luctationes & certamina, idèd nunquam ponenda sunt arma, nunquam condendus gladius. Cavendum ne vel læsi quidem unquam de *statu* & *gradu* dejiciamur. Quod Paulus præcipiens: State ergo, inquit, succincti lumbos vestros in veritate, & induti lorica[m] justitiæ, & calceati pedes in præparationem Evangelii pacis. In omnibus sumentes scutum fidei, in quo possitis omnia tela nequissimi ignea extinguere: & galeam salutis assumite, & gladium spiritus (quod est verbum Dei) per omnem orationem & obsecrationem orantes omni tempore in spiritu, & in ipso vigilantes in omni instantia & obsecratione pro omnibus Sanctis. *a* Athletæ Christiani est, nunquam inermen aut imparatum inveniri.

CAPUT

a Ephes. c. 6. v. 14: & seqq.

C A P U T . II.

*Tentationes frequenter eò graviores, quò
tentati homines sunt sanctiores.*

Metallum formosissimum est aurum, formosum in crumena, formosum in dextra, formosum in abaco & mensà; suam & in coeno retinet formam, interque sordes amœnum splendet. In aquâ nil sui perdit, in igne plus nitoris & auræ acquirit. Metallum sane nobilissimum, quod ubiubi sit, nobilitatis suæ semper est retinentissimum. At verò scœnum & lutum nec aquam nec ignem ferunt; in aquâ lutum solvitur, durefcit igne; in aquâ putrescit scœnum, in igne comburitur. Aurum ubique & semper pulchrum. Talis est homo bona mentis, inter tentationes velut aurum, inter ignes durat illustri patientia & fortitudine. Hinc plerumque quò sanctior est homo, eò gravior est tentatio. Quod jam uberius explicabimus.

§. I.

Prudens ac vetus scitum est: Ubi sanctiores homines, ibi vehementiores tentationes. Quàm arbor sit robusta, turbinis monstrat procella; quos animos gerat miles, declarat pugna, quàm peritus sit nauta, in tempestate cernitur; Ignis probat aurum, tentatio Christianum. Tempestas, ait Basilus, probat nauclerum, athleram stadium, ducem confictus &

præ-

a *Aura auri, Glantz vom Goldr.*

prælium, calamitas hominem magnanimum, tentatio probum aut improbum.

Scilicet adversis probitas exercita rebus

Tristi materiam tempore laudis habet.

Si nihil infesti durus vidisset Ulysses,

Penelope felix, sed sine laude foret.

Sed miretur quis chariores amicos, sanctiores viros à Deo plerumque acerbius tractari, exagitari gravius, alios longe humanius haberi. Quid causa? Crysellinum longe cautiore manu quam poculum aureum tractatur, quia illud admodum fragile allisu aut lapsu unico in testas jugulatum abire: ita Deus parcit infirmioribus; naturam vitri æmulantur, tentatione facillimè vincuntur. Solidæ virtutis homines & in palæstra sapius exercitati velut vas aurea cadunt illæsa, alliduntur sine noxa: his sanè non parcitur. Siracides tironem in Dei obsequiis perhumaniter erudiens: Fili, ait, accedens ad servitutem Dei sta in justitiâ, & in timore, & præpara animam tuam ad tentationem. ^a Filium appellat, qui Deo servit: homines è filiis servos faciunt; contra Christus è servis filios constituit. STARE vox bello usitatissima. In exercitu Romano stationes distinctæ à vigiliis, quod illæ diurnæ & ante portas. Stabatur ab equitibus & peditibus, aliis super aliis & longe abjunctis, & ob defatigationem circa meridiem mutatis. Et omnino capitale fuerat locum

^a *Basil. hom. 8. in divites avaros.*

^b *Ovid l. 5. trist. Eleg. 5. mihi pag. 112.*

^c *Eccli c. 2. v. 1.*

locum deseruisse aut penitus fugisse ex *Statione*. Tu ergo quisquis Deo serviturus venis, jam ad portas, jam ad signa in acie sta, quocunque loco dux tuus te collocarit, ibi sta, & quamvis hostis irruat, tu tamen sta, & licet spiculis in te pluat, tu tamen sta: ita enim Sacramento dixisti, apud tuum ducem te constantissime staturum. Locum deseris, aut statione excedis? aut tu, aut certe nomen tuum in patibulum ibit ad infames illas ædes figendum. Sta igitur, sed in justitiâ & timore. Bene age, & tamen time. Diabolo totis viribus resiste: in eos enim insurgit sævior, quos sentit à Deo ardentius amari, in hos magno fertur impetu. nam ex hac victoriâ nobiliorem sperat triumphum; superbissimus coluber gloriosius censet filios Deo rapere, quàm mancipia; Avernalis hic gulo dapes appetit selectas. Inter filios Jacob non multum discordiæ vigeat, nec alter alterum excruciabat, omnium tamen invidia in unum collineabat Josephum, hunc capitalibus odiis insectati: Venite, ajunt occidamus. *a* Nimirum invidos eorum oculos ussit tunica polymita quàm ei pater fecerat. Diaboli qua Angeli, fratres nostri sunt majores natu: quia verò nos Deo chariores cernunt, incredibili & prorsus internecina in nos furunt invidia. Exegerat Christus, quod Marcus narrat, ab adolescente dæmonem, qui exclamans, & multum disscerpens eum exiit ab eo, & factus est
sicut

sicut mortuus, ita ut multi dicerent ; quia mortuus est. *a* Cur illum non antea tam crudeliter habuit? quia illum ut suum possedit. Ita revera diabolus sede, quàm occupavit, pulsus atrocissime sævit, & omnem movet lapidem, ut in hospitium assuetum paret reditum. Ita Ægyptius tyrannus Pharaonis Israël's populum nunquàm inclementius accepit, quàm cum ille abitum moliretur. Ita prædones non multum exultant ad prædam, si præter olus & rapas nihil inveniant ; argentum quarunt & aurum. Ita piratæ naves vacuas non oppugnant sed onustas : ita omnino & diabolus, ubi plus collecti est thesauri, plus gratiæ divinæ, ibi vigilantior prædam inhiat, & conatu animosiore pugnat.

Est qui seipsum miratus dicat : Cum ego cuticulam meliusculè curarem ; cœnaremque lautius, raris precibus, jejuniis longe rarioribus initis, cum liberius delinquerem, tot sane tentationibus non urgebar, quibus jam obruor : preces jam frequentiores in eo, in ediam crebriorem tolero, plus stipis erogo, & nisi valde fallor, modestius & cautius me gero, tentationibus tamen plurimis exagitor, alia ex alia nascitur ; videtur omnes catenas diabolus rupisse. Ne mireris hoc, ô bone, sed accedens ad servitutem Dei sta in timore & justitiâ, & præpara animam tuam ad tentationem. Acheronticus Pharaon eos maximè insectatur, qui fugam ador-

adornant Deum secuturi. Furem matu-
rum lictor etiam claudicans non difficul-
ter assequitur. At ubi vinctus insignis car-
ceres effregit & erupit, omnis apparito-
rum & lictorum tribus eum persequitur.
Hoc solenne cacodæmoni cum observat
aliquem suorum jam imminere calo, o-
mnes intendit vires, vim omnem exserit,
ut hominem à cœptis avertat. Hoc enim
perduellis angelus laborat, ut neminem eò
sinat adicendere, unde ipse detrusus est.

§. II.

Cùm Paulus Ecclesiam Christi vexaret,
auctoritatis maximæ fuit & protestatis, ab
omnibus cultus, Pontificum litteris com-
mendatus: at ubi verterunt vices, & Pau-
lus oppugnatam Ecclesiam defendere,
Christum Dei filium extollere, religio-
nes novas suadere, orbis universus ei re-
clamavit, omnes illum persecuti, præci-
puè Judæi, innumera tentationes oborta.
Verissimum: Omnes qui piè volunt vive-
re in Christo, persecutionem patientur:
mali autem homines proficient in pejus. *a*
Rex David ad omne Dei obsequium ani-
matissimus: Juravi, ait, & statui custodi-
re judicia justitiæ tuæ. *b* Vix hæc dixerat,
& continuo subjunxit: Humiliatus sum
usquequaque Domine. Si ita sese res ha-
bet, quis adeò ardenter cupiat sanctimo-
niam & innocentiam complecti? Ergo
supra mediocritatem probitatis, ajunt,
non

a 2 Tim. c. 3. vers. 12. & 13.

b Psal. 118. v. 106.

non ascendamus; non simus nimium pii: in turba consistere sit forte minus gloriosum, at erit etiam minus periculosum. Nos Ephesi natos credamus, ubi neminem oportuit excellere. Singularis morum sanctitas tentationibus nimis est obnoxia.

Impiæ prorsus & damnatissimæ voces sub orcum mittendæ. Vos potius quicunque cælum ambitis, jurate & statuite custodire judicia justitiæ divinæ. Sequitur tentatio? Humiliaris usquequaque? In lucro id ponendum. Cum psalte regio pro se quisque clamet: Vivifica me secundum verbum tuum. *a*

De diabolo Hebræus vates Habacuc velut de tyranno submonens: Et ipse, ait, de regibus triumphabit, & tyranni ridiculi ejus erunt: ipse super munitionem ridebit. Et facies homines quasi pisces maris, & quasi reptile non habens principem. Totum in hamo sublevavit, traxit illud in sagena sua, & congregavit in rete suum. Super hoc lætabitur & exsultabit: propterea immolabit sagenæ suæ, & sacrificabit reti suo, quia in ipsis increpata est pars ejus, & cibus ejus electus. *b* Delicatissima diaboli gula est; cupedias esurit; perquam eruditum habet palatum Sathanas, saliares sectatur coenas, viros sanctos adoritur, tentat, allicit, suadet, fatigat, dum denique in nassam suam pertrahat; nec quinquaginta quidem annis vel uni-

cum

a Psal. 118. v. 107.

b Habacuc c. 1. v. 10. & seqq.

cum hominem tentare negligit, modò tandem vincat. Nec rarò illi pertinacissimus hic labor ad votum successit. Ideò Dominus **J E S U S** in suprema cœna pridie mortis apertissima commonitione: Ecce, inquit, satanas expetivit vos, ut cribraret sicut triticum. ^a Expetivit vos (ait optimus Pastor) & magnis rogatibus institit ut ventilando vos concuteret, turbaret, à me avelleret pusillanimitate, impatientia, infidelitate. Et ut sciatis, vos expetivit, vos Apostolos, qui cœpistis sancte vivere, qui propter me omnia deseruistis, qui mea carne ac sanguine jam pasti estis, vos jam designatos orbis Episcopos & concionatores expetivit. Et certe non omnino vacuum traxit sagemam hic piscator; inanem operam non sumpsit, nec cribro aquam hausit. Hinc enim proditio Judæ, negatio Petri, incredulitas Thomæ, ceterorum fuga: Judam devoravit, ceteros cribro succernere & evannare voluit. Atque hoc in Apostolos est ausus. Cibusejus electus. Quod & Jobus, Tobias, David, Daniel, tot alii sunt experti. Diaboligula cupediarum talium amantissima.

Anachoretam memorant à cœlesti ductum ad diversa sane spectacula. Primum quod videndum ei objectum. Congregatio fuit Monachorum, ad quam innumeri cacodæmones velut agmina muscarum ad rusticanam cauponam convolarunt. Expavit ad hoc spectaculi homo solitarius. Mox inde in urbem pertractus unicum

vidit

vidit diabolum eumque otiosum veluti fatigatum canem portæ civitatis incubantem: admiratus istud Anachoreta: Et quid hoc rei est, inquit, viri illi religiosi à tot diabolis obsidentur, hanc urbem totam unicus non infestat, sed per otium tanquam sibi metuens prospectat? Cui Angelus: Hi civici homines, inquit, devoti Satanæ ad ejus leges & imperium suos mores conformant. Hinc tentatoribus aut impulsoribus non egent; spontè currunt. Ad eos in officio continendos satis est vel unicus ex inferis custos, uti puerulus magnum gregem ovium ante se agit. At verò illi alii jurati sunt hostes diaboli, cui pro viribus resistunt. Hinc eos Lucifer factò agmine incurSAT, hos verò Numini devotos in suam nassam pertrahere nititur. Ut scias, cibus ejus est electus.

a Joan. Major in speculo, &c. mihi p. 250.

§. III.

Cum Angeli Husleæ regionis principes velut in curiam convenissent, & unà etiam orbis circuitor Dæmon adfuisset. Senatus præses Jobum impensius laudans: Nunquid considerasti, ait, servum meum Job, quod non sit ei similis in terra, homo simplex & rectus, ac timens Deum, & recedens à malo. a Mox Satan veluti sagax venaticus canis conspecta se a concitatissimo cursu ruens hunc ipsum sibi expetiit tentandum. Et cibus ejus electus

a Job. c. i. v. 8.

flus. Oves, & vaccas, ignava pecora non venatur, sed cervos & feras generosiores : illos qui ut jumenta vivunt, Ventris aut Veneris mancipia, tentationibus non sollicitat, sed quos pudicis & sanctis moribus ornatos sibi minus habet obsequentes. Quod dilucidè affirmans Gregorius: Hostis callidus, inquit, quos justitiæ luce enitescere conspicit, eorum mentes illicitis desideriis inflammare contendit, ut plerumque plus se urgeri tentationibus sentiant quam tunc, cum lucis internæ radios non videbant. *a* Et multos Deus illicit atque perversa perpetrantes gratuito prævenit, atque ad opera sancta convertit, & nonnullos rectis artibus deditos, flagello interveniente, corripit ac si placentes quasi displiceant, affligit, Salomone attestante, qui ait: Sunt justi quibus multa eveniunt, quasi opera egerint impiorum; & sunt impii qui ita securi sunt, ac si justorum facta habeant. Quo nimirum omnipotens Deus inæstimabili pietate dispensat, ut & justos flagella crucient, ne opera extollant, & injusti saltem sine poena hanc vitam peragant, quia ad tormenta, quæ sine fine sunt, male agendo festinant. *b* Hostis noster adhuc in hac vitam nos positos quantò magis nos sibi rebel- lare conspicit, tantò amplius expugnare contendit. Eos enim pulsare negligit, quos quieto jure possidere se sentit. Contra nos verò eò vehementius incitatur,

C-2

quò

a Greg. l. 29. moral. c. 12. mihi p. 966.

b Greg. l. 24. moral. c. 10. mihi p. 857.

26. PALÆSTRA CHRIST.

quò ex corde nostro, quasi ex jure propria habitationis expellitur. *a*

Anno Christiano 1566. Laoduni feminam à malo damone infessam homines parum sancti liberare conabantur ab hospite Avernali. At ille cunctis audientibus clamabat: Nihil mihi à vobis metuo; amici sumus & federati. Res est toti Picardiae notior, quàm ut negari possit. *b*

Annales Regum memorant Hebræum populum in Masphat convenisse ad agendam poenitentiam, ad Numen lacrymis, precibus, jejuniiis placandum. Hoc ipso tempore Philistæus hostis irruit ad oppugnandos Hebræos. Res mira; tunc maxime terrebantur ab hostibus, cum illi sincerissime divinam opem poscerent. Quod Gregorius expendens: Cum, inquit, altiori vita proficimus, maligni spiritus, qui semper bene agentibus invident; nobis infestiores sunt. Nec solum unus spiritus malus electorum singulis, sed innumeri deputantur. Nam si diabolorum legio potest hominem unicum occupare, poterit etiam tentare. His apposite dixit Cyprianus: Eos cupit deficere, quos videt stare. *c* Quæ Petrus Chrysologus insigni facundia confirmans: Diabolus, inquit, hæreses inter fideles, inter sanctos, peccatum; inter pacificos, lites; inter

a Idem l. eod. c. 7. mihi pag. 850.

b Martinus Delrius tomo 2. Disquisit. Magic. l. 3. parte 1. quæst. 7. sect. 1. mihi pag. 71.

c Cypri. l. 3. Epist. 1.

ter simplices, dolos; inter innocentes nequitiam gratis ferere consuevit: non ut acquirat zizania, sed ut triticum perdat; ne ut reos capiat, sed ut adimat innocentes. Hostis plus ducem, quam militem petit: nec obsidet mortuos, sed impugnat viuentes: sic diabolus non peccatores quarit capere, quos possidet subjugatos, sed ut iustos capiat sic laborat. *a* Et cibus ejus electus.

Ita sane quò sanctiores homines, eò plerumque molestiores tentationes. Sed homini pio hinc crescat animus dum cogitat: Ego jam quidem tentatior sum, sed inde, putem, Deo etiam commendatior. Non est vir fortis & strenuus qui laborem fugit: verum ibi crescit illi animus, ipsa rerum difficultas speratque è rebus etiam difficillimis salutarem exitum. Non enim nescit optimum quemque inopia aut in valetudine, aut aliis incommodis à Deo affici. Nec ignorat in Castris etiam periculosa fortissimis imperari. Dux certe lectissimos mittit, qui nocturnis hostes aggrediantur insidiis, aut iter explorent, aut præsidium loco dejiciant. Nemo eorum qui exeunt dicit: *Mala de me imperator meruit: sed bene judicavit.* *b* Ita quicumque plus aliis jubentur pati, & acerbius tentantur, idem dicant: Digni visi sumus Deo, in quibus experiretur nostrum in se amorem. Quis-

a Chrysol. *serm.* 96. *mibi pag.* 254.

b Seneca *epist.* 22. *mibi pag.* 425. & l.

de Providentia c. 4. *mibi pag.* 138.

que igitur apud se statuat: quanto Caro-
demon vehementius me oppugnarit, tan-
to illi animosius resistam. Hic vincit,
qui resistit.

CAPUT III.

*Tentationes amicis Christi ne utiquam
ignominiose.*

Lignum in officina statuarii jam dolan-
dum, quod in Apologis est, opificem
ferio affari coepit hunc in modum: Mi
Magister, quam inhumaniter, quam rigi-
de ac inclementer nos tuas arbores tractas,
bipenni, ascia, securi ita nos cedis tan-
quam si tuæ non simus, dein ferramen-
to cavatorio & cultellis acutissimis ita nos
conscindis & scalpīs, ut ligni & arboris
formam penitus perdāmus, nobis ipsis
jam planè dīmīles. Huic statuarius: Tu
planè, inquit, ut lignum, & ut truncus
loqueris, cui nihil inest cerebri. Si tibi
vel mica salis foret, ingentes mihi gratias
ageres, quod hoc laboris subeam, & è
trunco statuum scalpēdo faciam. Tibi
istud summo est honori; in silva stanti ne-
mo caput aperiet, nemo genua flectet.
Ubi supremam operi manam imposuero,
accedet pictor & inaurabit te, inauratam
dente poliet & lavigabit; inde in ara col-
locaberis, hīc vario cultu tanquam imago
hominis sancti afficeris. Querela tua
prorsus lignea & fatua est; nescis quid di-
cas; tu igitur silvæ tuæ obliviscere, scal-
pram sustine, & brevi tuos ipsa miraberis
honores. Arbores aliæ foris maneat in
silvis

filvis inhonoræ, pabulum ignis futuræ; tibi perpetuus ex merito continget honor.

Nos homines exiguiſſimæ ſapientiæ quam cuperemus jam eſſe ſancti, jam cælo locati, ſed aſciam, ſcalprum, dola- bram, ſecurim pati recuſamus. Hic adver- ſus ſtatuarium querelæ oriuntur ſexcen- tar. Nimirum homo cum in honore eſſet non intellexit; ſed neque jam intelligit in honorem reponendus; tentationes velut aſcias & ſecures horret. O trunco, ô li- gnum rude! manus artificis & acutiora ferramenta ne repelle; ſecari & ſcalpi te permitte. Hoc tuo fit honori. Cum in nobilem ſtatuam evaſeris, ſilva exiſſe, frondes totque alia perdiſſe non poeni- tebit. Ita prorsus tentationes amicis Chri- ſti neutiquam ignominioſæ ſunt. De quo jam diſſerendum.

§. I.

Principio hic varia obijciuntur. Eſt qui dicat: Meas ipſe ſordes erubeſco; & no- lim videri ab aliis aut ſciri quam foedæ, execrabilis, abominandæ cogitationes nonnunquam me infeſtent; Ah, divinos oculos exire nuſquam licet; ſpectatores calites formido, quò profugiam? Non mala hæc cogitatio. Sed ne cadamus ani- mis; tentationes quantumcunque turpes & horribiles, nec de decori, nec damno ſunt, ſi adoriantur reſiſtentem. Hic vin- ci, eſt, pugnare nolle.

Cum forte pagum tranſimus, gravissi- me indignamur, ſi è ruſticanis tuguriis

molossi in nos prorumpant. Mox enim vociferantes audias: Cur isti nebulones non alligant suos canes, ut cuivis tuto liceat transire? Ita forsitan obliquè querimur: Cur Deus suos Cerberos non coërcet inferorum catenis? nuspiam nec momento quidem ab illis tuti sumus: ad latus semper hærent diaboli, & omnes nobis vias obsepiunt. Ergo Deus illos, vinculis adstringat; ita quieti ab illis agemus. Ista nos humano more supputamus, & quietem præproperè, loco non suo, nec tempore, anhelamus. Nimirum extra tentationis aleam esse cuperemus. Erimus: sed nondum. Prius pugnandum, à pugna & victoria venit quies. Hoc Deo & nobis magis honorificum, idque pluribus de causis.

Hinc enim elucet. 1. Suavitas regiminis divini. Optimus Deus quemadmodum homini, sic & dæmoni arbitrium, subinde saltem, permittit. Violentum nimis ad omnia manus ei stringere.

2. Clementia divina hinc cernitur, quæ cacodæmoni alas non evulsit, sed accidit; dentes non excussit, ungues non præcudit, sed illos & istos ita detrivit lima, ut nec mordere jam, nec inuncare ullum possit nisi volentem. Debilitatus & fractus est in plurimis. Alioquin certe, si quod vult & naturæ viribus potest, sine retur agere, orbem susque deque jam prædem vertisset, nostrum omnium confodisset jugulum. Sed adeo accisa potestatis est, ut illud ei in omnibus præfixum.

H U C

HUCUSQUE. Sicuti Magistratus in reum carnifici dictat : Hunc in modum subiciatur questioni, eò usque torqueatur, tot mulctetur plagis, illud supplicii luat : Ita omnino Deus ad unguem præfinivit dæmoni quousque in nos illi liceat favire. Quod loco suo uberius explicandum. Nam maximi refert hoc quam probissime capere.

3. Divina Sapiencia hic apparet, quæ quidem genium superbissimum viribus uti naturalibus sinit, nihilominus ab homunculis multò infirmis vincitur creberrime. Hoc sane menti tam sublimi, angelo tam potenti summo dedecori & probro est ab hominibus luteis velut bestiam cæcam rideri. Obibat olim Monachi per plateas ursus cæcus puerorum & puellarum ludibrium. Cum enim miserum pecus sibi mendicaret pabulum, passim illis vocibus salutabatur : Pande fauces bellua ; quantum potes, hia. Hiavit, fauces pandit, sed sæpe pro panis buccæ sordes, lapilli, lutum in os frementis bestie conjectam. Ita diabolus, verissimo nomine, pauper, hinc illinc sibi pabulum mendicat, sed à multis ludibrio habetur. Athanasius refert Antonium suis dixisse ; Creditisne filioli, quod dicturus sum vobis ? Vidi aliquando diabolum excelsum corpore, qui se DEI virtutem & providentiam ausus est dicere, & ait ad me : Quid vis ut à me tibi donetur, Antoni ? At ego in eum Christi nomine armatus, spectaculum maximum in os ejus ingessi.

Et statim procerā virtus illa evanuit. *a*
 En Lucifer Angelorum formosissimus,
 velut ursus cæcus ab homine conspuitur.
 Jam tu, ait Augustinus, illude draconi, ad
 hoc enim hic factus est draco. *b*

4. Potentia divina hîc elucet, quæ
 grande bonum elicit è tentationum ma-
 lo. Diaboli tentatio, nostra perfectio; u-
 nius peccatum, alterius meritum. Diabo-
 lus Deo subjectissimus sine licentia divina
 nil potest. In Ægypto aquas in sangui-
 nem mutare, & ranas potuit producere,
 quia id Deus permisit; culices procreare
 non potuit, quia Deus id non permisit.

5. Justitia divina hinc enitescit, sic-
 nim multa puniuntur delicta. Tentatio
 velut spuma caustica c. noxarum sordes e-
 luit. Quod Gregorius asserens: Fit, inquit,
 mira dispensatione pietatis, ut inde mali-
 gnus hostis cor tentat, ut interimat, inde
 misericors conditor hoc crediat ut vivat. *d*
 Jam olim Deus per Isaiam id se facturum
 monens: Et convertam, inquit, manum
 meam ad te, & excoquam ad purum sco-
 riam tuam, & auferam omne stannum
 tuum. *e* Aurifaber argentum eliquat igne,
 ut à stanno, plumbo, metallisque aliis se-
 cernat & expurget; ita Deus hominem
 urit tentatione, ut purget à criminum la-
 be.

a Athanas. in vita Antonii c. 20. a-
 pud Rosveidum pag. 4.

b Aug. tom. 8. in Psal. 103. mihi p. 497.

c Laug.

d Greg. l. 2. Moral. c. 24. mihi. p. 349.

e Isai. c. 1. v. 25.

be. Et fructuosum nobis & honorificum est tentari. Gregorius quem dixi, assignans causam: ut tanto, ait, sit copiosior fidelium gloria, quanto eis irrogata fuerint graviora praelia. *a*

a Greg. in lib. 1. Reg.

§ II.

Cum hostis singulari stratagemate ac insidioso excursu aggrediendus est, non timores, non ignavissimi militum seliguntur ad id genus pugnae: veterani & exercitatissimi quique ad signa evocantur. Hoc illis laudi est, ad aggressus arduorum adhiberi. Ita & iis, quos Deus gravius tentari finit, honori est, in arduis occupari. In munitissimis castris eo locorum optimi collocantur, ubi vehementior insultus hostium timetur. Quis hoc illis probrosum dixerit? Haud aliter Deus ad eam vitae conditionem multos evocat, in qua tentationibus abundant. Hic certandum pro Rege & pro lege: Felix persecutio, ait Augustinus, cujus Deus est causa. Eodem prorsus modo licebit dicere: Felix tentatio, quae auctorem habet & adiutorem Deum. Quid verò aliud est tentatio, quam hostis avernalis persecutio?

Purpuratis Christi Athletis nil aequè magnam peperit gloriam, quam pro Christo contumelias, carceres, plagas, tormenta, fannas, vulnera, necem pertulisse. Ibant Apostoli gaudentes à conspectu concilii, quoniam digni habiti sunt pro nomine JESU contumeliam pati. *a* Cadebantur virgis

a Act. c. 5. v. 41.

virgis tanquam crucis candidati ; at illi hanc ignominiam & virgarum supplicium summi honoris argumentum interpretabantur : non quia hæc passi , sed quia hæc pati pro nomine J E S U digni sunt habiti. Primæ dignitatis est pro nomine J E S U dimicare. Cum ergo tentamur , animosissime resistamus. Pro hoc Rege , pro hac lege certasse immortalem parit gloriam.

Videte obsecro Tarsensem Paulum ; nequissimus illi apparitor adjunctus , non ut serviret , sed ut colaphis suum Dominum caderet angelus Satanæ ; stimulus carnis : Quid hoc monstri , obsecro ? Apostolus , & tantus universi orbis doctor carnem sentiat stimulantem ? In paradysum , in supremum cælum eductus fuerat , & caro illi jam faciat injurias ? An non istud pudori & verecundiæ fuit ? Rogavit quidem Dominum , nec simplici vice , à vexatore tam importuno liberari. At ubi audiit hac in re divinam gratiam sufficere , mox ad omnes tentationes excipiendas paratissimus : Libenter igitur , inquit , gloriabor in infirmitatibus meis , ut inhabitet in me virtus Christi : Propter quod placeo mihi in infirmitatibus , in contumeliis , in necessitatibus &c. Cum enim infirmor , tunc potens sum. *

Virtus non solet esse otiosa : nec enim socordes ferias , aut ignavam ab opere cessationem quarit , quam scit sibi non solum esse inutilem , sed & turpem. Ut igitur

igitur ea semper habeat quod agat, varia^s
 illi tentationes Deus submittit, ut cum
 diabolo identidem altercetur & pugnet.
 Pauli dicto: Oportet & hæreses esse; oportet
 & tentationes esse; ut & qui probati
 sunt, manifesti fiant. *a* Siracida dicto: Vasa
 figuli probat fornax, & homines justos
 tentatio tribulationis. *b* Non est probro-
 sum vasi fictili in fornacem mitti, & ad
 usum durari; sed ignes non pati & crepare,
 hoc foedum est. Nec argentum nec
 aurum inhonestat, ad coticulam examina-
 ri, flammis explorari, sed illam & istas
 non posse sustinere, hoc pudendum tam
 nobilibus metallis. Hebræus psaltes; Pro-
 bâsti nos Deus, inquit, igne nos examinâ-
 sti, sicut examinatur argentum. *c* Dum ar-
 gentum & aurum in fornace sudant, suam
 nobilitatem oculis non probant, ejusdem
 cum igne coloris sunt, merus esse ignis
 videntur; at ubi fornacem exierunt, nito-
 rem suum explicant: ita nos planè dum
 solatiis & sensibus suavioribus aliis non
 caremus, vera virtus ab indole naturali &
 bona propensione difficulter distingui-
 tur; at verò cum amarescunt omnia, cum
 tentati, torpidi, solatiis destituti sumus,
 si Deo tamen nihilominus adhæreamus,
 laborem non fugiamus, officium nostrum
 non negligamus, nec preces statas omitta-
 mus, hæc vera virtus, hoc argentum pu-
 rum, hoc aurum recoctum est. Cor istud
 rectum

a 1 Cor. c. II. v. 19.

b Eccli c. 27. v. 6.

c Psal. 65. v. 10.

rectum ac sincerum est, quod nullis tentationibus à Deo avelli potest.

§ III.

A fornace in hortum egrediamur. Vitem non dedecorat olitoris falcula *a* putari, circumcidi, pampinari; illi ungues ferrei palmites orbos & superfluos amputant. Attestatur Joannis calamo Servator: Omnem palmitem qui fert fructum, purgabit eum, ut fructum plus afferat. *b* Haud aliter tentatio, atque falx vinitoria, incidit & refecat, sed hominis bono, ut instar vitis maturos tempori racemos omnium commendatione offerat.

Ad quàm sublimem gloriam evexit Jobum acerbissima septennii tentatio? seipsum Jobus deplorans: Ego ille, inquit, quondam opulentus, repente contritus sum; tenuit cervicem meam, confregit me, & posuit me sibi quasi in signum. Circumdedit me lanceis suis, convulneravit lumbos meos; non pepercit, & effudit in terra viscera mea. Conscidit me vulnere super vulnus, irruit in me quasi gigas. Facies mea intumuit à fletu. *c* Hæc illi omnia in gloriam, posteritati in exemplum, demoni in contumeliam evererunt. Josephum è pastoris filio, è mancipio vendito, è servo captivo Ægyptium proregem fecit tentatio. Quantum Tobix, quantum & Susannæ perpererunt decus utrius-

que

a Scirpicula Varroni, Nebmesser.

b Joan. cap. 15. v. 2.

c Job c. 16. v. 13. & seqq.

que gravissimæ tentationes, quæ illos longe fecerunt gloriosiores, quàm si eos Deus mox calo recepisset. Ergo non tentari, sed tentationibus assentiri & succumbere ignominiosum. Sicut qui adolescentes ad discendum animant: Non turpe est, inquiunt, nil scire, sed nihil velle discere.

Narrat Valerius Maximus Q. Fabium Maximum quinquies consulem, virum jam pridem summæ auctoritatis, & tunc ultimæ senectutis Legatum à senatu ad filium Consulem tunc Sueffæ agentem pervenisse. Filio extra urbem cum lictoribus prodeunti occurrit in equo pater, quem ubi è lictoribus nemo, more veteri iussisset equo descendere, plenus iræ senex sedere perseveravit. Quod cum filius sensisset, proximo lictori ut sibi appareret; & senem equo descendere juberet imperavit. Cujus vocis Fabius continuò obsecutus: Non ego, inquit, fili summum imperium tuum contempsi, sed experiri volui, an scires Consulem agere. Nec ignoro quid patriæ venerationi debeat; verum instituta publica privata pietate potiora judico. *a* Ita Deus quos tentari sinit, non contemnit, deserit, nec eos pudefacere sed experiri vult & explorare, num sciant hominem Christianum agere, num munere suo ritè fungi, num tentanti adversario se norint opponere, idque aliis etiam vult constare. Hoc omnibus fortiter agentibus maximo est honori.

In

a Valer. l. 2. c. 2.

In calo primæ dignitatis est, pugnasse pro deo.

CAPUT IV.

Tentationes ostendunt quàm quisque Deo sit fidelis.

E Ciborum numero sunt, qui nec sanis hominibus salubres, nec digestu faciles sunt, & tamen ægrotis dantur. Cochleæ robusti prorsus alimenti, & concoctu difficiles, iustamen qui Phthisi laborant in alibile nutrimentum exhibentur. Vinum rubellum, encryphas ^a aut pulmentum amygdalinum, oryza lacte cocta, corporibus sanis sæpe non congruunt, ægrotis tamen, quos lienteria aut alvus citata vexat, salubriter porriguntur. Ovum ignitum duratum valentissimæ materiæ est, adjuncto tamen aceto ad bilem non irritandam suadetur. Tentationes à principio morositates magnas, difficultates operosas creant, sed semel evictæ animum insigniter firmant. His saluberrimæ sunt, qui peritè illis uti norunt. E pluribus tentationum commodis primum est: Quàm fidelis quisque Deo sit, tentationes ostendunt. Quod hoc capite exsequemur.

§. I.

Tentationes plurimum prosunt, scientibus eas veluti farinaceam massam subigere. Tentatio nos Deo amicos conciliat. Siracida præceptio est: Si possides amicum, in tentatione posside eum, & non

^a Mandelortten/Mandelmus.

non facile credas ei : est enim amicus secundum tempus suum , & non permanebit in die tribulationis. *a* Bene Antisthenes; In auctione, inquit, vas empturus curiose illud inspicis, pulsas, huc illuc versas, tinnitu exploras antequam emas. *b* Ita Numertes interrogatus, quod Plutarchus refert, quâ ratione amici fidam probitatem exploraret. Per fortunam, inquit, adversam. An Navigii firma sint latera, compago solida, costæ validæ, commissura probe ferruminata, tempestas monstrat. Ita Thessalius ad Paulum presbyterum : Sinceritas, inquit, amici, in tentatione ostenditur, quando scilicet in necessitate communicat. *c* Amicos suos Deus adversis experitur, urget difficultatibus, in deliciis non habet, in tentatione possidet, virtutum non lenis exactor. Inter homines probos & Deum non tantum amicitia, sed necessitudo etiam, imò & similitudo est conciliante virtute : quoniam quidem homo probus est Dei discipulus, æmulatorque & vera progenies, quam pater ille magnificus instar patris severi, durius educat. Itaque cum videris viros bonos acceptosque Deo laborare, sudare, per arduum ascendere, malos autem lascivire & voluptatibus fluere, cogita eos tristiori disciplina contineri, filiorum modestia non vernularum licentia delectari. Ergo

D

con-

a Eccli. c. 6. v. 7. & 8.

b Laërt. l. 2. c. 8.

c Thessalius in Bibliotheca Patrum tom. 3. Hecatontade 1. num. 21.

contemnatur, ait Augustinus, superbia tentatoris mei, sustineantur flagella patris mei. *a* Imago Dei sumus. Æmulatores verò aut certè sumus aut esse debemus, Pauli etiam hortatu: Estote ergo imitatores Dei sicut filii charissimi. *b* Dies mali, horæ tristes, turbidi soles, acervatæ tentationes aperiunt quàm quisque Deo fidelis sit amicus. Peramanter Christus discipulos pridie mortis suæ solatus: Jam, inquit, non dico vos servos, quia servus nescit quid faciat dominus ejus. Vos autem dixi amicos. *c* Et velut rationem redditurus dicti: Vos estis, ait, qui permansistis mecum in tentationibus meis. *d* Observat Hieronymus dictum. In tentationibus ait, nec enim in una solum, sed in omnibus fidelitatem monstrandam. Amicos Deus tentatione multiplici exercitados possidet. Jurisconsultis possessio est quasi pedum positio. Locum in quo pedem quis figit, & quo lubet deambulat, hunc possidet. Videtur Deus in bonæ mentis homine pedem figere, eumque velut pavimentum calcare. Hunc tentatione facit suum, in tentatione possidet.

Invitatus quispiam ad coenam magnam, ut purgaret absentiam: Juges boum, ait, emiquinque, & eo probare illa. *e* Christus Dominus nos veluti suos boves allocutus.

a August. tom. 8. in Ps. 103. mili p. 497.

b Ephes. c. 5. v. 1.

c Joan. c. 15. v. 51.

d Luc. c. 12. v. 28.

e Luc. c. 14. v. 19.

cutus: Tollite, inquit, jugum meum super vos. ^a Agitedum mei boves, vos jugo non gravi aptate. Hic homo grandi admodum pretio, sanguine suo vos emit. Nunc verò abit probare vos. Hunc habere dominum vobis ultimum. Ergo dum vester vos dominus probat, jugum ne detrectate, tentationi ne cedite.

Jobus de Avernali tauro Behemoth copiose differens: Ecce, inquit, spes ejus frustrabitur eum, & videntibus cunctis præcipitabitur. ^b Hic plurimorum votum est: Jam illum Deus præcipitet, & ab illo nostra quies non turbabitur. Cur præcipitatio ista tamdiu differenda? Ita visum providentiæ divinæ, ad vitam hominum per hos rebelles Angelos exercendam. Nam sicut à Deo cuivis hominum sub ipsum exordium vitæ assignatur tutelaris custos Angelus: sic etiam à tenebrarum principe Angelus adversarius cuilibet apponitur, qui ad noxas, inde ad exitum trahat. Ita Jobo dicitur: Ecce Behemoth quem feci tecum ^c qui assiduus imminet tibi ut tentet, irretiat, perdat. Hæc à plerisque priscis Patribus recepta est sententia. ^d

D 2

Ita

^a *Matth. c. xi. v. 29.*

^b *Job c. 40. v. 28.*

^c *Ibid. v. 10.*

^d Ita Tertull. l. de Anima c. 33. Origenes ho. 35. in Luc. Hieron. in c. 40. Job. Nyssenus in vita Moysis. Athanas. l. de diversis quest. q. 3. Mag. sent. l. 2. dist. 11. Cassian. l. 8. Collat. c. 17. alii.

Ita unicuique nostrum assidue gemini
 adsunt stipatores. E caelo ille, ut tueatur &
 ad omnem ducat vitutem : ex orco iste,
 ut insidietur & ad vitia omnemque ne-
 quitiam impellat. Nos horum mediidies
 noctesque agimus. In eo autem salutis no-
 stræ cardo vertitur, cuinam assentiamur,
 quem sequamur ducem. Duo domini
 sunt diversissima jubentes; utrique obse-
 qui non licet. Nemo potest duobus do-
 minis servire. *a* Alteruter vel odio erit vel
 amor. Cautissimos fige pedes, quisquis es,
 duorum medius incedis; hic propinat vi-
 tam, hic mortem sempiternam: tui ar-
 bitrii est in hujus vel illius sententiam ve-
 lis concedere. Hunc rerum ordinem divi-
 na statuit providentia. Non casu, non ira
 Numinis hoc factum, nec effractis carce-
 ribus illi perduelles in nos ruunt, sed pro-
 videntissimo Deo permittente nos obser-
 vant assidue atque oppugnant, ne Palæ-
 stra nostræ desit virtuti: sic nostra exacui-
 tur Patientia, sic submissio eruditur, ita
 excitatur oratio, ita fides instruitur. At
 multi, ais, hac pugna vincuntur. Viderint
 ipsi. Nec enim illis arma, nec divina deest
 gratia; possunt resistere, possunt vincere.
 Nolunt? Eorum socordia vel malitia fit.
 Hæc culpa solis ipsis impingenda. Alii
 dum tentationibus resistunt, generose
 vincunt, & sua quotidie augent prome-
 rita. Tentationes istis utilissimæ, virtu-
 tes augent dum exercent. Marcet sine ad-
 versario Virtus.

§. II.

a Matth. c. 6. v. 24.

§. II.

Principiò quæsitum: Quid est Tentatio? Experimentum, probatio. Hinc tentatus, aut tentator alique discunt, quid boni male lateat in homine. Hac scientia Deus non eget, alii & nos ea egemus nobis ipsis sæpe ignotissimi. Eximie Augustinus de Jobo: Noverat eum Deus inquit, & ei testimonium perhibebat. Diabolus eum non noverat, & ideo dixerat: Nunquid gratis colit Deum? Videte quò provocat inimicus? Videbat hominem Deo servientem, in omnibus obsequentem, omnia bene operantem. Videbat Deus in corde servi sui cultum suum gratuitum. Diabolus latebat, quia in tenebris erat. Admisit Deus tentatorem, non ut ipse nosset quod noverat, sed ut nobis noscendum & imitandum præberet. *a* Tentaris ergo ut exercearis, tentaris ut proberis, tentaris ut à teipso inveniariis. Deus tentat ut doceat, diabolus tentat ut decipiat. Si Deus cessat tentare, magister cessat docere. *b*

A Deo quærens Jobus: Quid est homo, inquit, quia magnificas eum, aut quid apponis erga eum cor tuum? Visitas eum diluculo, & subito probas illum. *c* Hebræa phrasi ita loquitur: quid est miser homo, *d* ut ceterorum quasi oblitus hunc unum magnifices? Jam licet dicere: Magnificus

D 3

cinis.

a Aug. tom. 8. in Ps. 55. mihi pag. 224.

b Idem tom. 10. serm. 72. de Tempore, mihi pag. 263.

c Job. c. 7. v. 17. & seqq.

d Hebr. Enos, hoc est, homo miser.

cinis. Sed quæso, Jobe mi, quid magnificare, & magnificentiam appellas? Hoc re ipsa est deprimere ac humiliare. Quis enim ita visitari velit, quis tam acerbe cupiat probari? Si principum aut magnatum aliquis eâ dignatione oculos in famulum coniciat, ut dicat; Videam, num me amet. Hunc sanè magnificare censendus. Mox enim alii atque alii quærent. Quid hoc hominis est, cujus amorem tanti æstimat princeps, ut illius specimen & experimentum expetat? ita Deus electum sibi populum probaturus; Ego inquit, non delebo gentes, quas dimisit Josue, ut experiar Israël, utrum custodiant viam Domini, & ambulent in eâ. *a* Hæc populi mei in me fidelitas, ut omnibus fiat explorata, Hethæos, Gergezæos, Amorrhæos, Chananæos, Pheræos, Hevæos, Jebusæos, & omnem hanc hominum faciem non auferam. Ad Lydium hunc lapidem populus meus est probandus. Sic amantissimus Deus cum quovis nostrum agit, *subitò probat nos*, imò assiduè (quod Hebræa vox testatur) & momentis pæne singulis. Ideo Jacobus Domini discipulus ad hilaritatem sanctam excitans. Omne gaudium, inquit, existimate fratres mei, cum in tentationes varias incideritis, scientes quòd probatio fidei vestræ patientiam operatur. *b* Tentatio est fidelitatis ac fidei nostræ in Deum probatio. Cum examen instituitur ad Philosophiæ vel Jurisprudentiæ supremam lauream obtinendam, examinandi juvenes,

non

a Jud. c. 2. v. 21. & 22. *b* Jac. c. 1. v. 2. & 3.

non ut pueruli de Grammaticæ præceptiunculis interrogantur; Quid est nomen, pronomen, verbum? quid est metaphora, quid Metalepsis, quid Metonymia? quid est Ens rationis, quid materia prima? Quid est feudum, quid emphytensis, quid usucapio? non his quæstiunculis res agitur. Sed thesæos defensor hinc illinc oppugnatur, premittitur, urgetur, constringitur, omnis elabendi via occluditur, iterum iterumque novis rationum jaculis configitur. Hic demum apparet, quid eruditionis maturæ, quid virilis scientiæ sibi compararit, quàm dextrè norit volantia in se tela excipere. In tentatione hac erudita præclarè stare laudis est, & doctorum albo inscribit. Hic vir ille, hic est, qui viri docti congressum audeat sustinere, hic laurea suprema dignus. Sic Abrahamus rigide à Deo examinatus & tentatus est. De hac Abrahami tentatione Augustinus insignissime; Tentatur Abraham, inquit, de immolando dilectissimo filio suo Isaac, ut pia ejus obedientia probaretur, sæculis in notitiam proferenda non Deo. Neque enim omnis est culpanda tentatio, quia & gratulanda est, quâ fit probatio. Et plerumque aliter animus humanus sibi ipsi innotescere non potest, nisi vires suas sibi non verbo sed experimento, tentatione quodammodo interrogante respondeat; ubi si Dei munus agnoverit, tunc pius est, tunc solidatur firmitate gratiæ, non inflatur inanitate jactantiæ. a Abraham non trepidavit cre-

D 4 dere,

a Aug. 10. 5. l. 16. de Civ. c. 32. mibi p. 129.

dere, quando filius promittebatur, non trepidavit offerre quando exigebatur: nec fuit religio credentis contraria devotioni obtemperantis. Credidit suscepturus filium, credidit occisurus; ubiq; fidelis, nusquam crudelis. Omnino perduxit filium ad locum victimæ; animavit etiam dexteram cultro. Attendis quis ferat, & quem feriat, attende quis jubeat. Pius Abraham obtemperando; quid Deus jubendo? Quod si Abraham bene fecit obtemperando, multò melius, & longè melius, incomparabili modo, Deus jubendo. Nescit se homo, nisi in tentatione discat se. Cum autem didicerit se, non negligat se. Si enim se negligebat latentem, non se negligat notum sibi. Quid ergo dicimus fratres? Etsi sciebat se Abraham, nos non noveramus Abraham. Aut sibi, aut certe nobis, prodendus erat. Sibi, ut sciret, unde gratias ageret; nobis, ut sciremus, quid à Domino deprecaremur, vel quid in homine imitaremur. Quid ergo nos docet Abraham? Ut breviter dicam: Ut Deo non præponamus, quod dat Deus. Ergo nec illud quod tibi pro magno præstat Deus, præponas illi qui præstitit. Et cum voluerit subtrahere, non tibi vilescat, quia gratis amandus est Deus. Quod enim dulcius à Deo præmium, quam Deus ipse? *a*

Horribilissima prorsus fuit hæc tentatio. Singulæ tentantis voculæ cor patris discindere potuissent; Tolle filium tuum unigenitum,

a Aug. tom. 10. serm. 72. de Tempore, mihi pag. 263.

nitum, quem diligis, Isaac, & vade in terram visionis; atque ibi offeres eum in holocaustum super unum montium quem monstravero tibi. *a* Hoc erat non filii tantum, sed & parentis jugulum petere. Nos mille aliisque mille tentationibus petimur, quarum tam gravis & vehemens nulla, sed adjecit animum Abrahamus ad Dei jussu, & , ut Augustinus loquitur, non credidit aliquid impossibile esse Creatori. Tulit itaque filium, in montem perduxit, veste nudavit, manus colligavit, aræ admovit, gladium strinxit, ictum destinavit. Hic manum cohibe. Meritissima fuit tentationis probatio. Jam cælo, jam terræ notum, quàm Dei amans, quàm fueris Deo fidelis usque in montem, usque ad aram, usque ad victimam, usque ad jugulum victimæ multò carissimæ. Beatus vir, Jacobo teste, qui suffert tentationem, quoniam cum tentatus fuerit, accipiet Coronam vitæ. *b* O beatum hominem, qui sustinere novit tentationem, quam certe mel dicet & saccharum, si futurum cogitet tentatione victa præmium. Hoc animo Paulus: Ego jam delibor, inquit, & tempus resolutionis meæ instat: bonum certamen certavi, cursum consummavi, fidem servavi; In reliquo reposita est mihi corona justitiæ. *c* Maximas, continuas tentationes vir iste passus ab omni hominum genere, ab orbe universo; totus Acheron in unum hunc

D 5 virum

a Gen. c. 22. v. 2.

b Jac. c. 1. v. 12.

c 2 Tim. c. 4. v. 6. & seqq.

virum pugnavit, catenatus eum labor ex-
ercuit, undique & undique pericula cir-
xerunt. At ille fidem servavit, in reliqua
reposita est illi corona iustitiæ.

§. III.

Tobias tentatissimus, sed Deo verè fi-
delissimus. In digitos mittamus tentatio-
nis capita. I. Fortunis provolutus ad ino-
piam devenit; uxor ipsius textrix ibat a-
opus textrinum quotidie, & de labor
manuum suarum victum, quem consequi
poterat, deferebat. a II. Cæcus fuit, genu-
natum, grande supplicium paupertas &
cæcitas. III. Irrisus à parentibus, cognatis
conjuges. IV. Captivus regis Salmanasaris.
V. Occidi iussus à Sennacheribo rege, qui
omnes Tobiaë facultates fisco regio addi-
xit; Tulit omnem substantiam ejus.
VI. Fugitivus, exul, facultatibus lapsus la-
tuit cum familiâ. Hanc autem tentatio-
nem ideò permisit Dominus evenire illi
ut posteris daretur exemplum patientiæ
ejus, sicut & sancti Iob. c Si minus patien-
tiæ & in Deum fidelitatis habuisset To-
bias, dixisset; Num igitur ego unus ade-
stultus sim, ut omnibus serviam; d sit alius
aliis exemplo, & ista tam gravia patiatur.
Nil horum somniavit, sed immobilis in
more Dei permansit, nil unquam sibi dis-
plicere passus, quod Deo placuisset. Unica
Dei voluntas, unicum illud: Sic Deo visum
instat

a Tob. c. 2. v. 19.

b Tob. c. 1. v. 22. c Tob. c. 2. v. 12.

d Muß dann eben ich allein
Narr im gespil sein?

instar multarum millium caussarum illi fuit. Quapropter Deo semper fidelissimus : Vitam illam , inquit , exspectamus , quam Deus daturus est his , qui fidem suam nunquam mutant ab eo. *a* Porro tentatio Tobiae tam diuturna , tam gravis fuit , ut ab ipso voces illas exprefferit : Præcipe Domine in pace recipi spiritum meum : expedit enim mihi mori magis quam vivere. *b* Sed Angelus demum tentationis sudores anxios abstergens : quia , inquit , acceptus eras Deo , necesse fuit , ut tentatio probaret te. *c* Alia è diametro plerisque omnibus est ratiocinatio. Qui Deo , ajunt , acceptus est , à tentatione , miseris , rerum difficultate immunis est. At verò Angelus apertissimè dixit : Necesse fuit , ut tentatio probaret te. Non tantum conveniens & decorum , sed necessarium fuit te tentari , & diversis malis exerceri. Lex pridem lata ; Per multas tribulationes oportet vos intrare in regnum Dei. *d*

Hæc Romanus sapiens ad amussim rationis exsecutus illustrissimè. Quare , inquit , multa bonis viris adversa eveniunt ? nihil accidere bono viro mali potest. Non miscentur contraria. Quemadmodum tot amnes , tantum supernè dejectorum imbrium , tanta medicorum vis fontium , non mutant saporem maris , nec remittunt quidem ; ita adversarum impetus re-
rum

a Tob. c. 2. v. 18.

b Tob. c. 3. v. 6.

c Tob. c. 12. v. 13.

d Act. c. 14. v. 23.

rum viri fortis non vertit animum. Manet in statu, & quicquid evenit, in suum colorem trahit. Est enim omnibus externis potentior: ne hoc dico, non sentit illa, sed vincit, & alioquin quietus placidusque contra incurrentia attollitur. Omnia adversa, exercitationes putat. Quis autem vir modò, & rectus ad honesta, non est laboris appetens iusti, & ad officia cum periculo promptus? cui non industrioso otium poena est? Athletas videmus, quibus virium cura est, cum fortissimis quibusque configere, & exigere ab his, per quos certamini præparantur, ut totis contra ipsos viribus utantur. Cædi se vexarique patiuntur: & si non inveniunt singulos pares, pluribus simul objiciuntur. Marcet sine adversario virtus. Tunc apparet quantum sit, quantum valeat, polleatque, cum quicquid possit, Patientia ostendit. Scias licet, idem viris bonis esse faciendum, ut dura ac difficilia non reformident, nec de fato querantur: quicquid accidit, boni consulant, in bonum vertant. Non quid, sed quemadmodum feras, interest. Non vides, quanto aliter Patres, aliter Matres indulgeant? illi excitari jubent liberos, ad studia obeunda maturè, feriatis quoque diebus non patiuntur esse otiosos, & sudorem illis, & interdum lacrymas excutiunt: At Matres fore in sinu, continere in umbra volunt; nunquam flere, nunquam tristari, nunquam laborare. Patrium habet Deus adversus bonos viros animum, & illos fortiter amat: &, operibus, inquit, doloribus

ac damnis exagitantur, ut verum colligant robur. Languent per inertiam saginata: nec labore tantum, sed mole, & ipso sui onere deficiunt. Non fert Ullum idum illaſa felicitas, &c. *a*

Quapropter ubi virtus, ibi & virtutis obruſſa tentatio, ubi aurum, ibi & corticula, ideò tentati, quia Deo accepti: Quantò plus pugna, tanto plus erit gloria Quando igitur nec ipſe de ſe homo, nec ulli alii noſſe queunt, quàm Deo ſit fidelis, niſi tentatio hanc ingerat notitiam, non eſt quòd tentationem & experimentum noſtri tantopere horreamus. Nullum tam vile opificium eſt, quod à ſuis ſpecimen artis non exigat: Videamus, ajunt, quid didicerit, tyrocinium faciat, edat artis ſpecimen. *b* Chriſtus ſub vitæ finem, ſuorum in tentationibus conſtantiam laudans, regis menſæ ſocietatem promiſit. Cupis, mi Chriſtiane, in hac eadem ſocietate numerari, amicus regis dici, fidelis Chriſto permanere? In tentationibus Chriſti permane. *c* Tu ne cede malis, ſed contra audentior ito. *c* dic centies, dic uno die millies

-- audentior ibo, in caſus omnes. *d*.

Solebat vir princeps & perlætus animi cauſſa promptum ſui famulitii obſequium moleſtiùs explorare, nec ſuis ipſe veſtibus parcere, quo penitius poſſet ſuorum in ſe ani-

a Seneca l. de Providentia cap. 1. & 2. mihi pag. 132.

b Mach er die Maister ſtuck.

c Virg. l. 6. Aneid.

d Idem l. 9. Aneid.

animum inspicere. Nam subinde cum placidum rivum transiret, in illum expeditus junctis pedibus insiliit hoc hortatu. Qui me amat, me sequitur parili saltu. Hic diversum oris habitum in famulis erat videre. Hi alios, num præeant circumspicere; isti promptissime sequi, & mox eodem insilire; alii aliquantulum cunctari, & vestire velle parcere; illi ridere & domino applaudere, isti contractiore vultu hunc lussum ægrius ferre. Plane illis tentatio fuit. Ita de singulorum indole ad aquas sumptum est experimentum. Servator noster Christus habitu inventus ut homo, ductus est in desertum à Spiritu, ut tentaretur à diabolo. *a* Non enim habemus Pontificem qui non possit compati infirmitatibus nostris: tentatum autem per omnia pro similitudine absque peccato. *b* Ita tentationum aquas insiliens clamat: Amici mei me sequuntur. Qui vult venire post me, abneget semetipsum. Vis esse amicus Christi? Vesti tuæ, corpori tuo ne parce, fidem serva; in tentatione possidebit te amicus hic tuus. In reliquo reposta est tibi fideservanti corona justitiæ. Nam vitam illam expectamus quam Deus daturus est his qui fidem suam nunquam mutant ab eo. *c*

CAPUT

a Matth. c. 4. v. 1.*b* Hebr. c. 4. v. 15.*c* Tob. c. 2. v. 18.

CAPUT V.

Tentationes industriam acuunt & fervorem.

Aquila, quod Ulysses Aldrovandus annotat, subinde pullos permittit leniter cadere, ut tantò promptius in alas sese librare discant. Interim mater sollicita cum errant pulli & cadunt, mox adest, & alis sublevat portatque. Ita Deus cum suis amantissimè agit, labi eos & cadere permittit, ut quos humana imbecillitas dejecit, divina erigat potentia. De seipso rex David; Impulsus, inquit, eversum sum ut caderem: & Dominus suscepit me. ^a En pullum aquilinum suo opte ingenio cadentem, sed materna ope surgentem.

Petrus Christi discipulus inambulabat aquis, Magister eum mergi aliquantulum sinebat. Mox ille suppetias inclamans: Domine, inquit, salvum me fac. Et continuo **JESUS** extendens manum, apprehendit eum, & ait illi: Modicæ fidei, quare dubitasti? ^b Vide, mi Petre, per aquas gradi, nondum plene didicisti; absque me fuisset, in inum traxissent te aquæ.

Ita labi, cadere, mergi, impingere, quod in tentationibus solet fieri, nonnunquam valde conducit. Casus cautiorem facit & attentiozem. Tentatio ad agendum stimulat, industrium & ferventem efficit, quod capite isto explicandum.

S. I.

^a Psal. 117. v. 13.

^b Matth. 14. v. 30. & 31.

§. I.

Industriam & fervorem non rarò ingerit tentatio. Unde Batavis, Belgis aliisque Germanis tot tamque exercitati milites? Ab assiduis bellis, quæ modò Panoniam, modò Gallias, modò Italiam involvunt. Mars inquietus & vagus jam istud, jam aliud regnum occupat. Hinc Europa magnam partem ab annis pluribus armata militandi artes excellenter didicit: utinam & militatè disciplinam disceret. Carthago æmula Romæ, populo Romano plurimùm negotiū facessivit. Hinc quæstio illa in senatu sapius ventilata, Num Carthago penitus evertenda? Plurimi ajebant evertendam, & unà tot bellorum seriem tollendam. Negabant alii hoc ullo modo committendum, ut juventuti Romanæ nobilissima virtutis & armorum exercitatio non subtraheretur. Qua in re primarii duo senatores Cato & Scipio Nasica pugnantibus sententiis colluctabantur. a Cato infidæ pacis metu aboleri Carthaginem volebat. Nasica militiæ gerendæ peritissimus non exscindendam judicabat, ut illius metu cohiberentur vitia, mores optimi propagarentur. Nam ea deleta inquietabat a continuo armorum usu ad orium & delicias diffluemus. Rebus adversis certius efflorescit virtus, quàm secundis.

See

a *L. Florus l. 2. cap. 5. Hujus quoque controversiæ mentionem injicit Aug. tom. 5. l. 2. de Civit. cap. 18. initio.*

Sed Cato cum suis præpolluit sententia: Carthago est eversa. Sed magno Romæ detrimento. Hinc Q. Metellus devicta jam Carthagine asseveravit in Curia: Nescire se, illa victoria bonine plus an mali attulisset. Quoniam ut pacem restituendo profuisset, ita Annibalem submovendo, nonnihil nocuisset. Ejus enim transitu in Italiam, dormientem jam populi Romani virtutem excitatam; metuique debere ne acri æmulo liberata in eundem somnum revolveretur. *a* Tentatio velut Annibal, dormientes excitat, somnum pellit, ad laborem & opus instigat. Ita Deus Israël's populum creberrimis bellis funesto arcuit veterno; ita tempestas fragoribus & fulgetris noctem exterrens ad vigilandum & orandum multos lectu excutit. Haud aliter tentatio plurimos ad vigiliis & preces impellit.

De Juda Israël's principe annales Judicum narrant: Fuitque Dominus cum Juda & possedit montana; nec potuit dele-re habitatores vallis, quia falcatis curribus abundabant. *b* Res mira: multis & illustribus victoriis montes in suam potestatem Hebræus populus redegit, cur expugnare valles nequivit? Falcatis curribus, dices abundarunt. Esto. Sed potuisset Deus facile hoc armorum genus aut subducere aut enervare. Sed vallium incolas vinci noluit, ut per eos populum suum identidem expergefaceret. Cur oportet esse hæreses?

E

Ut

a Valer. l. 7. cap. 2.

b Judic. c. 1. v. 19.

Ut per Antiperistasin istam à frigore augmentum accipiat calor. Ita tentationes in via virtutis impedimento non sunt, sed incitamento; quemadmodum flagella, virgæ, calcaria non sunt ad equum conficiendum, sed ad equi cursum promovendum. Et sicut his stimulis nonnunquam equus etiam citatus, ita homo etiam probus tentamentis eget acuendæ industriæ. Est qui rarus oret & vagus, stipem erogat prorsus exilem, in ediam nullam toleret, hostis jejunii, suas undecunque oblectatiunculas avide aucupetur. Hunc repente vehemens invadit tentatio, subito probat illum Deus. At ille in arcto comprehensus opem circumspicit, crebrius orat, liberalius stipem erogat, frequentius jejunat; eo facit omnia, ut à tentatione liberetur. Ita Deus à malis debitoribus officium Christiani hominis suaviter extorquet.

In patre & filio Regibus hoc luculentissimum. Rex David Salomonis parens aliud ex alio bellum est orsus. Hostes habuit Ammonitas, Moabitas, Philistæos, Amalecitas, ipsum etiam filium Absalonem expertus est rebellem; vix unquam Rex David toto imperii tempore clausum armamentaria, & tamen ararium regni inter assidua bella incredibiliter citavit thesauros maximos argenti, auri, & gemmarum Salomoni filio reliquit, ita, quod mireris, Rex potentissimus atque ditissimus gerendis bellis est effectus. At verus filius Salomon, quod Regum fasti dicuntur,

obtinebat omnem Regionem, quæ erat trans flumen quasi à Taphsa usque ad Gazam, & cunctos Reges illarum regionum; & habebat pacem ex omni parte in circuitu. Habitabatque Juda & Israël absque timore ullo, unusquisque sub vite sua, & sub ficu sua, à Dan usque Bersabee, cunctis diebus Salomonis erant tributarii. Navigationem insuper in Tharsis argenti & auri feracissimam quot annis expedit. In tanta rerum tranquillitate, inter has aurisegetes, inter opes plane immensas demum, depauperatus ærarii fundum rasisit, ita quidem ut suos cives ac subditos emungere, tributa justo graviora imponere, pecunias undique corradere cœperit. Unde, obsecro, hæc ærarii labes? Pax ipsa, & in pace luxus Salomonem depauperavit. Requiem dederat ei Deus per circuitum: & non erat satan neque occursum malus. *b* Hinc omnia in aula luxum, in gynæcei delicias expensâ. Tandem reverà tot auri fontes in egestatem exaruerunt. Videte, obsecro, Regem David ditarunt bella, Pax & rerum omnium abundantia Salomonem depauperarunt. Ita prorsus tentationes & pugnae ditant innumeros, quos ferventes reddunt & industrios. Pax alios & otium ad miseram paupertatem animi detrudunt.

a 3 Reg. c. 4. v. 24. & 25.

a 3 Reg. c. 5. v. 4.

S. II.

Testudines, Cheles, Musica & Pneumatica

matica Organa, ^a aratarum fidium instrumenta si diu ferirentur, fides remittuntur & corrumpuntur; vestes si non usurpentur, à tineis consumuntur; stagnantes aquae ranas & hoc genus piscium progenerant; ager quem aratrum non invertit, lolio & spinis exuberat; homo per tentationes non exercitatus, ob languorem noxium malis moribus & vitiis abundat.

Cleomenes Rex Spartanus Anaxandridæ filius, Plutarcho teste, interrogatus, cur Argivos victos non delēset? Ne desint, aiebat, qui juvenes nostros exerceant. Noluerunt enim Spartani à suo rege urbem licet molestissimam excindi, ne eos acuendæ in bella juventuti criperetur. ^b

Cum equi jugales & vectarii lassescere incipiunt, & lentius progredi, auriga concutit habenas, & insonat flagello, mox ille celerius incedunt, & tamen auriga eis nihil nocuit, in aëre dumtaxat plausum fecit. Nos identidem, quod fatemur, velut jumenta pigra lassescimus. Rex David de seipso: Dormitavit anima mea, inquit, præ tædio; confirma me in verbis tuis. Mi Deus, excita me; tu es auriga meus. Ergo adest Deus & facultates, aut valetudinem, aut dignitates, aut homines charos adimit. Hæc valde sentimus; gravitatio. Sed quid indignaris, ô jumentum

^a Regal / positiff.

^b Plutarch. parte I, in Laconicis, militum pag. 393. c Psal. 118. v. 28.

tum plaustrarium? hæc animo non nocent nisi impatienti; hæc somnum pellunt, hæc industriam acunt, hæc jubent celerare gressum.

Superioribus annis pluribus Europa, & in ea Germania dormitavit præ tædio; cauponæ magis, quàm templa frequentabantur: comprecationes in templis raræ, computationes in tabernis quotidianæ, & quæ inde scelerum lues sequi consuevit, per omnes ubique urbes grassabatur: Bacchus & Venus latisimè imperabant; corruptela morum maxima passim irroborebat. Tandem Deus hunc ævi lethargum dispulsurus, Anno Christiano 1617. horribilem cometam, velut virgas *a* ad fenestram cæli affixit. Inde bella, horrida bella: Inferior & Superior Germania omnis bellorum incendiis miserrimè deformata; exusta tecta, vastati agri, exhausta æraria. Nulla defuit malorum facies per annos viginti & plures. Bellicæ tentationes istæ plurimum afflixerunt. Sed oculos & animum erigamus in cælum; ita Deus militaribus his fragoribus, dormitantes præ tædio excitare consuevit. Tam gravis sopor pilis plumbeis, venatoriis fistulis, *b* tormentis æneis erat pellendus. Profectò vigilare coepit aliquantulum Germania. Hinc publicæ comprecationes, cum decem, tum quadraginta horarum toties repetitæ, quibusdam locis præne quotidianæ; hinc largiores aliquorum

E 3

elec-

a Cometa illa Virgarum formam habuit.

b Mit Büsch Büxen.

eleemosynæ, hinc crebriora jejunia, hinc vestium & conviviorum luxus alicubi, volentibus nolentibus nobis, repressus: Nam facultatibus valde jam accilis negat crumena nummos superfluis, cum desint etiam necessariis. Nimirum jam strictius philosophari jubemur, quod dixisse ferunt Platonem, cum audisset sua omnia naufragio periisse. Vir nobilissimus in Bavaria, una & litteris excultissimus novam suæ mensæ sobrietatem subridendo commemorans: Ante hos annos, inquit, mensam habui ferinæ carnis & altitium omni genere oppletam, flore Liberi coronatam. Nunc verò præter iusculum & carnem vaccinam acidamque cerevisiam nec prandium nec cœna quidquam apponit: Nunc certe strictius philosophari jubeor. His tamen tam strictis mensæ legibus magis quàm antea sospes & sanus ago. *a*

Ita bellicæ tentationes tot præcedentium annorum, non tantum sobrios sed & industrios ac laboris tolerantés fecerunt. Gratias agamus tentationibus, quæ licet diuturnæ videantur, sunt tamen brevissimæ: modicum nunc si oportet contristari in variis tentationibus. *b*

a Dixit hoc in mensa publica An. 1634 die 21. Augusti.

b I Pet. c. I. v. 6.

S. III.

Theodoretus varias sanctorum hominum pugnas percensens, demum de viro sanctissimo, luctatore proflus magno sermonem

monem instituens : Jacobus, inquit, Maronis discipulus, tugurio & murorum te-
gumento hisque omnibus valere jussis pro-
fecto calum habuit, omnes aëris injurias
passus, jam solaribus radiis exustus, jam
nimbis perfusus, jam nive ac glacie oper-
tus: quæ omnia ita fortiter & constanter
pertulit, ac si corpore non suo uteretur.
Nec tamen tentationes dæmonis evasit,
etsi maximis rigoribus carnem domaret.
Alimenti calidi nil unquam admisit. Tres
sæpe dies totidemque noctes ita tegeba-
tur nivibus ut glaciaretur, nec tamen ora-
re desisteret. Sæpe ligonibus è nive ac
glacie vicini eum eruerunt. Semel dum-
taxat, idque vesperi corpus refecit; lens
madefacta pro tota ei coena fuit. Tam pe-
ctus, quam tergum catenis ferreis decussa-
tim constrinxit; collum insuper & lum-
bos circulo ferreo ligatos semper in ipso
etiam morbo habuit. Quod Theodoretus
ipse vidit & contrectavit, & viro in sei-
psum rigidissimo ægrè persuadere potuit,
ut tantisper in febris ferreum illud multo-
rum talentorum onus seponeret. Nunc
quidem, ô Pater agebat, Theodoretus,
febris officio ferri fungitur; cum ea verò
remiserit, tunc rursus suum corpori labo-
rem ex ferro imponemus. His demum
precibus ægrotum flexit. Ter quaterve
illum diabolus diuturna prorsus siti affli-
xit. Cum enim unus aliquis soleret bis
quavis hebdomade aquam adferre, dæ-
mon Jacobi formam induens à ministro
illo aquam accepit & effudit. Tandem

Jacobus jam pane confectus siti, quam diebus quindecim sine omni potu toleraverat, quæsitivè socio, Cur aquam tam diu non tulisset? Ego verò, inquiebat iste, semper eam attuli, & tu obvius à me consuetum potum accepisti. Hic Cacodæmonis fraudes patuerunt. Nec tamen sanctissimum virum tentare desiit veterator. Nam nocte quadam vociferatus altum Ego, inquit, iis te foetoribus opplebo & tantum infamiæ inuram, ut nemo te ve oculo dignaturus sit. Cui Jacobus promptè: Ego verò, inquit, gratias tibi agam, quia in tuum inimicum beneficus, hoc unum efficies, ut Dei ardentius meminerim. Quò enim mihi plus otii fuerit, hoc magis in divina pulchritudine contemplando occupari potero. Paucis post diebus visæ sunt duæ mulieres è monte descendere, quas Jacobus ad insolitum aspectum expavescens lapidibus insectari statuerat, sed minarum quas noctu audierat, memor: Hæc est, ajebat secum, illa infamia infernalis colubri. Ego autem ne quidem movebo me, sed Deum deprecabor. Dixit, & illæ ambulantes feminæ evanuerunt. Sed necdum ullæ tentationum induciæ. Omnia molitus est dæmon, ut vel saltem turbaret viri preces, si propositum mutare non posset. Hinc variè noctu terrores & incredibilis sæpe inquieties objecta. Audiebantur nonnunquam currus & vehicula transeuntia, aurigarum clamores, hinnitus equorum, pedestris turbae strepitus, rixantium tumultus, mulierum

lierum ululatus, imminentium latronum excursus. Sed irrita fuerunt hæc omnia tentatoristerri culamenta. Nectamen destitit tentare. Ita floridissimi juvenis formam induit; decora cæsarie, eleganti vultu, ore subridente Jacobum adiit. At vir sanctus jam notas fraudes persentiscens: Quomodo, inquit, maligna vulpes terram orbis & omnes homines tuis tentationibus sollicitas? Cui dæmon: Non solus, ait hoc ago, multi sumus, qui & ludimus, & in serium ludos vertimus. Huic denuo Jacobus: Abi, ait, imperante Domino JESU, & notum tibi hospitium porcos subi. Non tulit Christi Nomen speciosa larva, & in auras abiit. *a*

His sese artibus miserrimi cacodæmones tenent, hoc eorum est negotium, tentare. Quod infra demonstrabimus, de Tentatione locuturi.

Nos sedulos opifices æmulemur, cum eos varius exercet labor, cum vestiendi aut calceandi exigunt quæ facienda conduxerunt: Ergo, ait Magister, laboremus & satagamus. Ad fores expectat lucrum, certè ad nos ingressurum si fores pandat labor. Amici desidia & mora sunt fugandi. Ergò citius surgendum, ad lectum serius redeundum. Noctes utrimque mutilatæ longos faciunt dies. Agamus socii, agamus. Non deambulandi, non otianti, non portandi, sed laborandi &

E 5

lu-

a Theodoretus c. 21. apud Rosveidum mihi pag. 831. & seqq.

lucrandi jam tempus est Ita sua senio providebimus solatia.

En mechanicum ingenium, si quidem frugi sit, in rem suam tam catum est, ut opportunitatem augendæ pecuniolæ non sinat elabi vacuum Ita prorsus cum maximè quis tentatur, ipse sibi dicat: Age age: jam attentius & crebrius orandum, exteriores sensus custodiendi cautius, plus stippis largiendum, parcius prandendum, subinde coena abstinendum. Nec enim abit tentator cerberus, dum macellum patet. Vigiliis, abstinencia, precibus hic canis stygius fugatur. Ergo Deum totis brachiis, & quam arctissime potes, complectere. Nulla tibi tentatio, nulla nocebit adversitas, ut Ecclesia canit, si nulla tibi dominetur iniquitas. Nunc animis opus; aude aliquid exlo dignum. Non spectatorem tantum, sed & auxiliatorem habes Dominum JESUM, Pontificem tentatum per omnia. Hunc intueri in deserto esurientem, in oliveto precantem, in prætorio sputis, flagris, spinis opertum, in clivo Golgothæo linguis, fannis, clavis confixum, pro te mortuum. Quid tu pro illo? Si crucem tuo corpore vestire non potes, eam saltem patienter porta. Resiste diabolo, & fugiet à te. Si pugnare non vis, præmium non amas, calum odisti. Quid trepidas? Solus non es; Dominus JESUS tecum est, ut pugnantem juvet, ut vincentem coronet. Vicisti, si audes & velis vincere. Omnia, vel maxima quæque mala diligentibus Deum cooperantur in bonum.

Hæc

Hæc omnium validissima est cohortatio, qua se ipsum quisque ad virtutem concitat. Sibi ipse quilibet potentissimus virtutis suavor est.

CAPUT VI.

*Tentationes animum emaculant &
Sapientiam decent.*

Multa sunt aromata, quibus sine omni detrimento vitæ carere possumus. Et quanti sine pipere ac gingibere, sine croco, caryophyllo, cinnamo, sine mace *a* & unguentaria nuce, sine omni peregrino aromate vitam agunt commodissime. Has merces Germani è terris alio sole calentibus apportant. Sine aromate Germanico, sine *Sale* difficillimum est vivere. Sal non tantum panibus pinsendis, sed omnibus panis cibis coquendis admiscetur. Nec tantum cibis, sed & aliis quæ parantur in cibos, sal adhibetur. Carnes bubulas cervinas, aprugnas, pisces, & quicquid ejuscemodi eduliorum est, diutius servare non licet, nisi sale aut fumo durentur. Butyrum diuturniori usui servandum, prius est saliendum. Mensa sine sale profana, culina sine sale pauperrima, nulla est. Hinc Origenes: Sicut caro, inquit, si sale non aspergatur, quamvis sit præcipua, corrumpitur: ita & anima nisi temptationibus assiduè saliatur continuo resolvitur & relaxatur. *b* Caro sale non conspersa corrumpitur, animus temptatione

a Muscatblüe und Muscatnuß.

b Orig. in 1. Num.

tione non duratus contabescit ; Quod divus Leo asseverans : Nulla sunt, inquit, sine tentationum experimentis opera virtutis ; nulla sine perturbationibus fides, nullum sine hoste certamen, nulla sine congressione victoria. *a* Tentatio hominem ab ignavia tabe conservat, tentatio purgat, tentatio prudentiam donat, sapientem efficit. Quod jam explicatius dicendum.

b S. Leo. *serm.* 35.

§. I.

Tentatio delictorum sordes expurgat, prudentiam & Sapientiam ingenerat. Quod Hebræus psalter testatus : Igne nos examinasti, ait, sicut examinatur argentum. *a* Valde quidem urit, ô Domine, tua fornax, sed istud est solatio ; sicut nobilioris notæ metalla ex igne prodeunt formosiora, ita nos tentatione purgamur & recoquimur, excussa scoriâ prodit argentum purum, aurum excoctum. Quod Zacharias prædicens : Uram eos, inquit, sicut uritur argentum, & probabo eos sicut probatur aurum. *b* Annis superioribus ussit Dominus Germaniam fame, bellis, peste. Illud tamen solatur omnem publicam & privatam calamitatem : Deus aurifex peritissimus scit quid faciat, nec ullas sibi leges figi patitur : argentum suum, quamdiu vult, excoquit & purgat idque argenti bono. Nam addit Zacharias :
Ipse

a Psal. 65. *vers.* 10.

b Zach. *cap.* 13. *vers.* 9.

Ipse vocabit nomen meum, & ego exaudiam eum. Sed sunt, qui querantur: Vocamus, ajunt, sed non audimur. O male queruli! Nemo istud cogitet. Non audimur, ait Augustinus, ad voluntatem, sed audimur ad sanitatem. Erasmus, quis enim neget, argentum rude, impurum; hoc ergo fuit excoquendum. Quod Isaias dixit: Convertam manum meam ad te, & excoquam ad purum scoriam tuam, & auferam omne stannum tuum. *a* Res mira, non omnia molliit ignis. Cera quidem in igne liquefcit, diffuunt metalla, limus durefcit. Maronis metrum est:

Limus ut hic durefcit, & hac ut cera liquefcit.

Uno eodemque igni ——— *b*

Sunt qui tentatione efferatiores fiant & pertinaciores, divina negligant, Deum precari definant, cæli surditatem accusent & impiè dicant: Quantumvis diu multumque orem, nihil tamen efficio; ferreum est cælum atque inexorabile, Labori ergo parcam. Quid enim frustra clammem si non audiar? En lutum graviter induratum. At verò probi dolore animi colliquefcunt in ipsas quandoque lacrymas. Metallum probum, argentum purum. Tentatio, inquit, Augustinus, tempestas est, ex qua hic emergit, ille suffocatur, Israël's populus per mare medium viam transeundi reperit spatiosissimam, rex Pharaon cum suis in eodem maris vado

a Isa. c. i. v. 25.

b Virgil. ecloga 8.

do submersus est: Noëmus cum suis in diluvio super omnia montium cacumina in sublime per arcam evehctus est, reliqua omnis turba in aquis periit. *a* Tentationes ita quosdam purgant, ut ii ad Deum, ad cælestia & divina ardentius ferantur. Hos inundantes aquæ in altum elevant.

Quartana febris, morbus planè admirabilis. Adversus hunc subinde plurima tentantur, profectu nullo. Ægrotus demum liberalissime, & quantum appetentiæ lubet, jentare finitur, sed à cibo, vel ante illum propinatur poculum quod cieat vomitum. *b* Ita æger cum amplo fenore reddit, quicquid prius ingessit: nam una cum cibo glutinosos humores & alvi coacta rejicit. Hæc hominis sanitas: ita quartana pellitur. Tentatio velut medicata potio, in mente turbas excitat, molestias creat, parit nauseam, sed ita purgat; tentatus sæpe omnem conscientiam in aures fidas exonerat, ita gravi se onere levat. Mare circumstantibus ventis & tempestate commotum, perinde ut homo nauseabundus, vomit & unà plurimum purgamenti rejicit, eoque vomitu seipsum depurat: tentationes velut turbines & tempestates valde commovent, sed simul sordes diu collectas ejiciunt.

Joannes Gerson vir ad omnem pietatem eruditissimus hîc solatur, & : Quamvis, ait, in tentatione quispiam non usque

quaque

a Gen. c. 7. v. 17.

b Vomitorium appellant.

quaque cautissimus aliquantulum delin-
quat, nihilominus si divina voluntati sese
conformans dicat: Sit, Domine, sit istud,
pro ut vis: hic errores suos insigniter le-
git & amplam promeretur gratiam; ex-
coquitur & fit mundus. Divinus Moses
etsi virorum omnium mitissimus, tamen
tentatus, & velut è stomachi nausea æger
querimoniam non unam ultro citroque
jactans, & velut cum Deo suaviter expo-
stulans: Cur, inquit, afflixisti servum
tuum? quare non invenio gratiam coram
te? & cur imposuisti pondus universi po-
puli hujus super me? Nunquid ego con-
cepi omnem hanc multitudinem, vel
genui eam, ut dicas mihi, Porta eos in si-
nu tuo, sicut portare solet nutrix infantu-
lum &c. Unde mihi carnes, ut dem tan-
tae multitudini? &c. Non possum solus
sustinere omnem hunc populum, quia
gravis est mihi. *a* En Mosem hominem
mansuetissimum, sed tentatum, quanta
fiducia omne cor suum in Dei aures egur-
gitavit? Purgat animum tentatio.

a Num. c. II. v. II. & seqq.

§. II.

Sed & sapientiam instillat tentatio. Si-
racides apertissime pronuntiat: Qui non
est tentatus quid scit? *a* De homine ad
omnia inexperto ita solemus loqui: Quid
ille rerum omnium rudissimus sciat? nun-
quam nec pedem patrio solo extulit, lu-
cem non aspexit; gladium nunquam
strinxit,

a Eccli. c. 34. v. 9.

strinxit, bombardam nullam explosit, nullam academiam vel eminus unquam vidit, celebritatem nullam adiit, Veronensi sene stupidior.

Indocilis rerum, vicina nescius urbis. a
qui non solum in acie nunquam stetit, sed nec aciem, nec ullum unquam hostem spectavit, ad suam domi fornaculam confenuit, nec portis quidem urbicis egressus, quid ille de bello differere nōrit? Improprorsus, qui non est tentatus quid sciat, cum nihil didicerit, rudis & fatuus in plurimis? Quibus consiliis, qua juvabit opus tentatum ipse nunquam tentatus? Experientia & usus, Magister rerum optimus. Illum laudabimus chirurgum, qui multa obligavit vulnera, medicum illum qui multos curavit aegros, ipse nonnunquam aeger; illum pugilem & lanistam, qui in palaestra saepius probè contusus non raro cruentum cum corolla caput abstulit: ita ille nobis sapiens qui per tentationes è caelo eruditus, per experientiam ex se scientiam sibi comparavit, doctrinam demum discendo ab aliis accepit. De Christo ipso clarissime Paulus: Et quidem, inquit, cum esset filius Dei, didicit ex iis quæ passus est, obedientiam. b

Cassianus narrationem fide dignissimam ingressus: Juvenis, inquit, nobis optime notus, nec omnium ignavisimus, ad senem quærendi remedii causa profectus, tentationes suas omnes candidè

aperuit.

a *Claudianus de sene Veronensi, mihi p. 151*

b *Hebr. c. 5. v. 1.*

aperuit. At imperitus senex amarissimis
eum verbis excipiens, religione ac Mo-
nachi nomine indignum dixit, qui talibus
laboraret cupiditatibus. Hæ senis tam
importunæ objurgationes ita juvenem
vulnerarunt, ut letali tristitia involutus a-
nimum penitus desponderit, nec jam
amplius cogitaret, quomodo tentationi
obstisteret, sed qua proxima via illi satis-
faceret. Dum ergo è senis tugurio mœ-
stissimus abit; jamque cogitationum astu
abreptus vix sciret ipse quò tenderet, A-
pollo abbas optimis ominibus illi obuius
statim è juvenis vultu didicit, quid turba-
tionis animo lateret. Sciscitatur ergo fa-
miliarissime, quid illæ frontis nebulae si-
gnificarent, quis animum occupasset mœ-
ror? At juvenis pisce magis mutus, nec
verbulum habuit respondere. Apollo
mellitissimis verbis hominem aggressus,
quædam quærere, & unà ad responsum
animare, spemque optimam injicere.
Hic silentium rumpens juvenis, & inge-
nuè animi vulnus detegens: Quandoqui-
dem, inquit, è senis illius sententia, re-
ligione indignus sum, & vestem hanc &
simul religionem omnem exuam. Ad
meos redibo, facturum quod meus mihi
genius dictaverit. Ita statui. Ubi Apollo
senex detectum vulnus vidit, ita læsum
oratione blanda demulcendum ratus, nar-
rare coepit, quantas ipsemet, & planè
simillimas, imò easdem prorsus tentatio-
nes sentiret. Sed, ô mi optime juvenis
non est quod desperemus, inquit, sed nec
F. adeo

adèd miremur hæc talia nobis evenire
 nequissimus hostis noster non feriat
 sed nec erubescit teterrima quæque su-
 gerere. Hæc illius negotia sunt. Sum-
 mus animos; ope divina, Dei gratia ad-
 ti non difficulter vincemus hostem. E-
 quæso te, vel diem unicum differ quo
 facere destinasti. Spe plenus ad tuam ce-
 lulam redi. Ego exsequar cetera. Mo-
 hic ipse Apollo in pedes se conjiciens
 tugurium morosissimi senis illius prop-
 ravit. In via passis brachiis fufisque lac-
 mis Deum precatus: O Domine, inquit
 humani cordis arbiter & medicus omni-
 imbecillitatis nostræ scientissimus, mor-
 bum & impugnationem illius juvenis ut
 senem istum converte; sentiat unde con-
 miserescere aliorum discat. Dixit, &
 una vidit ab Æthiope ignitum jaculum
 senis casam torqueri. Continuo senem
 ædícula procurrens, & iterum rediens
 iterumque in apricum provolans, jamque
 velut ebrius & amens huc illuc cursit-
 bat, imò & eam ipsam viam, qua juven-
 meditabatur aufugere, insistebat. Apo-
 lo satis intelligens quale vulnus senis an-
 mo ignitum illud diaboli telum inussisse
 æstuantem & mirè turbatum senem ad-
 cedens, ejusque manu prehensa: Quo-
 properas, inquit, omnis maturæ gravitatis
 oblitus? An iterum juveniles impetu-
 induisti? dic quò te vagi pedes? At il-
 conscientia convictus, & arcanum pec-
 toris patere ratus siluit; altus gemi-
 tus vice responsi fuit. Cui Apollo: cellar-

cellam, inquit, revertere, & tandem intellige, quam haftenus miles imperitus fueris, nec versutias hostiles noveris. Et certe diabolus vel ignoravit te, vel contemptim prateriit, & despexit. Nec enim in eorum numero censendus es, quorum ille studia & sacros profectus quotidianis praeliis lacescit. Unicum in te jaculum contorsit, & tu illico victas manus præbere, religiosam disciplinam velle abrumperere, sacra castra deserere. Vide, post tantam annorum seriem quam hoc vitæ genere trivisti, etiamnum tiro es, & prima religionis rudimenta nescis. Disce igitur vel senex imbecillitati alienæ lenitatem ac misericordiam tribuere. Hoc ideo in te permisit Deus, ut ipsa doceretur experientia mitius cum tentatis agere. Juvenem illum non tantum solatiis & consiliis non fovisti, sed quantum in te erat, in desperationis foveam egisti ab hoste devorandum. Et utique illum hostis tam valide non oppugnasset, nisi eum judicasset te fortiores. Sed pepercit illi Deus, imò & tibi magis, illum pernicioso tentationis æstu liberans, te pio condolendi affectu instruens. Dominus est qui flagellat & salvat, deducit ad inferos & reducit, ^a Dominus mortificat, & vivificat; Dominus pauperem facit & ditat, humiliat & sublevat. ^b Quia ipse vulnerat & medetur; percutit & manus ejus sanabunt. ^c

F 2

Hæc

^a Tob. c. 13. v. 2.

^b 1 Reg. c. 2. v. 6. & 7.

^c Job c. 1. v. 18.

Hæc oratione copiosa impressit seni Apollo, ut eum doceret mansuetius cum tentatis agere. *a*

a Cassian. Collat. sacra 8. c. 13.

S. III.

Vetus est præceptio: Cum tentato noli duriter agere, sed consolationemingere, sicut tibi optares fieri. *a* Idque convenienter paginis divinis. Salomonis scita jubent: Erue eos qui ducuntur ad mortem, & qui trahuntur ad interitum liberare ne cesses. *b* Qui graviter tentatus est, non procul ab interitu est. Hic ergo aliquis placidissimis à præcipitio abducendus. Quando igitur vel Paterfamilias, vel cœnobii Guardianus, vel monasterii, vel collegii Rector, vel domus dominus videt filium aut servum aut domesticorum alium tentatione gravi pane absorptum, cogitet: Hic homo jam igneus mons est, quacunque tangam, uret. Objurgationem acerbiores jam agrè capiet. Quid enim mirum: apud se non est; suo tempore ubi ad se redierit, monitotum patiens erit. Hæc illa est sapientia quam è tentatione discimus, quam & divinus Paulus commendans: Vos, inquit, qui spirituales estis, hujusmodi instruite in spiritu lenitatis; considerans te ipsum, ne & tu tenteris. *c* Non absimili sensu sibimet gratulatus Isaias vates: Dominus, ait, dedit mihi

a Thomas de Kempis l. 1. c. 13. n. 4.

b Prov. c. 24. v. 11.

c Gal. c. 6. v. 1.

mihi linguam eruditam, ut sciam susten-
tare eum, qui lassus est, verbo. *a* Quod
& de Servatore Christo Isaias & Mat-
thaeus affirmantes: Calamum quassatum,
ajunt, non conteret: & linum fumigans
non exstinguet: in veritate educet judi-
cium. Non erit tristis neque turbulens. *b*

Hanc Christi sapientiam tanto facilius
discimus, quanto ipsi gravius & frequen-
tius tentamur. Qui non est tentatus, quid
scit? Revera quod idem Isaias asserit: Ve-
xatio dat intellectum. *c* Nam uti asinus
nec minis movetur nec promissis, sed
baculo; & Phryx non nisi plagis emen-
datur: ita quidam hominum tentationi-
bus & stimulis compelluntur ad meliora.
Tentatio protoplastis aperuit oculos, qui
tamen melius mansissent clausi. Sed
optimus Deus illam tentatoris colubri in
paradiso victoriam Christi morte in no-
strum emolumentum ita flexit, ut ocu-
los nobis referet tentatio, sed bono no-
stro. Discamus hanc sapientiam, & nos
ipsos consideremus, ne cum tentato du-
tius agamus.

Hic opportuna quæstionis est, cur dæ-
mon protoplastos tentaturus schema ser-
pentis induerit? Nam ea forma terrorem
potius, quam benevolentiam, & amorem
conciliare potuit. Cur non columbæ aut
cygni candorem induit, ut quod suasurus

F 3 vene-

a Isai. c. 50. v. 4.

b Isai. c. 42. v. 3. & 2. Arundinem quas-
satam non confringet, ait Matt. c. 12. v. 20.

c Isai. c. 28. v. 19.

venerat, expeditius persuaderet? Augustinus super hac ipsa quæstione differens. Si autem quæritur, inquit, cur potissimum per serpentem diabolus tentare permixtus: jam hoc significandi gratia factum esse quem non admoneat scriptura tantæ auctoritatis, tantæ divinitatis documentis agens in prophetando, quantis effectis jam mundus impletus est? Non quod diabolus aliquid ad instructionem nostram significare voluerit, sed cum accedere ad tentandum non posset, nisi permixtus, num per aliud posset, nisi permixtus quod permittebatur accedere? Quicquid igitur serpens ille significavit, ei providentiæ tribuendum est, sub qua & ipse diabolus suam quidem habet cupiditatem nocendi, facultatem autem non nisi quod datur vel ad subvertenda ac perdenda vitæ, vel ad humilianda sive probanda vitæ misericordiæ. *a*

Gregorius Nyssenus *b* sapientiam hic instillans iis qui tentantur: Disce, ait, quod hostis te oppugnet: serpens tortuosus, lubricus, exitiosus, igneus, veneno plenus. Tu caute ac prudenter age; vasserrimus est hostis tuus & celerissimus, qui adven-

a Aug. tom. 3. l. 11. de Genesi ad l. c. 11. mihi pag. 267. & c. 27. pag. 67.

b Greg. Nyssenus de vita Moysi. S. Thomas in 2. dist. 21. q. 1. art. 1. hanc assignat causam: Non permisit Deus Eva sub alia quam serpentis specie tentari, ne illa terreretur & à colloquio averteretur. Alii alias assignant causas.

rium dormitorem facile fallit. Rectè igitur serpens æneus à Mose in ligno, suspensus, ut saltem serpentis statua, cum ipse serpens non posset, in patibulum attolleretur. Solent nonnunquam iudices, cum reum ipsum non possunt plectere, effigiem rei ad furcam aut rogam damnare. Ita diabolus primorum conjugum duorum deceptorum reus in crucem actus, non quidem ipse, cum sit spiritus, sed imago ipsius: perinde ac si dixisset Deus, quo habitu deprehensus es, eo etiam puniendus es: In monstri colubriferi forma te deprehendi, in ea te judico, te damno, te suspendo. Sapere nos doceat vel ipsa hæc tentatoris forma in furcam sublata.

CAPUT VII.

Tentationes in sui Notitia erudiunt, submissum & humilem efficiunt.

Cum scitur, in vicino subsidere hostis longè diligentius vigilatur, quam cum remotus esse creditur. In lubrico subinde minus quis capit, quia cautius incedit, & ad passus singulos solertius attendit; gradum movet formicinum. *a* In via planissima non pauci manus & crura fregerunt, qui periculosos calles transierant illasi. Inter scopulos maris & voragines rariora sunt naufragia, quam in vado, ubi naves in arenam invehuntur, aut etiam in ipso portu, qui nonnunquam navigia omnium periculorum secunda glutiit. Olla, quæ rimas agit, subinde diutius ad

F 4

fontem

a Plautus: thut enge Schrittlein.

fontem fertur, quàm quæ omni caret vulnere, sed ab incauta manu tractatur. Homo debilitatis fractisque viribus non rarò robustissimos quosque vivendo vincit, quia sibi gnarus suæ valetudinis studiosis attendit. Homo tentatus, qui ad lapsum invitatur, sæpe minus labitur, modò seipsum observet, quàm qui rarissimè tentatur. Tentatio ad scholam trahit, ubi discitem sui ipsius notitia imbuat. Qui seipsum novit, seipsum etiam utique submittit & modestiam sapit. Tentatio quia hominem sibi notum, eundem quoque humilem & submissum efficit. Quod hæc ipsa dissertatio exponet.

S. I.

E tentatione sibi quisque innotescit, & superbiæ alas submittit. Hieremias vates de humano corde non sine admiratione proclamat: Prævum est cor hominis, & inscrutabile, quis cognoscet illud: Ego Dominus scrutans cor. ^a Homo ipse quamvis Dominus sui cordis, quid tamen eo tectum lateat, partem maximam ignorat. Cor humanum velut antrum est infinitum & immensum, quod vis quisquam satis rimetur. Quavis die, quolibet hora illud ingredi, & nunquam non novas in eo latebras invenies. Istud semper audies: Plus ultra tende, plus ultra; penitus scrutare, hic longiores sunt recessus, tenebrosiores latebræ; hic delitescunt affectus tibi nondum cogniti. Rimare; ad finem antri non pervenies.

^a Hier. c. 17. v. 9.

venies; pravam dumtaxat, sed & inscrutabile cor humanum. Nos de nobis ipsis, si non optimè, plerumque benefestimus: si quando nosmet censura stringimus, ea est mitissima; & quis sibi nil indulget? quis omne, quod in se vitiosum pervidet? Est qui sibi blandissimè persuadeat, Deum à se amari super omnia, & profectò tamen seipsum aliave plus amat. Hujus illum argue; negabit. Sed paullulum exspectate. Tentatio hoc brevì non dissimulanter fatebitur. E reculis aut pecuniolis aliquid perdendum, hìc virum cerne, qui manibus ac pedibus resistat, qui denique malit Deum suum, quàm res suas perdere. Et tamen paulò ante gloriabatur magnificis verbis: Diligo Deum super omnia. Est famulus à quo herus obsequii quiddam inhonesti poscat. Ille ne offendant herum, offendit Deum, & promptus paratus suo domino postulatam gratiam gratificatur. Est qui se admodum liberalem existimet. Sed adest qui velit, jubeat mulgere crumenam. Tentatio horribilis; huic homini cor ferit, quisquis illius loculos petit. Hoc impià, quas fundit, voces satis testantur, cùm pecunia est eroganda. Est qui sibi videatur humilis & immunis ab omni fastu. Tenta illum sed lenissimè. Auctoritatem illius & existimationem vel paucillulum tange; oculi pupillam tetigisti. Non cedit vel hilum, existimationis propriæ tenacissimus. Videte homines istos sibi ipsis ignotissimos. Sed illistentatio illosmet ipsos ingerens, & se-

met ipsum cuilibet proponens : Vide, inquit , qualis sis.

Cùm subita est occasio, periculosa est plerumque tentatio. Hic pulvis nitratus, & fomes ignarius conveniunt, vicini pessimi. Est qui minimè se furem suspicetur, at ubi fortè fortuna occasio sese offert inexpectata & benigna, hinc sanctus iste homo clepit. Præcipitans manus scilicet rationem prævertit. Ita Maximiliani I. Imperatoris famulus Chrysendeton aureâ moneta plenum invasit. Sed libare tantum voluit hoc vini genus, & paucos inde aureos sublegit. Hoc illi occasio subita & tentatio periculosa persuasit. Ita & Ferdinando I. Imperatori adstantium dominorum aliquis horologium celeri manu subduxit & caligis abdidit. Nimirum ad expositas nundinas venerat, cur non emisset quippiam? Sed qua ratione uterque suaviter sit deprehensus, alibi narramus. *a* Utrumque certè subitanea occasio, & vehemens tentatio ad Lavernæ artes *b* impulit. Notissimum : Occasio facit furem.

Sed est qui pudicus sibi videatur de castis moribus. O Samson! Animam tuam ad tentationem præpara. At ille suis viribus fidit. Ita repentinus & petulans mulierculæ occurfus, improvisa Dalilæ alicujus blandimenta miserum sternunt; Occasio & tentatio pudicitiam illi non invito eripiunt. Occasionem si cavere voluisset, tentationem non difficulter vincere potuisset.

a Nicetas dicit l. 2. cap. 10.

Est

b Diebs griff.

Est qui tractabilem sese ac mitem credat. Sed iste sua opinione tam mitis homo vix oculo stringitur obliquo, vix fauciatur verbulo, vix tangitur, mox furit ira, dentes acuit, pugnumque facit, involaturus etiam, si possit, adversarium. Fortassis subitam irascendi occasionem non prævidit, & iræ succubuit.

Est qui magnanimus & constans videri velit. Sed repente rebus adversis ita concutitur, ut imbellis ac pavidus non tantum gradu moveatur, sed fugiat, arma projiciat, cadat, omnem pæne animum despondeat. Subitus eum tentationis acrioris incursus in illam consternationem dejecit. Tam imbecilles à nobis & miseri sumus. Tandem pro se quisque cogitur fateri: Non putassem me furem. Tentatio me mihi patefecit. Alius: Non putassem ab Asmodæo libidinis diabolo me vincendum. Tentatio me mihi prodit. Alius: non putassem tam multum in me fellis delitescere; columbam & oviculam me censui. Tentatio me mihi, qualis sim monstravit. Alius: Non putassem unquam me tam pavidum, impatientem, animo tam angusto, imbecilli, pusillo; me sanè multò fortiozem judicavi, sed istud jam tentationi credo. Vide igitur qualis sis, vide: In pace leo, in prælio cervus, & maximus super mensam lautiozem ad congios miles, promptissimus ad Bacchi pugnas Archistrategus. Quærit Athanasius

fius *a* cur permittat Deus hominem ita vexari & tentari ad malum? Duas assignat causas. Prior, Tentatio causa est victoria. Alexander Magnus, Julius Cæsar, Scipiones, Annibal, Themistocles, Pericles ad eam nominis celebritatem nunquam pervenissent, nisi per tot bella tot sibi peperissent victorias. Altera ut qui Deum verè diligunt, manifesti fiant.

§. II.

Gravis olim agitabatur controversia, num Jobus timeat diligatque Deum. Timeri & diligere Deum à Jobo asseverans Angelus: Vir ille, inquit, simplex & rectus ac timens Deum, & recedens à malo. *a* At contra Diabolus Deum à Jobo non timeri contendebat: omnem illius probitatem esse superficiali; Jobum haud aliter jam stare quàm domum foris venustam, intus ruinofam? Hussæum principem istum esse panem avenaceum sed triticea crusta obductum; vaginam auream, sed machæram plumbeam; sepulchrum marmore candido tectum, sed mortuorum ossibus plenum; adeoque Deum à Jobo nec timeri verè, nec diligere. Hæc igitur erat quæstio: Num Jobus ex asse probus sit, an non. An purum putum sit aurum, an adulterinum. Aurum esse obryzum & excoctum affirmabat Angelus; diabolus negabat. Quid jam! Probetur

a Athanas. tomo 4. initio. In questionibus ad Antiochum principem qu. 7. Si eatamen sint Athanasii.

b Job. c. 1. v. 2.

betur igitur & tentetur. Ad coticulam, ad lapidem Lydium examinetur; igne ac malleis exploretur. Hic ergo diabolus, permiffa venia, vim omnem exferere, totos vermium exercitus in unum Jobum ducere, corpus totum ulceribus opplere, omne pecus abigere, facultates omnes eripere, ipsam conjugem adversus miserrimum concitare, septennio toto doloribus assiduus, maximis ærumnosissimum excruciare, hoc uno parcere, quod Deus jusserat, non penitus occidere, ceterum suppliciiis omnibus dies noctesque validissime impugnare, idque modis omnibus agere ac tentare, ut Jobus providentiam divinam malediceret. Frustra hæc omnia. Incaßum sævit Avernalis carnifex; successu caruit tanta illius atrocitas; in nihilum abiit omnis tentatio. Victoriæ Jobus multò illustrissimam è septennali prælio reportavit. Exarmatus, victus, triumphatus est cacodæmon. Hic demum orbi patuit à Jobo Deum verè timeri ac diligere. Job aurum purissimum, ignibus & malleis probatum. Hic innocens Jobi simplicitas, hic odium peccati, timor Dei, & amor invictus enituit. Tentatio dotes animi profert in lucem; virtutem jubet clarescere tentatio. Tentatio hominem sibi ipsi notum efficit. Pæna interrogat, inquit Gregorius, si quis veraciter amat. Quod & Augustinus asserens: Noli ergo timere, inquit permiffum aliquid facere tentatorem: habes enim misericordissimum salvatorem. Tantum permittitur ille tentare, quantum tibi

bi prodest ut exercearis, ut proberis; ut qui te nesciebas, à te ipso inveniaris. *a*

Atque hinc quod è priore sequitur, submissionem animi & humilitatem docet tentatio; nemo insolescit & superbit, quàm qui se ipsum ignorat, nemo non humilis & modestus, qui ipse sibi ex toto notus. Ideo quod Divus Prosper dixit; Ad magnam utilitatem fidelium materia est reservata certaminum, ut non superbiat sanctitas, dum pulsatur infirmitas. *b* Hic fidelissimè religiosus scriptor submonens: Nemo, inquit, tam perfectus est & sanctus, qui non habeat aliquando tentationes, & plenè eis carere non possumus. Sunt tamen tentationes homini sæpe valde utiles, licet molestæ sint & graves, quia in illis homo humiliatur, purgatur & eruditur. Nescimus sæpe quid possumus, sed tentatio aperit quid sumus. *c* Tentatio non solum docet, sed pæne cogit hominem ut sese submittat, si paullo attentius hæc secum ipse perpendat: Ah mi bone Deus, quàm ego fragilis homo sum! vel aura leviuscula me dejicit, asperius verbum turbat; & ad omnem impatientiam exasperat. Ego hæcenus & scivi & expertus sum temulentiam mihi non leviter obesse, & tamen cùm in oculis, aut in manu vinum est, contra scientiam & conscientiam, & experientiam meam liberri-

mè

a Aug. tomo 8. in Psal. 61. mihi pag 256.

b Prosp. l. 1. de Vocatione gentium c. 8. mihi pag. 318.

c Thom. de Kempis l. 1. c. 13. n. 1, 2. & 5.

mè delinquo. Scivi hætenus & expertus sum mulierum consortium & libidinis malum mihi plurimum nocuisse, & tamen cùm tentatio invitât, in præceptis voluntariè ruo. Scivi hætenus & crebro nimium expertus sum, quantum hæc, & illa & ista mihi attulissent damni; quapropter & hæc & illa, & ista sexcenties, vel imò millies iterumque millies decrevi ac statui cavere constantissime. At ubi vel levis tentatio me titillat, illa omnia jam toties ejurata in meam perniciem avidissime resumô, & me ipsum capitis ego ipse damno. O quoties, bone JESU, animo firmissime proposui, gulæ nil indulgere, necessitatis limites edendo non excedere; in voluptatis gratiam nihil tangere: hæc mea quotidiana sunt decreta, in ea tamen ferè quotidie pecco. Cùm epulæ placent oculis, mox natant salivâ dentes, manus præcipitant, & ad os rapiunt ter millies damnata. Tales sumus heroës, tam constantis propositi Martyres. Imò, quod turpius etiam, dum statuiamus gulæ moderari, pro libitugulam pascimus. Eheu quotidiana hic pugna, utinam legitima, & rara est victoria. Ah, quid ego sum in tentatione, quàm debilis, quàm nullarum virium! Ut vitrum Venetum, tenerrimum lapsu vel illisu levi unico in testulas abit: haud aliter homo tentatus tam nullius roboris est, ut eum vel musca, vel vermiculus, vel cicindela turbet, & ad noxam trahat. Tentatio plerumque malos non facit; sed malitiam latentem detegit.

§. III.

Hæc quisquis secum ipse reputat, non potest quin cristas omnemque fastum ponat, & in sui nihilum pudibundus se immergat. Ita beatissimus Paulus: Ne, inquit, magnitudo revelationum extollat me, datus est mihi stimulus carnis meæ, Angelus Satanæ, ut me colaphizet, *a* In supremo cælo fuit, in Angelorum curiâ consedit, arcanissima quæque audit, semicinctiis suis sanavit morbos, dæmones fugavit; potuissent ista vel modestissimum virum efferre aliquantulum. Pulsata est ergo infirmitas, ut non superbiret sanctitas. Adolescentes nonnunquam in scenâ Magistratum vel politicum vel sacrum gerunt, Regum & Imperatorum filios agunt, in theatro, aut alibi etiam in templis Episcopos induunt: ubi verò personâ positâ redeunt ad scholas, & Magistro vel recitationis vel scriptiōis pensum non reddunt, ferulam subeunt, mulctantur virgis. Profectò non Imperatoris filius, non Episcopus cæditur, sed pulsatur negligentia, plectitur inscitia, ut adolescentem non nimium extollat scena, ne superbiat Episcopi dignitas, vel regia majestas, virgis castigatur puerilis levitas. Ita nos homunculi quandoque grandia spiramus, & nostram ipsi sanctimoniam & dignitatem circumspicimus. Et quis enim verò neget? Hæredes cæli, Angelorum cognati, cohæredes Christi sumus; & diabolus nos ita vexet ac

tentet

tentet? Sufflemus; *a* quid pulmonem
 ventis rumpimus? Hæc, quæso, mode-
 stius. Nondum in cælo sumus; in arenâ
 etiamnum & in palæstra luctamur. Si dia-
 bolus nos tentet, pulsatur infirmitas, ne
 efferatur sanctitas, nihil hac in re demitur
 nostris honoribus, tantò enim citius nos
 cælum hæredes, nos suos Angeli cognat-
 os, nos Christus cohæredes suos agnoscet,
 quantò promptius nostram ipsi maximam
 imbecillitatem cognoverimus. Atqui,
 Gregorio teste, nemo vires suas in pace
 cognoscit. Si enim bella defunt, virtutum
 experimenta non prodeunt. Improvidus
 miles est, qui fortem se in pace gloriatur.
 Nemo scit quantum profecerit, nisi inter
 adversa. Cùm enim adsunt prospera, cer-
 ni virium documenta non possunt. Ferial-
 mur paternis perturbationibus, ut, quan-
 tum proficimus, agnoscamus. Tentatus
 quisque offendit quidem quantum de
 Deo profecerit, sed in ipsis flagellorum
 afflictionibus etiam quantum de semet-
 ipso sit infirmus, agnoscit. *a*

Petrus Galilæus promissa ingentia & per-
 quam magnifica super meniam jactans:
 Paratus sum, inquit, tecum & in carce-
 rem & in mortem ire: Etsi omnes scan-
 dalizati fuerint in te, ego nunquam scan-
 dalizabor: Etiam si oportuerit me simul

G commo-
 di

a Plauto, *siffilare buctas*, *De cœn-*
ambiasen / *superbire.*

b Gregor. *tomo 2. l. 23. Moral. c. 18.*
in iud. m. hi. pag. 841.

commoriti tibi, non te negabo. ^a Hæc quidem amplè ac splendide dicta. Ampullabatur Petrus magnificis pollicitationibus. Non abiit diecula, non abiit tertia vel quarta hora, cum longè aliud monstrârunt facta. Nec unicam quidem horulam Petrus vigilare sustinuit, sed capto Domino ex horto se proripere, captum à tergo & eminus sequi, ad focum bis tёрque capti discipulum se negare, idque etiam jurejurando & anathemate interposito affirmare. Hæc à prioribus quàm plurimum dissõna. Ah quid est Enos, hoc est, homo miser? Pulsanda igitur fuit infirmitas, ne extolleret sese sanctitas. Petrum Petro ostendit tentatio. Permisit Christus labi Petrum, ut labentium Petrus commiseresceret, & lapsos erigeret. Ab hac tentatione tam gravi, quâ victus cecidit, jam multò moderatior ac mitior, jam & cautior atque submissior loquendo fuit. Illustri hoc exemplo pater. Christus à Cruce redivivus Petrum examinans: Simon Joannis, inquit, diligis me plus his? ^b Ad ea Petrus. Etiam Domine, tu scis, quia amo te. Vide te obsecro, respondit ad primam quæstionis partem, non ausus ad alteram respondere. De se profitetur, de aliis altum flet, dicturus alias: Plus his, plus omnibus te diligo. Demissiore fecit tentatio.

Haud absimili modo rex David: Ego dixi, ait, in abundantia mea non movebor.

^a *Matt. c. 26. v. 33. Marci c. 14. v. 31. Luc. c. 22. v. 33.*

^b *Joan. c. 21. v. 15.*

in æternum. At tentatione non levi concussus: Avertisti, ait, faciem tuam à me, & factus sum conturbatus. *a* Eheu! quid homine infirmius? Vir spiritûs divini plenus, tentatione sollicitante oriatur & adulteratur, mentitur & latrocinatur. *b* Pulsata est infirmitas, ne superbiret sanctitas. Davidem ostendit Davidi tentatio. Fateamur igitur cum tentamur, quàm parum nobis sit solidæ virtutis, patientiæ, charitatis, fiduciæ; humilitatis. Proxima est ad humilitatem via, sui notitia. Hanc dabit tentatio. Tentatoris nequitia, perfectus nostri principium.

a Psal. 29. v. 7. & 8.

b In Uriâ occidendo.

G A P U T VIII.

At tentationibus nemo mortalium securus.

TAm gratus plerumque ignis, quàm ingratus fumus. Ignis in foco ad coquendoscibos, in fornace ad calefaciendum conclave, ad purgandum aërem pergratus est. Compluribus locis amamus ignem, sed fumum odimus, quem & nares & oculi exsecrantur. Atqui ignem excitare sine fumo nimis quam rarum. Uti & capillum umbra, ita & igniculum fumus sequitur. Flamma fumo proxima. *a* Ignem cupimus, fumum igitur non aversemur. Ita differens Chrysostomus: sicut ignem præcedit fumus, inquit, victoria

G 2

pugnam,

a Plautus: Es ist kein Feuerlein/

das nit ein räuchle darbey sey.

pugnam, ita gloriam Christi, tentatio Antichristi. *a*

Christus ipse tentatus. Sanctissimi homines in prisca etiam lege tentatissimi. Ecquis æquè tentatus atque Abraham? An non & Patriarchæ alii Isaacus, Jacobus, Josephus, Jobus, Tobias gravissimè tentati? An non Josue, Caleb, David, Ezechias & Elias tentationibus variis exagitati? An non & Anna, Esther, Judith, Abigail, Sara, aliæque laudatissimæ feminae suas senserunt tentationes? An non Paulus fidelissimus DEI servus omni tentationum genere vexatissimus? Nemo mortalium à tentatione securus. Atque istud isto capite dicendum.

a Chrysost. hom. 49. in c. 24. Matth.

§. I.

A tentatione nusquam securitas. Nam, quod Paulus dixit: Oportet & hæreses esse, ut & qui probati sunt, manifesti fiant in nobis. *a* Ita oportet & tentationes esse. Luculentissime Augustinus: Vita nostra, inquit, in hac peregrinatione, non potest esse sine tentatione: quia profectus noster per tentationem nostram fit; nec sibi quicquam innotescit nisi tentatus; nec potest coronari nisi vicerit, nec potest vincere nisi certaverit, nec potest certare nisi inimicum & tentationem habuerit. *b* Qui molendinum ingreditur se farinario pulvere

a 1 Cor. 11. v. 19.

b August. in Psal. 60. post initium, mihi pag. 249.

vere adspergi non miratur; qui officinam subit coriariam, madori & foetori non irascitur: qui fabrum ferrarium ad incudem adit, fuliginosos vultus, malleorum ictus non reprehendit; qui mari se committit, nauseam & vomitum tributi loco pendendum non nescit; nemo miles miratur in bello jugulari homines: ita qui Orbem subit, omnia tentationibus esse plenissima ne miretur. Tentatio est vita hominis super terram. Verissime dictum: Quamdiu in mundo vivimus, sine tribulatione & tentatione esse non possumus. *a* Nec loci sanctitas, nec sanctorum societas à tentatione ullum præstat immunem. Et plerumque, quod addendum, una tentatione seu tribulatione recedente, supervenit alia. Christus clarissime: Nolite arbitrari, ait, quia pacem venerim mittere in terram: Non veni pacem mittere, sed gladium. *b* Dixerat quidem Ecclesiastes: Tempus belli & tempus pacis. *c* Verum quamdiu hanc vitam vivimus, tempus belli habemus. In regione beatorum sequetur tempus pacis. Factus est in pace locus ejus. *d* Humana vita est militia, non triumphus, est velitatio, prælium, pugna, confictus assiduus; loco meliore speranda quies & victoriae fructus. Veteranum militem audio vociferantem: Video aliam legem in membris meis repugnantem

G 3

legi

a Imitatio Christi l. I. c. 13.

b Matth. c. 10. v. 34.

c Eccles. c. 3. v. 8.

d Psal. 75. v. 3.

legi mentis meæ. *a* Loco longè beatiore audientur victoriæ voces : Absorpta est mors in victoria. *b* Nunc psalmos canimus pœnitentiæ scriptos. Nunc ubique bellum & tentatio. Sed quod Jacobus Apostolus pronuntiat : Unde bella & lites in vobis ? Nonne hinc ex concupiscentiis vestris, quæ militant in membris vestris ? *c* Radix & causa tentationis, rebellio carnis. Nimirum corpus quod corrumpitur, aggravat animam. *d*

Adolescentem prisci pingebant qui una manu alata in altum nitebatur, sed appensum saxum alteram in imum trahebat, eo significatu, ingenium sapius, quo minus emergat, inopia impediri. Ita sanè animus ad sui originem adspirat, sed eum corpus miserabili mole degravat. Spiritus quidem promptus est, caro autem infirma. *e* Hinc dilucide Hieronymus: Impossibile est, inquit humanam animam non tentari. Unde & in oratione Dominici dicimus: Ne nos inducas in tentationem: quam ferre non possumus. Non tentationem penitus refutantes, sed vires sustinendi in tentationibus deprecantes. Ergo & in præsentiarum non ait: Vigilate & orate, ne tentemini, sed ne intretis in tentationem, hoc est ne tentatio vos superet & vincat, & vos intra casses teneat. *f* Josephus

a Rom. c. 7. v. 23. *b* I Cor. c. 15. v. 54.

c Jac. c. 4. v. 1. *d* Sap. c. 9. v. 15.

e Matth. c. 26. v. 41.

f Hieron. tomo 6. l. 4. in c. 26. Matth. mihi pag. 60.

phus Ægypti prorex à libidinum præfide Almodæo tentatus est adulterio, sed juvenis castissimus in tentationem non intravit. Susanna quoque à nequissimis duobus vetulis est tentata, sed nec illa intravit in tentationem. Has vires, hanc vincendæ tentationis gratiam à Deo postulamus. Nam vinci, ait Hieronymus vel vincere nonnunquam in nostra est potestate; cæterum tentari in potestate tentantis est. Si enim Salvator tentatus est, quis potest esse securus intentatum se vitæ hujus maria transire? *a*

a Hieron. eod. tomo in c. 6. epist. ad Gal, mihi p. 155.

§. II.

Sunt homines animi pusilli qui secum jam plane actum putent, cum paullò acerbius tentantur. Hominem ita pavidum erudiens Gregorius: Unde fit, inquit, ut dum subita tentationis procella tangitur, despectum se à Deo & perditum suspicetur. Quæ quidem tranquillius si prævidet, tolerat, eorum tamen omnino certamina, etiamsi prævideat, non declinat, quia cursus nostri itineris nequaquam peragitur sine pulvere tentationis. Subinde verò ita circumfremetibus tentationum motibus angustatur, ut rectè de eo dici debeat: Abominabilis ei fit in vita sua panis, & animæ illius cibus antè desiderabilis. *a* Sed nemo desperet, Misericors Deus probari nos permittit tentationibus, non reprobati.

G 4

xi.

a Greg. 1, 24. Moral. c. 13.

ri. Hic oleum solatii affundens Jobi liber: Appropinquavit corruptioni anima ejus, inquit, & vita illius mortiferis. Consumpta est caro ejus à suppliciis. Sed addit: Deprecabitur Deum, & placabilis erit, & videbit faciem ejus in júbilo. *a*

Nemo liber, nemo tutus à tentatione: sicuti bellum neminem pronuntiat securum à plumbeâ glande, aliisque vitæ periculis. Fistulis ferreis in bello personant omnia, & hoc quotidianum est; tormentorum ancorum tonitrua non expavescit miles, qui sæpe pulverem tormentarium habet, & panem non habet. Id tamen generosum militem nihilominus solatur, quod hosti possit resistere, cum fami vix possit. Ita prorsus Christianum non terreat tentationes, etsi magna vi catervarim irruant: habet unde iis resistat, etsi solatiorum fomenta non habeat quibus animum reficiat: Non refert; Non pugnare tantum, sed & vincere possumus, tametsi solatiis careamus. Imo tanto gloriosior est victoria, quanto difficilior pugna, quantoque minus sensilis habet prædii. Non est arduum pugnare pro Christo cum divina desuper rorant solatia: hoc viri est, & verè Christiani militis, omni solatio destitutum pro Domini JESU gloria decertare, & cælum licet nubilum, licet ferreum amicissimis tamen vocibus salutare. Hoc prorsus est conformem fieri imaginis filii Dei, *b* qui crucis tormenta passus:

a Job c. 33. v. 22. & seqq.

b Rom. c. 8. v. 29.

passus: Sustinui, ait, qui simul contristaretur, & non fuit, & qui consolaretur, & non inveni. *a* Omnes videntes me, deriserunt me. *b* Quoniam non est qui adjuvet. Deus meus, Deus meus, ut quid dereliquisti me? *c* Hæc certandi norma Christianis ad imitationem proponitur, ut tentati vel acerbissime ad suum se duces conforment. Hæc omnis vita plena laqueis, tentationibus plenissima.

Quod explicans Ambrosius: Injiciunt, inquit, honoris appetentiam potestates mundi, ut te extollas. Quoties in oratione nobis, qua maxime Deo appropinquamus, offunduntur ea, quæ plena sunt operborum aut sceleris, quo nos à studio preceationis avertant? Quoties inimicus cordi nostro conatur inferere, quo nos reflectat à sanctitatis proposito & piis votis? Quoties corporeos inflamat ardores? Quoties occurfare facit oculos meretricios, quibus castum justus tentet affectum, ut improvise amoris spiculo feriat imparatum? Quoties inserit animo tuo verbum iniquum, & cogitationes cordis absconditas, de quo tibi dicit lex: Attende tibi, ne fiat verbum absconditum in corde tuo iniquum, & dicat tibi Dominus: Quid cogitas mala in corde tuo? Sed tu oblectare quasi bonus miles Christi Jesu, & inferiora obliviscens, terrena despicies ad cælestia & æterna contende.

G 5

Attolle

a Psal. 68. v. 21.*b* Psal. 21. v. 8. & 12.*c* Matth. c. 27. v. 46.

Attolle animam tuam, ne eam illiciat esc^a laqueorum. Voluptates sæculi, escæ sunt, & quod pejus est, escæ malorum, escæ tentationum. Dum voluptatem quæris, laqueos incurris. Omne iter istius vitæ, plenum laqueorum est. *a* Laquei in corpore, laquei in lege, laquei in pinnis templorum, in crepidinibus parietum tenduntur à diabolo. Laquei in philosophis, laquei in cupiditatibus: oculus enim meretricis laqueus est peccatoris. Laqueus in pecunia, laqueus in religione, laqueus in studio castitatis. Exiguus enim momentis mens inclinatur humana, & huc atque illuc pro versutia fraudentis frequenter impellitur. *b* Quisquis es, strenue pugna, ut denique cantare possis illud epinicion: Anima nostra sicut passer erepta est de laqueo venantium, laqueus contritus est, & nos liberati sumus. *c*

Ambros. tomo 1. l. de bono mortis, mihi pag. 249.

b Idem tomo 5. in c. 4. Lucæ. c. 4. mihi pag. 47. c Psal. 123. v. 7.

§. III.

Hebræus psaltes canit: Dominus interrogat justum & impium. *a* Sed quemnam, oro, crebrius? illum, an istum? quem severius interrogat, quem asperius tentat? Hoc scire nostrum non est. Hoc sciamus, tentationes in foribus excubare, ubique obvias occurrere, in conclave nostrum (parum hoc) in cor nostrum penetrare.

Tentatio

Tentatio in hortum omnium amœnissimum perrepsit. Orcinus coluber rimam certè reperit, qua inserperet. Vel ipsius cæli foribus se furtim admoveere ausa superbiæ tentatio, imò in ipsum etiam cælum perreptavit, & seditionem illic inter Angelos inauditam, infandam concitavit. Locis omnibus insidias struit tentatio.

Chrysostomus creberrimam mentionem regis Hebræi David injiciens: Hæreo, inquit, & æstuo, ac mente excido, quomodo David rex, propheta, Dei servus, Christi pater & avus carne, *a* humilitate armatus, virtutibus plenus, vir secundum cor Dei, peccatis maximis pessumdari permittitur? Tentatus & lapsus corruit. Legem sciverat: non moechaberis, non occides. Et moechus tamen & homicida fuit, Dei Propheta. Itaque qui se existimat stare videat ne cadat. *b* David ipsemet orabat, Cum defecerit virtus mea, ne derelinquas me. Et usque in senectam & senium, Deus, ne derelinquas me. *c* Nec sibi ipsi nec diabolo quisquam fidat, tametsi possit dicere: Ego vigiliis, Ego precibus, jejuniis, lacrymis, ciliciis in hostem me armo; castigo corpus meum, largas do eleemosynas, sacras præceptiones optimas & legi sapius & audiui, hætenus utcunque feliciter progressus sum. Nihilominus quisquis es, vide ne cadas. Nam illa

a Liber Generationis JESU Christi, filii David. Matth. c. I. v. 1.

b 1 Cor. c. 10. v. 12.

c Psal. 70. v. 9. & 18.

illa omnia & regi David fuerunt usitata. Oravit rex iste. Hinc illa psalmorum testimonia: Septies in die laudem dixi tibi. *a* Jejunavit: Genua mea immutata sunt à jejunio & caro mea immutata est. *b* Vigilavit. Mediâ nocte surgebam ad confitendum tibi. *c* Flevit: Lavabo per singulas noctes lectum meum, lacrymis meis stratum meum rigabo. *d* Castigavit corpus: Induebar cilicio, humiliabam in jejunio animam meam. *e* Aliis etiam rigoribus carnem maceravit: Cinerem tanquam panem manducabam, & potum meum cum fletu miscebam. *f* Et tamen tentatus & lapsus est. Ne confidamus itaque stantes, ait Chrysostomus, sed nobis ipsis dicamus: Qui videtur stare, videat ne cadat. Neque jacentes desperemus, & nobis dicamus: Nunquid qui cadit, non resurget? Nam & multi postquam in ipsum ascenderunt cæli vericem, & omnem exhibuerunt tolerantiam, & in desertis morati sunt, nec in somnis quidem viderunt mulierem? quod paullum torpuerint, supplantati sunt, & ad ipsum malitiæ barathrum devenerunt, vigilemus charissimi, per angustam ambulemus viam; confidentes simul & timentes: timentes quidem propter utrimque posita præcipitia; confidentes propter nos præcedentem JESUM. Ambulemus vigilantes & expergefacti:

vel

a Psal. 118. v. 164. *b* Psal. 108. v. 24.

c Psal. 118. v. 62. *d* Psal. 6. v. 7.

e Psal. 34. vers. 13.

f Psal. 101. vers. 10.

vel si paululum quis dormitaverit, illic prostratus est. Non n. sumus Davide solertiores, qui cum parumper neglexisset, in ipsum præcipitatus est peccati barathrum; sed cito surrexit. Quod si justus ille paululum torpescens talia cepit vulnera, quid patiemur nos si negligentes fuerimus? Ne consideres itaque quod cecidit, aut torpeas, sed quanta post hæc fecit, considera, quot lacrymas exhibuit, quantum poenitentia, noctes iungens diebus, fontes emittens lacrymarum, lectum lacrymis abluens, saccum indutus. Si verò ille tanta eguit conversione, quando nos salvari poterimus, qui post tot peccata nullo dolore afficimur? *a*

Ergo in hoc Mundo periculosissimo, quod idem Chrysostomus affirmat, vivimus quasi in pelago, ubi nunquam est minor tempestas. Etsi tempestas interdum non fuerit, tamen semper timor est tempestatis. Sic & in hoc mundo viventibus, nunquam est minor tentatio: etsi tentatio interdum facta non fuerit, tamen timor tentationis semper est. *b*

Quæ Hieronymus nervosa dictione confirmans: Stadium est, inquit, hæc vita mortalibus. Hic contendimus, ut alibi coronemur. Nemo inter serpentes & scorpiones securus ingreditur. Inebriatus est, inquit Dominus, gladius meus in cælo; & tu pacem arbitraris in terra, quæ tribulos

ger-

a Chrysost. tomos hom. 72. mihi pag. 387.

b Chrys. tomo 2. hom. 35. inc. 20.

Matth. mihi pag. 864.

germinat, & spinas, quam serpens comedit: Magnis inimicorum circumdamur agminibus; hostium plena sunt omnia. Caro fragilis, & cinis futura post modicum, pugnat sola cum pluribus. Nonne autem melius est, brevi tempore dimicare, ferre vallum, arma sumere, lassescere sub lorica, & postea gaudere victorem, quàm impatientia unius horæ servire perpetuo? *a* Paulus, vas electionis, separatus in Euangelium Christi, vocatus de cælo, post famem & tot jejunia, post nuditatem & carceres, ter virgis cæsus, ter naufragus, semel lapidatus, periculis & laboribus continuis, assidue morte occupatus, & tamen à tentationibus nequaquam liber exclamat: Infelix ego homo, quis me liberabit de corpore mortis hujus? *b* Et putas te securum non tentandum? Tu cave tibi à teipso, carni non nimium parce. Paulus jam flagellatum & virgis concisum corpus suum ipse insuper castigat, atque in servitutem redigit, & tu deliciis vacas, affectibus indulges? Tentatio ubique proxima est. Quod & beatus Leo adstruens: Quis enim, inquit, in hujus vitæ constitutus incerto, aut immunis à tentatione, aut liber inveniat à culpa? Quis est, qui nihil virtutis sibi adjici, aut qui nihil vitii sibi optere auferri? cum & adversa noceant, & secunda corrumpant, nec minoris sit periculi carere desideratis, quàm abundare

cons

*a Hieron. tomo 1. Epist. 22. ad Eustochi
mihi pag. 56. & 65.*

b Rom. c. 7. v. 24.

concessis? Insidiæ sunt in divitiarum amplitudine, insidiæ in paupertatis angustis. Illæ elevat ad superbiam, hæ incitant ad querelam. Tentat sanitas, tentat infirmitas: dum & illa materia est negligentia, & hæc causa tristitiæ. Laqueus est in securitate, laqueus est in timore, nec interest utrum animus, qui terreno tenetur affectu, gaudiis occupetur, an curis: cum par morbus sit, vel sub vana delectatione languere, vel sub anxia sollicitudine laborare. *a* Omne genus hominum tentationes vellicant.

Ipsū etiam Servatorem à diabolo tentatum considerans Gregorius: sed ecce, inquit, cū dicitur Deus homo vel in excelsum montem, vel in sanctam civitatem à diabolo assumptus, mens refugit credere, humanæ hoc audire aures expavescunt. Qui tamen non esse incredibilia ista cognoscimus, si in illo & alia facta pensamus. Quid mirum, si se permisit ab illo in montem duci, qui se pertulit etiam à membris illius crucifigi? Non ergo indignum Redemptori nostro, quod tentari voluit, qui venerat occidi. *b* Omnia ubique laqueorum plena, tentatio nusquam non vicinissima. Sed solatium grande Climacus præbens: Nullum, inquit, certius argumentum est, quod dæmones à nobis victi sint, quàm si nos acerrimè oppugnent. Tu verò animosissimè obluere, & quod idem Climacus monet, Congregata custodi. *c*

CAPUT

a Leo ser. 11. de quadrag. mihi pag. 128.

b Greg. hom. 16. in Evangelia.

c Climacus gradu 27. de Quiete, mihi p. 284.

CAPUT IX.

Tentati hominis duodecim in spiritali pugna stultitia.

Dies diei eructat verbum. ^a Victus hodie cras pugnat cautius. Ducis artem infauſta prælia quaſi tristes, ſed fidi edocent magiſtri, atque ubi ſit erratum, plagis admonent: ſic agricolam ſterilitas agrorum. Architectum lapſus ædium, iterati caſus equitem, nautam graves acunt procellæ: errando diſcitur. M. Marcellus prælio victus die proximo in aciem rediit, victorem ſuum majore quàm ab illo pridie victus erat, prælio vicit. Julius Cæſar ad Durachium inferior, ad Phaiſaliam in oxingenti prælio victor fuit. Ita Romani milles ſtrati ſurrexere altiùs, ut non hoſtes tantum ſuos, modò tam formidabiles, ſed totum ex ordine terrarum orbem virtus illis ac felicitas ſubjiceret. Multos docet experientia, quos non docuit ſchola, & præceptoribus ſurdum caput hauſit oculis, quod auribus non valebat. Nulla rerum humanarum certior Magiſtra, nulla diſcutiendis erroribus aptior, quàm tentatio & experientia; nuſquam clarius, quàm intertentationum vulnera prominet animi magnitudo. Ut igitur quivis ſe ipſum melius noſſe diſcat, quantamque ſit virium vel ictus intelligat, duodecim ſtultitias in ſpiritali pugna paſſim committi ſolitas hîc exponemus

§. I.

a *Pal. 18. v. 3.*

§. I.

1. *Antepugnam armare se nolle.* Sunt qui tunc primum arma corripunt, cum vulneris dolorem sentiunt. Hic Siracides monet: Præpara animam tuam ad tentationem. *a* Hostium medius semper excubet armatus.

2. *Arma sumere nimis ponderosa.* Orare perpetuò, nunquam laborare velle; immoderatis se jejuniis exhaustire; subito se iterum cibis farcire, oneri sunt non defensionis.

3. *Arma in ipso conflictu projicere.* Arma sanè projicit & certatim fugit, qui in ipsa tentatione Patientiam & Humilitatem exuit. Sapientiæ vox apud Boëthium est: Talia tibi contuleram arma, quæ nisi prior abjecisses, invicta te firmitate tuerentur. Homo verè patiens & humilis planè inviolabilis, insuperabilis, inexpugnabilis.

4. *Eâ parte, qua quis impugnatur minùs se munire.* Ad avaritiam pronus eleemosynarum liberalitate se muniat. In luxuriam propensus Abstinencia & fuga se armet. Ad superbiam concitatus, sui contemptu se tutetur. Ubi te sentis debiliorem, eò vires collige. Ulceri & parti lasæ non sanæ malagma est admovendum.

5. *Nolle hosti resistere loco opportuno.* Ut hostis excludatur urbe, arcendus est à portis. Ad exteriorum sensuum portas hostili agmini te oppone: oculos & aures claude, manus contrahe, gulam substrin-

H

ge,

ge, odoratui moderare. Væurbi, si hostis occupârit portas.

6. *Hostem jugulare nolle, dum parvulus & invalidus est.* Beatus qui tenebit & allidet parvulos suos ad petram. a Serpens antiquus est lubricus, ni maturè illum arcéas ab animo, in eum totus illabetur. Caput serpentis obtete dum parvus est, ne in grandein colubrum excreseat. Principiis obsta, tentationem, antequam invalescat, enerva.

7. *Oppugnare amicos, inimicis applaudere.* Propria voluntas; proprium & contumax judicium plus nocent homini, quàm alii omnes illius inimici; hoc tamen propriam voluntatem propriumque judicium complectimur, illos odimus & aversamur, qui Voluntati & Judicio nostro vel minimum contradicunt. Verte & pugna.

8. *Cum eo hoste velle congreddi & comminus pugnare, qui eminus est vincendus.* Sæpe hostis acquirit vires è vicinia; talis est libidinis tentatio, & omnia vitia voluptatis aliquid stillantia, quæ longè rectius fugâ, quàm collato pede superantur. Adversus hæc tantò felicior pugna suscipitur, quantò remotior.

9. *Fugiendo velle hostem vincere, qui pugna vincendus est stataria.* Ejus generis sunt adversa & incommoda omnia: his vera patientia non cedit, nec ea vincit fugiendo, sed ferendo. Pedem cum illis confert, & universa superat, placide tolerando. Verberant

a Psal. 136. v. 11. sensu morali, nam longe alius est literalis.

berant nos & lacerant res adversæ. Non est savitia; certamen est, quod quò sapius adierimus, fortiores erimus. Ad contemnendam malorum omnium potentiam, animus patientia durandus est.

10. *Armis pugnare similibus, cùm pugnandum esset contrariis.* Quid stultius & minus Christianum, quàm odio contra odium, garrulitate contra garrulitatem, stultitia contra stultitiam, conviciis adversus convicia pugnare. Disparibus hîc armis certandum est. Odium amore, Garrulitas taciturnitate, fatuitas sapientia, conviciium fausta precatatione oppugnandum. Prima legis est: Non reddentes malum pro malo, nec maledictum pro maledicto: sed è contrario benedicentes. *a* Ne respondeas stulto juxta stultitiam suam, ne efficiaris ei similis. *b*

11. *In eo hoste debellando frustra se fatigare, qui debellari potest sine labore.* Melior est patiens viro forti. *c* Quid igitur vindictam operose moliris? Exspecta Dominum, & liberabit te. *d* Magis eminet fortitudo in perferendis adversis, quàm in aggrediendis arduis. Tu ergo, quiesce, sile, patere, & causam tuam Deo committe. Ille in hostes tuos, te quiescente ac silente, acerrime vindicabit tempore.

12. *Hostem suum ad suimet exitum & interitum juvare.* Non est timendus hostis, qui

H 2

a 1 Pet. c. 3. v. 9.

b Prov. c. 26. v. 4.

c Prov. c. 16. v. 32.

Prov. c. 21. v. 22.

qui non vincere potest nisi volentem aut juvantem. Diabolus certè nec vincere nisi volentem, nec jugulare potest, nisi juvantem. Diabolus pectori gladium apponit, cum foedas noxiasque cogitationes suggerit, tu ipse hunc gladium cordi tuo infigis, cum cogitationibus consentis. Diabolum juvas, cum ad foveam, in quam præcipiteris properas. Fovea profunda est meretrix, & puteus angustus aliena. *a*

a Prov. c. 23. v. 27.

§. II.

Adversus istas, quas memoravimus, stultitias in spiritali pugna, non leviter juvabunt præceptiones istæ.

I. Tentationes aperiendæ, sed non obvio cuique. Aperiendas esse tentationes omnium sapientum est consilium, sed aperiendas intelligenti rerum harum perire. Veluti duo nebulones Susannæ pudicitiam tentantes alter alteri suam tentationem pessimè aperuit: nam cæcus cæcum duxit, & ita uterque in foveam corruit. Saccus frumentarius nucibus plenus se ipsum prodit; animus tentationibus agitatissimus ægerrimè se continet quin erumpat aut certè signis pandat. Jacob Rachel & Liam affatus: Video, inquit, faciem patris vestri, quod non sit erga me sicut heri & nudiustertius. *a* E vultu didicit oculi contra se tentati notas. Tentationes detegere sed prudenti, & qui conscientia tractare nòrit, consultissimum, imo necessarium.

a Gen. c. 31. v. 5.

cessarium, alioqui cor exedunt, & ad pessima quæque impellunt, tam insipienter clausæ. Spiritales viri experimentis creberrimis, & malo suo didicerunt, non sibi prius lucem è cælo alluxisse, quàm ipsi conscientiam & animum tentationibus inquietum Magistro spiritali aperuerint. Silentium hac in re perniciosissimum est. Tentationes patefacere, sed imprudenti aut obvio cuique, pessimum, nocentissimum. Nam tentatus alium turbat & seipsum non iuvat.

II. Tentationum multitudo præmeditanda. Solebat Abbas tirones suos in turrim editam educere, & loquente manu remotissimum locum commonstrans: En agebat, si ab hac turri usque illuc quò peringere possunt oculi, omnia crucibus essent oppleta, tu tamen tuas esse numerosiores crede. Animam tuam ad tentationem præpara. Innumera tibi etiamnum toleranda. Ita in antecessum muniit tironem.

Anno Christiano millesimo decimo sexto Benedictus VIII. summus Pontifex regem Sarracenum prælio vicit. Rex fugit, sed vires denuò collegit. Atque ut Pontificem terreret, grandem saccum sardianis glandibus, seu castaneis plenum misit cum hac denunciatione: Tot milites æstate proxima expectaret, qui vastarent Italiam. At Pontifex ut litteris nimium animosis responsum congrueret, Marsupium milio ^a iussit impleri, & Sarraceno

H 3

a Mit Hirsch.

raceno regi transmitti, his additis: Veniet modò, salutandum eum à tot armatis, quot milii grana marsupio clauderentur. ^a Darius, ut ferunt, hosti Alexandro Macedoni peram misit papavere stipatam, & unà dici iussit. Auderet progredi si vellet: peditatum & equitatum sibi tam esse numerosum, quàm missum papaver esse cerneret. Quod Alexander solum gustans exspuit, & sacculum pipere non contuso plenum remisit cum dictis. Tam peditatus quàm equitatus meus tuo est minor, sed est animosior. Tales sunt minæ diaboli, quales erant insanorum ducum illorum. Sed adsit, & innumeris nos tentationibus incurset, quisquis auxiliatore Deo pugnat, impavidus proclamat: Dominus illuminatio mea & salus mea quem timebo? Si consistant adversum me castra, non timebit cor meum. Si exsurgat adversum me prælium, in hoc ego sperabo. ^b Non timebo millia populi circumdantis me. ^c

Othoni I. Imperatori bellum memorant denuntiatum adjectis his minis: Plures hostiles galeas in Germania spectandas, quàm ea tota pileolos habeat stramineos. Risit Imperator prætumidam barbariem, & insolenti regi vicissim nuntians iussit: Veniret, si animo id sedisset, & coram cerneret quàm militares essent straminei pileoli. Hinc miles pileatus, non galeatus in aciem iussus descendere. Venit igitur

^a Baron. *tomo II. annal. Eccles. an. 1016.*

^b *Psal. 26. v. 1. & 3.*

^c *Psal. 3. v. 7.*

igitur rex barbarus, & vidit, sed revera non vicit. Nam prælio fusus, fugatus, captus est. Multitudo tentationum & copia quæ vel unicum hominem infestat, fit velut culeus castaneis, aut marsupium milio, aut pera papavere, aut crumena pipere, aut saccus nucibus resectus, nil tamen trepidandum. Solatio est quod Elisæus ministro suo dixit: Noli timere; plures enim nobiscum sunt, quàm cum illis. *a*

Assyriorum rex Sennacherib ingenti cum exercitu in Judæam sese infudit, omnemque impetum belli adversus Hierosolimam vertit. At verò rex Ezechias rebus bellicis prudenter ac mature dispositis, ad cohortandum populum progressus: Viriliter agite, inquit, & confortamini; nolite timere, nec paveatis regem Assyriorum, & universam multitudinem quæ est cum eo, multò enim plures nobiscum sunt, quàm cum illo. Cum illo enim est brachium carneum: nobiscum Dominus Deus noster, qui auxiliator est noster, pugnâtque pro nobis. Confortatus est populus hujuscemodi verbis. *b* Ita omnino præmeditanda tentationum multitudo, non formidanda. Nobiscum est Dominus Deus, qui auxiliator est noster pugnâtque pro nobis.

§. III.

III. Removendus tentationum fomes: agendum viriliter. Silex & chalybs si col-

H 4

lidantur.

a 4 Reg. c. 6. v. 16.

b 2 Par. c. 33. v. 1. & seq.

lidantur, scintillæ profiliunt, celer emicat ignis: fomitem huic igni subtrahe, si eum nolis vivere; sua tentationibus fomenta diripe, si eas nolis invalescere. Ite nunc vani; pecunias acervate, honores & dignitates inhiate, voluptates undequaque conquirite, indulgete genio, si plena sensibus licentia. His fomentis tentationes gaudent, his crescunt. Ita culeus nunc refertus colligitur.

Nuces relinquere Latinis est, imagunculas, crepundia, pupas, ineptias, nugas, fabulas amovere, tractare seria. Ita Persius:

- Et nucibus facimus quaecunque relictis.

Apud Romanos veteres sponsus cum domum duxisset sponsam, nuces sparsit, ut eo ritu sese jam emancipatum, pueritiam & puerilitatem finitam testaretur. Perinde si diceret: Reliqui nuces. Nuces repetere, ad nuces redire, aut à nucibus nunquam recedere, est apinas, puerilia, affanias semper tractare. Atque hoc est, quod crebrius instillat Paulus: Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. *a* Fratres nolite pueri effici sensibus. *b* Pueri plures faciunt nuces deauratas, quam centum aureos. Nimirum quam puerile est, culmum unicum attendere, & manipulum totum negligere; sestertiolos aliquot lucrari, & mille coronatos perdere. Hoc mundi vanitas & vanitatum

a 1 Cor. c. 13. v. 11.

b 1 Cor. c. 14. v. 20.]

nitatum maxima vanitas est. Hæc nostra est infantia, hæc insipiens pueritia: Res temporis solertissime curamus, quod æternitatis est, oscitanter transimus; ludicra & vana impigerrime tractamus, animi salutem inter postremas ferè curas habemus. Expendendos nummulos etsi paucos, decies versamus manu, in omnem vitam poenitenda & nocitura ore liberri-
mo profundimus; nec damnum æstimamus. Terræ punctum inter nos ferro & igni dividimus, cheu neglecto cælo! Infantia miserabilis, deploranda pueritia. Hæ nostræ tentationes sunt, neceas esse credimus; muscas venamur & apros dimittimus. Ita rarò aut admodum serò recedimus. Nuces ô pueri! nuces à seriis, à divinis, à cælestibus, ab æternis vos avocant. Exuamus, obsecro, hanc pueritiam; viriliter agamus, & æterna fluxis nunquam non præferamus. Confortemur & animose resistamus hosti. Citra laborem non constat hæc pugna, non venit palma, non obtinetur victoria. Comesse qui vult nucleum, frangit nucem. ^a Qui quærit honorem, ne fugiat laborem, qui iectatur voluptatem, impendat pius sudorem. Nux culleolis ^b tegitur amaris & duro putamine, recens nucleus suâ tunicâ evolutus pergratus est. Hæc sine morâ & labore non fiunt. Idem in omnibus scientiis. Vis Poësi & Rhetoricæ studere? Grammaticæ leges prius sunt ediscendæ. Vis Physicæ,

H 3

Meta-

^a *Plautinum.*^b *Grüne Nußschelfen.*

Metaphysicæ, Theologiæ navare operam.
Prius in spinosissimâ Logicâ sudandum.
In virtutis studio initium amarum, pro-
gressus facilis, finis jucundus. Tentatio nu-
cis instar corticem habet durum & acer-
bum. Sed frange nûcem, si vis esse nu-
cleum. Cave, nux ista te robustior sit.

Ambianum a narrant nucibus expugna-
tum hoc stratagemate. Ferdinandus An-
tellus ortu Cantaber, Prætoris Pompeio-
politani filius, Dorlani præsidio præfectus
valida manu Ambianorum fines oberra-
bat, si fortè casum urbis occupandæ repe-
ririt. Quod ut ex voto succederet, con-
fictâ famâ sparsum, præsidiarios S. Pauli
in Belgio, quod stipendia non procede-
rent, tumultuari. Hac scenâ Belgarum
quinque millia evocati Dorlanum advo-
lant, ubi fortuito cibo recreati de nocte
magnis itineribus Ambianum tendunt, &
appetente die ad tertium ab urbe lapidem
in ruderibus ac mâceriis latent. Antellus
portis multa jam luce reclusis, quadra-
ginta milites qui villatico habitu cultuque
annonarias sarcinas dorso gestent subor-
nat: Hic quidem gallinas, ille ova, hic
scopas, iste caseolos, alii vitulos, aliqui
olera, alias alii rusticanas merces ferebant.
Hos intus loricatos, & brevibus sclopiis
ac pugionibus accinctos præmittit, qui
diverso itinere portam, quâ in Atrebatens
exitur subeunt, & sub fasce anhelantibus
similes ad levandas sarcinas in urbis aditu
subsistunt, donec onustum plaustrum à
quæ-

quatuor militibus rusticâ veste dissimulatis actum insideret pontem pensilem : ex illis unus sacciperium nucibus plenum, veluti casu solutum effundit ; accurrunt portæ custodes per lasciviam, & nucibus attenti, à rusticis confodiuntur, qui, ne pensiles cancelli *a* fune festo demissi aditum obstruerent, plaustrum opponunt, & explosi sclopeti signo dato vestibulum insident, quo sonitu Antellus cum suis excitus advolat, & in urbem irrumpit, mœnia, turres, compita, & munitiora urbis loca præfidiis firmat ; populus sacris quadragesimæ concionibus attentus, audito campanæ classico, & discurrentium fremitu, in vias exit, sed hostium armis territus, in domos refugit. Comes S. Pauli, provinciæ & urbi præfectus cum suis evolat, & fugâ periculo se subducit. Nemo repertus in tanto discrimine, qui manus moveret ; plus omnes in pedibus quam in dextris spei reposuere. *b* Ita Ambianum, urbs Galliæ Belgicæ præstantissima nucibus expugnata Anno 1597. die 10 Martii.

Hoc etiamnum diaboli stratagema est frequentissimum, imò quotidianum ; mentem humanam expugnare nucibus. Quid enim honor, amplitudo, dignitas, nominis splendor, famæ celebritas ? Nuces sunt ista & plerumque cassæ. Quid auri lamina, quid opes & divitiæ, quid omnes orbis thesauri ? Revera nuces sunt in orbem

a Schußgatter. Cataractes aut Cataracta.

b Julius Caesar Bolognensis historiæ lib. 16. mibi pag. 101.

bem alterum à nemine asportandæ. Quid
 voluptates fluxæ nisi nuces verminolæ?
 Attendite, Christiani, attendite: diabo-
 lus rusticus larvatus, sed jam à quinque
 millibus annorum miles exercitissimus
 facciperium nucibus plenum effundit ut
 decipiat, ut urbem munitam, mentem
 humanam occupet, & cælum rapiat. Ne-
 mo fidat, fraudes sunt. Nemo fidat,
 imposturæ sunt, quibus incautos fallit:
 Nuces abscondit sacco, stratagemata
 mendacio, scelera virtutis velo. Amici-
 tiæ, identidem specie, ait Chrysosto-
 mus, crudelitatis venenum ejaculatur. &
 Hostiles fallaciæ cum notæ sunt, jam
 pæne victæ sunt.

*a Chrys. tomo 4. in c. 6. ad Roma-
 nos. 10. mihî pag. 90.*

Pars Altera

De

TENTATORIS
GENIO.

CAPUT I.

*Tentatoris genius generatim
describitur.*

Arium prorsus obsidionis genus est. Carthago Hispaniæ quod Florus memorat, ^a quo die obsessa, eodem etiam est capta.

Quam verò diras & longas obsidiones tolerarunt Potidæa urbs maritima Macedoniæ, Tunes Africae minoris seu Zeugitanae ^b urbs à Carolo V. Imperatore Anno 1535. expugnata. Hanc olim continuis sedecim diebus arsisse, sed jussu Senatus Romani reparatam esse memorat Eutropius. Utica ejusdem Africae urbs olim post Carthaginem summæ dignitatis ab Amilcare Hannibalis patre oppugnata. ^c Hierosolyma à Tito & Vespasiano obsessa & capta sexto mense à die Paschatis, quo obsideri cœpta.

Obsidionem triennalem non unam produunt scriptores. Byfantium ævo Severi Impe-

^a Florus l. 2. c. 6.

^b Aliis propria dicitur.

^c Eutrop. l. 4.

Imperatoris tribus annis & dimidio obfessa. Bethoron Hebrææ civitatis obfidio triennium tenuit. Totidem annis ab hofte cinâta Samaria.

Vienna Austriæ sub obfessore Solymanno & protectore Carolo V. viginti octo impressiones toleravit & repulit. Vejorum decennalis obfidio fuit, quo quidem tempore miles Romanus sub pellibus durare cœpit.

Vix ulla tamen unquam obfidio contumacior, quam ad Ostendam fuit: nulla urbs majore vi oppugnata, nulla fortius propugnata, nusquam plus artis & industriæ adhibita, nusquam plus molitionum, munitionum, infidiarum: Lue grassante, tormentis fulminantibus miles de capite suo ludebat, & contempta morte ferocior, sciens prudens in pericula ruebat. Ita vitæ prodigi mortem ultro lacefcebant, & pedibus cadavera calcantes hominum ingenium exuisse, ac naturam ejurasse videbantur. Nusquam magis invicti spiritus in obfessis, nusquam majus valoris in obfidentibus studium est reperitum. Canant poëtæ & fabulis artollant decenne illi obfidium. Lacones viginti annos in perniciaci Messanæ oppugnatione posuerint, tres Ostendana obfisionis anni & aliquot menses illustribus omnibus veterum facinoribus tenebras offundunt.

Unica obfidio Bredana quantum temporis & laboris, quantum auri & millicum gloriæ, Hermannus Hugo singulari libro commonstrat.

Orbium

Urbium robur ostendit obsidio, hominum virtutem aperit tentatio, Haecenus de tentatione actum: Nunc porro agimus de Tentatore.

§. I.

Petrus Chrysologus arrepto veluti penicillo diabolum suis coloribus expicturus: Diabolus, inquit, mali auctor, nequitiae origo, rerum hostis, secundi hominis semper inimicus, ille laqueos tendit, lapsus parat, foveas fodit, aptat ruinas, stimulat corpora, pungit animas, cogitationes suggerit, immittit iras, dat virtutes odio, vitia dat amori, errores ferit, discordias nutrit, pacem turbat, affectus dissipat, conscindit unitatem, sapit malum satis, bonum nil, violat divina, humana tentat. *a* Jam supra monui & identidem monere non cesso: Nemo fidat diabolo, cui nomina mille, mille nocendi artes. Nulla ejus tentatio non colorata, nulla non specie boni velata. Nam intelligentia humana nihil nisi Verum, aut sub Veri specie: Voluntas nihil nisi bonum, aut sub boni specie potest recipere. Nemo philippeum plumbeum, nemo cupreum sesterium in oculos admittit; nihilominus multi & plumbum & cuprum, monetas adulterinas, sed argenti autive palliolo honestatas, recipiunt. Diabolus moneta adulterator insignissimus, nummis quos cadit, argenti & auri colores incoquit. Quid enim tentatio nisi fallax species? Ita Petrus Chrysologus: Tentatio est, inquit, species

a Chrysol. serm. 11. in initio, infra pag. 11.

cies fallens, quæ prospera in adversis, adversa occultat in prosperis, humanamque ignorantiam dolosus educit in lapsus. Quis autem sit spiritus qui tentat, ipsa declarat suggestio. Nam spiritus Carnis mollia, spiritus mundi vana, spiritus malitiæ amara semper loquitur, sed speciosissimis quibusque titulis præfixis, amœna semper & honesta fronte scorpionis caudam occultit: boni specimen præ se fert omnis tentatio. Tu verò cave, latet anguis in herba, latet sub osculo Joabi fica; frumenti manipulum messor amplectitur ut eum falce succidat; venator viridi vestitu gaudet, ne feras fuget; piscator hamum obvolvitur esca, ne illum pisces horreant; rete operit Auceps, ne terreat aviculas; venenum sæpe conditur saccharo, propinatur aureo carchesio. fraus & fucus peritumque conjunctissima.

Si Aristoteli credimus, sunt mendacia quæ majorem veritatis speciem habeant, quàm ipsa veritas. At verò, eodem testis modica transgressio à veritate discedentibus fit longè decies millies major. *b* Angelum lucis repræsentat tenebrarum princeps, veritatem assimilat primus mendaciorum figulus. Phariseos, Scribas, Pontifices Hebræos ad scelus maximum, at parricidium immanissimum venustis falsitatibus pertraxit. Quid facimus, ajunt, quia hic homo multa signa facit. Si dimittimus

a Chrysol. serm. 71. mihi pag. 191.

b Arist. tomo 4. l. 1. de Cælo, summa 7. mihi pag. 254.

timus eum sic, omnes credent in eum, & venient Romani, & tollent nostrum locum & gentem. *a* Sacrilegii summi statuebant fundamentum, æquitatem. Ergo ajunt, convenientissimum est rationi, ut tanto huic malo maturè admoveamus remedium: bonum publicum privato anteponendum. Hic homo ea plebis gratia valet ut exercitum conflare, & Rempublicam possit evertere aut certè mutare. Romani nobis infensi non deerunt his molitionibus. Ita & nomen, & populum, & sacra nostra difficile illis non erit pessumdare.

Quid quæso fingi posset speciosius? Ita nonnunquam qui ad clavum sedent, homines privatos nullo jure opprimunt, in communis boni, ut ajunt, gratiam. Nulla olla quæ sibi suum non inveniat operculum. Hoc Tentatoris primum vafra mentum est, umbra virtutis & nomine specioso fallere. Ita nullum flagitium, scelus & sacrilegium nullum est quod callidissimus tentator ratione ac æquitate non possit obvolvere. *b*

De astutia hujus Tentatoris differens Jobus: Cartilago illius, inquit, quasi laminæ ferrea. Quid per Cartilaginem, ait Gregorius interpres, nisi simulatio ejus accipitur? Cartilago namque ossis ostendit speciem, sed ossis non habet firmitatem: & sunt nonnulla vitia, quæ ostendunt in se rectitudinis formam, sed ex

I

pravi-

a Joam. c. II. v. 47. & seqq.

b Es ist zu wenig geredt/ich hab meine bedencen: ja was geltens?

pravitatis prodeunt infirmitate. Hosti enim nostri malitia tanta se arte palliat, ut plerumque ante deceptæ mentis oculos culpas virtutes fingat, ut inde quisque quasi exspectet præmia, unde dignus est æterna invenire tormenta. *a* Hinc, ulcisci se, justitia putatur; boni zeli meritum, Ira creditur; Ignavia mansuetudini, prodigalitas miserationi; tenacitas parsimonia, pertinacia constantiæ tribuitur; Superbia, libertas, lascivia, affabilitas, loquendi procacia veritatis defensio censetur; pigritia quietis amor, præcipitantia agendi fervor, exsequendi tarditas à procrastinatoribus illis consilii maturitas appellatur. Error mantelo se virtutis velat, hinc & longe minus agnoscitur & difficilius emendatur. Eam ob causam monet Joannes: Charissimi nolite omni spiritui credere, sed probate spiritus si ex Deo sint. *b* Examinandus est larvatus ille lucis angelus. quis sit, & unde sit; quid spectet ac velit? Ita ducum præstantissimus Josue cernens angelum sed sibi ignotum, & interrogans: Noster es, inquit, an adversariorum? *c* Ita extremæ tentatoris ungulæ sunt observandæ, quò potissimum collineet, attendendum. Ratio dialectica exponit omnem falsitatem, consideratio finis elidit omnem tentationem. Finem inspicere, diabolo ne fide.

Vulpes

a Gregorius lib. 32. Moral. cap. 17. mibi pag. 1056.

b 1 Joan. c. 4. v. 1.

c Josue c. 5. v. 13.

§. II.

Vulpes animalium astutissima ut aves alliciat, mortuam se simulat. Cum simplices ad latum funus advolant, vaserrium quadrupes in rem suam vigilans incautas subitò corripit & jugulat: ita Dæmon inducias simulat & pacem, se fingit mortuum; repente adest & prædas agit vario stragemate quæsitâ.

Dux Normannorum Haddingus Regio sanguine prognatus, vir ferox, ad arma natus, Lunam, Italiam civitatem expugnaturus, dolum sic armavit. Misit in urbem qui com meatum peterent & hospitium, simul nuntiarent fatalem morbum, in quo Christianis sacris ante mortem imbui cuperet. Ad omnia annuerunt Lunenses. Ingreditur Haddingus baculo nixus & lustrali fonte tingitur, explorata tacitè urbe ad naves cum exercitu redit. Brevi fama volat, mortuum principem, Ecclesiæ Lunensi legata testamento arma ducis & equum cum gemmis & multo auro. Credunt cives & funus regium instruunt. Armatus & vivus dux feretro imponitur, omni exercitu ad tumulum prosequente. Quid urbs, nisi suum ipsa funus duxit? Ponitur jam feretrum auro & gemmis coruscum. En tibi subito mortuus surgit & armatus, primus obvios sternit, quem secuti milites urbem incenderunt, captivos cum præda detulerunt in naves.

Ita Solimannus Peloponesius Ægypti Præses ab Ottomanno Imperatore Turci-

eo missus Adenum Arabiæ oppidum mun-
 titissimum occupavit. Cum enim ab Ze-
 bito ejusdem felicis Arabiæ civitate supe-
 ratis faucibus Adenum pervenisset, lega-
 tos jam ante præmisit, qui ab Rege com-
 meatum vacuasque in urbe ades curandis
 ægrotis pro amicitia peterent; utrumque
 cum cura præstitit Rex, & alimenta in
 classem & hospitium laborantibus datum.
 In id hospitium simulato morbo, singuli
 milites à quatuor valentibus à mari trans-
 yehebantur, armis in lectulo sub veste
 contectis per eam fallaciam nihil ejusmo-
 di suspicante populo, quingenti paulatim
 intromissi. Tum Solimannus ex compo-
 sito per satellites Regem ad naves accersit.
 Ille cum, suæ dignitatis haud quaquam
 oblitus, indignabundus abnueret, con-
 festim insidiatoribus, quod jam ante con-
 venerat, è classe proponitur signum: ii
 cum armis extemplo coorti stupente ad in-
 opinatam rem civitate, regiam circumfi-
 ciunt, comprehensumque regem ad Soli-
 mannum vi pertrahunt. Ibi superbe inter-
 rogatus ab eo, cur tertium jam diem ad
 se officii causa venire distulisset; cum libe-
 rius responderet, quam prædonis aures
 ferre consuissent, arreptus propalam ex
 ipsius prætorix navis antenna suspenditur.
 Urbs dein crudelem in modum direpta;
 præsidium impositum. *a*

Ita diabolus ad omne stratagema exer-
 citatissimus in angelum lucis se transfor-
 mat,

*a Petrus Maffius l. II. histor. Indic.
 mihi pag 310.*

mat, pacem & amicitiam simulat, suam
tentandi vim velut emortuam common-
strat, ut certius celeriusque decipiat. Ad
Simeonem Stylitam cum curru & equis
igneis tanquam Angelus è cælo missus
suaviter accedens: Tempus est, inquit, ut
Elie instar hinc emigres in cælum. Ascen-
de currum quem tibi Deus amico suo mi-
sit obvium. Simeon jam ascensurus pe-
dem alterum in fallacissimo curru posuit,
sed una Dominum **JESUM** inclamans
se cruce signavit: Mox currus, & equi,
& auriga evanuerunt. *a*

Rathbodum regem Frisonum narrant
aureo palatio, quod ater hic angelus re-
presentavit, eò deceptum, ut à divo Ul-
frano fonte sacro jamjam tingendus, pe-
dem revocarit mutata subito mente, dixe-
ritque; Nolle se baptizari, sed à morte
illuc commigrare velle, ubi se sciret ma-
jorum suorum & plurium amicorum so-
cietate in aureo illo palatio fruiturum. *b*
Triduo post ajunt mortuum, & quo mi-
grasse? ad illud utique palatium aureum,
Avernale cælum.

Ita execrandam illam & ter miseram
facem, veneficos & veneficas Orcinianus
hic architectus jam noto dolo deludit:
Ædificia splendoris ac voluptatis refertis-
sima pingit aëre, suisque ea discipulis illis

I 3

a:

*a Antonius Simeonis discipulus in vita
ejus. 5. apud Roswæyd. mihi pag. 172.*

*b Vincentius in spec. hist. l. 23. cap. 146.
Annal. Francor. in Dagoberto circa annum
708. Apophtheg. Gall. Paris. pag. 20.*

ac fororculis spectanda, & brevi habitanda exhibet. Hinc illi martyres diaboli, quod jam sæpius compertum, quæstionis tormenta, rogam, flammam, supplicium extremum tolerant constantissime. Tanti apud eos est aëreum nugacissimum spectaculum, præstigiæ fallacissimæ. Quid in tentatione trepidas Christiane ignave, cur pro Christo pati recusas? Gloria & divitiæ in domo ejus. *a* Salvi erimus in vita ipsius. Idcirco gloriamur in spe gloriæ filiorum Dei. Non solum autem, sed & gloriamur in Deo per Dominum nostrum *JESU* Christum. *b* Ergo, exue te stola luctus & vexationis tuæ, & indue te decore & honore ejus, quæ à Deo tibi est sempiterna gloria. *c* Eximie Petrus Damianus: Diabolica tentationis, inquit, proponunt tibi exempla, ut & ipse contra hostis callidi deceptoris insidias solerter evigiles, & dum te delectat aliorum audire victorias ipse te per languidi corporis ignaviam non remittas. *d*

a Psal. III. v. 3. *b* Rom. c. 5. v. 10. & 11.

c Baruch. c. 5. v. 1. *d* Dam. l. 6. epist. ep. 2.

§. III.

Stratagema memorans Vir doctissimus Erycius Puteanus Historiographus regius Franci, ait, Perthariti *a* causam, ad quæ con-

a Alii Perthares, & Partheritus a Partharicus, nobis propriè **Bartreid** Fuit Longobardorum Regis Ariperti, Arithperti filius, qui regno excidit, idcirco quæ tragicis casibus, & mutatis crebris exiliis innotatus recuperavit.

confugerat, bello & vindicta dignam arbitri ingentibus copiis in Italiam percurrunt. Hos viribus destitutus, sed astu valens, Grimoaldus prope Astam aggreditur. A levi praelio metum simulans, fugam capessit, & castra vino ciborumque lautitiis capiendo hosti referta, deserit. Franci fausto victoriae auspicio decepti, & in ventris praedam effusi, tanquam ad epulas non ad pugnam venissent, vino se onerant & in dolia praeliantur. Prius igitur ebrietate quam bello victi, cladem suam strati adumbrant, Quippe post secundam vigiliam somno vinoque mersos Grimoaldus adoritur, tantamque stertentium stragem edit, ut plus sanguinis fusum sit, quam vini hostes exhauserant. Quid dicam? Praeproperam maleque digestam victoriam revomuere. Sic validus exercitus parva manu oppressus est, & res Perthariti ad desperationem prolapsa. Tam insigni cladi cum vix nuntius superesset, memoriam apud posteros locus fecit, Francorum rivulus hucusque appellatus. *a*

Haud aliter diabolus tentator verè Grimoaldus *b* eam illis quos tentat, offundit escam, quam novit fore gratissimam; putridum sed scitè coloratum porrigit pomum, ut totum rapiat regnum, voluptates exhibet, sed impuras & fluxas, ut spo-

I 4

liet

a Erycius Puteanus l. 2. Hist. Insulicæ. Vide etiam volumen 1. Annal. Boiicorum P. Andrea Brunner l. 5. mihi pag. 610. & seqq.

b Grimoald.

liet caelestibus & aternis. Hoc ferè stitagemate ille suas victorias parit; non dat regna sed promittit, rerum umbras pro rebus objicit. Nimis quam imperitas & fatuus est, qui à dæmone malorum omnium satore aucupatur commoda. Faciem ejus, Job teste, præcedit egestas. *a* Divitias non habet ullas, quibus affeclas suos & clientulos beet, eorumque inexplebilem cupiditatem exsaturet. Inani & ludicra divitiarum umbra fallit, quæ famem non sedat sed provocat, perinde si quis famelico panem pictum aut lignum apponat.

Dæmon principio sensum ac molliter inserpit, dein vehementer atque hostiliter premit & urget; illius verba sæpe obliqua & ambigua sunt, ne inhonestum appareat, quod turpissimum est, & proprius exsecrabilis.

Multos decipit dum eis multa simul agenda sub aspectum ponit, ut eos acervo & mole rerum terreat. Tu verò responde tentatori: Hac hora hoc faciam, sequente aliud, aliudque tertia; non simul omnia. Ita pedetentim & per gradus confici possunt plurima.

Non paucos fallit precum multitudine, qui hoc unum satagunt ut precatiunculas recitent quam plurimas: num illud attentè faciant, hoc ipsi non multum curant. interim etiam sæpe magis necessaria & meliora negligunt.

Quantos nequissimæ humilitatis specie seducit,

seducit, qui actiones sanctiores multas omittunt, ne ab aliis habeantur sancti, & inde ipsi fiant superbi.

Honesto correctionis titulo multos in iram, contumeliam, vindictam, severitatem nimiam impellit: Alios mansuetæ comitatus furo impedit, quò minùs lasciva, obrectatoria, pessima quæque garrientes aut agentes corrigant.

Quàm multos spe vana, taciturnitate, iracundia, vel timida & superba, insonniis falsis, religionibus fictis, superstitionibus veris, scrupulis exitiosis, curiositatibus noxiis, odiis & simultatibus speciosis, lacrymis & solatiis captiosis, suspicionibus malignis, tristitiis aut gaudiis inanissimis deludit.

Nonnullis tam blandè quam malitiosè suadet: Ut demum ab hac tentatione libereris, concede aliquantulum naturæ, satisfac animo, satia gulam, indulge genio, exple appetentiam, da aliquid hilaritati, laxa voluptati frenos, remitte arcum ut denuo intendi possit. En tentatoris astutiam! Dixerunt animæ suæ, monet Isaias, Incurvare ut transeamus. *a* Noli acquiescere, ait Bernardus: non est enim transiturus, sed te graviter oppressurus. Quò magis volueris explere voluptatibus sitim, eò magis sities. Tentationem non vincis, sed irritas & accendis, cum ei satisfacis. Sed hæc infra explicatius trademus.

Porro indefessa est dæmonis in tentan-

I 5

do

a Isa. c. 51. v. 25.

do constantia. Non cum frangit temporis diuturnitas, non illum moræ tædet, ne si iterum iterumque ac sapius repellatur, animum despondet, aut in pugnandi contentione languet. Ossa ejus velut fistula aris, ait Jobus; cartilago illius quasi laminæ ferreæ. ^a Uti enim ossa non flectuntur nec mollescent, ita Dæmon non incurvatur domitus, non cedit victus, non continuo fugit pulsus. Musca est impudens, identidem redit, etsi centies rursusque centies abigatur. Et sicut in exagitanda & persequenda præda non fatigatur, ita etiam in retinenda impigerrimus nulli parcit operæ. Ex ejus unguibus non minus difficulter extorseris prædam, quam, ut vetus est verbum; ex Herculis manibus clavam, aut è leonis unguibus semesum agnum. Enimvero tentator iste non initio statim dentes & ungues exserit; à levioribus incipit, piacula minora suggerit, paullatim ad gravia flagitia & crebriora transit, in eos demum omnem malignitatem effundit, & ad gravissima quæque pertrahit, quos illis temptationum præludiis vicerit. Nimirum quò serpens caput immiserit, eò & reliquum corpus non difficulter introducit. Quo diabolus digitum, eo & manum, brachiumque totum inserit.

Franciscus Assisias vir sanctissimus monere solitus: si diabolus, aiebat, vel unicum capillum nobis extorserit, grandem inde camum, aut rudentem validam te-

xiii

xit: si velfemel re minima nos irretiat,
inde ad alia atque alia non difficili suafu
proturbat. a Si manum nolis perdere,
cave digitum tentatori porrigas.

Teufel iſt ein ſehr geſchwinde
Rhetor und Sophiſt; macht gar
leicht auß einer Muck ein Ele
phanten / auß einem Splitter
ein Balcken.

CAPUT II.

*Tentator diabolus Cupedinarium & Auri
ficem agit, deliciis & divitiis fallit.*

VIr ſanctiſſimus abbas Mathois, quod
Pelagius memorat, dicere ſolebat:
Diabolus non perinde bonus meſſor at
que ſator eſt; a indiſtriæ plurimum ex
pendit ſeminando, ſed tantundem non
recipit metendo. Quod ſi tam abundan
tem haberet meſſem, quàm copioſam
ſpargit ſementem, in ſua horrea orbem
univerſum convelheret. Diverſis planè ſe
minibus inſtructiſſimus, malorum om
nium ſeminator eſt. Neque verò aliud,
quam herbas malas & inutiles, frumenti
vitium, adulterina ſemina, ſegetum pe
ſtes, lolium, urticas, tribulos, lappas ſe
rit. Sed, Numini ſint laudes, non omnis
ejus ſatio ſurgit; hinc minus metit, quam
ſerit. Stygii ſeminis multum interit.

Quemad-

a Der Teufel iſt ein guter See
man / aber ein böſer Schnitter.

Pelag. libell. 10. n. 35. mihi pag. 599.

Quemadmodum vero Satanas modo Se-
minatorem, modo messorem, ita subinde
mercatores, mox restionem aut pellio-
nem, nonnunquam Phrygionem, jam ve-
ro pistorem, jam sartorem, jam & sutorum;
brevi viatorem aut tinctorum, modo pi-
ctorem agit; mille larvas die uno, unica ho-
ra induit. Jam pavonis, jam colubri, jam
leonis formam subit, formas se vertit in
omnes. *a* Uti verò Acheronticus hic tenta-
tor varias sumit figuras, & vultus præ se fert
diversissimos, ita omnis generis tentatio-
nes adinvenit: Jam minatur & terret, jam
blanditur & mulcet, modo rogantis, mo-
do imperantis personam gerit, quasunque
vult, facies sibi aptat, ut ad omne vitiorum
genus pertrahat. Præcipuè vero triplici ten-
tatione, humanam gentem ad malum sol-
licitat. Nam sapissimè aut Cupedinarium,
b aut Aurificem, vel Bractearium, *c* aut Pi-
leonem *d* agit. Tonitruum filius Joannes jam
olim pronuntiat: Quoniam omne quod est
in mundo, concupiscentia carnis est, & con-
cupiscentia oculorum, & superbia vitæ, *e*
quæ non est ex Patre, sed ex mundo est. *f*
Cupedinarium Concupiscentiam carnis;
Aurifex vel Bractearius Concupiscentiam
oculorum; Pileo Superbiam vitæ persuade-

IT

a Virg. l. 4. Georg. de Proteo.

b Cupedinarium Schlecktoch / Pa-
stetenmacher / Zuckerbacher.

c Goldschlager. *d* Hueter.

e Lustgeiz / Weltgeiz / Ehrgeiz.

f 1 Joan. c. 2. v. 16.

renitur Ut igitur Tentatoris indolem ac genium probe noverimus, hunc vobis Christiani, Cupedinarium, hunc Aurificem, & Pileonem depingant, ut tantò minus lædat, quanto magis patuerint lædendi artes. Hoc quidem caput Cupedinarium & Bractearium dabit noscendum,

S. I.

Ut Concupiscentiam carnis concitet Tentator, Cupedinarium agit, & homines gula, libidine, deliciis tentat. Edendi appetentia Protoplastos & omnes eorum posteros pessumdedit & in exitium adduxit. Gula & libidine orbis universus ab hoc Cupedinario infectus diluvii aquis submersus est. Pentapolis (seu quinque civitates Palæstinæ) flos & medulla omnium regnorum, quia libidini servit, igne calitus lapso consumpta est. Gula & libido Cupedinarii illius notissima tentationes Hebræum populum idololatria & omnibus flagitiis contaminarunt: sedit populus manducare & bibere, & surrexerunt ludere. *a* Moabitides feminae Hebræos blanda humanitate ad polluctum, *b* seu, votivum epulum vocarunt. Hæc Gula, Libido, Idololatria & omne malum suavi compendio persuadebatur ab illo ipso Cupedinario. Fornicatus est populus cum filiabus Moab, quæ vocaverunt eos ad sacrificia sua. At illi comederunt & adoraverunt Deos earum. *c* Hoc consilii

a Exodi c. 32. v. 6.

gra-

b Opffermal.

c Num. c. 25. v. 1. & 2. & Num. c. 31. vers. 16.

gravissima fuit Cupedinarii hujus tentatio, cum omnis populus Israël præstantissimum manna nausearet & carnes appeteret. Hac duplici Gulæ & Libidinis tentatione Cupedinarius iste maximam orbis partem quotidianis lucris in suum censum redigit. Illud in tentationibus Gulæ miserum: Cum Gula quotidie litigandum & luctandum cominus. E ceteris plurima licet fugere. Et sæpe optimum lorica genus est procul abesse. Hic autem longa alia est ratio. Quotidie comedere ac bibere, debitum tamen modum nunquam excedere, exactam semper moderationem servare, difficile. Gulosa cupiditas & palliata necessitas tam vicinæ & validæ tentationes sunt, ut ab eis sæpissimè vincamur. Et quod plerumque vetitum, magis tentat & allicit: ita diebus esurialibus plerumque major sentitur fames; jejunio verno magis sapiunt carnes. Nitimur in vetitum semper cupimusque negata.

In Paschatis pervigilia usitata cocorum & pistorum tentatio est, à carnibus recens assatis allici ad libandum. Hic nares & oculi lenones agunt, & facillimè quod volunt persuadent, præsertim esurienti. Et quid interest, ajunt, si diecula dimidia præveniamus Paschatis lætitiā? Ubi tam pronum est os, tam promptæ manus, tam expeditæ rationes multò facillimè vincit Cupedinarius, qui suis insuper ratiunculis enthymematis rem omnem & facit expeditissimam. Quin audes, inquit, rem levissimam, & nullius præculi? aut certè si quis
contra

contrahatur labeculæ, aqua lustrali abstergitur. Aude; nimius in suum genium rigor non placet superis. Ita patinarius hic Orator quodlibet non ægre persuadet.

Ita diabolus maximam orbis partem quotidie sternit gula vel luxuria, vel utroque vitio, quod passim conjunctum. Si milites de insidiis præmonerentur, vigi- larent utique & internecionem caverent. At nos quotidie monemur: è cathedris omnibus clamatur: Attendite, diaboli est tentatio, stratagemata ex Orco; quem cacodæmon aliter suæ potestatis facere nequit, gula & luxuria vincit; Attendite. Nos verò insidiarum securi obvia quæque in prædam trahimus, glutimus, voramus, haurimus, sine lege ac modo; vinci volumus. Longe aliter agunt quibus victoria & salus est cordi.

§. II.

Beatus Helenus, quem Ruffinus Aquilejensis, & Palladius Hælenopolitanus laudant, divinis servitiis se mancipavit. Hunc cum solus ageret, vescendi mellis appetentia invasit. Circumspexit, viditque mellis favum è rupe defluentem & pane dicentem: Fruere inempta dape. At ille fallacias diaboli subodoratus: Discede; inquit, à me illecebrosa & deciptrix Concupiscentia. Scriptum est: spiritum ambulate & desideria carnis non perfricietis. ^a Jamque Helenus ipsum temptationis locum metuens & in abditiores recessus

cessus penetrans inediā se macerare cepit. Neque hic defuit tentatio. Nam ubi tertiam eò loci hebdomadem egisset, varium pomi genus huc illuc sparsum vidit. At ille repetitos diaboli dolos satis intelligens: Non comedam, inquit, imò nec tangam, ne fratrem meum, hoc est animam meam, offendam; Scriptum est: Non in solo pane vivit homo, sed in omni verbo quod egreditur de ore Domini. ^a Sic & aliam priori abstinentiæ hebdomadem adjunxit. Cui demum Angelus quiescenti: Surge jam, inquit, & quæ tibi apposta reperies, tutò vescere. Jussus abiit & invenit rivulum placidissimum, odoratis herbis prætextum. Ita lactuca in cibum, in potum fons fuit. Herbas demessuit, comedit, bibit. Sed (liceat dicere) quam parcus est in suos ditissimus Deus! Cujus sunt omnes feræ silvarum, cujus est orbis terræ, & plenitudo ejus. ^b Famulo tam fideli aquam solum & lactuculam crudam apposuit, sed, quod etiam sciamus, ita condidit, ut affirmaret Helenus se omni vita suavius nunquam epulatum. Quod & nos alibi confirmamus. Verè, quod Cyprianus dixit; Voluptatem vicisse, voluptas est maxima; nec ulla major est victoria, quam quæ de cupiditatibus refertur. ^c Non est illustrior pugna, nec triumphus gloriosior, quam tentatori non cesuisse. Et Deus modo sane admirabili,

^a Deuter. c. 8. v. 3. Matth. c. 4. v. 4.

^b Psal. 49. v. 10. & 12.

^c Cyprian. l. de bono Pudicitia.

& prorsus incredibili suavissimè compen-
sat quicquid hac in re tentationis victor
sibi ipse subtrahit. Nos pariter exemplo
Heleni in tentatione nobis ipsis occina-
mus : Scriptum est : Spiritu ambulate.
Scriptum est : Non in solo pane vivit ho-
mo. Scriptum est : Si secundum carnem
Vixeritis, moriemini. Abi Concupiscen-
tia fallacissima, in præcipitium ducis se-
quentem. Ita loquitur, ita se ipsum eru-
dit homo sui potens, qui à gula superari
refusat. Sed plerique ita comparati su-
mus, ut etsi nobis centies, etsi millies oc-
centetur : Vince gulam, vince luxuriam;
& has, & illas tentationes vince : Scri-
ptum est, Vincenti dabo edere de ligno
vitæ, quod est in paradiso Dei mei. *a*
Scriptum est : Qui vicerit, non lædetur à
morte secunda. *b* Scriptum est : Vincenti
dabo manna absconditum. *c* Scriptum
est : Qui vicerit, faciam illum columnam
in templo Dei mei, & foras non egredie-
tur amplius. *d* Scriptum est, Qui vicerit,
dabo ei sedere in throno meo. *e* Scriptum
est : Esto fidelis usque ad mortem, & da-
botibi coronam vitæ. *f* Hæc talia, in-
quam, tametsi multis vel sexcenties voce
alià occinas, illi tamen unum hoc frigi-
dissimum respondēbunt : Credimus ista,

K

sed

a Apocal. c. 2. v. 7.

b Ibid. v. 11.

c Ibid. v. 17.

d Apoc. c. 3, v. 12.

e Ibid. v. 21.

f Apoc. c. 2. v. 10.

sed homines sumus fragiles, potens est tentator; vincimur.

Quid hæc dicitis, ignavi? Equidem homines sumus, sed qui omnia possumus in eo qui nos confortat. Porro tentator ita enervatus est, ut lādere non possit, nisi volentem lādi; ut nequeat vincere, nisi prorsus cupientem vinci. Scriptum est; Super aspidem & basiliscum ambulabis, & conculcabis leonem & draconem. *a* Scriptum est: Nonne si bene egeris, recipies: sin autem male, statim in foribus peccatum tuum aderit? sed sub te erit appetitus ejus, & tu dominaberis illius. *b* Et gula, & luxuriæ, ceterisque vitiis omnibus dominari possumus, modò velimus. Ad gulam edomandam potissimum spectat, observare Tempus, Modum, Mensuram cibi sumendi, 1. *Tempus*; ne quid extra prandium & cœnam libetur sine summa necessitate. Quisque sibi dicat: Non morieris fame aut siti ad proximum usque prandium, aut cœnam. Saluberrimum hoc si continuum, 2. *Modus* est, comedendi non tuburcinari, bolos non raptim ingerere, non præcipitare, nimiam ad cibum aviditatem coërcere. 3. *Mensura*; Homo temperans & sobrius utcunque novit, quanto cibo potuque necessitati ac naturæ possit satisfacere; quicquid hos terminos egreditur, id redundans & nimium cœter, coque abstinet. Tam insalubre, quam turpe est, ait Seneca, plus sibi ingerere quam

a Psal. 90. vers. 13.

b Gen. 1. 4. v. 7.

quàm capiat, & stomachi sui non nosse
mensuram. *a* Natura modico contenta,
sobrietatis amantiſſima.

Ergo cui corporis animique ſalus eſt
cordi, Cupedinarii illius fraudes exactè
nôrit, ut prompte reſiſtere tentanti poſſit.

a Seneca epist. 83. mih. 548.

BOSTON
S. H. I.

Quemadmodum vero Tentator Cupe-
dinarium, ita & aurificem atque Bractea-
rium agit, & uti deliciis, ita & divitiis
tentat tam pauperes, quàm divites. Af-
flicta pauperum querela ſunt pecuniis-
gemus, ſed eas difficillimè comparamus.
Sine pecuniis nulla eſt viſa. Ad pecunias
quærendas nos extrema ſtimulat neceſſi-
tas. Rapiendæ ſunt, ſi eas aliter non liceat
parare. At vero divites non minus am-
biunt pecunias, quàm plerumque illi ma-
gis furiant, dum nullis ſatiantur. Et uti
vix ullus tam ſenex, qui non diutius vive-
re deſideret, ita nemo fere tam dives, qui
non eſſe ditior labore. Sub hoc doloſo ci-
nere tentationes latent innumeræ. Quid
ſceleris non patratur pecuniæ amore? Ab
hac una radice omnis generis vici ſemen-
ta, impoſturæ, fraudes, injuſtiæ pul-
lulant. Nos quidem Paulus ſaluberrima
præceptione imbuens: Habentes alimen-
ta, inquit, & quibus tegamur, his contenti
ſimus. Sed Mundus hanc legem jam pri-
dem antiquavit; abolita eſt præceptio iſta;
jam dudum eviſuit. Sed Paulus præce-
ptionis ſuæ cauſam aſſignans: Nam, ait,

qui volunt divites fieri, incidunt in tentationem & laqueum diaboli, & desideria multa inutilia & nociva, quæ mergunt homines in interitum & perditionem. Radix enim omnium malorum est cupiditas, quam quidam appetentes erraverunt à fide, inferuerunt se doloribus multis. *a* Desiderium ditescendi comitatur cupiditas præ aliis eminendi; hinc amor pompæ in vestitu, in famulatu, in ædificiis, in mensa, in conviviis, in omni demum exteriore apparatu. Hæc animum à Deo crebris sed blandissimis furtis abducunt, eumque ad se trahunt & absorbent. Inde animus vanus, cupidus, elatus, Deo vacuus.

Sapientissime dixit Bias: Studium pecuniæ est Metropolis omnis malitiæ. *b* Quod æquè sapienter confirmans Timon: Duo sunt, inquit, malorum elementa; inexplebilis opum cupiditas, & gloriæ appetentia. Quid enim Auxi dira fames mortalia pectora non cogit? Erudite canit Venusinus ac verè:

Perdedit arma, locum virtutis deseruit, qui

Semper in augenda festinat, & obruitur re. c

Hanc stygii aurificis tentationem & pecuniæ cupiditatem Ambrosius quandam æris libidinem appellans: Omnibus, inquit, est invidia, sibi vilis, in summis divitiis

a 1 Tim. c. 6. v. 9. & 10.

b Bias: φιλαργυρία ἐστὶ τῆς κακίας μετρώπολις.

c Horat. l. 1. epistolar. epist. 16. ad Quintium, sine. mihi pag. 269.

tiis inops, affectu extenuat, quod sensu abundat. Nullus rapiendi modus, ubi nulla mensura cupiendi: elementa concutit, mare sulcat, terram effodit, cælum votis fatigat, nec sereno grata nec nubilo, condemnat proventus annuos, foetusque terrarum arguit. Qui diligit argentum, non satiabitur argento. *a* Pecuniæ cupiditas omnia mala potest admittere, ideo radix omnium malorum est; quia ut desideria sua expleat, quod impossibile est, & maleficia & homicidia, & obscœnitatem, & quicquid sceleris est, perpetrat, nec ad præsens secura, quia semper cupida, & in futuro damnata. *b*

His subscribens Augustinus: Exstirpa ergo, inquit, cupiditatem, & planta charitatem: sicut enim radix omnium malorum est cupiditas, ita radix omnium bonorum est charitas. *c*

Nemo igitur huic Aurifici deceptor credat; argentum & aurum monstrat, ut laqueos tegat. Tu autem, ô homo Dei, fuge hos laqueos, fuge, fuge. Tentator iste bractearius non cupit te opulentum, sed servum & quidem suum efficere. Pecuniæ cupiditas servitus est, non fæda solum, sed & omnibus modis noxia. Hos servos excludit cælum.

K 3 *Serviet*

a Ambros. tome 4. l. 1. de Cain & Abel c. 5. mihi pag. 119.

b Idem tome 5. Comment. in Epist. ad Timoth. c. 6. mihi pag. 400.

c August. de verbis Domini, secundum Matth. serm. 12.

Serviet aeternum, qui parvo nesciet uti a

Quid igitur, obsecro te mi Christiane, quid tantopere amas ea quæ amata inquant, possessa onerant, amissa cruciant?

Linquenda, tellus, & domus, & placens

Uxor: neque harum, quas colis arborum

Te, præter in visas Cupressos

Ulla brevem dominum sequetur. b

Chrysostomus de sancto Philogonio disserens: MEUM ac TUUM; inquit, frigidum illud verbum, & quicquid est malorum, in vitam nostram invehens innumeraque gignens bella. b Gemina vox illa MEUM, TUUM orbem universum horribili adstringit frigore. Hinc animorum torpor; hinc simultates, rixæ, odia, malorum omnium lerna.

David jam unctus, nondum coronatus rex injurias maximas prævalido sanè stomacho concoquere poterat; at ubi sordidus & stultus Nabal stipem escariam contumeliosis verbis negavit; hinc Davidem tentatio ingens incessit, Nabalis cum omni familia jugulandi. Petierat David militares elemosynas; idque modestissimè: Quodcumque invenerit manus tua, da servis tuis, & filio tuo David. At Nabal elato supercilio turgidus & tenacissimus suarum rerum, nec panem unicum, sed nec obolum dedit, etfi

a Horatius l. 1. Epistol. epist. 9. ad Claudium Neronem mihi pag. 261.

b Horatius l. 2. Carminum, Oda 14. ad Posthumum.

c Chrysost. tomo 3. de S. Philogonio epist. mihi pag. 836.

etſi ditiffimus. Hæc ita bilem David in naſum conciebant, ut mox clafficum canens ad arma ſuos convocaret. Accingatur, inquit, unusquiſque gladio ſuo. Hunc diem Nabal cum omni familia ſua vixit ultimum. Omnibus in Nabalis domo, & vel iſtis canibus pereundem eſt: ſuo natabunt ſanguine. Non parceret ulli noſter gladius. *a* Et verò ſucceſſum etiam hæ minæ cruentum habuiſſent, ni prudens Abigail interveniſſet, & diſſertiffima ſuadela tragœdiam ſopiſſet plane ſanguinariam.

Videte quomodo Avernalis Aurifex tentationibus pecuniariis totas domos, oppida, civitates, provincias, regna, orbem totum ſoleat turbare. Veriſſime dixit Chryſoſtomus: Amor pecuniæ, cæcitas animæ. *b* Quod Siracides confirmans: Nihil eſt iniquius, inquit, quam amare pecuniam: hæc enim & animam ſuam venalem habet. *c*

Eſt ergo tam vehemens, quàm vulgata tentatio, pecuniæ cupiditas, impietatis nutritrix, laborum & ærumnarum, atque adeò aliorum ſclerum & flagitiorum foecunda Mater. Quæ divi Proſperi verbis conſigno: Iſ, inquit, qui militat Deo, fugiendæ ſunt ex toto corde divitiæ; quas qui habere volunt, ſine labore non quærunt, ſine difficultate non inveniunt, ſine cura non ſervant, ſine anxia delectatione non poſſident, ſine dolore non perdunt. *d*

K 4

CA-

a 1 Reg. c. 25. v. 4. & ſeqq.*b* Chryſ. hom. 15. Operis imperf. in Matt.*c* Eccli. c. 10. v. 10. *d* S. Proſper. l. 2. de vitâ contemplativâ. c. 13. mihi pag. 94.

CAPUT III.

*Tentator Diabolus pilconem agit;
ambitione decipit.*

ANtonius Magnus tam variè tentatus est à cacodæmone, ei tamen tam animosè restitit, ut hujus artis haberi possit Magister. Inter præceptiones, quas suis dederat, hæc erat: Cacodæmones vitia persuadent affinitate virtutum. Hominum animos leni ac dulci veneno inficiunt. Sunt enim dæmones, quos *Pios* appelles: ad templa hi compellunt, ad preces adigunt, sed tuo lucro. Nam oculi multorum in templo in omnem partem evolant; orationis aliquid lingua commurmurat, cor interim in fines orbis evagatur. Sunt dæmonum alii, quos *Vigiles* dicas, hi noctu forum subducunt, vigiliis persuadent: hoc duplici quæstu, ut noctu vigilantium animos cogitationibus sterilissimis, imò & noxiis fatigent; ita illi tales interdum cum laborandum & orandum foret, dormiunt. Sunt alii, quos *Humanos* nomines: amicitias hi jungunt colloquiis initio sacris, sed inter eos, quorum mores non usque adeo probati; ita paulatim concordia spiritualis desinit in carneam & animale. Sunt alii cacodæmones, quos *Jureconsultos* & *Theologos* vocites, qui è scholis & legibus pronunciata recitant, Fama præponderat emolumento pecuniario. ^a Fama plus est custodienda quàm oculi. Qui pro-

^a ff. de reg. jur. l. si duobus.

^b l. infamia. C. de decur, lib. 10.

propriam famam negligit crudelis est. Mox illi unicam subvertunt voculam & pertendunt: Crudelis est, qui proprium honorem negligit. Hoc erudito velamine omnem vindicationis, jurgiorum, ambitionis nequitiam operiunt. Ita plane vitia virtutum affinitate persuadentur. Ita diabolus non Cupedinarium & Aurificem tantum, uti capite superiori demonstratum, sed & Pileonem agit, & pileos è plumis venustissimos concinnat. Non carnistantum, & oculorum concupiscentia, non deliciis solum & divitiis, sed etiam superbia vitæ & ambitione tentat. Ita Cupedinarium, Aurificem, Pileonem induit. De priore duplici modo tentandi dictum: Tertium de Ambitione hoc caput proponet.

§. I.

Novi orbis incolæ, Orientales & Æthiopes, aliisque sicut quasdam corporis partes, ita & caput solis plumis contegunt. Plumæ illis & vestes & pilei sunt. Suos diabolus pileos è discoloribus plumis conficit, Ambitione maximam Orbis partem seducit. Quid Ambitio, nisi elegans plumarum connexio? Quid honores & dignitates nisi plumulæ per ærem volantes? has tamen, velut infantes, sequimur ardentissimis studiis. Hæc Ambitionis tentatio nulli hominum ordini parcit. Non Christi Amicis, non Apostolis, non ipsis Angelis. In Christi coenaculum, in ipsum calum

K 5

pene,

a Eoi & Hesperii.

penetravit hæc lues. Munia splendida existimatio honorifica, Auctoritas magna dignitas ampla, celebre nomen, sublimes sellæ, tituli & compellationes magnificæ, hi sunt Dei tui, Munde. Nichil in orbe sanctius honorum & dignitatum splendore. Hi sunt illi plumatiles pilei; his diabolus ambitionissimos suos candidatos ornat: ita Mundus vulgi falli.

Quàm horribilis illa tentatio fuit Corebi, Abironis & Dathani, qui & ipsi Sacerdotum officio fungi cupientes, & Moysi in os objectantes: Sufficiat vobis, ait, quia omnis multitudo sanctorum est, & in ipsis est Dominus. Vocati à Mose, responderunt: Non venimus: Nunquid parum est tibi, quod eduxisti nos de terra quæ lacte & melle manabat, ut occideres in deserto, nisi & dominatus fueris nostri? Non venimus. Ambitio contumacissima. Cumque jam starent, Core, Dathan, & Abiron sacris operaturi thuribulis, quod Numerorum liber memorat: Dirupta est terra sub pedibus eorum, & aperiens os suum devoravit illos cum tabernaculis suis & universa substantia eorum, descenderuntque vivi in infernum, operiti humo, & perierunt de medio multitudinis. Sed & ignis egressus à Domino interfecit ducentos quinquaginta viros qui offerebant incensum. Neque hinc clades stetit: nam populo qui eorum causa obmurmuravit percussi sunt quatuordecim millia hominum septingenti, ab

que his qui perierunt in seditioe Co-
re. *a* Deus bone! Unica Sacerdotalis mu-
neris ambitio universè quindecim millia *b*
hominum improvise morti glutendos
objecit. Tanti sunt impendii plumatiles
illi pilei. Tam internecina fuit tentatio il-
la: Omnis multitudo sanctorum est.

Sed enim tam audax & præfidens est
Tentator in hoc uno tentandi genere, ut
vel sanctissimos homines non vereatur ag-
gredi plumarum & Ambitionis tentatio-
ne. Joanni Baptistæ plumatilem pileum
per Phariseos offerens Messie dignitatem
detulit, modò unicum illud respondisset:
Sum. c Imò ad supremum hunc dignitatis
gradum obtinendum suffecisset non ab-
nuere. Eodem stratagemate aggressus Pau-
lum & Barnabam plumatile diadema illis
obtulit per Lystrenses. Hi namque cum
claudum cui pedum usus ab utero matris
negatus, cernerent integerrimè ambulan-
tem, Lycaonice proclamaverunt, Dii similes
facti hominibus descenderunt ad nos. Et
vocabant Barnabam Jovem; Paulum verò
Mercurium, quoniam ipse erat dux verbi.
Sacerdos quoque Jovis qui erat ante Civi-
tatem, tauros & coronas ante januas affe-
rens, cum populis volebat sacrificare. At
Paulus & Barnabas ut divinos à se hono-
res quam longissime removerent, la-
ceratis tunicis prostrantes in turbam:
Quid hæc facitis, inquiunt, & nos mor-
tales

a Num. c. 16. v. 2. Et toto capite reliquo.

b Minus quinquaginta.

c Joan. c. 1. v. 20.

tales sumus similes vobis homines.

Aliàs hæc Ambitûs tentatio vix unquam infecunda malorum est. Hinc ita crevit animos tentator, ut Christum ipsum adorari ausus: Si filius Dei es, inquit, mitte te deorsum, ^b sciat orbis te talem esse. Hinc autem omnes id optime discunt, si te viderint per aëra vel ambulantiem vel volantiem. Hem impudentiam tentatoris incredibilem! Ipsi orbis Servatori pileum plumatilem conatus est imponere. Quam autem detestabilis fuit illa Jeroboami regis ambitio, quæ omnem populum sollicitavit & traduxit ad abominanda sacra. Ut enim Jeroboamus sibi suisque regnum stabiliret, ambitiosissimam hanc nequitiam commentus est. Edicto cavit ne quisquam ex Israël populo Hierosolymam tenderet oblaturus in templo sacrificia. Verebatur namque Jeroboam, ne populi favor à se in Roboamum Juda regem declinaret, si passim omnes Hierosolymam templum sacrificiis frequentare permetterentur. Ne verò impium hoc consilium destitueretur successu, geminum vitulinum cepit aureum duobus locis in edito collocavit, & una promulgari iussit: Ecce dii tui Israël, qui te eduxerunt de terra Ægypti. ^c Prò, Deum immortalem, quò humanum pectus non adigit ambitio? Non est ulla tam detestanda impietas, quam plumatilis pilei cupiditas non persuadeat.

Nihil

^a Act. c. 14. v. 10. & seqq.

^b Matth. c. 4. v. 6.

^c 1 Reg. c. 12. v. 28.

Nihil non audet Ambitio. Ipsum Apostolorum Collegium etsi non numerosum hæc tentatio invasit, & velut Eridis pomum, plumatilem pileum in Apostolorum medium conjecit, velut diabolus dixisset: Honoratissimus omnium habeto. Facta est & contentio inter eos, quis eorum videretur esse major. *a* O mei Apostoli, quid ista lis vestra sibi vult tempore prorsus importunissimo, & eo ipso quidem loco, ubi summæ humilitatis specimina sunt in oculis. En Magister & Dominus vester Dei filius vobis pedes abluit, jamque ad olivetum doloris principium, ad vigilandum & orandum, ad fundendum sudorem sanguineum tendit, cras inter latrones medius in cruce spectandus & vos altercatione nimium intempestivâ de pileo plumatili contenditis? Apagete hanc concertationem hoc loci & temporis absurdissimam. Diaboli tentatoris instigatio est.

Quam verè Ambrosius: Hoc ipso, inquit, perniciosior Ambitio, quod blanda quædam est conciliatricula dignitatum, & sæpe quos vitia nulla delectant, quos nulla potuit movere luxuria, nulla avaritia subruere, criminosos facit ambitio. Habet enim forensem gratiam, domesticum periculum; & ut dominetur aliis, prius servit; curvatur obsequio ut honore donetur. *b*

Non prohibemur magnanimitatem ostendere, & honoris fundamentum jacere,

a Luc. 22. v. 24. hoc

b Ambros. tom. 5. l. 4. in 4. Lucæ mihi p. 50.

hoc est, honore digna facere: sed honorem querere vetans Siracides: Noli, ait, querere cathedram honoris. *a* In virtutis actione duo sunt, honor & meritum; illi Dei, istud hominis est; qui Deo rapit honorem, illi Deus aufert meritum. Eos qui honorem querunt, reprehendens Chrysostomus: Amant primos recubitus, inquit, in cœnis, & primas cathedras in Synagogis, & salutationes in foro, & vocari a hominibus Rabbi. *b* Honorem isti querunt, non illos honor.

At pulchrum est, digito monstrari, & dici, hic est. c

At etiam non ignotæ sunt prisca cantuunculae ac fabellæ Icarus & Phaëton. Quamto altior fuit utriusque ascensus, tanto gravior casus. Veritatis oraculum scimus: Quod altum est hominibus, abominatio est apud Deum. *d*

Hinc Chrysostomus altum ingemiscens. Grave quiddam est, ait, Ambitio, grave inquam, & quæ animam perdere valeat. Quemadmodum sævi venti in tranquillum mare delati, totum ab imo subvertunt sic & Ambitio, & turpis quæstus animam subvertunt omnia. *f* Excavata mens.

a Eccli. c. 7. v. 4.

b Matth. c. 23. v. 6. & 7.

c Persius sat. 1.

d Luc. c. 16. v. 15.

e Chrysost. tomo 3. in c. 19. Joan. hom. 23. mihi pag. 338.

f Elementa malorum Avaritia & Ambitio C. proximo priore.

mentis intuitum præcipuè gloriæ furor. Nam pecunias quidem contemnere volentisatis est facile; honorem autem à multis collatum despiciere, multi laboris indiget, magnæ est sapientiæ. Non est enim, non est, inquam, vitium ita tyrannicum, & ubique dominans ex majori quidem, vel ex minori parte, attamen ubique. Cogita, cum gloriam concupiscis, quòd eam sis assecuturus: sed disce finem, & nihil invenies. Cogita, quantam ea res habeat jacturam, quot & qualibus bonis privet. Cogita, quòd Deus videt, & omnem illam exstingues concupiscentiam: de terrâ recede; ad illud cæleste respicias theatrum. Homines licet laudaverint, mox tamen accusant, vel invident, vel carpunt. Sed hoc si non fecerint, nihil omnino tamen laudato profunt. Nihil omnium gloria vilius. Honore delectaris? Hunc repelle, sciens quòd te debitorem constituit. Anima cupiens honorem & glorificari, non videbit regnum cælorum. ^a Plumatilis pileus ad sævæ ducit antra Proserpinæ.

Hunc ipsum plumatilem pileum probè inspiciebat Bernardus: Ambitio, inquit, subtile malum, secretum virus, pestis occulta, doli artifex, mater hypocrisis, livoris parens, vitiorum origo, criminum fomes, virtutum arugo, tinea sanctitatis, excacatrix cordium, ex remediis morbos creans, generans ex medicinâ languorem. Quantos hoc negotium perambulans in tenebris

^a Chrys. tom 5. hom. 42. ad pop. Antiochen. mihi pag. 261.

bristrudi fecit in tenebras exteriores, veste spolians nuptiali, & virtutum exercitia fructu pietatis evacuans? Quantos ergo peffis hæc nequiter supplantatos, turpiter dejecit, ut ceteri quoque quos latuit occultus effossor, subitam expavescerent ad ruinam? Ambitionis via, adoratio diaboli, ambitionis usus brevis, finis ignotus. *a* O ambitio, ambientium crux, quomodo omnes torques, & tamen omnibus places? Nil acerbius cruciat, nil molestius inquietat, nil tamen apud miseros mortales crebrius negotiis ejus. Quam pauci evadunt, quibus non dominandi libido, dominetur? *b*

a Bern. tom. 1. serm. 6. in Ps. 90. mihi p. 681.

b Idem tom. 2. mihi pag. 909. & seqq. §. 11.

Hæc ambitionis tentatio universum præne Orbem evertit. Ab hac una peste quot lacrymæ, quot ubique mala? Quot amica, non dicam, convivia, sed quot præclara Principum & Electorum comitia hæc sola furia, Ambitio disturbavit unica? Hic princeps præcedere contendebat, sed abnuebat ille sequi. Hinc sæpe rebus infectis, animis offensissimis subito discessum est. Hinc & alii conventus creberrime soluti, ob unicum illud ambitiosum PRÆCEDERE. Quot jam annis in Europâ formimus bella sed sanè miserrima, quæ alternantibus victoriis utramque partem miserè attriverunt & fortune exhausterunt præne omnibus. Sic utraque pars vicit, &

neutra

neutra vicit. Occasiones rei optimè gerendæ frequentissimè turbavit æmulatione & ambitio; quolibet eorum primas ambiente. Eadem in Aulis & Curiis turbellæ sunt, ob hunc ipsum plumosum pileum. Nemo non vult ornari his cristis. Sed hinc everfiones domorum, civitatum, regnorum, Orbis. Nec enim ullum facinus intentatum linquit ambitio, nec ulli hominum parcat, nec ipsi Deo, sed nec ipsa sibi, ut potiatur votis ad omnes scelerum species impellit.

Ægyptius tyrannus Pharaon, ne quem regali solio metum injicerent Hebræi, omnes eorum infantes masculos velut castellos mergi jussit flumine. Herodes Magnus Ascalonita, ne quis infantulus Hebræus in spem regni succresceret, quatuordecim millia infantum, ut tradunt a ferro messuit.

Abimelech, ut sibi uni regnum, quod ambierat, firmaret, fratres suos omnes, septuaginta numero super unum lapidem jugulari jussit. *b*

Rex impius Saul, quia sibi suoque regno metuebat à Davide, capitalibus insidiis famulorum fidelissimum locis omnibus infecutus, insuper octoginta quinque Sacerdotes, quod David favissent, velut victimas mactavit, urbem Sacerdotum Noben cepit, & in eâ omnes interfecit.

Absalon cristatus Phaëthon ut sede regni parentem optimum non evomeret tantum,

L

a Menaa Gracorum expresse.

b Judic. c. 9. v. 5.

tum, sed vi ejiceret, arma impia rebellis filius movit, in suum genitorem, virum charissimum.

Constantinus VIII. Porphyrogenitus, quod Curopalates docet, cum annis quadraginta novem imperii clavum tenuisset, à suomet filio Romano toxicum accepit, hoc uno nomine propinatum, quod nimium diu imperasset.

Franciscus I. Galliarum Rex cum Carolo V. Imperatore pacem sanciens sed parum diuturnam: Ille enim, aiebat, non superiorem; ego non parem fero. Ubi hæ tales sunt plumæ, ibi parum est firmæ pacis & concordiæ. Bovi uni campus non grandis in pabulum satis est, pluribus elephantis silva sufficit: homini ambitioso non totus mundus. Omnium sæculorum ephemeridas, fastos, annales, chronica inspice, plena omnia dissensionibus, injuriis, cædibus ob honorum plumas. Quid narro prisca? in oculis sunt recentissima: Ambitionis Fridlandicæ præcipitium quis heri natus infans non ignorât? Paucissimis summam rem complector. Albertus de Walfstein è nobili jam Fridlandiæ, Pharodeni, ^a Lugiduni, ^b Sabariæ, ^c princeps, Ferdinandi II. dux supremus, eò fastigii ascendit ut proximum fuerit, Boëmiæ regem salutari. Eo certè molitionibus bellicis ambitionem suam extulit, ut diadema sceptrumque regium sibi jam longè certissimum suâ se manu

^a Mechelburg.

^b Groslogaw. ^c Sagan.

manu gestare sit visus. Sed parum hoc illi, Regem esse: Imperatorem agere jam illi decretum erat. Nam Cæsarem suum ita in ordinem redigere certò destinârat, ut Cæsaris filii aquam suis manibus cogerentur infundere. Atque hæc certis non solum consiliis, sed viribus bellicis, & conspirationibus occultis eò erant deducta; ut hoc unum restare videretur, capite coronam regiam recipere & Imperatoris dominum promulgari. Omnia in hunc finem paratissima credebantur. Hic aliud cælo decretum venit. Nam duces nationis peregrinae nec rogati, nec promissis aut pretio inducti, mandati Cæsarei etiamnum ignominiosè proditorem in conclavi confoderunt. Neque hoc arduum facinus sui lucri commode causa patrârunt. Nam omnem prædâ principis cæsi non sibi rapuerunt, sed quid eâ Imperator fieri vellet, exquisiverunt. Et quod amplius mireris, Habuit dux Fridlandus in sui custodiam famulorum ducentos, & amicorum plurimos, copiosissimum tam in urbe, quam extra eam militem. Nihilominus soli quadraginta homines rem omnium periculosissimam ausi, ad epilogum tamen hanc tragœdiam felicissimè perduxerunt Anno Christiano 1634. die 26. Februarii: b quo quidem die, ejusdem Fridlandi principis

L 2

imperio

a Obris Butler cum suis.

b Ipsa Dominica Quinquagesima, . 4.

III, dicunt 25. Febr. Conciliamus: die 25. secunte, die 26. incipiente.

imperio Jesuitarum omnes, qui tunc quidem Pragæ agerent, una cum Optimatibus aut occidendi, aut regno exigendi fuissent.

O Deus, cujus providentia in sui dispositione non fallitur! Justus es Domine, & rectum judicium tuum. Nam Egræ in eâ ipsa urbe, in eo ipso conclavi, ut ajunt, ubi supremam militiæ potestatem accepit, hanc ipsam cum vitâ perdidit. Imo eodem ipso mense, eademque hebdomade, quâ ante annum proximè elapsum in innocentes fugæ suæ tegendæ sæviit, & ipse de medio sublatus est. Cùm enim grandi pralio contra Sueciæ regem Adolphum Gustavum ad urbem Lutzam infelicitè conflixisset, eos qui pugnæ infaustæ causam præmatura ex acie fuga dedisse videbantur, duci & cædi jussit. Ex his dux

Hagen / Comes Broglianus, & juvenis nobilissimus de Worberstnaw publicè testati se insontes mori, & porro ad divinum tribunal invitare, a responsurum Fridlandium, quando nec dicta nec obtestationes ullius hominis apud furiosum ducem valerent. Nec fefellit ista ad supremum Judicem postulatio. Annus abiit, & illo ipso tempore annuo Albertus Walsteinus in jus ambulavit.

Ita Deus potentes de sede deponit. Militiæ nomen cùm dedisset Walsteinus, brevî ad honoris culmen errore hominum emerisit, Cæsariani militis renunciatum Imperator. Summam armorum potestatem nactus, tentare ausus est, quantum

nocere

nocere posset armatum scelus. Gloriæ alienæ invidus, suæ ambitionis, fortissimos duces plerumque in castris otiosi iussit, ne Imperatoris sui in campo inertiam damnarent. Timidus aut perfidus pepercit hosti, at verò crudelis amicorum bona rapinæ militum objecit. Diu visus est dubitare, Numine an astris humana regerentur. Tandem maluit ab astris felicitatem sibi polliceri. A Ferdinando II. Imperatore eò bonorum ac opum evectus est, quò nec impudentis militis vota adspirassent. Verùm ter ingratus, ter perfidus, in Dominum & in Auctorem dignitatis suæ conspiravit non levibus præsidiiis fultus. Et certè benefactori optimo vitam ac prolem, Principi dignissimo sceptrum ac coronam ambitu vix audito abstulisset, nisi Numen illum, non astra sustulissent. Tandem lectissimorum militum armis confossus funestissimæ ambitionis dedit poenas. Pæne nefas, honestâ eum manu occumbere, quem non puduit tam inhonestis actibus coronam quarere. Anno salutis reparatæ 1583. die 14. Septembris natus est Walsteinus: Egræ in Bohemia anno 1634. die 25. Februarii sub noctem vivere desiit, ætatis anno quinquagesimo primo.

O Ambitio, ô pestis & lues Orbis, origo scelerum, tinea virtutum! sapiens Romanus ambitionem omnem gravissimè detestatus: Ambitio, inquit, res tumida est, vana, ventosa: nullum habet terminum; tam sollicita est, ne quem ante se videat, quam

post se alium. Non patitur quemquam ambitio in ea mensura bonorum con-
quiescere, quæ quondam ejus fuit impu-
dens votum, *a* quò scilicet pervenire,
cùm parvus obscurusque esset, nec optare
quidem ausus fuisset. At ea nunc assecu-
tus, iterum altiora, atque altiora quærit.
Fit series infinita. Quid tandem? præci-
pitium. Huc demum stygii pileonis ten-
tamina, huc plumosus pileus, huc hominis
ambitiosi vota perducunt. Eruditè dixit
Favorinus Philosophus: Ambitio partim
ridiculos, partim miserabiles, partim
odiosos facit. *b* Quid hîc remedii? Tri-
plex paucissimis suggero.

a Seneca epist. 84. mihi pag. 550. &
l. 2. de beneficiis. c. 27. mihi pag. 285.

b Favorin. apud Stobæum.

§. III.

Primum: probè nosse immoderatum
illud & anxium honoris desiderium, me-
rum esse diaboli tentamentum, quod ma-
lis maximis Orbem implet, quod Christi
Collegium turbavit, quod à regno Dei
plurimos abduxit, & etiamnum numero-
sissimam turbam abducit. Quisquis ani-
mam suam Satanæ non exponere vult ve-
nalem, caveat vaserrimum hunc pileo-
nem, plumas & cristas caveat, ambitio-
nem omnem fugiat. Præclare scripsit Au-
gustinus è sententia Catonis: Omnia vir-
tutis præmia ambitio possidet. *a*

Alterum: In schola Christi contrarium
prorsus docetur. Christus apertissimè
suis

a Aug. l. 5. de Civit. c. 12. mihi p. 59.

suis præcipit; Vos autem non sic! ^a In Christi lyceo honoratior est qui humilior & submissior; honoratissimus qui animi demississimi ac humillimus. Homines vani, sui ipsius amatores & Mundi de plumis & cristis litigent: Vos autem non sic! Nil penitus loci sit inter vos ulli ambitioni, pileum aut sertum plumeum etiam oblatum rejicite, calcate, discerpite. Vestris animis nunquam excidat, me Magistrum esse mansuetudinis & humilitatis, non elationis aut ambitionis. Alii humanam gloriam adspirent: vos autem non sic. Aliter enim à me instituti estis; ego honorum doceo contemptum, non studium. Hoc gentes & idololatræ sectantur: Vos autem non sic! Nam qui major est in vobis, fiat sicut minor; & qui præcessor est, sicut ministrator.

Tertium: Ambitio sui ipsius carnifex, sicut invidia, cruciatus & dolores infert admirabiles, in hoc & Orbe altero. Testis sat locuples Augustinus: Inhiabam, inquit, honoribus, lucris, conjugio: & tu irridebas. Patiebar in eis cupiditatibus amarissimas difficultates, te propitio tantò magis, quantò minùs sinebas mihi dulcescere, quod non eras tu. ^b Et heu lacrymabilem psalmum cantant in tartaro ii, quos ambitio in transversum egit, qui honorum cristas rebus omnibus anteposuerunt, qui sermo plumeo coronati non magni aestimarunt cælum; hi apud

L 4

infe-

^a Luc. c. 22. v. 26.^b Aug. tom. I. l. 6. Confess. c. 5. p. mihi 49.

inferos, jam canunt, sed serò nimis. Quid nobis profuit superbia? *a* His olim dulcius fuisset mori, quàm aliquid existimationis acquisitæ perdere. Jam moriuntur, & æternum. Jam demum intelligunt Phryges serò sapientes extremæ fuisse stultitiæ honorum plumulas colligere, & negligere regnum immortale. Vos ergo, Christiani, non sic: exempla vos sanctiora ducunt ad honores non perituros. Ambitiosum Aman altissimum exspectat patibulum.

Verùm tam vafer & nequam est diabolus tentator, ut quos pileo vel serpo plumbeo nequit fallere, iis sertum plumbeum infixis aculeis & spinis horridum imponat; quos honorum cupidine non decipit, eos *Spiritu blasphemie* & miris conscientie angoribus invadit. Sunt homines bonæ sed simplicioris plerumque mentis, quibus cacodæmon adversus Deum & superos fererrimas & atrocissimas cogitationes suggerit, quibus conscientia, præsertim ex se jam ante pavida ita terretur ac perturbatur, ut ejuscemodi homines rerum suarum trepidi in maximas adducantur angustias. Nonnunquam non animo tantum ægri, sed ipso etiam corpore tabescunt; cibus, potus, somnus, non ut solebant, eos reficiunt, subinde tales non procul ab infania & phrenesi absunt; tandem illos vivere. Nec adeò rarum: hoc viris feminisque contingit, Aliquando hæc mali origo est: Initio vulnus istud aliquando minime periculosum non satis est dete-

ctum

atque. Interea dies noctesque tentatio velut teredo *a* rodit & consumit, & quidem præcipuè, quod observatum, tempore ineundæ orationis, percipiendæ Eucharistiæ & animi curandi. Hic pessimæ cogitationes magno impetu confternatos obruunt,

Huic malo mederi non difficile, modò agri capiant medentis dicta & sequantur. 1. Ante omnia qui eo modo tentatur, sciat verba illa tam impia, cogitationes illas tam nefandas, non esse suas sed diaboli, & ideo non curandas. Prudenter Climacus præceptiunculas sed salutares instillans: Non solent eos diaboli oppugnare, inquit, qui non dimicant cum ipsis. 2. Qui liberari cupit, pro certo habeat, non suam animam cogitationum tam detestabilium esse causam, sed impurum illum spiritum, ideo quæ ab eo suggeruntur, contemnenda omnia. Satis est unum illud respondisse: Vade Satana. 3. Quisquis hic pugnare, & collato pede consertisque armis vult contendere, ventos includere, fulgetrum manibus prehendere conatur. Qui hunc spiritum despicit, liber evadit; qui ei aliter reluctari nititur, tandem subiacet. 4. Magno sit solatio, si hac de re interrogatus: Num illæ cogitationes illi placeant? Animo possit dicere: Extremè displicent, & odi, & arceo. Hic salva res. Non igitur: mi Christiane, metuas, ne tibi ista noceant, si tibi tantopere displiceant.

L 5

Clima-

a Aut Cossus, No'kwurmb.

Climacus, quem dixi, ut tantò firmitus erudiat tentatos, rem gestam ex fide memorans: Homo religiosus, inquit, rerum suarum satagens & industrius annis viginti jejuniis ac vigiliis macerare carnem institit, nec tamen quidquam se protexisse credidit. Etenim blasphemix, & immunditiæ spiritus assidue illi inharebat, vexabat, obtundebat nefandis cogitationibus. Demum se imparem hosti censuit insultibus tam malignis & continuis oppugnatus. Hoc ergo cepit consilii. Tentationis suæ voces impias inscripsit chartæ, quam probatissimo seni obtulit legendam, tanquam rei atrocissimæ grande arcum. Ille interim prostratus in terram, contra obtueri senem non audebat. Cùm verò senex legisset scriptum, subrisit, & unâ jacentem erigens: Pone, inquit, mihi, tuam manum super oculos meos. Fecit, quæ fuerat jussus. Mox iterum natu senior. Tuum hoc peccatum, ait, mei capitis periculum esto; totum ego in me recipio, quotquot demum annis te oppugnaverit aut oppugnaturus sit. Tu istud unum observa, ut quicquid hujusce suggestionis est, floccipendas & pro nihilo æstimes. Tam miti documento ita roboratus est æger, ut ante morbus illius evanesceret, quam ille senis cella excederet. Hoc ille ipse, ait Climacus, a cui istud contigit, Deo gratias agens mihi retulit.

Ita nimirum diabolus tentator longè astu-

a Climacus gradu 23. de ineffabil. cogitat. mihi pag. 209.

astutissimus; quos pileo serrove plumeo nequit fallere, illis imponere conatur plumbeum: ut quos honorum blandimentis non circumvenit, eos conscientiae terroribus irretiat. Pugna prima periculosior altera, non tantum quia crebrior & communior, sed etiam quia ad fallendum accommodatior. Verum, pars magna est victoriae, scire hæc esse mera diaboli tentamenta. Nemo animum demittat; quisque tentatur cum Psalte regio canter: In te eripiar à tentatione; & in Deo meo transgrediar murum. *a*

a. Psal. 17. v. 30.

CAPUT IV.

Tentatoris genius, præcipuæ artes, & diverse tentandi fallaciæ.

PElagius interpres è Græco memorat Moysen abbatem tam validis tentationibus à diabolo exagitatum, ut ille tugurio se continere amplius non potuerit, sed locum eo temporis habitatum, qui *Petra* dicebatur, cellamque deferens, velut ex acie fugitivus ad Abbatem Isidorum venerit luctam animi expositurus. Hunc Isidorus familiariter rogavit: Malis ne cederet, ad cellam suam rediret, suamque pugnam Deo auxiliatori optimo committeret. Cui Moyses: Mi pater, inquit, non possum. Illum igitur Isidorus in locum editum educens: Ad solem, inquit, occidentem respice, Fecit Moyses, quod iussus, & vidit immensam multitudinem cædæmonum, qui omnes ad pugnandum & inva-

invadendum videbantur paratissimi. Mox iterum Isidorus: Nunc vero ait, flecte oculos & surgentem solem intueri. Hic etiam obsecutus Moses innumeros Angelorum exercitus vidit. Ad hoc spectaculum digitum intendens Isidorus: En istæ sunt, inquit, auxiliares copiae, quæ nobis præsidium ferunt adversus omnes hostes. Plures igitur sunt & longe fortiores, qui nos adiutant, quàm qui oppugnant. *a*

In hominibus tentanda tanta est diaboli vigilantia & solertia, ut vero nomine appelletur *Tentator*. Hujus *Tentatoris* genus & primas ejus in tentando artes, hoc capite sub adspectum subjiciemus.

a Pelag. libell. 18. & ult. num. 11. apud Rosweid. pag. 638.

§. I.

Diaboli primarius labor hominem tentare. Quid igitur dicendum de Deo? Quando Israëlè Moses tam aperte commovens: Tentat vos, inquit, Dominus Deus vester, ut palàm fiat, utrum diligam eum, an non. *a* Pari modo tentavit Deus Abraham. *b* Idem affirmat sapientia: Quoniam etiam Deus tentavit eos. *c* Atqui Jacobus Domini discipulus: Deus intentator malorum est, ipse autem neminem tentat. Quod Moses ait, Jacobus negat. Qui conciliabimus partes tam sibi adversas? In ex-

pedito

a Deut. c. 13. v. 3.

b Gen. c. 22. v. 1.

c Sap. c. 8. v. 5.

d Jac. c. 1. v. 13.

pedito res est. Tentat nos Deus ut amicus.
 Hinc rectissime intentator malorum dicitur,
 quia neminem tentat, ut decipiat,
 aut seducat, sed ut probet & exerceat.
 Tentat nos diabolus ut adversarius, & inimicus,
 ad præcipitia ducit, ut dejiciat;
 allicit ut interimat. Hic tentator nobis
 optime noscendus, quia reverà innumeri
 hoc ipso malè pugnant, quia hostem
 suum non nòrunt. Hinc insidias minus cavent,
 fallacias non observant, perfidissimo impostori
 fidunt. Hic sollicitè admonens Paulus: Ut non circumveniamur,
 inquit, à Satana; non enim ignoramus
 cogitationes ejus. *a*

Experientissimus *Tentator* est diabolus.
 Hoc nominis Matthæus illi tribuit. Et accedens
 Tentator dixit. *b* Quemadmodum verò Poëtæ
 nomen Virgilio, Oratoris Tullio, Philosophi
 præ omnibus aliis attribuimus Aristoteli,
 ita nomen *Tentatoris* ex affe convenit diabolo. Allicere,
 tentare, decipere, illius artes & munia sunt.
 Syncretica sancta femina, Pelago teste, solebat
 dicere: Adversus dæmones nos undequaque
 armatos esse convenit. Foris & intus oppugnamur.
 Nam uti navis aliquando irruentium fluctuum
 mole obruitur, non rarò intrinsecus augescente
 nimium sentina mergitur; ita & nos quandoque
 operum extra commissorum iniquitate
 damnamur, sæpe latentium nequitia
 cogitationum in exitium adducimur

a 2 Cor. c. 2. v. 11.

b Matth. c. 4. v. 3.

mur. Ideo necessarium est non solum extra spirituum immundorum imperus observare, verum etiam cogitationum intimarum immunditiam exaurire. *a* Civitas quæ non tantum ante moenia, sed intra portas intestinum habet hostem, excubiis eget accuratissimis: ita plane cum diabolus non oculos solum & aures & linguam & manus, sed etiam voluntatem atque intelligentiam sollicitet ad malum, & pravarum cogitationum aliquot myriadas in animo serat, summa opus est vigilantia. Quod Petrus Chrysologus exponens: Diabolus, inquit, non querit hominem, sed hominis interitum querit. Ille malis nostris gaudet, surgit ruinis nostris, nostris vulneribus convalescit, nostrum sanguinem sitit, nostra saturatur ex carne, nostris vivit ex partibus. Diabolus hominem non vult habere, sed perdere. Quare? Quia ad cælum, unde ille cecidit, non vult, non fert, non patitur *b* hominem pervenire. *c*

Hinc subtilissime tentat. Nonneminem illecebrosa carnis suggestionem ita impugnat, ut non cupiat tentando vincere, sed ut homo tentationis victor, vana gloria sese efferat: hoc ille cupit, hoc querit. Et quam istud subtiliter? Subtilem hanc vafritiem Bernardus explicans: Ergone, inquit, bestię sumus nos? Bestię prorsus.

Homo

a Pelag. libell. II. num. 33. apud Rosweid. pag. 611.

b Quantum in se.

c Petrus Chrysol. serm. 96. mihi p. 254.

Homo cum in honore esset, non intellexit, comparatus est jumentis insipientibus. Bestiæ profectò sunt homines, oves errantes, non habentes pastorem. Quid superbis, ô homo; Quid te Sciolum jactas? Vide quia bestia factus es, cui venandæ laquei præparantur. Sed qui sunt venatores isti? Venatores utique pessimi & nequissimi, callidissimi & crudelissimi. Venatores qui cornu non sonant ut audiantur, sed sagittant in occultis immaculatum. Ipsi rectores sunt tenebrarum harum, astutissimi versutia & malitia diabolicæ fraudis, ita ut sicut est ante venatorem bestia, sic ad eorum comparisonem sit quilibet astutissimus hominum, præter eos duntaxat, qui cum Apostolo non ignorant cogitationes eorum, quibus in Dei sapientia datum est fraudes deprehendere malignorum. Obsecro vos novellæ plantationes Dei, vos qui nondum exercitatos habetis sensus ad discretionem boni & mali, nolite sequi cordis vestri judicium, nolite abundare in sensu vestro: ne vos tanquam rudes adhuc versutus ille venator decipiat. Sed ecce, quia jam venatores & bestias novimus, quisnam sit laqueus iste, querendum est. Ostendat nobis Apostolus laqueum istum, ipse enim venatorum illorum non ignorat cogitationes. Dic nobis, inquam, beate Paule, quis sit laqueus iste diaboli? Qui volunt, inquit, divites fieri in hoc sæculo, incidunt in tentationes, & in laqueum diaboli. Ergone laqueus diaboli divitiæ sunt hujus sæculi?

saeculi? Heu quàm paucos inuenimus, qui ab hoc laqueo liberati exsultent, quàm multos qui dolent, quòd parum sibi videntur irretiti, & adhuc quantum possunt, ipsi se involvere & intricare laborant. *a* Ita laqueos & pedicas amplectimur pro aureis & gemmeis armillis. Tentationes diaboli subtilissimæ.

Protogenes pictorum celeberrimus, quod Plinius narrat, Rhodi vivebat, quò cum Apelles adnavigasset, avidus cognoscendi opera ejus, fama sibi tantum cogniti continuo officinam petiit. Aberat ipse, sed tabulam amplæ magnitudinis in machina aptatam picturæ, anus una custodiebat. Hæc Protogenem foris esse respondit, interrogavitque à quo quæsitum diceret. Ab hoc, inquit Apelles; arreptoque penicillo lineam ex colore duxit summa tenuitatis per tabulam. Reverso Protogeni, quæ gesta erant, anus indicavit. Ferunt artificem protinus contemplatum subtilitatem, dixisse: Ergo Apelles Rhodum venit? non enim in alium cadit tam absolutum opus. Mox & ipse Protogenes alio colore subtiliorem lineam, in illa ipsa tela duxit præcepitque abiens, si rediret vir ille peregrinus, ductum tenuioris lineæ ostenderet, adjiceretque hunc esse, quem quæreret. Atque ita evenit. Revertitur enim Apelles, sed vinci erubescens tertio colore lineas secuit, nullum relinquens amplius subtili-

rati

a Bern. tom. I. serm. I. in Psal. 90. mihi pag. 674.

tati locum. At Protogenes victum se confessus, in portum devolavit, hospitem quarens. Placuitque sic eam tabulam posteris tradi, omnium quidem, sed artificum præcipuo miraculo. Consumptam eam constat priore incendio domus Cæsaris in palatio, avide ante à nobis spectatam, spatiosiore amplitudine nihil aliud continentem, quàm lineas visum effugientes, inter egregia multorum opera, inani similem & eo ipso allicientem tanto subtilitatis prodigio. *a* Uti artifices isti lineas pingebant, ita diaboli tentationes adornant subtilissimas & revera visum effugientes. Sed singulares aliquot tentandi modos & technas, quibus utitur, particulatim aperiemus.

a Plin. l. 35. Nat. hist. c. 10. mihi p. 737.

§. II.

I. *Sub necessitatis velo tentat.* Quàm multos aggreditur speciosis dictis illis: Pauperes, & multa te premit necessitas; tu jam vide, quì te alas. Rarò cælum pluit panibus: opulenti plerumque tantum habent avaritiæ quantum pecuniæ. Periit liberalitas inter homines. Nemo gratis vel buccam panis porrigit. Circumspice igitur, unde vestem pares & alimoniam. Ita blandè inserpit hæc tentatio, ut demum furta, usuræ, aliæque artes improbæ hoc honestatis pallio tectæ censeantur non iniquæ. Necessitas, ajunt, non habet legem. Ita nobiles sed egenæ virgines, ita viduæ juniores, aliæque feminæ, ut egenam

M

starem

statem fugiant, frontem exuunt, & venalem vulgant pudicitiam. Nimirum ut corpus servent, jugulant animam. Paupertas, ajunt, eò nos adigit. Pessima & stultissima commutatio, vendere animam, ne operimentum desit corpori. Ita quotidie dum mensam accumbimus, dum cibum potumque sumimus, specioso necessitatis nomine, in cibo potuque metas temperantiae transilimus. Prandia coenæque nostrae tentationibus assiduis plenae sunt. Hic ergo assidue cum regio psalte precandum: De necessitatibus meis erue me. *a*

II. *Ad cujusvis sese inclinationem attemperat.* Talem aviculis cibum ministrat, talem pisciculis escam objicit, qualem scit appetituros. Est qui nummos amet: huic si monetam monstres, quocunque lubuerit eum, facillime pertrahes. Alius honorum appetentissimus, laude & inani aura gloriæ mirifice pascitur. Iste verò patinas & calices sectatur; hic à vino velut stipula a succino trahitur. Aliis voluptates sunt, quod ferro Magnes; à voluptatibus ad omnem criminum turpitudinem ducuntur. Alius canes & equos intemperanter amat: hic tesseras, fritillum, pictas chartulas, alveum lusorium in oblectamentis habet, iste pascitur colloquiis, ille convivii indulget, alii nitorem vestium curant, — *trahit sua quemque voluptas.* *b*
Florentem cythisum sequitur capella, faccharum & amygdalas simia: Ramum viridem,

a Psal. 24. v. 17.

b Virg. ecloga 2. sine.

ridem, inquit Augustinus, ostendis ovi,
& trahis illam; Nuces puero demonstran-
tur & trahitur. Et quod currit, trahitur,
amando trahitur. *a* Ita omnino diabolus
suis quemque trahit amoribus ac propen-
sionibus, quas ille novit exactissime &
longe melius, quam suas ipse noverit ho-
mo. Sed de hoc paullo post plura.

III. *Ea quemlibet parte oppugnat qua de-
bilissimus est.* Lupum ajunt faucibus robu-
stissimum esse, infirmissimum tergo; hic
ergo feriendus; lupi tergum, non fauces
diverberandum. Diaboli tergum nostra
caro est; hac sese regit, & abscondit. Hanc
igitur feriat, qui diabolum vult percussum.

IV. *Occasiones offert delinquendi;* com-
mendat eas, suadet arripiendas: Januam
pandit, & invitans ad ingressum: Tu tan-
tum ingredi, ait, mi homo, patens cer-
nis ostium, ingredi. Ponit sellam: Tu
modo hic confide, inquit, tibi hac quies
est parata. Qui fatuus est, & sui negligens,
ingreditur & confidet. Hic victus est.

V. *Obruere malis nititur tentatum,* ut ea
mole pressus omnem animum ulterius
pugnandi abjiciat, & ipse sibi dicat: A-
ctum est, non sum ferendo amplius tam
continuas vexationes; tot hostiles impetus
sustinere non possum. Hæc nimis diutur-
na est obsidio; dedam me hosti. Ita Jo-
bum tot morbis, tot doloribus, tot annis
adeo fatigandum censuit, ut in apertam de-
mum impatientiam pertraheret. Sed spe
M 2 sua

a August. tom. 9. in Joan. post initium
tract. 26. de cap. 6, mihi pag. 92. sine.

ſua frustratus eſt tentator. Patientiam Jobus non excuſſit, quantumcunque graviter & diu tentatus.

VI. *Sæpe ſubito imparatum, oſcitantem, ſemiſomnem, ut prædo & latro invadit.* Hebræus rex David poſtquam ſuaviter fuiſſet meridiatus, in ſolario deambulabat otioſus, nec ullum ſcelus animo coquebat; non libidines, non cædem meditabatur. Sed ecce mox adfuit tentator, & nullas inſidias metuentem aggreſſus, oculos primum in vicinum viridarium, deinde in lavantem feminam traxit. Hinc libidinum flammæ, hinc incendium foediſſimum vix ullis lacrymis exſtinguendum.

VII. *Suadet; quod in ſe bonum, ſed ratione temporis vel perſonæ, vel loci occultè malum eſt.* Nonnunquam temptationis bonus eſt finis, ſed mala ſunt, quæ medio intercurrunt. Exempli gratia: Ut eleemoſynas quis erogat, pecunias undecunque perſis & nefas corrogat. Finis bonus, ſed via ad finem non bona. Pari modo: Eleemoſynas quis largitur, ne avarus habeatur. Hic via quidem bona eſt, ſed viæ finis eſt malus. Ita diabolus tentator exomologæſin ſuadet, ſed imperfectam & ſacrilegam.

§. III.

VIII. *Conſilij ſui plerumque plurimas adfert rationes, ſed fucatas.* Hebræis Pontificibus totique curiæ Solimæ magnificis rationibus perſuaſit Chriſtum licet hominem innocentiffimum omni jure occidendum. Cauſarum cauſa fuit illud Orbis

bisidolum, *Ratio status*. Hinc acervatæ rationes illæ: Vir iste undequaque omnes adsestahit; ex omni vicina regione ingens ad eum concursus est; plerumque multa millia conciones illius frequentant. Fama de illo jam totam pervasit Syriam. Quàm porrò hic ipse vir acerbus & contumeliosus est præcipuè in magistratum sacrum; quàm odiosè priscas & Pharisæas religiones publicè traducit? An non ab ore illius excerptæ voces illæ? Serpentes, Genimina viperarum, Generatio mala & adultera, Hypocritæ, Sepulchra dealbata, Cæci & cæcorum duces? *a* Hæc talia ore pleno in Legisperitos, Scribas, Pharisæos effundit, & plebem adversus eos concitat. Deinde homo est thaumaturgus & signa patrat grandia, sed qua virtute? Neque hoc nescire potest Syriæ præses Pontius Pilatus. Quod ubi Romani fuerint odorati, mox aderunt, nosque magis sub jugum mittent, sanctissimum templum eripient, gentem nostram omnem & regionem opprimant. Quapropter res nostras agamus, & quod magistratum decet, initia nascentis mali eliminemus solerti vigilantia. Virum illum Galilæum Nazarenum è medio tollamus. Ita factiosæ illius conciones cessabunt. Alioqui hostem inquietum alimus. Res certe proxime seditionem est. Maturè igitur, ne quid Respublica detrimenti capiat, religionum Novatorem in crucem tolli curemus, ut omnis plebs videat se splendide deceptam.

M 3

ptam.

a *Matth. c. 23. v. 23. & seqq.*

ptam. Ita Caiphas in pleno Patrum confessu. Vos, inquit, nescitis quicquam, nec cogitatis, quia expedit nobis, ut unus moriatur homo pro populo, & non tota gens pereat. *a* Si virum hunc vivere sinamus, in totius gentis perniciem id verget.

An non speciosi Juris tituli sunt isti? Profecto speciosissimi. Ita parricidale, summum facinus adumbratis, sed tamen formosis rationibus fuit velatum. Ita diabolus tentationes suas, & multos scelerum miliones vendit sub pallio virtutis. Nos interim blandimur nobis, dum teipsum quisque solatur hoc fucō: Id respicio, id curo, has facti causas, has rationes habeo. *b* Sed non continuo licitum, quod certis de causis factum, nisi bonæ ac probatæ sint causæ. Nec satis est posse rationes adferre rei malè gestæ; quis enim hoc non potest? Et quanti sunt, qui cum ratione furunt? Hoc diabolo scellene ac quotidianum est, tentationes & scelera rationibus fucare, hamum escæ regere, utilitatis aut honestatis, aut etiam necessitatis mantelum deformitati vitiolorum injicere.

IX. *Peccatum, antequam committatur, extenuat, infinitam Dei misericordiam prædicat:* Non est, inquit, tam grande hoc facinus atque tu putas, & insuper facilis est ad poenitentiam recursus. Quid obstat hoc audere, cum idem & alii faciant? Quandoque artis est aut prudentiæ, al-

a Joā. c. II. v. 50.

b Ich hab meine gute Bedencken

quantulum à linea exerrare. Aude; & occasione oblata frueri. Concedendum aliquid naturæ. Offensiuncula tantilla misericordiam divinam quovis gemitu sibi propitiât. Ergo aude. Peccatum verò jam patratum immaniter exaggerat, Dei misericordiam velut exilem & arctam contrahit, ut miser homo rebus suis diffidens animum abjiciat, poenitentiam ut rem difficillimam differat, interea noxas augeat, ita in profundum abeat, unde non facile emergat. Hanc ob causam sollicitus Paulus: Ut non circumveniamur à Satana, inquit, non enim ignoramus cogitationes illius. *a* Astutissimus & subtilissimus est, atque quod pugnae difficultatem auget, in insidiis latet, & videri non potest. Quod Chrysostomus expendens: Si serpentem, inquit, ad lectum nostrum latitare sciremus, hîc magno admodum studio ad illum perimendum ferremur: diabolo autem in nostris ipsorum animis latitante, nihil adversi nos pati arbitramur, sed supini ac desides, animisque concidentibus, malis nostris indormimus. Cujus rei causam hanc esse arbitror, quòd illum corporeis oculis non contuemur, quam hoc potissimum nomine vigilantes nos ac sobrios esse oportebat. Nam sensibilem quidem hostem facile declines: at invisibilem, nisi undique armati fuerimus, difficile evitare possumus: & quidem ob id potissimum, quod recta ille depugnare non novit: alioqui enim è vestigio

M 4

à no-

à nobis victus caperetur. Verum amicitiz identidem specie, crudelitatis venenum ejaculatur. *b* Idcirco ad pugnam semper paratum esse oportet. Et gladius & scutum nunquam non in manu sit. Adjutor Deus assidue vocandus; in illo auxilium est pugnanti, nec vinci potest, qui sic pugnaverit.

a Chrysof. tom. 4. in c. 6. epist. ad Rom. hom. 10. mihi pag. 90.

CAPUT. V.

Tentatoris vires augent humana infirmitas & naturales cujusque propensiones.

SI quis aviculas ad aucupatoriam aream convolantes ita moneret: Cavete o simplices: esca vobis offunditur, & convivium instruitur, sed caras pendetis symbolas. De capite vestro agitur. Subito concurrent retia, & involvent captas. Cavete hoc epulum; merissima est tentatio. Caverent utique si saperent, præsertim si monita. Si quis & pisces, indociles alioqui animantes de insidiis præmonens nassam & hamum singulariter cavendum diceret, nec nassâ facile nec hamo fallerentur. Si quis ambulanti per hortum accipiamet: Cave, latet anguis in herba; lauderis si contigeris. Ita monitus cautiſſimos pedes figeret, ut latentis colubri venenum evaderet.

Si quis Amasæ viro militari dixisset: Cave Joabum ducem, accinctus est gladio, qui tuo lateri minatur, purpuram illum tuo sanguine, ni caveas. Cavisset quidem

quidem attentissimus ad omnem occursum Job. *a* Rex Antiochus cum audisset Judam Machabæum ducem cum copiis in aciem dispositis adversus se tendere, & ipse suum exercitum digessit in ordinem. Et distincta est pars exercitus regis per montes excelsos, & alia per loca humilia: & ibant cautè & ordinatè. *b*

Christus aliquoties suos monuit: Cave-
te à Scribis; Cavete à fermento Phariseo-
rum; Cavete ab hominibus. Tradent enim
vos in conciliis, & in synagogis suis fla-
gellabunt vos. *c* Cum interPELLARETUR à
quopiam ob dividendam hæreditatem:
Videte, inquit, & cavete ab omni avari-
tia; quia non in abundantia cujusquam
vita ejus est, ex his quæ possidet. *d*

Judas ipse mercator nequissimus, cum
turbam sceleratam in Olivetum duceret,
præmonuit, ad datam tesseram soleter
attenderent, virum esse mirabilem, qui
nôrit humanis sese oculis subducere;
ideo: Tenete eum, inquit, & ducite
cautè. *e* Videndum & cavendum quando
cum hostibus vaferrimis agendum. Hoc
ipsum hætenus nostra urgebant monita:
Cavete à dæmonibus; celerrimi sunt &
versutissimi mille artium magistri. Jam
supra ostendimus, qua ratione diaboli
Cupedinarios, Aurifices, & Pileones a-

M 5

gant

a 2 Reg. c. 20. v. 9.

b 1 Machab. c. 6. v. 40.

c Matth. c. 10. v. 17.

d Luc. c. 12. v. 15.

e Marci c. 14. v. 44.

gant; deliciis, divitiis, & ambitu tentent. Sed quoniam hi hostes nostri oculorum fugiunt obtutum, quo melius è tentandi modo noscantur, amplius describendi sunt. Hoc ergo capite declarandum, quam constanter & assidue homines impugnant, & quàm exquisitè ac impigre humanas observent propensiones.

§. I.

Quàm diabolus exitium nostrum ardentè sitiât, Chrysostomus non secum duntaxat volvens, sed & auditoribus pro suggestu edisserens, Non satis erat diabolo, inquit, hominem factum esse mortalem, mortis genere majorem facere luctum aggrediebatur, & ut Cain fieret fratricida, persuadebat. Festinabat enim & cupiebat videre sententiam in opus prodire, qui nostris nunquam malis exsatiatur: quemadmodum si quis captivum habens inimicum, & prolata videns damnatum sententia, priusquam urbem exeat, properet & intus jugulatum videre, neque congruum tempus exspectet? ita tum quoque diabolus licet audisset, quod in terram homo reversurus esset, optabat & aliquid majus cernere, coram patre filium morientem, & germanum interimentem germanum, & præmaturam violentamque necem. Vides quantis fuit ministra malis invidia? qualiter insatiabilem diaboli mentem implevit, & ei tantam apposuit mensam, quantam is cernere concupivit. a

Cum

a Chrysost. tom. 5. hom. 53. ad pop.
Ant. medio. mihi pag. 303.

Cum Christus Dominus in Gerasenorum agro iter faceret, duo viri à malis demonibus infessi è monumentis provolarunt, agitantibus furiis nimis quàm truculenti. Senferant nimirum inferni lemures è suis sibi hospitiiis migrandum. Quocirca Dominum **JESUM** rogare instituerunt, liceret sibi mutare diversoria, & ex humanis corporibus immigrare in porcos. Permissum est. At illi (quod Matthæus, Marcus & Lucas memorant) exeuntes abierunt in porcos, & ecce impetu abiit totus grex per præceptum in mare: & mortui sunt in aquis. *a* Affirmat Marcus fuisse ad duo millia porcorum. Licebit, credo, hîc querere: Cur obsecro, Domine, tantum licentiæ permisisti tam sævis prædonibus? tua hætenus miracula nemini fuerunt noxia. Imò & istud, dixerit Christus, plus proderit, quàm fronte prima censeatur nocuisse. Hîc enim vel oculis nostris monstratum, quomodo isti ex inferis tyranni hominem sui juris factum exagitent: eò enim impellunt, ut illum in mare sulfureum, igneum præcipitent. Hoc modis omnibus agunt; exitium nobis, idque æternum cupidissimè struunt.

Neque vero subtilissimi tantum tentatores, sed vaferrimi, fallacissimi, insidiosissimi hostes sunt, & quod omnem nobis torporem excutiat, assiduissimi ac perseverantissimi malorum omnium suafores

a Matth. c. 8. v. 32.

Marci c. 5. v. 13.

Luc. c. 8. v. 32.

fores & impulsores sunt. Canit olim rex Psalter: Misit Deus misericordiam suam, & veritatem suam, & eripuit animam meam de medio catulorum leonum: dormivi conturbatus. ^a Quid hoc rei? si à Deo liberatus, cur non dormivit securus & in utramque aurem? Hic Hieronymus interpreter: Hi leones, inquit, sunt dæmones, qui non solum ante partam victoriam, sed etiam post illam attentissime cavendi. Nec enim superati cedunt, sed alias atque alias machinationes repetunt, occasionem nullam negligunt, nullus insidiarum finis. Nam etsi decies, etsi tricies aut quinquagies, etsi centies aut sexcenties, etsi millies, bis millies, ter millies & scipius victi sint, usque tamen redeunt & aleam tentant. Jam primum repulsi, mox tamen adsunt iterum, velut importunissima muscæ, quæ toto prandio cœnave centies abactæ centies eundem locum insident. Hic nunquam dormiendum quando tam vigilans hostis, tam vigilans hostis, tam vicinus semper imminet. Hic nemo sibi ullam promittat securitatem; hi hostes nec ad horulam quidem omittunt nos vexare. Miramur selem murium venatricem pati famem & totos subinde dies hærere impastam ad musculi foramen; hic potius miremur Angelorum olim longè formosissimum tot annis animulæ unicæ insidiari, ne momento quidem opportuniore neglecto. Non enim comedit, nec bibit, nec dormit pervigil insomnis draco.

Bea-

Beatus Lucas triplicem Christi Domini tentationem commemorans. Et consummata omni tentatione, inquit, diabolus recessit ab illo, usque ad tempus. *a* Perinde si dixisset: Arma non depono, jus tentandi non remitto, jam quidem pugna cedo, sed rediturus. Hinc Theologorum aliqui censent, totis quadraginta diebus Christum tam acriter tentatum, ut literis id consignari non potuerit; eo autem tempore transacto formam humanam induerit tentator, & spectabilis prodierit ad conflictum & certamen publicum. Ita solet hostis nequissimus; discessum & fugam simulat; repentè redit ut incautum obruat, sicut Josue civitatem Hai. Cumque elevarset clypeum ex adverso civitatis, insidiæ quæ latebant, surrexerunt confestim; & pergentes ad civitatem, ceperunt & succenderunt eam. *b* Ita & diabolus agit, qui non solum fallacissimus, sed & improvisus ac importunissimus tentationes instaurat. Cum Christum in fastigio rupis tentaret: Hæc omnia, inquit, tibi dabo. *c* Mentitus est; nec enim dare potuit, quæ fallacissime promisit. Et quamvis abierit victus, rediit tamen perquam importunus. Quod divinus Lucas pariter testatur: Tunc vadit, & assumit septem alios spiritus nequiores: & ingressi habitant ibi. *d* Hic interpretes Beda: Sæpe, inquit,

a Luc. c. 4. v. 13.

b Josue c. 8. v. 19.

c Matth. c. 4. vers. 9.

d Luc. c. 11. v. 26.

inquit, antiquus hostis, postquam menti nostræ tentationum certamen inflixerit, ab ipso suo certamine ad tempus recedit, non ut illatæ malitiæ fidem præbeat, sed ut corda, quæ per quietem secunda reddidit, repente rediens facilius inopinatè irrumpat. *a*

a Beda super c. 11. Luca.

§. II.

Adhæc perseverantes admodum tentat diabolus. Cum enim ab Angelo Hussæ regionis præside interrogaretur: Unde venis Satana? Circuivi, ait, terram, & perambulavi eam. *a* Per circuitus gyrum, ait Gregorius, solet laboris anxietas designari. Satan ergo laborans terram circuivit, non enim se pervolasse sed perambulasse dixit *b* Quemadmodum dux belli civitatem obequitans, quidquid immunium lustrat, ut illac incursionem faciat: ita diabolus nos circuit, ut exploret, quam partem impressione incurset, idque indefessus planè constantia peragit incredibili. Energumenus ille, quem Marcus memorat occurrisse Christo, domicilium habebat in monumentis, & neque catenis jam quisquam poterat eum ligare: quoniam sæpe compedibus & catenis vinctus dirupisset catenas, & compedes comminisset: & nemo poterat eum domare. Hunc interrogavit Christus: Quod tibi nomen est? Et dicit ei: Legio mihi nomen est, quia

a Job c. 1. v. 7.

b Greg, l. 1. moral. c. 3. mihi pag. 333

quia multi sumus. *a* Mi Deus, hominem unicum multa millia diabolorum, legio tota impugnet & occupet? unicus dæmon legioni hominum toti suffecerit. Quanta hæc sitis perdendæ gentis humanæ!

Ingressus Christus urbem Galilæam Capharnaum, docuit in synagoga. Hic homo à malo dæmone infessus exclamavit: Quid nobis & tibi, JESU Nazarene? Venisti perdere nos. *b* Ita illi duo Emergumeni clamaverunt: Quid nobis & tibi, JESU, fili Dei? venisti huc ante tempus torquere nos. *c* Expulit, non torfit eos novis suppliciis. Sed satis hoc tormenti erat cogi humanum hospitium deserere; salutem nostram perditionem suam interpretantur. Hinc Paulus ad vigilantiam nos expergefaciens: Non est nobis, inquit, colluctatio adversus carnem & sanguinem, sed adversus principes & potestates, adversus Mundi rectores & tenebrarum harum, contra spiritualia nequitiae in caelestibus. Propterea accipite armaturam Dei, ut possitis resistere. *d* Induite vos armaturam Dei, ut possitis stare adversus insidias diaboli.

Verissimi sunt illi gemitus: Heu qualis est hæc vita, ubi non desunt tribulationes & miseria; ubi plena laqueis & hostibus sunt omnia? Nam una tribulatione seu tentatione recedente, alia accedit: sed & priore

a Marc. c. 5. v. 3. & seqq.

b Luc. c. 4. v. 34.

c Matth. c. 8. v. 29.

d Ephes. c. 6. v. 12.

priore adhuc durante, conflictu, alii plures superveniunt & insperatè. *a* Magna est nostrorum hostium potentia. Natura eorum quæritur? Spiritus sunt. Forma? videri non possunt. Indoles? nequissimi, vaferrimi. Potestas? Mundi rectores, Fraudes, Tenebrarum principes. Locus? Ex aëre in nos irruunt. Hoc bellum nullis foederibus conciliandum, nullis fopendum induciis. Basilus ad bellicam circumspeditionem excitans: Athleta es, inquit, attende ipsi. In adversarium immotum oculum intendito fixius. Animo non sis supino aut concidenti, sed erecto; non dormituri, sed pervigili ac sobrio, qui nôrit sibi præesse. *b* Ergo attende tibi, & huic pugnae. *c* Cum totæ in nos ruant acies, quo animo torporem & delicias sectamur? Chrysostomus ad vigilantiam acriter exstimulans: Sobrii estote, ait, & vigilate. Nemo dormiens coronabitur, neque recumbens & stertens bravium capit: sed pulvere, & plagis squalens ipse apud Agonothetam prius invenitur, vulnera gerens, & sanguinem ostendens defluentem. Unde postquam experientia didicimus, quàm sit grave & difficile diaboli ministerium (fugit enim vigilantem, & dormientem spoliat), ne des somnum oculis tuis, nec palpebris dormi-

a Thom. de Kemp. l. 3. Imit. Christ. c. 20. n. 3.

b Basil. in cap. 15. Deuteron. Attende & audi Israël.

c 1 Tim. cap. 4. v. 16. Hinc doctrina, Apostoli verba sunt.

dormitationem, ut salveris velut dorcas ex
 cassibus, & velut avis ex laqueo. Fugia-
 mus, inquam, vitæ hujus laqueos & cu-
 ras, & velut Mundo abrenunciantes nil
 carnale circumferamus: multæ enim dia-
 boli insidiæ. Adversarius noster diabolus,
 inquit, tanquam leo rugiens circumit
 quærens, non quem mordeat vel frangat,
 sed quem devoret. Fuge diaboli astutias,
 & dic Domino: In te eripiar à tentatione,
 & in Deo meo transgrediar murum. Ne
 fugias itaque laborem, ut assequaris coro-
 nam. Mercator non deficit, sed sustinet
 undas, ut pecunias inveniat. Decertans
 Athleta generosè fert vulnera, respiciens
 ad coronam. Agricola non invenit mani-
 pulos, nisi prius per proprios sudores se-
 mina mittat. Similiter in cælum respicien-
 tes nihil putant tribulationes bonorum spe-
 roborati. Vigilantia tibi opus est, ut do-
 mum tuam à latrone custodias. Adversa-
 rius enim diabolus te supplantare quærit,
 ne ascendere possis, unde ille cecidit.
 Multæ sunt ipsius artes. *a*

Inter has singularis illa: Bovem cornu,
 cercopithecum cauda, asinum auribus
 prehendit; sua quemque naturali proclivi-
 tate irretit. Ita diabolus cognita cujusque
 hominis propensione, vim suæ tentationi
 addit ab ea re, qua quisque magis affici-
 tur. Ita qui se honoribus & dignitatum ni-
 tore sentit tentari, ad superbiam se pro-
 num credat; quem cibi tentant, ad gulam

N te

a Chryss. tom. 5. hom. 23. ad pop. Antioch. mibi pag. 166. & pag. 176.

se proclivem censeat; quem libido stimulat, ad luxuriam se propensum judicet; quem pecunia trahit, avaritiæ aliquid in se latere suspicetur: has tales cujusvis propensiones diabolus novit penitiùs, quàm nos ipsi. Itaque hic piscator eam hamo infigit escam, quam scit appetituros pisciculos. Avaro nummos & lucra, ambitioso & superbo laudes, encomia, favores, libidinoso familiaritates suspectas, gratas voluptates, guloso epulas & pocula, iracundo discordias & rixas, lusori socios & lusus supellestem, desidi & ignavo ferias, otium, quietem ingerit; alios mœrore, hos gaudio; illum timore, istum audacia, hunc securitate nimia sternit, attentissimus ad singulorum affectus, quis scilicet in quolibet præpolleat. Ita Catilina factiosorum Romæ coryphæus cuilibet ea promisit, quæ ipsi videbantur gratiora, sive opes, sive munia, seu dignitates; ita Mahometus Asiæ pestis, non ignorabat humanam indolem ad voluptates propensissimam; has ipsas confertim promittebat. Hinc illud longè mirissimum quomodo tandem Apostoli austeram Evangelii disciplinam successu tam felici per Orbem sparserint, cum ea sequiori naturæ prorsus contraria, amorem paupertatis, corporis afflictationem, fugam voluptatis, sui odium, inedia, vigiliis, sui contemptum doceat.

§. III.

Ruffinus Aquileiensis, Pelagius interpres, Paschatus Diaconus ex æquo perquisi-

quisitè rem scitu dignam ita memorant. Macarius abbas dum solitudinem superiorum solus habitaret, inferior enim à plurimis frequentabatur, nocte appetente cædæmonem humanâ specie, & ad luxum dissectâ veste contra se gradientem vidit. Hunc senex interrogans: Quò veterator tendis, inquit, & quid istæ tot ampullæ, quid tot sibi volunt vascula, tot pyxidulæ, quas lateri appensas geris? Cui dæmon: Fratribus tuis, ait, fero matteolas *a* & scitamenta, sed ea varietate, ut si primum nauseent, mox porrigam secundum tertiumve; nec fieri potest, ut ex omnibus nullum placeat. Cum dicto abiit. At senex eodem loci permanfit, dum rediret stygius pharmacopola. Redeuntem denno allocutus: Et qui habent fratres, inquit, ut valent? Cui larvatus genius? Ut solent, ait, hi tales. Eorum tamen unus mihi perquam familiaris est. Macario de nomine sciscitanti respondit: Theopistus *b* audit; pulcherrime inter nos convenit. His auditis Macarius quàm primum viam ingressus magnis passibus ad illum ipsum, quem audierat nominari, contendit, non sine ceterorum admiratione. Nam obvii in suum quisque tuguriolum hospitem tam charum invitabant. At ille ad Theopistum properans, & hunc denique solus solum nactus: Fili mi, ajebat, quomodo vales? & quomodo stant res tuæ cum Deo? Cui promptè Theopistus:

N 2

Bene

a Schleckerwerck.*b* Ruffino Thropemptus, Pelagio Theotestus.

Bene mi pater, ait, quod tuis precibus ad-
 scripserim. Sed iterum senex: Non te im-
 pugnant cogitationes pravæ? Erubuit mi-
 ser fateri, quod res erat, & ulcus aperire:
 ita unum illud ad omnia respondit: Ha-
 ctenus bene Sed peritissimus chirurgus ut
 latenti vomica mederetur, se ipsum simu-
 lans ægrum: Ecce, mi optime frater, in-
 quit Macarius, tot ego jam annis eremum
 habito, ab omnibus honoror, tam gran-
 dis natus sum, nihilominus à meis ipse co-
 gitationibus graviter infestor. Hoc sermo-
 ne tam candido hominem eò traxit, ut de-
 mum ager se fassus ægrum: Pater crede
 mihi, aiebat, idem & ego patior, tur-
 bant & concutiant me graviter cogitatio-
 nes meæ. Ita plura & plura sensim elicie-
 bat senex, dum ille omnem animi sui
 morbum fateretur. Jamque ad alia dela-
 psus abbas, & diversa interrogans: Quo-
 usque diei, ait, jejunas? Ad nonam, re-
 sponder. Cui spiritalis medicus: Deinceps
 ad serum vesperem jejūnato. Hoc primum.
 Alterum: Ex Euangeliiis vel scripturis sa-
 cris assidue aliquid meditator, nunquam
 non occupatus, hoc alterum. Tertium:
 quotiescunque tibi occurrerit impura co-
 gitatio, oculos animumque attolle ca-
 lo, & Deum auxiliatorem voca. Aderit
 vocatus; nihil ambigas. Ita Macarius
 in suam rediit solitudinem, cumque de-
 nuo vidisset cacoðæmonem novas insidias
 molientem, quæsiit: quomodo res fra-
 trum jam haberent? Cui mœstus respon-
 dit Satan: Malè, neque enim unquam

in me agreffiores fuerunt. Et quod pejus : Ille ipse mihi antea tam obsequens, nunc adversatur pæne asperior & animosior ceteris. Mox Macarius in suam sese casulam recipiens Deo Servatori gratias egit. *a*

Ergo attende tibi; diabolus omnium ventilat curas, discutit consuetudines, examinat propensiones, scrutatur omnia; & ibi quærit causas nocendi, ubi aliquem viderit studiosius occupari. Tu ergo quis es, vide, quò tua te trahat indoles & natura, quò tui properent affectus, quò inclinent propensiones, quò tendant consuetudines? hac parte te muni quâ debilior es, uti dux belli in urbe quam propugnat, copiosiore illic militem constituit, ubi naturam loci minus munitam cernit: ita nos diabolus illic invadit, ubi debiliores esse non nescit. Quæ nobis in viâ virtutis sunt impedimenta, ea Satanæ sunt præsidia. Tentationes non sentire, est angelicum, ait Anselmus; tentationes sentire & vincere, Christianum; tentationibus consentire & ex malitia delinquere, diabolicum est.

a Ruffin. n. 61. apud Rosweid. p. 510. Pelag. lib. 18. n. 9. p. 637. Pasch. l. 1. n. 8. p. 665.

CAPUT VI.

Tentator nil potest sine licentiâ; & quomodo Deus nos tentet.

EX amicis Jobi Eliphas Themanites dixit: Tigris periit, eò quod non haberet prædam. *a* Septuaginta interpretes iravocem emutant: Periit Myrmicoleon Leo

N 3

formi-

a Job c. 4. v. 11.

formicarius, seu formica leo. Olympiodorus hic designari censet diabolum, qui illis quos vincit & subjugat, est leo, formica iis à quibus vincitur & triumphatur. De hac bestiola differens Gregorius: myrmicoleon, inquit, parvum valde est animal, formicis adversum, quod se sub pulvere abscondit, & formicas frumenta gestantes interficit, interfectasque consumit. Apostata Angelus in terram de cælis projectus, justorum mentes, quæ bonorum sibi operum refectionem præparant, in ipso actionis itinere obsidet; cumque eas per insidias superat, quasi formicas frumenta gestantes improvisus necat. Rectè autem Myrmicoleon, id est, leo & formica dicitur: formicis enim leo est, volatilibus formica; quia nimirum antiquus hostis, sicut contra consentientes fortis est, ita contra resistentes debilis. Si enim ejus suggestionibus assensus præbetur, quasi leo tolerari nequaquam potest; si autem resistitur, quasi formica atteritur. Aliis ergo leo est, aliis formica: quia crudelitatem illius crudeles mentes vix tolerant, spirituales verò infirmitatem illius pede virtutis calcant. *a*

Deus Azotios clade grandi affecit, quod Regum fasti memorant, ob Arcam irreverenter visam. Et ebullierunt villæ & agri, in medio regionis illius, & nati sunt mures. *b* Si dæmonum spectetur crudelitas, sunt scorpiones; si infirmitas, mures.

Quod

a Greg. l. 3. moral. c. 17. mihi pag. 415.

b 1 Reg. c. 5. v. 6.

Quod Rupertus clarè pronuntians: Quid sunt illi, ait, qui ebullierunt, & terram demoliti sunt mures, nisi maligni spiritus, iustis quidem contemptibiles ut mures, peccatoribus autem terribiles ut leones. *a* Quod Tertullianus de scorpionibus, hoc de demonibus verè affirmari potest: Tot venena; quot ingenia; tot perniciës, quot & species; tot dolores, quot & colores; unus omnium violentiæ gestus de cauda nocere. Dæmones tam dulce in amarum, quàm lucem in tenebras reformant, atque ita miserrimam hanc vitam illi beatissimæ prævertendo, tam amarum pro dulci, quàm tenebras pro luce supponunt. *b* De scorpionum horum veneno, de tentandi artificio, quo diaboli gentem humanam fallunt, diximus; Jam porrò, qua ratione Deus nos tentet, dicendum.

a *Rupert. l. I. c. 14.*

b *Tertull. in suo Scorpiaco c. 1. & 2. mihi pag. 989. & 990.*

§. I.

Tentat Deus, sed longè aliter quàm diabolus, qui tentando cupit decipere, nocere, perdere; omnia ejus consilia & molimina ad perniciem, interitum, exitium nostrum spectant. Deus tentat, sed in nostrum commodum, pro meritum, æternitatis præmium. De divinis tentationibus disserens Gregorius: Tribus modis, inquit, nos Conditor noster interrogare consuevit, cùm aut flagelli districtione nos percutit, & quanta nobis insit, vel

desit patientia, ostendit: Aut quædam, quæ nolumus, præcipit, & nostram nobis obedientiam vel inobedientiam patefacit: aut aliqua nobis occulta aperit, & aliqua abscondit, & nobis mensuram humilitatis nostræ innotescit. Tentare quippe Dei, est magnis nos iussionibus interrogare. Scire quoque ejus, est nostram obedientiam nosse nos facere. *a*

Hirudo admota ægro fugit sanguinem, ut se satiet; at medicus illam admoventi jubet, ut ægrum sanet. Chirurgus ferro candente urit ægrum, non ut lædat, sed ut læsum meliori valetudini restituat. Ita & tortor ignita forcipe Christianum martyrem carpit, sed ut cruciet, & à Christo avertat. Ita Deus & diabolus dissimillimè tentant, ille ad cælum per aspera vocat, iste ad Orcum per amoëna invitat. Tentationes Deus admirabili providentia & bonitate temperat. Quod omnium solatio promulgans Paulus: Fidelis Deus est, inquit, qui non patietur vos tentari supra id, quod potestis, sed faciet etiam cum tentatione proventum. *b* Tam ampli juris diabolus non est, ut quemcunque sibi designat, invadere audeat: Nec invadendi locus, tempus, modus in ejus potestate est; licentiâ strictiore coërcetur; nil nisi ad Dei præscriptum potest agere. Id Gregorius asserens: Diabolus, inquit, licet afflictionem justorum semper appetat; tamen si à Deo potestatem non accipit, ad tentationis

a Greg. l. 28. moral. c. 5. mihi pag. 940.

b 1 Cor. c. 10, v. 13.

tationis articulum non convalescit: unde omnis voluntas ejus injusta. Ex se eum tentare appetit, sed eos, qui tentandi sunt, & prout tentandi sunt, Deus justè tentari permittit. *a* Idem de quibuscunque aliis hostibus noris, quos cernimus, dicendum. Hinc satanas Jobi constantiam tentaturus licentiam rogat: Extende paullulum manum tuam, & tange cuncta, quæ possidet. *b* Tu Domine meas mihi manus colligasti; neutiquam liber sum, sed amplia potestatem adeò accisam, & videbis mira. Annuit Deus, & ampliavit, quam petiit potestatem, sed ea legis præscriptione, ne ultra facultates Jobi sæviret: Ecce universa, quæ habet, in manu tua sunt: tantum in eum ne extendas manum tuam. *c* Denique in ipsum etiam corpus Jobi licentiam sæviendi accepit, salvâ tamen vitâ. Hinc Augustinus insignissimè rem oculis subjiciens: Sæviant modò inimici, ait, humilior, faciant non quicquid volunt, sed quicquid desuper permittuntur. Non enim quicquid passi ab inimicis fuerimus, inimicis deputandum est, & non Domino Deo nostro. Quandoquidem in ipso suo exemplo mediator demonstravit, quando nobis desuper permittit homines nocere, non voluntatem nocendi desuper dari, sed potestatem. Unusquisque enim malus apud se habet voluntatem nocendi: ut autem possit nocere, non habet in potestate. Ut velit, jam reus est; ut possit, occul-

N 5. tâ

a Greg. l. 12. moral. c. 6.

b Job c. 1. v. 11. *c* Job. c. 1. v. 12

tâ dispensatione providentiæ Dei in alium permittitur ad pœnam, in alium permittitur ad probationem, in alium permittitur ad coronam. Ad pœnam Judæos affligere permitti sunt Idololatæ: Ad probationem Jobum diabolus; probatus est autem Jobus, confusus est diabolus. Ad coronam permitti sunt persecutores in martyres. Occisi sunt martyres; quasi vicisse se arbitrati sunt persecutores. Illi in manifesto falso triumpharunt, isti in occulto verè coronati sunt. Non attendebat Jobus, quis percuteret, sed quis permitteret. Novi ego, inquit, à quo sit permittus. Diabolo tribuatur nocendi voluntas, Domino meo probandi potestas. *a*

Non igitur formidemus diabolum; se princeps quidem bellua est, sed mordere non potest nisi volentem; cornua habet, quibus ferire possit, sed accedentem; caudam habet, qua & cedros queat dejicere, sed nec pilum unius hominis non tantum non evellere, sed nec tangere valet, nisi potestatem Deus concedat. Habet arcum, pharetram, sagittas, sed nec sagittulam vel unicam in illum torquere potest, nisi Deo annuente.

Cùm Jacob è Mesopotamia rediret in Chanaan, gregem prorsus imbellem secum adduxit. Non erat ex omni numero, qui gladium animosè stringeret. At vero Esau capitalis hostis cum militibus quadringentis occurrit. Ah, quadraginta, imo
vei

*a Aug. prefat. in enarrationem 29.
Psalmi 29. mihi p. 61.*

vel quatuor milites contra feminarum & parvulorum agmen suffecissent. At Deus animum Esau subito ita molliit, ut diceret humanissime: Grdiamur simul, eroque socius itineris tui. Cui Jacob: Præcedat Dominus meus ante servum suum, & ego sequar paullatim vestigia. Mox iterum Esau jam planè frater: Oro te, ait, ut de populo, qui mecum est, saltem socii remaneant viæ tuæ. *a* Videte feram in hominem humanissimum mutatam, quæ lacerare venerat & devorare, jam modis omnibus juvare nititur.

Ita cacodæmon septem maritos Saræ jugulare potuit, sed Octavum Tobiam nec quidem potuit tangere. Ejus rei assignans causam Angelus: Ostendam tibi, ait, qui sunt, quibus prævalere potest dæmonium. Hi namque qui conjugium ita suscipiunt, ut Deum à se, & à sua mente excludant, & suæ libidini ita vacent, sicut equus & mulus, quibus non est intellectus; habet potestatem dæmonium super eos. *b*

a Gen. c. 33. v. 12. & seqq.

b Tob. c. 6. v. 16. & 17.

§. II.

Goliathum Philistæum Hebræi milites & duces omnes fugerunt; nullus erat ex omnibus, qui congredi cum eo auderet. Et en juvenis pastoritius David, inermis opilio formidandam illam giganteam molem silice unico dejecit. Hic certè Deus Goliathum vinxit, Davidi vires vincendi

cendi dedit, ut vel oculis cerneremus, quæ pugnae spiritalis esset ratio. At vero tempore, quo Dei filius in crucem actus, filio manus ligata, diabolo & asseclis soluta sunt.

Ita Deus electum populum, bellis variis exercens: Et ego, inquit, non delebo gentes, quas dimisit Josue, ut in ipsis experiar Israel, utrum custodiant viam Domini, & ambulent in ea. Hæ sunt gentes, quas Dominus dereliquit, ut erudiret in eis Israël, & omnes qui non noverant bella Chananaeorum: & postea discerent filii eorum certare cum hostibus, & habere consuetudinem præliandi. a Deus milites quarit, & quidem exercitatos. Hoc sine illos exerceri vult & erudiri ad pugnam. Novit autem Imperator, quousque suos milites debeat exercere: quemadmodum citharædus ita temperare novit fides, ne rumpant, neve nimium remissæ sint, quemadmodum & chirurgus novit, quando cataplasma mordax corpori accommodet, quando amoveat: Ita Deus Augustini ore: Ego novi, ait quid apposuerim; ego novi, unde agrotas, ego novi unde saneris. b

Duodecim Domini JESU discipuli magistro moriente graviter concussi sunt, gravius Thomas ceteris, gravissime Petrus, Judas à tentatore in exitium æternum præcipitatus est. Omnium tentationes Christus providentissime moderatus, hunc

a *Judic. c. 2. v. 21. & c. 3. v. 1. & 2.*

b *Aug. in ps. 130. mihi pag. 622.*

hunc longè, illum longiùs, longissimè alium à se abstrahi permisit, omnes tamen iterum ad se benignissimè attraxit, præter unicum illum gehennæ filium, qui perit, quia perire voluit. Ita Deus tentationes nostras omnes profectui nostro attemperat, uti medicus; aut pharmacopola peritus, idem nonnunquam pharmacum, sed diversâ dosi pluribus præbet; huic solum tres drachmas aut scrupulos, ut vocant, vel tria tantum grana; sex illi aut septem; robustiori decem aut plura porrigit, prout cuiusvis vires & valetudo desiderat: ita Deus exactissimam in omnium tentationibus moderationem adhibet; omnia modo & ratione, rectè & ordine facit. Quod luculenter Augustinus asserens: Deus, hominem, inquit, in tentationem inducit, cum tentare permittit, ut probet, non ut perimat. Tentat autem non quasi mentium nescius humanarum, sed ut suos fideles faciat in sæculo manifestos. Sic Abraham tentavit in filio, & honoravit; sic Job dando in tentationes varias probavit, sic sanctos Apostolos, sic beatissimos Martyres per ignem quoque & gladios coronavit. a Fidelis Deus est, fidelissimus, qui facit cum tentatione proventum, ut possimus sustinere. Augustinus, quem dixit, de Christi morte differens: Quod Christum, ait, occidere voluit impius, imputatur iniquitati impii: quod permissum est, imputatur potestati Dei. Ille ergo iniquè voluit,

Deus

a Aug. tom. 10. serm. 126. de Temp.
 .3. mihi pag. 309.

Deus iuste permisit. Vide quid tibi fecerit iniquus, quid iustus. Ille voluit, iste permisit. Voluntas iniusta damnetur, promissio iusta glorificetur. Noli ergo mirari, permittit Deus, & iudicio permittit: permittit, & mensura, numero, pondere permittit. Apud illum non est iniquitas, tu tantum ad eum pertine. In ipso spem pone, ipse sit adiutor tuus, salutare tuum. In illo sit locus munitus, turris fortitudinis. Refugium tuum ipse est, & non te finit tentari supra quam potes ferre, sed faciet etiam cum tentatione exitum, ut possis sustinere; ut quod te finit pati tentationem, potestas ejus sit; quod non finit ultra in te fieri, quam potes ferre, misericordia ejus sit; quoniam potestas Dei est, & tibi Domine misericordia, quia tu reddes unicuique secundum opera ejus. *a*

a Aug. tom. 8. in Ps 61. mihi pag. 257.

§. III.

Ergo diabolo potestas quædam est, plerumque tamen vult nocere, & non potest, quia potestas ista sub potestate est. Nam si tantum posset nocere diabolus, quantum vult, non aliquis justorum remaneret, aut aliquis fidelium esset in terra. Ipse per vasa sua impellit quasi parietem inclinatum; sed tantum impellit, quantum accipit potestatem: Ut autem non cadat paries, Dominus suscipiet: quoniam qui dat potestatem tentatori, ipse tentato præbet misericordiam. Ad mensuram enim permittitur tentare diabolus. *a*

Sed:

a Aug. in eundem Psal. post medium.

Sed : Eſto , inquires , ad meſuram dia-
 bolus tentet , atque ideo ad tentandum
 Jobum à Deo petierit licentiam , hanc ta-
 men ſcimus à Deo liberaliſſimè datam :
 Ecce , ait , univerſa , quæ habet , in manu
 tua ſunt. *a* Ita videtur Deus noſtris nos
 hoſtibus objicere , & in eorum dare ma-
 nus. Non negamus : Dedit , ſed cum hac
 moderatione , & ad hoc præſcriptum : Ve-
 rum tamen animam illius ſerva. Ex quo
 manifeſtum eſt , quanti Deus æſtimet di-
 vitias & facultates , non pluris ſanè , quàm
 ipſas Jobi lacinias & veſtes. Additamen-
 ta *b* ſunt moderatiſſime uſurpanda. Dein-
 de Jobum Deus hoſtis manibus conceſſit ,
 ſed è ſuis non dimiſit. Quod affirmatiſſi-
 me docens Gregorius : Ecce , inquit , per-
 miſſionem verberis comitatur custodia
 protectionis , & electum ſuum divina diſ-
 penſatio custodiendo deſerit , deſerendo
 custodit : alia illius prodit , alia protegit.
 Si enim totum Job deſereret in manu
 tanti adverſarii , homo quid eſſet ? In ipſa
 ergo juſtitia permiſſionis permiscetur
 quædam libra pietatis : quatenus in uno
 eodemque certamine & ſervus humilis
 ex oppreſſione proficiat ; & hoſtis ſuper-
 biens ex permiſſione ſuccumbat. Manui
 itaque adverſarii ſanctus vir traditur , ſed
 tamen in intimis adjutoris ſui manu reti-
 netur : De illis quippe ovibus fuit , de
 quibus in Evangelio ipſa Veritas dicit :
 Non

a Job c. I. v. 12.

b Chriſtus dixit. Hæc omnia adjicien-
 tur vobis. Matth. c. 6. v. 33.

Non rapiet eas quisquam de manu mea : *a* & tamen expetenti hosti dicitur ; Ecce in manu tuâ est. Idem ergo in manu Dei, idem in manu est diaboli : quia tenuit, quem concessit, & dando non dedit, quem adversarii sui jaculi ejiciens abscondit. *b* Adstrinxit Deus potestatem damonis ad tentandum, sed non adstrinxit robur & vires Jobi ad luctandum. Devenit Job in diaboli manus ad tentationem, remansit in manu Dei ad remunerationem.

Edixit Deus per Apocalypseos scriptorem : Hæc dicit primus & novissimus, qui fuit mortuus, & vivit : Scio tribulationem tuam, & paupertatem tuam, &c. Nihil horum timeas, quæ passurus es. Ecce missurus est diabolus aliquos ex vobis in carcerem : & habebitis tribulationem diebus decem. Esto fidelis usque ad mortem, & dabo tibi coronam vitæ. *b* Sed quid illud est solatii ? Habebitis tribulationem diebus decem, hoc est, multis aut omnibus vitæ diebus. *d* Hoc certè præmeditandum, ad hoc parandus est animus, neque enim hic gaudii locus esse potest, ubi tota hominis vita tentatio mera est. Esto igitur fidelis, ut fias beatus : Aspice coronam, omnigenæ voluptatis affluentiam. Ne diaboli & improborum in te machinationes metue ; omnis eorum malevo-

a Joân. c. 10. v. 28.

b Greg. tom. 2. l. 2. moral. c. 3. m. 10. lentia.

p. 358.

b Apoc. c. 2. v. 8. & seqq.

d Num. c. 14. v. 22. Tenta verunt me jam per decem vices, hoc est, sæpissime.

lencia, omnis vexatio & injuria in tuum
cedet bonum. Affirmat & hortatur Au-
gustinus: Cum aliquid tale patitur Chri-
stianus, inquit, non debet facilè velut o-
dio ire in eum, à quo patitur, & velle
ventum vincere: sed convertere se ad o-
rationem, ne amittat dilectionem. Neque
enim timendum est, ne aliquid faciat ho-
mo inimicus. Quid enim facturus est?
Multa mala dicturus, oppobria jaculatu-
rus, in conviciis faviturus. Sed quid tibi?
Gaudete, inquit, & exultate, quoniam
merces vestra magna est in cælis. Ille in
terra geminat convicia, tu in cælo lucra.
Sed faviat ampliùs, possit & aliquid am-
pliùs. Quid te securius, cui dictum est:
Nolite timere eos, qui corpus occidunt,
animam autem non possunt occidere?
Quid est ergo timendum, quando pateris
inimicum: Ne conturbetur in te dilectio,
quâ diligis inimicum. *a* Non pateris perse-
cutionem! Non vis ergo piè vivere in
Christo. Omnes enim qui volunt piè vive-
re in Christo, persecutionem patientur.
Vis probare verum esse, quod dictum est?
Incipe piè vivere in Christo. Addit: ne
putetis gratos esse malos in hoc Mundo,
& nihil boni de illis agere Deum. Omnis
malus aut ideo vivit, ut corrigatur, aut
ideò vivit, ut bonus per illum exercea-
tur. *b*

a Aug. in ps. 54. mihi pag. 214.

b Idem in eund. psal.

CAPUT VII.

Tentatorem Deus cur sæpius permittat esse victorem.

QUærit Hieremias vates: Quomodo contractus est & contritus malleus universæ terræ? Quàm validus ille malleus sit, qui tot ferri centumpondia, in lamellas tenues diffundit? !Diabolus verè malleus universæ terræ, sed magnam partem contritus, idque à puero Bethlehemi nato & in cunisgramineis collocato. Antonius Magnus ut suos adversus cacodæmones animaret: Nos, inquit, diabolo nihil credamus, & vincemus. Adveniente Domino JESU destructus est inimicus, & omne robur ejus elanguit. Propter quod pristinae virtutis memor, quasi tyrannus jam senescens, cum ruisse se videat, in perniciem grassatur humanam; nec tamen potest firmum Deo pectus, cogitationum & ceterarum fraudum arte pervertere. Nam etiamsi irruentes mortem nobis intentare videantur, ridendi potius sunt, quàm timendi, quia cum sint debiles, minantur cuncta, nec faciunt. Addit cum hoste ipso colloquens: Scimus, quia ideo vivimus Christiani, & contra te nobis secura est congressio, quia infirmatus es à Domino. Ideo tuis ipse jaculis confoderis. *a* Eodem sensu Augustinus: Videte fratres, inquit, ubi David Goliath percussit: in fronte utique, ubi

a Athanas. in vita S. Antonii c. 16, apud Rosweid. p. 43.

crucis signaculum non habebat. Quod autem David non habens gladium, ascendit super Goliath, & suo eum proprio interfecit gladio; designatum est, quod in adventu Christi suo gladio diabolus victus est; qui per nequitiam suam & injustam persecutionem, quam exercuit in Christum, omnium in eum credentium perdidit principatum. *a*

Nihilominus hic adversarius non desinit tentare & impellere ad vitia. Nec verò Deus non tantum sinit tentari, sed & vinci. Hoc non satis capit intelligentia humana, & identidem quarit: Cur ergo Deus tentari nos permittit, cum plurimos præcipiat vincendos? Ad istud jam respondendum.

a Aug. tom. 10. serm. 195. mihi pag. 353.

§. I.

Quæstionis igitur est; Cur Deus non impedit hanc pugnam, quando toties hostis obtinet victoriam? cum præsciat tot hominum cessuros tentationibus, cur eos sinit tentari? Primum est, quod altè imprimendum animo: Deus in omnibus suis operibus & Misericordiam ostendit, & Justitiam. Nam, universæ viæ Domini Misericordia & Veritas, *a* sive Justitia. Infinitè misericors est Deus, sed & infinitè justus. Idcirco psaltes maximo affectu: Misericordiam, inquit, & judicium cantabo tibi Domine. Psallam & intelligam. *b* Hæc supremi Numinis sunt insignia; Oliva

O 2

&c

a Psal. 24. v. 10. b Psal. 100. v. 1 & 2.

& Gladius. Considerate Domini JESU in orbem ingressum & egressum, primum vitæ & ultimum, Natalem & Mortalem diem, utrobique spectandam se dabit tam Misericordia, quàm Justitia. Dei filius jam in crucem sublatus, habuit supplicii socios latrones duos, sed diversissime affectos; illum Misericordia eodem die e cruce in paradysum emisit, istum Justitia in tartarum dejecit. Idem ad Infantis diviniissimi præsepium est videre. Misericordia tres Orientis satrapas ad Christi cunas pertraxit. Justitia Herodem sicarium & latronem cum sribis antro nascentis beatissimo exclusit. Evolve codices divinos ab omnium primo Geneseos libro, ad ultimum Apocalypseos, in omnibus luculentè cernes, qua ratione Dei Justitiam & Misericordiam in universis operibus suis admirabili fœdere conjunxerit. Universæ vitæ Domini Misericordia & Veritas.

Ita planè misericors & justus Deus impugnari nos permittit tentationibus & etiam sæpe superari. Misericors est, qui tentationibus & etiam sæpe superari. Misericors est, qui tentationes immittit, ut per eas probetur virtus, & excitetur parandis promeritis, augendis præmiis. At vero justus, cum concedit eos corruere, qui nolunt pugnare, nec Domino suo fideles permanere. Tam autem potens est arbitrium hominis, ut eum nec quidem omnes simul diaboli ad ullum vitium pertrahere, si nolit, à virtute ulla possint aver-

tere, si eam velit exercere. Deus ipse neminem cogit: ignem & aquam, bonum & malum, vitam & mortem proponit; cui est arbitrii, optio eligendi soluta. *a* Quod Siracides apertissime testatus: Deus, inquit, ab initio constituit hominem, & reliquit illum in manu consilii sui. Ante hominem, vita & mors, bonum & malum, quod placuerit ei, dabitur illi. *b* En, mi homo, Deus apposuit tibi aquam & ignem, ad quod volueris, porrige manum tuam. Ad utrumque liber es; elige, sed cave, ne beatus Basilus suam illud tibi occinat: Malè ponderas, prava bonis præferens, vana veris potiora ducens, temporaria æternis præponens, prætereuntem voluptatem pro indefinente lætitia eligens. *c* Deus neminem jubet esse impium, & ad peccandum nulli facit potestatem. Figulus vasa omnia, quæ ad rotam figularem fingit, ollas, discos, urnas, hydrias furno committit: quædam concrepant, alia calores tolerant. Non damnemus inertię manum figuli; opifex vasa cupit integra, non fracta; æqualem omnibus industriam impendit. Sed excoquenda sunt & duranda igni; si æstum non ferant & rumpant, extra culpam est figulus; fecit quod potuit, quod debuit. Ita prorsus multitudine tentationibus vincuntur, sed sua culpa; pugnare nolunt, resistendi laborem fugiunt, suo vitio succumbunt; alii in tentationibus

O 3

multo

Frene Bahl.

b Eccle. c. 15. v. 14. 17. & 18.*c* Basl. hom. 15. in Psal. 61.

multò gravioribus vincunt. Utrobique Deus cum tentatione facit proventum. Sed illi defides divinis auxiliis non utuntur; sunt ollæ fictiles ignis impatientes, uri nolunt & excoqui; dissiliunt: alii durant in ignibus, & suo se figulo probant. Atque hi Misericordiæ, illi iustitiæ sunt specimina.

§. II.

Ad illa regii psaltæ verba: Catuli leonum rugientes, ut rapiant & quarant à Deo escam sibi: Augustinus interpres: Qui sunt, inquit, catuli leonum? Principum & potestatum aëris hujus dæmones & angeli diabolii. Quomodo quarunt sibi escam, quando tentant? sed quia non accedunt, nisi eis Deus dederit potestatem, ideo dictum est: Quærentes à Deo escam sibi. Petit Job tentandum. Qualem escam? Opulentam, pinguem, justum Dei. Petiit illum tentandum & accepit tentandum, sed non opprimendum; purgandum, non evertendum; aut forte nec purgandum sed probandum. Tamen & qui tentantur, aliquando traduntur occulto merito suo in manus tentatoris, qui traditi sunt forte in concupiscentias suas. Nam diabolus nulli nocet, nisi acceperit potestatem à Deo. Quare autem datur potestas? Aut ad damnandos impios, aut ad probandos pios. Justè hoc totum Dominus agit, & in neminem habet diabolus potestatem, vel in aliquid ejus, nisi ille concedat, qui est

est potestas summa & sublimis. Sic diabolus, sic homini nulla est potestas in hominem, nisi desuper detur. Et homo, & diabolus, & quælibet dæmonia, non nisi accepta potestate nocent, sed proficientibus non nocent. Malis ita sunt sicut ignis fœno, bonis ita sunt tanquam ignis auro. Manducatus est Judas ut fœnum, probatus est Job ut aurum. *a* Aliquando Satanas transfiguratur se in Angelum lucis ad tentandos eos, quos ita vel erudiri opus est, vel decipi justum est. *b*

Puerulus olim ex alto decidit, sed quia in ipso casu togula puerilis in campanæ formam se diffudit, illæsus terram contigit. Permittit Deus nos periculis exponi, tentari, labi, sed non conteri. Testatur carmen sacrum: Apud Dominum gressus hominis diriguntur, & viam ejus volet. *c* Si gressus, ergo & cogitationes, ac tentationes secreto domini consilio diriguntur. Ideoque additur: Cum ceciderit, non collidetur, quia Dominus supponit manum suam. *d* Ne tentatus se præcipitet in consensum, ne patientiam perdat & fiduciam. Novit Dominus, teste Petio, pios de tentatione eripere, iniquos vero in diem judicii reservare cruciandos *e* Misericordia & justitia hæc fiunt omnia.

Rex Sionis de seipso: Impulsus, eversus sum,

O 4

a Idem in Ps. 103. mihi pag. 494.

b Idem to 5. l. de Civit. c. 9. mihi pa 247.

c Psal. 36. v. 23.

d Idem. v. 24.

e 2 Pet. c. 2. v. 9.

sum, inquit, ut caderem; & Dominus suscepit me. *a* Huic regi ferè contigit, quod olim remigi. Id Valerius memorans: Regios interitus, inquit, magnitudine miraculi remigis casus æquat, quem in Tyriorum navigio sentinam haurientem, cum è navi fluctus abjecisset; altero latere re-percussum, fluctus contrarius in navem retulit. Itaque miseri simul ac felicitis explorationi permista fuit gratulatio. *b* Ita quandoque Deus tentari finit hominem, ut is secum actum, & pæne omnia jam deplorata existimet. Sed brevè seipsum velut perditum recolligit. Nam, Dominus mortificat & vivificat, deducit ad inferos, & reducit, Dominus pauperem facit & dicit, humiliat, & sublevat. *c* Cadere finit, sed manum supponit: Ejicit è navi, & reponit; robustiori plerumque severior, mitior debiliori. Quod de Patriarcha Jacob asserens Sapientia: Certamen, inquit, forte dedit illi, ut vinceret. Sed ubi fortius certamen, ibi & auctius stipendium, nobilior corona, copiosius præmium.

a Psal. 117. v. 13.

b Valer. 1. 1. c. 8. n. 11.

c 2 Reg. c. 2. v. 6. & 7.

§. III.

Chrysoptomi ævo vir magni nominis, & opibus valens Stagyrius, res suas Mundum habere jussit, & monachum induit. Religiosæ familiæ jam adscriptus eas experies est tentationes, quas nunquam senserat solatus sacris legibus. Hinc illius ad Chryso-

ptomum

stomum querelæ graves & multæ, quas ipse Chrysostomus recensens: Videtur mihi, ait, una esse causa mœroris tui, nequissimi dæmonis insania. Aiebas enim primo, ea te consideratione turbari ac fere in desperationem præcipitari, quod cum priore tempore laxius & negligentius viveres, nihil huiusmodi perpeffus sis: postea verò, quàm te ipsum Mundo crucifixisti, tunc demum iste morbus invaserit: Secundò, quod quàm plurimos noveris dum delicate viverent, hac peste correptos: eos tamen parvo post tempore ita ea infirmitate liberatos, ut perfectæ integritati restituti, & uxores ducerent, & plurimos procrearent filios, omnibusque vitæ præsentis voluptatibus diu ac jucundè fruerentur, nihilque postmodum tale paterentur: contra tu cum tantum tempus in jejuniis ac pernoctationibus, & reliqua propositi & vitæ austeritate contriveris, nullam ærumnarum tuarum liberationem, nullum finem hætenus inveneris: Tertiò, quod cum sanctus ille vir tantam in reliquis adversus dæmones potentiam ostenderit, nihil ejusmodi potuerit in tua dilectione perficere, neque ipse, neque hi qui cum illo erant, illo etiam in hoc genere potentiores, verùm omnes re infectâ abs te cum rubore discesserunt. Adhæc alia ex parte nimium te angere dicebas, quod ita animum tuum incredibilis vis mœroris occupaverit, ut sæpius ad laqueum fere, fluviumque & præcipitium proveharis: Quarto deinceps loco, quod æquales tuos

& contubernales, qui tecum sacram hanc, cœlestemque conversationem inierunt, tranquille agentes aspicias: te verò saxissimæ procellæ expositum, & quod omnium profectò miserrimum est, carceri addictum. Neque enim his qui ferro vincti sunt, ita lacrymandum afferebas, ut his qui hujusmodi catena colligati fuerint.

Ad ista tribus omnino laxioribus libris, quos de Providentia Dei composuit, Chrysostomus respondet. Atque hæc ceteris miscet: Antehac, mi amantissime omnium Stagiri, spectator eras, nunc verò duellator es. In arenâ pugil neminem spectatorum provocat, sed eum, qui actionis pennata vel martia *b* se quoque pugilem proficitur: Ita tu antea in Mundo spectatorem agebas; ludebat tecum diabolus, at verò jam agis pugnatorem & pancratiasten, *c* professum diaboli hostem; nunc versis & decretoriis armis certandum. Serio res agitur. Certamen forte dedit tibi Deus, ut vinceret, & scires, quoniam omnium potentior est sapientia. Deus tibi hætenus suam misericordiam exhibuit, nunc & iustitiam ostendit. Universæ viæ Domini Misericordia & Veritas. Deus te hætenus ut mater brachiis gestavit, nunc verò in aquas abiecit, ut tuo disceres natâre cortice. Hæc ad probandam fidem, ad exercendam virtutem, ad augendum promeritum

a Chrysost. tom. 5. l. 1. de Providentia Dei ad Stagirium, mihi pag. 505.

b Federfechter/oder Marxbrüder.

c Der in allen Böhren auff hebt.

ritum fiunt. Nam adjectio laborum, ait Chrysostomus, incrementum meritorum est, ac firmissimum munimen nostrum, quo freti nunquam, sive sponte, sive etiam inviti corruamus. Namque fastum ac tumorem animorum comprimit, negligentiam avertit, prudentioresque ac religiosiores efficit. Prorsus vero si quis omnia enumerare velit, plurima tentationum emolumenta reperiet, nullusque unquam ex his, qui Deo maxime chari atque acceptabiles fuerunt, sine pressuris vixit. Sin autem quidam ex istis tribulationibus emendati non sunt, non hoc illi imputandum est, qui causam emendationis praestitit, sed illorum potius negligentiae & socordiae. *a*

Sed etiamnum est quaestio: Cur Deus illos extrudit in pugnam, quibus victoriam praescit ab hoste rapiendam? Idem de Angelis quaeritur: Cur Deus creavit Angelos, quos scivit caelo extrudendos? Cur praecepit Protoplastis certae arboris fructus ne gustarent, quos praesciverat praeceptum non servaturos? Cur Christus in discipulum elegit Judam Iscarioten, quem nove-
rat fore furem & proditorem? Eximiè & amplè respondent ad ista, Cyrillus, Hieronymus, Ambrosius, alii. Ex his nos strictim paucula libemus. Ambrosius de paradiso differens: An sciebat, inquit, praevaticaturum Deus Adam mandata sua, an nesciebat? si nesciebat, non est ista divinae potestatis assertio. Si autem sciebat, & nihilominus sciens negligenda mandavit,
non

a Chrys. l. 1. de Provid. Dei, mihi p. 319.

non est Dei aliquid superfluum præcipere. Superfluè autem præcepit primoplasto Adæ, quod eum noverat minime servaturum. His respondens Ambrosius: Nec in eo, inquit, læsus est vel Adam, quia mandatum accepit, vel Judas quia electus est. Non enim necessitatem Deus vel illi prævaricationis, vel huic perditionis imposuit, quia uterque, si quod acceperat, custodisset, à peccato abstinere potuisset. Ergo non in mandante culpa est, sed in prævaricante peccatum est. Quod in Deo fuit ostendit omnibus, quia omnes voluit liberare. *a* Ergo & Adam & Judas prævaricationis convincitur, quia & ille mandatum accepit, ne laberetur, & hic in Apostolum ascitus est, ut vel beneficio Dei à proditionis affectu revocaretur: ut ita dum alii redarguuntur, Deus prodesset omnibus. Neque enim ideo peccavit Adam, quia Deus hoc futurum præsciverat, sed præscivit Deus, quod ille fuerat propria voluntate facturus. *b* Liberum animal, ait Cyrillus, est homo, & potest, sive dextrum, sive sinistrum iter, virtutem aut vitium eligere. *c* Ergo Deus non vult nos nihil agere, ne dormiamus, sed neque vult nos viribus nostris fidere, & totum agere, ne superbiamus. Non totum operatur Deus, ne otiemur, nec totum nobis permittit, ne gloriemur. Ita prorsus & tentationibus nos infestari permittit Deus, ut

purge-

a Ambros. to. 4. l. de parad. c. 8. mihi p. 99.

b Hieron. l. 3. contra Pelagianos c. 2.

c Cyrill. l. 4. in Joan. c. 30.

purgemur à noxis, erudiamur ad submissionem, probemur ad fidem, exerceamur ad promeritum & coronam. Vires etiam tentatis sufficiunt, ut ii resistere possint tentatori. Labuntur & corruunt? id ignaviæ saxe, non præsciæ cognitioni divinæ impudent: vitio suo vincuntur, non quia vincendos præsciit Deus, qui omnes homines vult salvos fieri. *a* Nullam pereundi legem divina prævisio & præscientia ulli hominum imponit. Vincendum te, damnandum te prævidet Deus, quia pugnare non vis, & vincere recusas, quia teipsum damnas. Non tamen ideo causa tua damnationis divina est prævisio, sed causa divinæ prævisionis tua est damnatio. In omnibus Deus & misericors & justus est.

Idcirco Jobi vocibus divinam opem asidue imploremus; Libera me, Domine, & pone me juxta te, & cujusvis manus pugnæ contra me. *b* Pugnam, Domine, non detrecto, tentari non refugio, sed tu, mi Deus, da mihi cor impavidum & manus ad prælium exercitatas; da spiritum rectum, qui te unum respiciat, tibi uni fidat, à te uno præmium expectet. Me igitur juxta te pone, & nullos hostium exercitus formidabo: adsint omnes Luciferi phalanges, & quidquid formidabile claudit orcus, in me unum omnia diabolorum agmina ruant, non trepidabo tuis, mi Deus, auxiliis fretus. Timere nescit, qui cælum pro clypeo gerit.

Pars

a 1 Tim. c. 2. v. 4.

b Job c. 17. v. 3.

Pars Tertia
De
DIVERSIS RESIS-
TENDI MODIS.

CAPUT I.

*Primus in tentatione resisten-
di modus.*

VIGILARE.



Oannes Abbas dicere solebat: In hac vita, quæ tentationibus plena, ita se homo habeat perinde ac si in culina se deat inter luculentum igne focum & ahenum aquâ plenum medius; si ignis nimium invalescat ad manum aqua est, qua ignem reprimat; si carolixanda sit, in promptu ignis est, quo aquam ferverefaciat. Ita tentato, inquebat agendum: norit ille, quæ singulis quibusque tentationibus antidota opponat.

De tentationum natura, deque tentatoris genio dictum. Nunc porro dicendum, qua ratione tentationibus sit resistendum. Primum omnium est antidotum, Vigilantia. Quam ea sit necessaria in tentationum pugna, hoc caput explicabit.

§. I.

Si puer scholæ litterariæ sit mancipandus,

dis, primâ omnium quæstio est, num
aliquid ingenii ad discendum adferat,
Nam si ingenium sit pingue, durum, in-
felix, fractum, indocile, ah mi pater,
quid Musis filium obtrudis? quid alinum
ad lyram admoves? ad incudem, ad sti-
cam applica: in scholista tanta tarditas inge-
ni vix quidquam capiet. Ad discendas lit-
teras opus est ingenio. Ita prorsus cum de
tentationibus sermo instituitur, pene
omnium est quæstio: Num cordatus est?
Num hostis vultum subire audet? quos
animos gerit in prælium, num vir est?
Nam si pavidus sit, & pelliculæ suæ me-
tuens, apage hunc leporem à castris & ar-
morum usu. Pessimus in præliis comes est
timor. Animus prætrepidus, non pu-
gnam cogitat sed fugam, jam victus ante
congressum, victoriæ nihil speraverit. Id-
circo Gedeon volente Deo proclamari ius-
sit: Qui formidolosus & timidus est, re-
vertatur. Et reversi sunt ex populo viginti
duo millia virorum, & tantum decem
millia remanserunt. *a*

Militia & tentatio est vita hominis; si
militi desit animus, frigebit pugna, nulla
erit victoria. Hic animis opus Ænea, hic
pectore firmo. *b* Ergo ante omnia, qui
Christo militat, generoso sit pectore ad
vigilias & labores alacriter perficiendos.
Hispositis.

Primum adversus tentationes muni-
mentum est VIGILANTIA. Quàm ea
summè

a Judic. c. 7. v. 3.

b Virg. l. 6. Æneid. fere medio.

summè necessaria sit homini tentato, eximie differens Bernardus: Donec in carne est anima, inquit, inter spinas profecto versatur, & necesse est, ut patiat in quietudines tentationum, tribulationumque aculeos. Quod si lilium est ipsa juxta sponsi verbum, videat quàm vigilem sollicitamque esse oporteat super custodia sui, septa undique spinis hinc inde aculeis intendentibus. Nec enim vel levissimam spinæ punctiōem ullatenus sustinet floris teneritudo, sed mox ut modicè premitur, perforatur. Bene pungeris, si compungeris, multum sentiunt pœnam, corrigunt culpam: & talis dicere potest: Conversus sum in ærumna mea, dum configitur spina. Spina culpa est, spina pœna est, spina falsus frater, spina vicinus est malus. Sicut lilium inter spinas, sic amica mea inter filias. O candens lilium, ô tener & delicate flos, increduli & subversores sunt tecum, vide quomodo cautè ambules inter spinas. Plenus est mundus spinis. In terra sunt, in aëre sunt, in carne tua sunt. Versari in his, & minime lædi divinæ potentia est, non virtutis tuæ. Sed confidite, inquit, quia ego vici Mundum. Et si igitur undique tibi intendi prospicias tribulationum tanquam tribulorum aculeos, non turbetur cor tuum, neque formidet: sciens, quia tribulatio operatur patientiam, patientia probationem, probatio spem, spes autem non confundit. Considera lilia agri, quomodo inter spinas vigent & nitent. 4

M. Cato,

a Ber. to. 1. ser. 48. in Cant. mihi. p. 923. & seq.

M. Cato, quod Julius Sextus memorat, urbem obsedit, quam vigilantia civium acerrimè tuebatur. Sed eam demum hoc stratagemate Cato cepit. Abitum simulavit veluti soluta obsidione. Sed adeò procul non abiit. Urbs quartum jam diem ab obsessore libera, hinc malè secura vigilias laxare & hostis oblivisci cepit. At Cato per vias ignotas & avias regressus, & eandem civitatem vi subita incursum die quinto expugnavit. Vigilantes vincere nequirit, improvidos & dormientes facile superavit. Hoc militiæ millies iterumque millies factum. Tot urbes, tot munitiones expugnatae solius vigilantiae defectu. Quemadmodum verò in bellis princeps adversus hostem munimen, ita in repellendis tentationibus praesidium summe necessarium est, Vigilare. Atque hinc in divinis libris assidue illud ingeritur: Vide-te, vigilate. Quod autem vobis dico, omnibus dico; Vigilate. *b*

Rem memoratu dignissimam refert Pelagius firmandae in tentationibus vigilantiae.

9 Marci c. 13. v. 33. 35. 37.

§. II.

Religiosus senex in Thebaide habitans discipulum exploratae virtutis erudiit. Huic vespere potissimum praeceptiones sacras, & quae ad animi cultum facerent, instillabat. Spirituali praelectione finitâ, precationes una inibant. Nec enim ante quidquam quieti datum. Cum vero admiranda senis

P absti-

abſtinentia illic locorum venerationi eſſet, complures aliunde adventantes ad ſe-
nem revifebant. Hos ille hoſpites ſaluber-
rimis monitis ad optima vitæ inſtituta for-
mabat. Ita quandoque ſermo in ſerum ve-
ſperem protractus. Fuit ut optimus ſenex
à ſacris hiſce colloquiis fatigatior conſide-
ret, nec tamen diſcipuli negligeret inſtitu-
tionem. Dum ergo loquitur, quod proniſ-
ſimum jam feſſo, in ſomnum labitur. At
verò juvenis nec ante orationem abire, nec
dormientem excitare auſus, perſtitit vigil
& ſilens, dum magiſter ſponte ſua ex-
pergiſceretur. Interim & ipſe diſcipulus gra-
viter tentari ſomno, eiſq; vix amplius poſſe
obluctari; ſed & cogitationes inſuper mole-
ſtiſſimæ hominem ad impatientiam ſolli-
citare: quid ſtas hic ſimpliciſſime infans,
cur non dormitum abis? dormiat ſenex,
quamdiu lubet: tu verò quid fruſtra te ma-
ceras vigilando? nimis fatuus es, niſi actu-
tū te quieti mandas. At nihilominus
conſtans juvenis tam ſomni quàm impa-
tientix victor perduravit uſque dum ſenex
evigilaret. Nec illi tamen ſomnus & ex-
dem cogitationes illæ deſierunt eſſe mole-
ſtæ; iterum iterumque ac quartū & quin-
tū, imò & ſextū ac ſeptimū tam à
ſuiſmet cogitationibus identidem vellican-
tibus, quàm à ſomniferâ vi aſſidue urgeba-
tur ad quietem. Nam tentator ſepties diſtin-
ctis aggreſſibus eum invadens hoc ſemper
inculcabat: Exſpectas fruſtra: & forſan ob-
nimiam ſimpli. itatem iſtam objurgaberis.
Ergo abi & dormi. At bonus juvenis ſe
ſibi.

sibi met extorquens, & sopori & dæmoni-
tentatoribus geminis constanter restitit,
ad dormientis latus vigilando. Nocte me-
dia demum evigilans senex & discipulum
cernens insomnem: Cur, inquit, non ivi-
sti cubitum? Cui ille: Quia non dimise-
ras me, Pater. Et quare, ait senex, non
excitasti me? Verebar, ait juvenis, tuum
tibi turbare somnum. Ambo igitur in ma-
tutinas preces descenderunt. *a* Finitis illis
iussus est juvenis secedere cubitum. Dum
ergo senex jam solus ac meditabundus
sedet, sublime raptus videt ornatissimum
locum, & in eo solium, inque folio se-
ptem coronas. Miratur & quarit, cui so-
lium istud, cui coronæ illæ forent paratæ?
Responsum est: Discipulo tuo. Locus &
sedes priori vitæ, septem coronæ nocti
præteritæ debentur. Ad ista senex attoni-
tus & tremens discipulum accersivit, &:
Dic enim verò candide, ait, quid nocte hac
feceris? At modestus juvenis velut repre-
hensus: Da veniam, pater, nihil feci. Hoc
senex loquendi modestiam interpretatus,
jamque avidius quaritans: Mihi crede,
ait, non desinam interrogare, dum inge-
nue, quod res est, fatearis. Dic igitur,
quid boni hac nocte feceris, vel cogitaris.
At ille vix habuit, quod diceret. Nec e-
nim male sibi conscius. Ignosce mihi, mi
Pater, ait, hoc unum habeo respondere,
somnia non leviter, sed & meæ me cogi-
tationes urgebant, ut hinc abscederem &
dormirem, & quamvis somno ac cogita-

P 2

tionibus

a Fecerunt matutinos, ait Auctor.

tionibus obluſtaret, identidem tamen redibant, idque ſexties aut ſepties. Ita perſeſſiſſem à ſomno victus. Quia vero nondum pro more dimiſſus à te fueram, hic permansi, & ut cœpi, adverſus ſomnum pugnavi. His auditis ſenex quamprimùm intellexit, quòd ſuus diſcipulus quoties ſoporiferæ tentationi reſtitiſſet, toties coronam aliam atque aliam promeruiſſet: ſed horum nihil diſcipulo exponens, ne vanæ gloriolæ cauſſam ſuggereret: Bene eſt, fili, ajebar, tu jam abi ad tua. Hæc autem aliis, ut geſta ſunt, narravit ex integro Aſceta, ut diſcerent omnes, quanta Deus præmia iis perſolvat, qui vel cogitationibus ſolum reſiſtunt. Bonum igitur eſt, ait Pelagius, ut homo ſibi ſeipſum extorqueat propter Deum. Nam regnum cælorum vim patitur, & violenti rapiunt illud. ^a

Hic duo ſingulariter obſervanda. Primum, Longanimitas in omni actione licet viliffima, quanti ſit momenti. Perſiſtere, durare, perſeverare, virtutum omnium coronis eſt. Alterum, ſi Vigilantia in rebus etiam minutis tam eſt pretioſa, quantò ea pretioſior erit magisque neceſſaria in rebus animi, & cauſſa ſalutis?

§. III.

Hinc illæ cohortationes tam ſeriæ Chriſti

^a *Matth. c. II. v. 12. Pelag. libelli 7. n. 43. apud Roſweid. pag. 590. & ſeqq. Hoc & alibi, ſed minùs articulate narramus.*

fii & Apostolorum. Hinc vociferatur Pe-
 trus: Sobrii estote & vigilate, quia adver-
 sarius vester diabolus tanquam leo ru-
 gians circuit, quærens quem devoret, cui
 resistite fortes in fide. *a* Ad eandem vigi-
 lantiam exstimulans Cyrillus: Opus est,
 inquit, sobria mente ac vigilantibus ocu-
 lis, ne zizania recipiamus pro tritico, ne
 pro ove lupum, ne diabolum pro Angelo
 habeamus. Hic oportet esse Argum. Quod si
 nulle habeamus oculos, & oculi sumus
 cæci, huc omnes convertamus: nam &
 hostis noster dies noctesque innumeris
 in omnibus oculis nos observat. E frau-
 de unica discamus ceteras. Aut enim Sa-
 tanas actionem bonam impedit, aut infi-
 cit, aut corrumpit. Ut preces vel eleemo-
 synas impediatur, variis rationibus pugnat,
 earum preces omittendæ, eleemosynæ non
 dandæ. Quod si nequeat impedire, cona-
 tur inficere: nam etsi preces & je-
 jania aliæve actiones præclaræ non desint,
 si tamen desit pura intentio, jam infecta
 est actio, jam victi sumus. Si nec impe-
 dire nec inficere possit actionem, studet
 eam corrumpere. Nam quamvis actio sit
 bona, nec malus sit finis, si quis tamen
 incipiat ipse sibi placere ac mirari se, opus
 quantumvis pulchrum jam tamen est cor-
 ruptum. Ergo vigilate; nam hostis omnes
 pervertit, & omnem, si possit, ad sancti-
 moniam intercludit aditum, actiones
 bonas aut impediendo, ut diximus, aut
 inficiendo, aut certè qua potest corrup-
 pendo

pendo. Pergraphicus *a* sycophanta, ver-
futissimus est sophista, syllogismos fac-
tricornes, ut si primum vel alterum cog-
nu non feriat, tertium certè lædat.

Hinc Christus ipse vigilantiam toties
commendans: Videte, inquit, vigilate &
orate. Quod autem vobis dico, omnibus
dico, vigilate. *b* Vigilate & orate, ut non
intretis in tentationem. *c* Quicumque
non vigilat & orat, tentationes non pro-
pulsat: neque solum tentabitur, sed ten-
tationi etiam succumbet, & intrabit in
tentationem. Idcirco & Joannes Domi-
ni discipulus vociferatur & monet: Esto
vigilans, & confirma cetera. *d* In quo igi-
tur, dices, hæc vigilantia consistit? Hoc
Apostolorum princeps commonstrans:
Sobrii estote, ait, & vigilate. Sobrietas
matervigilantiæ, quemadmodum gula &
crapula somni & negligentia: quisquis
vult esse vigilans & navus, sit sobrius. Et
sicuti non ad unam solum civitatis por-
tam vigilandum, sed ad omnes: ita in ho-
mine non aures tantum, sed & oculi, sen-
susque cæteri omnes, quisque in statione
sua pro animi tutela excubet. Ubi primum
hostile aliquid observatur, mox ad arma
convolandum. Ita Hebraeus Sapiens mo-
net: Omni custodia serva cor tuum, quia

a Planto ein außgemachter Er-
dieb / ein Leut betrieger nach
allem vortheil.

b Marci c. 13. v. 33. & 37.

c Ma. 26. c. 26. v. 41. *d* Apoc. c. 3. v. 2.

ex ipso vita procedit. *a* Idem & natura nos docet, quæ cor humanum medio fere corporis situm aggeribus & propugnaculo non simplici munivit, pelle, ossibus, carne ac costis circumvallavit. Quod si cor, non magna carnis particula, quæ vulturi non sufficiat in prandium, ita erat communienda, quàm vigilantia solertia, qui-
bus propugnaculis sepiendus erit animus nulla re creata, sed Deo solo satiandus. In hunc usum norit animi custos, quid cuique tentationi, quid avaritiæ, quid libidini, quid iracundiæ, vel invidiæ, quid elationi vel socordiæ opportunè objiciat ad animi munimentum.

Ergo vigilate & sobrii estote. Quod & Paulus frequentissimè ingeminans: Propter quod vigilate, *b* inquit. Vigilate, stete in fide, viriliter agite, & confortamini. *c* Orationi instate, vigilantes in ea. *d* Igitur non dormiamus sicut & ceteri, sed vigilemus, & sobrii simus. *e* Beatus qui vigilat, & custodit vestimenta sua. *f*

Augustinus divinas voces secutus: Sic clausit Euangelium, inquit, Vigilate, Si ergo dormituri sumus, quomodo vigilabimus? Corde vigila, fide vigila, spe vigila: charitate vigila, operibus vigila: Hodie laboramus, & lampades nostræ inter ventros sæculi hujus tentationesque fluctuant: sed ardeat in robore flamma nostra, ut

P 4 ventus

a Prov. c. 4. v. 23. *b* Act. c. 20. v. 31.

c 1 Cor. c. 16. v. 13. *d* Coloss. c. 4. v. 2.

e 1 Thess. c. 5. v. 6.

f Apoc. c. 16. v. 15.

ventus tentationis augeat ignem potius, quam exstinguat. ^a

^a Aug. tom. 10. serm. 23. de Verbis Dom. c. 10. mihi pag. 40.

CAPUT II.

Alter resistendi modus.

PRINCIPIIS OBSTARE.

CAllidissimus ex orco tentator plurimis iisque sanè diversis utitur vafra-
mentis & artificiis ad impugnandum.
Compendio numeremus. 1. A tentatio-
ne aliquanto tempore interquiescit, & ita
obsidionem coeptam non solvit, sed inter-
jungit, ut obsessus ad securitatem noxiam,
aut elationem vanam defluens, arma po-
nat. Subito adest ab inferis poliorcetes ^a
acrior, & occupat inermem. 2. Virtutis
actiones suadet, sed immoderatus exer-
cendas: exempli gratia; peregrinationem
nimis longam, flagellationem nimis seve-
ram, abstinentiam nimis rigidam & im-
moderatam suggerit. 3. Suam homini
pietatem in nulla re turbat, modò uni-
cum idque vel minimum in ades ostio-
lum seruet apertum, per quod liberè in-
ferpat. Et talis subinde tentatio ab homi-
ne non deprehenditur, dum eum mors
evocat. 4. Diversis devotionibus, quas
vocant, non rarò insigniter fallit. Sunt
qui pio impetu choreas, sunt qui vinum,
sunt qui tesseras & chartulas pictis eju-
rent. Sed remittente hac subitâ devotio-

^a Stattstürmer.

ne invitat alicubi nova occasio, & hi boni iterum saltant, iterum potant, iterum lufitant, aliaque ejurata iterum frequentant.

5. Non paucos ad preces impellit. Hi precantur quidem, sed cursim, oscitanter, perfunctorie: hoc enim unum agant, ut orent quàm plurimum, quàm attentè orent, id parum laborant. Hinc subinde minus curant officium suum, ut plus vacent intempestivis precibus suis, ob quas sibi à Deo putent omnia deberi.

6. Ad eleemosynas concitat nonnullos, qui eo nomine per fas & nefas undique corradunt, quod largiantur. 7. Plurimis ardorem animi & zelum: sed imprudentem & immoderatum injicit, quos specioso nomine ad iram, ad vindictam, ad punitionem injuriosam pertrahit: Venena scilicet non dantur nisi melle circumlita, & vitia non decipiunt, nisi sub specie umbræque virtutum. Ita diabolus sapissime fallit sub schemate & larva honesti, sub specie Angeli. Nolite locum dare diabolo. a Vigilandum, quod proximè monuimus, & Principiis obstandum, quod isto capite docebimus.

a Ephes. c. 4. v. 27.

§. I.

Petrus Chrysologus de Domino JESU tentato differens: Diabolus, inquit, semper primordia boni pulsat, tentat rudimenta virtutum, sancta in ipso ortu festinat extinguere, sciens quod ea subver-

tere fundata non possit. *a* Tu ergo Principiis obsta. Monitum saluberrimum ad omne quidem vitium arcendum, singulari tamen studio ad tentationes superandas observandum. Cùm morbi sentitur commotiuncula, occurrendum est morbo antequam penitus infederit; si permittatur ingravescere, vix ullis demùm remediis cedit, magis ac magis crudeſcet, dum ad summum perveniat incrementum. Cur primis motiunculis non restitisti? Jam actum est de sanitate. Valedicvitæ ac morere. Ergo.

Principiis obsta, serò medicina paratur,

Cùm mala per longas invaluere moras. *b*

Hoc omnes sapientes monent, hoc universus medicorum senatus imperat, hoc quotidiana docet experientia. E vero cecinit nebulosus Satyrus

Elleborum frustra, cum jam cutis agrotumcebit

Poscentes videas: VENIENTI occurrite morbo. *c*

Aristotelis scito: Principium rei cuiusque maximum est, quippe quod rei dimidium sit. *d* Num quis equitandi artem calleat, hoc ipso scitur principio cùm equum conscendit. Vix ullus est hostis tam potens, cui principio non possit obſisti. Ergo antequam totas vires colligat, invadendus &

a Pet. Chrysol. serm. I. mihi pag. 34.

b Ovid. l. I. de Remed. amoris.

c Pers. sat. 3. med.

d Arist. tom. 7. sect. 10. problem. q. 5. mihi pag. 40.

& dissipandus est. Ad mores hoc transferens Hieronymus: Dum, inquit, parvus est hostis, interfice, ut nequitia elidatur in semine.

Si puerulus in ludo litterario Alphabetum & prima litterarum elementa discat, dicatque A. proximum est, ut dicat etiam B. & C. & D. Indeque ad reliquos Alphabeti characteres transeat. Qui satanæ ludimagistro versutissimo pronuntiavit A. qui dixerit *Admitto* hanc cogitationem. Hic nondum quidem totam combibit malitiam, sed cras, aut perendie alterâve hebdomade alterum sequetur elementum, dicetque hic discipulus B. *Blandior* huic cogitationi. Proximum est, ut audiat & C. *Consentio* huic cogitationi. Neque hic subsistet, sed à C. ad D. progredietur, & quod ausus est *Cogitare*, non verebitur *Dicere*. Brevi transit ad E. & *Exempla*, quâ verbis, quâ gestibus permiciosa edet. Prioribus elementis conjunctum hæret F. Quod *Cogitare*, quod *Dicere*, quod gestibus *Exhibere* non erubescimus, id demum nec *Facere* verecundamur. Hi progressus sunt in schola cacodæmonis. Ita Satanas suos erudit discipulos. Nec enim feriatur hic magister, dum sui totum calleant Alphabetum.

Beatus ergo qui tenebit & allidet parvulos suos ad petram. *a* Persæ ac Medii Cyro militantes cum vastarent Babylonem, infantes alliferunt ad parietes. Hinc fortunatus & felix Cyrus, qui expugnata

Baby-

Babylone factus est monarcha celeberrimus, allisis ad parietem parvulis, ne ulla impiæ stirpis remaneret posteritas. Augustinus, Hieronymus, Hilarius sic ajunt, initia tentationum ad petram Christum allidenda. Beatus, qui tentationem eliminat, antequam increascit.

Suadet cælestis spiritus: Capite nobis vulpes parvulas, quæ demoliuntur vineas.^a Vulpes vult capi antequam adolecant, ne fructus optimos carpant, & vineas suffodiant. Origeni vulpeculæ sunt cogitationes pravae quæ in ortu sunt opprimendæ. Hoc enim divinus spiritus jubet fieri, vulpeculas seu cogitationes, antequam invalescant, exterminanda; ita mala plurima caveri posse. Quod si crescere permittantur & liberè vagari, mens humana fieri fovea vulpina, pessimarum cogitationum specus horrenda, scelerum Lerna.

Principiis obstandum, & affectibus incipientibus resistendum. Prudentissimè monens Cordubensis Philosophus: Non obtinebis, inquit, ut desinat, si incipere permiseris. Imbecillis est primò omnis affectus, deinde ipse se concitat, & vires, dum procedit, parat: excluditur facilius, quàm expellitur.^b Ergo intrantibus resistamus, quia facilius, ut dixi, non recipiuntur, quàm exeunt. Idem de ira eximiè disserens: Facilius est, inquit, excludere perniciose quàm regere, & non admittere, quàm admissa moderari; nam cum se in posses-

^a *Cantic. c. 2. v. 15.*

^b *Seneca epist. 116. mihi pag. 654.*

possessione posuerunt, potentiora rectore
sunt, nec recidi se minuere patiuntur.
Deinde ratio ipsa, cui fixati adhaerent,
tamdiu potens est, quamdiu diducta est
ab affectibus: si miscuit se illis, & inqui-
navit, non potest continere, quos submo-
vere potuisset. Commota enim semel &
concussa mens ei servit, à quo impellitur.
Quarundam rerum initia in nostra pote-
state sunt: ulteriora nos sua vi rapiunt,
nec regressum relinquunt. Ut in præcep-
tis corporibus nullum sui arbitrium est,
nec resistere morarive dejecta potuerunt,
sed consilium omne & poenitentiam irre-
vocabilis præcipitatio abscidit, & non li-
cet eò non pervenire, quò non ire licuisset:
ita animus si in iram, amorem, alios-
que se projecit affectus, non permittitur
reprimere impetum; rapiat illum oportet,
& ad inum agat suum pondus, & vi-
tiorum natura proclivis. Optimum est pri-
mum irritamentum iræ protinus sperne-
re, ipsisque repugnare seminibus, & dare
operam, ne incidamus in iram; nam si
coeperit ferre transversos, difficilis ad sa-
lutem recursus est. Quoniam nihil ratio-
nis est, ubi semel affectus inductus est,
iusque illi aliquod voluntate nostra datum
est. Faciet de cetero, quantum volet, non
quantum permiseris. In primis, inquam,
finibus hostis arcendus est. Nam cum in-
travit, & portis se intulit, modum à ca-
ptivis non accipit. *a*

Quanti

*a Senec. l. I. de Ira. c. 7. & 8. mihi pag.
6. & 7.*

§. II.

Quanti sunt, qui de seipsis dicant: Non possum me continere ac vincere, hoc pati, hoc sustinere, his carere non possum, ad istud adigere me nequeo. Hic quaestio sit: Num iste mentiatur an non? num ei credendum? Utrumque de illo non male dixeris, & mentiri eum, & non mentiri. Non sanè mentitur eo nomine: qui tentationibus cedit & obsequitur, seipsum ita involvit, eoque vitiositatis delabitur, ut difficillimè vires recuperare animumque ad meliora possit flectere. Ita aliquid agerrimè posse, est pàne omnino non posse. « Mendaciū tamen hunc hominem non absolvimus: quia continere se ac vincere posset, si seriò ac robustè vellet, si vires intenderet, at ille languet, & mavult vinci quam pugnare. Hinc istæ frigidissimæ illius voces: Non possum his abstinere, non possum. Unde, obsecro, hic homo tam impotens sui? Initio tentationis torpuit, principiis non obstitit. Cum incendium imbecillius potuisset compescere, neglexit; jam validum & in omnes partes effusum vix sopiet ampliùs. Qui primo tempore, ait Eusebius Emisenus, non coeperit velle resistere, incipiet sequenti nec velle nec posse.

Machabæus princeps Jonathas, audivit, quoniam regressi sunt principes Demetrii cum exercitu multo supra quàm prius pugnare

a *Moralis impossibilitas*: Ist mit
nit wol möglich / dicimus.

pugnare adversus eum : & exiit ab Hierusalem, & occurrit eis in Amathite regione ; non enim dederat eis spatium , ut ingrederentur regionem ejus. *a* Prudenter sane & ad eruditæ militiæ leges , obvium dedit hosti extra suos fines. Ita cum satanas cum copiis egreditur te invasurus , occurre illi , ne regionem tuam , cor tuum ingreditur armatus : ubi enim fixerit pedem unum , ibi mox figet & alterum. Beatus Franciscus Assisias *a* dictitare solitus est , diabolus à nobis filum tantummodo petit , ex eo funem nauticum texit , quo nos vinciat ; nactus digitum , brevi & manum totam impetrabit ; si clavum unicum obtineat , propediem & clavos habebit , quibus suum claudat captivum ; si vel pilum malæ cogitationis unicum acquirat , continuò totas pelles cogitationum pessimarum explicabit. Pax enim omnem reportavit victoriam dæmon , si quem ita demulceat , ut is injectam cogitationem foedam non excutiat , brevè in hominis tam desidiosi animam totus libidinum exercitus sese infundet. Ergo principiis obsta ; occasiones vita , & vicisti tentatoris insultus.

Hæc sedulò monens Chrysostomus : Periculosum certè , ait , periculosum , inquam , est , perniciosissimis his passionibus locum concedere : quare oportet omni pacto recedere ingressum ipsarum , atque repellere. Nam si comprehenderint animam atque
supera-

a Machab. c. 12. v. 24. & 25.

b Ut suprà monuimus p. 2. c. 1. §. 3. fine.

superaverint, tunc sicut ignis ingentem ac siccam nactus materiam, maximam solent flammam accendere. Quare rogo atque oro, omnia faciamus, ut quasi materiam excludamus à nobis harum ingressum. Nullus igitur frivolâ se illa ratione consoletur, qua universa protervitas in animam inducitur: illa, inquam, ratione nullus utatur: dicens, quid hoc est, aut illud? mille certè hinc mala oriuntur. Venerator enim malorum diabolus cum sit, magnâ malitiâ, multâ operâ, ingenti studio, condescensioneque nonnullâ ad perditionem hominum utitur. A minimis enim plerumque incipit, quod intueri hoc modo licet. Studebat in Pythonissæ nugas ac deliramenta Saul regem detrudere, sed id si ab initio suavisset, mentem ille non adhibuisset: quo modo enim illud fecisset, qui Pythonissas expellebat? propterea sensim & paullatim ipsum inducit. Nam quoniam Samueli non obtemperavit, & holocausta illo absente auferri præparavit, accusatus, ait, necessitas hostium facta est major. Dumque flere oportuisset, quasi nihil mali fecisset, lætabatur. Jussit rursum nonnulla de Amalechitis Deus; ea quoque transgressus fuit: hinc adversus David illum insanivit, ac si paullatim atque paullatim labens non stetit, quousque ad ipsum perditionis barathrum seipsum immisit. Similiter etiam de Cain factum esse videmus. Non enim confestim eadem fratris illi suggessit, ne magnitudine rei commotus tam scelestum facinus abomi-

naretur:

naretur: sed prius persuasit deteriora offerre, nullum esse id dicens peccatum: deinde invidiæ veneno succendit, nihil etiam hinc mali secuturum persuadendo. Ita sensim in eum illapsus, ad eadem fratris, & ad negationem sceleris impulit; nec prius cessavit, quàm malorum omnium verticem imposuit. Repellenda igitur malorum initia sunt. Nam etiã si ad majora prima non progredierentur peccata, non esset tamen negligendum: nunc verò per istam incuriam gradatim semper ascendunt: qua propter omni studio atque opera funditus principia peccatorum sunt evertenda: non enim vim a delicti solam consideres, nec quia parvum sit, cogites; sed illud præcipuè tene, quia si radicem non evulseris, magnum inde peccatum succrescet. *b*

a Naturam.

b Chryst. tom. 2. in c. 27. Matth. hom. 87. mihi pag. 603. & seqq.

§. III.

Isariotes Christi proditor in illam scelerum voraginem nunquam ivisset præceps, si principiis obstitisset, & aliquid è Domini suo arariolo sublegere non minutum censuisset. Diabolo igitur non clavus, non filum, non pilus unicus est concedendus. Alioqui callidissimus artifex è clavo totos clathros, è filo rudentem, è pilo totas pelles conficit. Idcirco Gregorius Magnus sollicitudine paternà commonens: si tentationi in corde nascenti, ait, seltine

Q non

non resistitur, hac eadem, qua nutritur, mora roboratur. Neque enim culpa ad opus prodire permittitur, si intus ubi nascitur, exstinguatur. *a*

Hugo Victorinus de occasionibus cautè declinandis: Devitant igitur, inquit, bivium Thamaris, solarium Bethsaber, thalamum Ammonis. *b*

Narrant, Pachomio cacodæmonem sese spectandum objecisse: cui vir sanctus graviter opprobrait, quod homines, à quibus latus non sit, diu noctuque improbiissime infestet. Cui genius infelix: Nos, inquit, pulsamus ad fores: dare aditum, aut negare, penes vos est. Aperitis, & hospites admittitis? nos promptissime in patulas involamus ædes, mox ignes struimus, & imaginationem occupamus, inde facillimum est cæcam voluntatem totumque hominem expugnare. Quod si resistitis & mox initio prohibetis ingressum, nos victi sumus, & veluti fumus evanescimus. Hæc mendaci figulus verissime. Hunc igitur avernalem colubrum arce vel à prima janua, & cordis tui domicilium non venenabit. Quod Augustinus eximiè capitis & calcanei observatione vigili declarans: A Deo, inquit, quid dictum est serpenti? Ipsa tuum observabit caput, & tu ejus observabis calcaneum. Diabolus calcaneum tuum observat, quando labaris, ut dejiciat te. Ille observat calcaneum tuum, tu observa caput illius, Quod

a Greg. 10. 2. l. 22. moral. c. 7. mihi p. 792.

b Hugo l. 2. de clauſtre anima.

est caput illius? Initium malæ suggestio-
nis illius. Quando incipit mala suggerere,
tunc repelle antequam surgat delectatio,
& sequatur consensus, & tunc vitabis ca-
put ejus, & non apprehendet ille calca-
neum tuum. *a*

Nolite locum dare diabolo. Non cla-
vum, non filum, non pilum unicum à no-
bis impetret hic alastor. Principiis obsta,
& tua est victoria. Ab eodem eruditissi-
mo calamo prioribus affinia sunt ista.
O Christiane, caput serpentis observa.
Quod est caput serpentis? prima peccati
suggestio. Venit tibi in mentem, nescio,
quid illicitum, noli ibi tenere mentem
tuam, noli consentire. Hoc, quod ve-
nit in mentem, caput serpentis est: caput
calca, & evades ceteros motus. Sed lu-
crum, ait, magnum suggestit. Quid
prodest homini, si mundum universum
lucretur, animæ verò suæ detrimentum
patiatur? *b* Pereat Mundi lucrum, ne fiat
animæ damnum. Hæc dicens observasti
caput serpentis, & calcasti. *c*

*a Aug. tom. 3. in ps. 48. circa med-
mibi pag. 182.*

b Matth. c. 16. v. 26.

c Aug. eodem to. in ps. 103. mihi p. 496.

CAPUT III.

Tertius resistendi modus.

ORARE.

Quemadmodum diabolus non pau-
cos fallit sub larva rigida castigatio-
nis,

ris, ita multo plures decipit sub velo debita moderationis. Hinc isti abstinentias, jejunia, famem, & quicquid inimicum est corpori & grave, à se jubent facessere: illi excessu, hi defectu peccant; nimium illi, isti nimis parum faciunt. 9. Multos valde credulos sortilegiis, auguriis, somniis capit, innumeros superstitionibus irretit. 10. Quosdam conscientia pavoribus & latentis piaculi suspicionibus atque scrupulis exterret. 11. His longe plures nimis conscientia laxamentis seducit: hinc illis sunt omnia protinus alba. 12. Quosdam in ægritudines, perturbationes, fluctus, æstusque sollicitudinum iis fraudibus perducit, ut omnem animum pæne despondeant. Uti enim peccatum committendum extenuat, & levissimum esse persuadet, ita commissum ingravat, & immensi ponderis montem nullis viribus amolendum monstrat, hinc & hinc fallacissimus. 13. Tam vaser profectò & ingeniosus est artifex, ut non superbia tantum & elatione, sed humilitate ipsa & submissione incautos nectat. Est enim qui nequiter humiliat se. a Voce, gestu, veste, corporis flexu ad omnium sese genua submittit, seipsum coram aliis reprehendit; si quis alius ei eadem objiceret, liberali dextra colaphum rependeret. 14. Diabolus tentator fila trahit subtilissima, & pæne oculos fallentia. Hinc iis involvit innumeros, qui pæne prius se victos sentiunt, quàm oppugnatos. Ergo resistite diabolo, & fugiet

giet à vobis. *a* Primum resistendi modum diximus, *Vigilare*; alterum, *Principiis ob- stare*; jam assignaturi tertium, *Deum orare*.
a Jacobi c. 4. v. 7.

§. I.

Jeſſaus David tam ante, quàm post purpuram acceptam tentationibus gravissimis fuit infestatus. At ille primum, ac summum, & pæne unicum ab Oratione præsidium sibi parans: Oculi mei, ait, semper ad Dominum, quoniam ipse evellet de laqueo pedes meos. *a* Dilucidissimè Christus, qui suos ad orationem hoc ipso nomine expergefaciens: Vigilate, inquit, & orate, ut non intretis in tentationem. *b* O mei Apostoli, quam non sentitis tentationem velut adhuc remotam! Est vicinissima: idcirco vigilate & orate; principiis obsistite. In eum finem præscripsit singularem precandi formulam: Et ne nos inducas in tentationem. Tentari nos refugimus, sed deprecamur vinci. Non igitur cessandum ab oratione unquam: Quoniam, beato Luca teste, oportet semper orare, & non deficere. *c* Non solum ob assiduas misérias Mundi, sed etiam ob continuas tentationes diaboli.

Mirum, ter mirum, regem Hebræum ita precari solitum: Averte oculos meos, ne videant vanitatem. *d* Quid opus his precibus, aut magno molimine? Tu ipse, mi domine rex, tuos oculos claude (quid enim

Q 3

nim

a Ps. 24. v. 15. *b* Matth. c. 26. v. 41.

c Luc. c. 18. v. 1. *d* Psal. 118. v. 37.

nim facilius) & rem factam habes. En regem & vatem, virum virtutibus ornatissimum, qui tamen nihilominus roget, Domine averte, vela, & claude oculos meos. Nos enim tam debiles sumus ac defides, diabolus tam impiger & attentus, tentatio tam pellax & blanda est, ut divinum è cælo subsidium assiduè nobis sit petendum. Hac in re circumspèctus ac vigilans rex David vociferatur contentissime; Domine Deus meus in te speravi, saluum me fac ex omnibus persequentibus me, & libera me. Quinam isti tot persequentes? Num homines tantum? Neutiquam, sed satanas & omne illius satellitium. Nam addit Psaltes. Ne quando rapiat ut leo animam meam, dum non est, qui redimat, neque qui saluum faciat. ^a Si, ô Deus, me deseras, nemo est, qui ab interitu me servet. Quod David in tentationibus repellendis fecit, hoc fecerunt, & etiamnum faciunt omnes, quibus sua salus est cordi. Vigilant, & orant. Qui vigilat & non orat, perinde agit ut miles, qui quidem in excubiis stat, sed inermis sine tormento æneo, sine pulvere nitrato. Ergo vigilate, & orate.

Cùm ad Josaphatum regem infaustissimus rumor deferretur. Venit contra te multitudo magna de his locis, quæ trans mare sunt, & de Syria. Josaphat autem timore perterritus, totum se contulit ad rogandum Dominum, & prædicavit jejunium in universo Juda. Congregatusque
est

est Judas ad deprecandum Dominum; sed & omnes de urbibus suis venerunt ad obsecrandum eum. Rex optimus se viribus imparem confessus publicè; in nobis quidem, inquit, non est tanta fortitudo, ut possimus huic multitudini resistere, quæ irruit super nos. Sed cum ignoremus, quid agere debeamus, hoc solum habemus residui, ut oculos nostros dirigamus ad te. *a*

Deus utique præsentissimus est, eum tamen humana incuria veluti absentem transit. Contingit non rarò, ut hoc ipsum aliquis quærat, quod oculis expositum, quod manu versat, sed illud ideò non cernit, aut quia cæcutit aut quia remotum credit; ita nos planè Deo undequaque cingimur, quocunque enim moveamur, in Deo stamus, sedemus, ambulamus, jacemus, à nemine præsentissimo, velut piscis aquâ, circumdati; dum tamen non oramus, Deum non tantum non cernimus, sed nec præsentem advertimus; cum autem oramus, ad Deum nobis præsentissimum cor vertimus. Atque hoc est oculos dirigere ad Deum, quod in omni tentatione sit primum.

a 2 Par. c. 20. v. 2. & seqq.

§. II.

Quid, obsecro, Christus in solitudine diebus quadraginta totidemque noctibus actionis habuit? Fuisse cum bestiis asserit Marcus; *a* An cum illis animi causa

Q 4 tempo-

a *Eratque cum bestiis. Marci c. 1. v. 13.*

temporis fallendi causâ lusit? Num manibus in sinum coniectis ex toto feriatuſ est? Non dubium quin omnis illius temporis partem maximam tranſegerit precando. Perinde ſi dixiſſet: Ad tentationem, & ad pugnam me paro: non quod ego hoc paratu egeam, ſed ut vobis imitationibus meis oſtendam quo armorum genere, qua præparatione ſit opus ad hoc cum hoſte congreſſus: Vigilate, & orate, ut non intretis in tentationem. Ita hic idem Servator noſter cruciatibus ſuis initium daturus, factuſ in agonia prolixius orabat: *a* & quidem ut optimi auctores *b* ſentiunt, ad tres horas orationem produxit. Prolixius ergo, ait Sebaſtianuſ Barradiuſ, oraſſe dicitur, quoniam trium horarum ſpatio oravit.

Beatuſ Pauluſ potenter admodum impugnatuſ: Datuſ eſt mihi, ait, ſtimuluſ carniſ meæ, angeluſ ſatanæ, qui me colaphizet. Vehementiſ fuit hæc tentatio & perquam moleſta. Propter quod ter Dominum rogaſi, ut diſcederet à me. Perinde ſi æger medicum roget: Domine Doctore, nimium quantum naturæ meæ hoc pharmacuſ adverſatur, nimis urit hoc malagma, tolle illud, obſecro. O Paule, tamenſi tuum medicum

ter

a Luc. c. 22. v. 43.

b Alphonſ. Salmeron tom. 10. tract. 15. mihi pag. 133. & Sebaſt. Barradiuſ tom. 4. Comment. in Concord. Evang. l. 6. c. 13. mihi pag. 248. vide Chriſtuſ Morientem cap. 2. §. 2.

ter a atque sapius rogaveris, hoc medicamentum est exhauriendum; hoc urens cataplasma tam citò non amovendum. Hoc enim tuus tibi medicus respondet: Sufficit tibi gratia mea Nil ultra poscat ægrotus, quàm ut sibi faveat hic medicus. Facile superatur omnis tentatio, si auxilium non desit è cælo; neque enim difficilis est victoria, ubi subvenit divina gratia. Deinde virtus in infirmitate perficitur. *b* In te quidem, ô homo, es debilis, sed in tuo adjutore fortis. Si conqueratur figulus, dicatque: Cur mihi semper non nisi lutum calcandum & tractandum? Accommodè illi responderis: Mi magister, figulus es, non aurifex, lutum tibi tractandum, non aurum, à luto tibi petendus panis, non à metallorum rege; ita prorsus tentatio & infirmitas patientiæ, fortitudinis, temperantiæ materia; in infirmitate perficitur virtus. Homo debilitatis viribus & effecto corpore, si sapit, sobriam valetudinis curam gerit, sibi que sollicitus attendit, ne per os admittat ullum hostium, non gulæ studet propitiandæ, sed vitæ propagandæ: Ita multos sepelit robustorum. Nam homo robustus obvia quæque vorat; quicquid sapit, hoc per os immittit; noceat an conducatur, id ille non pensi habet, dummodo quod glutit, quod haurit, sapiat. Tales plerumque non sunt diuturnæ

Q 5

fani-

a TER *Symbolum est multitudinis atque universitatis. Sapisime aut assidue fit, quod ter fieri dicitur.*

b 2 Cor. c. 12. v. 8. & 9.

sanitatis & vitæ : ita virtuti plurimum opitatur infirmitatem, miseria, vitiositatem suam agnoscere. Hieronymus ad Ctesiphontem : Hæcuna, inquit, præsentis vitæ perfectio est, ut te imperfectum agnoscas; tibi penitus diffidas, in Dei bonitatem ac potentiam spem omnem transferas. Virtus in infirmitate perficitur. Ubi Dei gratia, ibi tentationum victoria; gratiam autem impetramus precando.

§. III.

Salomon sapientem hanc cautelam in tentationibus necessariam persuasurus : Frustra, inquit, jacitur rete ante oculos pennatorum. Perinde si dixerit : Tu meis monitis eruditus laqueos, retia, insidias, quas tibi hostes diversi struent, facile vitabis : nam eorum technas retexi, pedicas ostendi, quæ incassum explicantur, cum eas vident aviculæ. Nam

Qua nimis apparent retia viri avis.

Tu igitur simul atq; tentationum laqueos conspexeris, præsidium cape ab alis, & avola, animum per preces ad Deum erige. Diabolus auceps astutissimus nunquam non pandit sua retia; si nos pennati sumus, & ad cælum orando evolemus hiantem sine præda aucupem ridebimus. At nos pullastri male plumati, aviculæ nondum alatæ orationes longas texere non nostrum esse ducimus. Sit istud. Cum igitur milvus esuriens oberravit, mox sub matris alas acceleremus, & ingeminemus has saltem precatiunculas bre-

brevissimas: *Domine JESU, miserere mei, & dirige me.* Aut solum: *Domine JESU, dirige me.* Aut istud tantum: *Domine JESU.* Ardens ejuscemodi clamor in tentatione omni facile servabit. Beato Paulo teste: Omnis, quicumque invocaverit nomen Domini, salvus erit. Discedat ab iniquitate omnis, qui nominat nomen Domini. *a* Licebit quotidie primo mane cum Christo amicissime ita pacisci. Domine, quotiescunque hac die dixerò, aut corde solo suspiravero (*Domine JESU*) hoc à me dictum, hoc à te intellectum volo; ita non solum tentationes vincere, sed etiam amoris actus & promerita poterimus augere. Sola in his adeò modicis & facilibus constantia desideratur. Sæpissimè quidem talia incipimus, sed paulò post negligentia vel tædio victi desinimus incepta; iidem, qui fuimus, manemus.

Joannis Avilæ dictum est: Tentatio ad te, tu vero ad Deum. Hanc ipsam ob causam plurimas tentationes immittit Deus, ut nos trahat ad se.

Genini scriptores narrant hominem inter delicias educatum in Cisterciensem familiam transiisse. Hic religiosam mensam minime lautam pane omnem, præcipuè coctum cicer & confusaneum hordeaceum panem valde averfatus, paullatim coepit moliri fugam. Tentatio gravis; nam aut esurire cogeatur, aut gulam offendere. Christus igitur sub quietis tempus spectabilum ei se præbuit, & panem porrigens dixit, *Comede.* Non possum,
ait

ait tiro, nec enim assuevi huic edulio. At celestis medicus diductâ veste in lateris sui vulnere panem nauseatum tingens: Nunc, ait, comede. At ille jam magisaversari cruentum, & deprecari tam ingratam buccam. Cui minaci vultu Dominus: Vel gusta tantum. Gustavit, & esse censuit non secundarium panem, sed panis florem, & delicias mellitissimas, Disparuit Christus, & una viriosum gulæ fastidium. Tentatio si prima fronte spectetur, hordeaceus secalicius, avenaceus, ater, furfurosus, durus, sordidus panis est, ingratius sane bolus, qui siccis hæret faucibus ægrè admodum glutendus. Sed obsecro, mi Christiane, quicquid ejusmodi acerbioris edulii est, cruento latere Christi crucifixi merge, dic animo: *Domine Jesu, dirige me, tuere me, protege me.* Revera tentatio nulla quantumvis valida non tolerabilis & facilis superato redditur, liquore tam pretioso tinctâ. Ora, & vincis. Subinde duplex inficit venenum, quod & frigore & calore pugnat, huic duplicatum etiam alexipharmacum opponendum, quod & frigus retundat & calorem. Adversus tentationes omnes primaria duo sunt remedia, *Oratio*, & *Patientia*; hæc refrigerat, accendit illa, & inflammat. Ad orationem Bernardus excitans: Quoties ergo, inquit, gravissima cernitur urgere tentatio, & tribulatio vehemens imminere,

a *Casarius Heisterbocensis lib. 4. hist. mem. c. 80. mihi pa. 235. & Thomas Cantipratas. Mirat. mem. l. 2. c. 57. n. 26. mihi pag. 468.*

nere, invoca custodem tuum, doctorem tuum, adiutorem tuum in opportunitatibus, in tribulatione. Inclama eum, & dic, Domine salva nos, perimus. Non dormit, neque dormitat, etsi ad tempus dissimulet: ne forte periculosius ab illius te manibus ipse precipites, si te eis ignoraveris sustentatum. Quapropter rogo vos, fratres, ut semper ad manum habeatis tutissimum orationis refugium. *a* Romani, ut vetus ferebat verbum, sedendo vincunt: Christiani vincunt orando.

a Bern. serm. 12. in Ps. Qui habitat circa finem sermonis, mihi pag. 713. & serm. 5 in Quad. de triplici modo orat. mihi p. 148.

CAPUT IV.

Quartus resistendi modus.

REPUGNARE.

15. **D**iabolus quosdam, quod orsi sumus dicere, tam speciosè fallit, ut ii potius jejunium ab Ecclesia præceptum violent, quam ut ea, quæ ipsi sibi inijunxerint, non servant. Idem in aliis plurimis fit: quod præcipitur, negligimus, & nova ipsimet nobis præcepta cudit, quæ observamus. Nimirum, nitimur in vetitum, cupimusque negata.

16. Deinde cacodæmon Orbem universum vanis suspicionibus & temerariis judiciis in perniciem dat, & quod longè pessimum, pauci notant tam blandos in exitium expulsus; alter alterius, ut putant, cor inspicit, quod ipse diabolus nequit.

17. Dia-

17. Diabolus ad tentationis escam semper loquentem digitum intendit; aut enim aliorum vitia commonstrat, hinc temerarium multiplex iudicium; aut aliorum facultates & opes ostendit, hinc cupiditas & invidentia: ita omnis pax animi turbatur: hinc illa inquires, quæ nec precari, nec fere aliud fructuosi agere permittit. Quod diabolus mille modis conficit. 18. Vexator hominum iis, qui nimium sui juris sententiæque, qui sui sensus & cerebri sunt, persuadet, ut aliorum consilia exquirant, scit enim jam ante consiliis eos non obtemperaturos; ut ita tantò magis peccent, & minus sint inexcusabiles. 19. Multis contra dissuadet aliorum consilia petere, idque artificiosè prorsus his argumentis planum facit: si consiliis sit opus, cum Deo inter preces age, & pete ab eo ut vias tuas dirigat, & omnia consilia tua in ipso permaneant, *a* & ipse diriget consilium tuum. *b* Quid hac in re potissimum expediat, tu omnium optimè intelligis; tu scis, qua te parte urat calceus; alius id scire nequit. Plerumque multa interrogare, est multum errare; & iste quidem consultus album, ille atrum suadebit. Quisque sibi optimus est consiliarius. Atque hæc tam periculosa, quam communis & artificiosa est tentatio. Cum res ad vivum refecatur, mera hic delitescit superbia. In omnem se formam induit Avernalis iste Proteus. Quod eruditè acve-

a Tob. c. 4. v. 20.

b Eccli. c. 39. v. 10.

re præmonet Ambrosius : Oculos delectat, demulcet aures, sed mentem inquinat; multa mentitur, falsa adjungit, vera subducit, spondet pecuniam, aurum offert, sed aufert disciplinam. Tu autem accipe potius disciplinam quam pecuniam, & scientiam super aurum probatum, a resiste diabolo. De resistendi modis coepimus disserere. Primo loco diximus. Vigilandum; Altero, Principiis obstandum; Tertio, Orandum; Hoc capite sequitur. Impugnanti repugnandum, de quo nunc plura.

a *Ambros. tom. 4. l. 1. de Cain & Abel.*
c. 5. mihi pag. 117.

§. I.

Discipulus Domini Jacobus validè hortatur: Resistite diabolo, & fugiet à vobis. a Publicus hostis tyrannidi vos suæ conatur subdere per vestrasmet cupiditates; at vos viriliter ei resistite, negando consensum, & fugiet à vobis victus, spretus, delusus. Nam diabolus, quod Ambrosius notat, veræ virtuti solet cedere. Et si invidere non desinat, tamen instare formidat, quia frequentius refugit triumphari. b Ingentis hoc solatii est tam facilem repugnando victoriam posse obtineri. Homo ebrius & vini vitio furiosus, aut prado, si quem invadat, certe non illico cedit, atque alter ei obsistit; imo sæpius quo acriorem alterum sentit antagonistam, eo ferocius

a *Jac. c. 4. v. 7.*

b *Ambr. to. 5. l. 4. in c. 4. Luca.*
mihi p. 51.

rocius insultat. Multò aliter diabolus, qui fugatur & vincitur, cum ei resistitur. Quo quidem lavernioni, nocturno furi simillimus, qui tacito pede per tenebras pone aliquem inserpit, & subito manum injicit direpturus præeuntis pallium : quod si istud vel alligatum sit, vel eo sese cautus ambulator involverit, ut primo aggressu diripi non possit, mox in pedes sese conjicit, & in tenebras abdit : ita diabolus, ubi animosè resistantem sentit, fugam capeffit. Sed dicas : Una subinde tentatio unius hominis viginti aut triginta & pluribus durat annis. Resistitur huic inimico, sed non fugit. Ajo illum fugere, sed mox redire, uti musca iterum iterumque ac denuo abacta identidem redit. Atque hoc hominis certantis promeritum supra modum anget, cum cacodæmon vel uno die centies sæpiusque redintegratis semper ætibus abigitur superatus. Sed ille tam impudens est ut toties victus, toties fugatus, usque tamen & usque redeat.

Nec raro facit avernalis bellua, quod animantium astutissimæ solent. Vulpes, ut gallinas fallat, se mortuam simulat. Cum enim simplices illæ aves accedunt propius visuræ, num jaceat hostis mortuus, tunc vulpes velut rediviva prædam vicinam arripit, & gulæ suæ sacrificat, ita diabolus simulat se victum cedere, mox adest subito & securum pugnæ inuncat. Resiste igitur & repugna, de pelle tua, imo de anima tua agitur. Defendete, & gladium; si sapiis, nunquam depone; famelica

melica è tartaro vulpes viatores ad cælum
repentinis insultibus audacissimè invadit.

Anno Christiano millesimo sexcentesimo trigésimo secundo, *a* in Helvetia circa urbem Lucernam eo fames adegit vulpes, ut ex viatores luporum instar sint aggressæ. Non facile auditum. Vir procerus cum harum una ad horam dimidiam non sine suo vulnere pugnavit, dum eam denique confecerit. Longioris ævi & memoriæ viri narrant ejuscemodi ostenta olim geminis suorum præliis præbuisse. *b* Astutissima ex Acheronte vulpes obvios quosque viatores invadit. Tu vulpi Acheronticæ adversarium te gere, & vicisti; resiste, & fugasti.

Sed dicas denuo: Tot jam annis restiti, sed necdum fugavi. Quot, quæso, numeras annos? Forsan viginti, dices, aut triginta? Quid omnes isti? Quasi media hora. Cum Joanne canit Ecclesia: Factum est silentium in cælo quasi media hora, dum draco committeret bellum. Quotquot nos annis impugnet præcipitatus aliger draco, tametsi quinquaginta vel sexaginta, vel pluribus hæc pugna duret, quasi media horula durasse arbitrandum. Quidquid temporis est, breve est: nihil enim longum, nisi diuturnum, nisi quod æternum. Perpende ait Chrysostomus, si po-

R

tes,

a Quo ista pro suggestu differui.

b Vor Sempacher: und Capler-Schlacht / in welcher Ulrich Zwinglius bliben.

tes, labores & merita, sudores & præmia, cursus & regna. Exiguum sentis, sed immensum est, quod mereris; modicum patris, sed æternum est, quod regnabis. Quamvis voluptas magna sit, Deo iuvante, currere, & Christo comite pergere, & favente Domino festinare. *a* Quantumcunque igitur prolixa videatur tentatio, quasi media horula, momentum est paulo productius, atra nubes est, celerissime transvolatura. Tu modò resiste, & brevi cernes fugitivum hostem.

a Chrysost. tom. 4. serm. de Fide, Spe, Charitate, mihi pag. 612.

S. II.

Æneas Sylvius memoriæ prodidit, Ungarorum quosdam in Sigismundum Cæsarem non bona coxisse consilia, sed & armatos irrupisse in palatinas aedes, ut Imperatorem, quem sibi destinarant hostem, vel vivum caperent, vel perimerent. At Sigismundus infracto animo strictoque pugione se illis præbens obvium. Ecquis vestrum, ait, injiciet in me manus? Vos regem vestrum interficere? Si cui animus est mecum solo congregiatur. At conjurati tanta vocis animique constantia terri, qua data porta diffugerunt. *a* Diabolus ejusque socii apostatæ potentes spiritus sunt, callidiores ac celeriores nobis vel millies; quod si eorum impetu conteriti cedamus, nosque illis dedamus, victos, leones sunt; quod si magna in Deum fiducia

a En. Syl. l. 3. de reb. gestis Albonf. n. 39. mihi pag. 489.

ducia resistamus, & pro cælo propugnemus, lepores sunt, & victi diffugiunt. Adversus pavidos leones istos Bernardus animum addens. Videte, inquit, quam debilis est hostis noster, qui non vincit nisi volentem. Potest inimicus excitare tentationis motum, sed in te est, si volueris, dare vel negare consensum. In tua facultate est, si volueris, inimicum tuum facere servum tuum, ut omnia tibi coope-
rentur in bonum. Ecce enim flammæ inimicus desiderium cibi, vanitatis aut impatientiæ cogitationes ingerit, aut excitat libidinis motum; tu solummodò ne consenseris; & quoties restiteris, toties coronaberis; sed & in ipso certamine, si viriliter resistimus, quædam pia tranquillitas de conscientia bona nascitur. Credo etiam si cogitationes istas, quam citò in nobis advertimus, non patimur remorari, sed in spiritu vehementi animus adversus illas excitatur, quoniam inimicus confusus abscedet à nobis, nec tam libenter illico revertetur. *a* Ergo rugientem hunc leonem neutiquam formidemus. Nam, eodem Bernardo teste, rugire potest, ferire non potest. Rugiet, quantum vult, tantum non fugiat ovis Christi. Quanta minatur, quanta exaggerat, quanta intentat. Non sumus bestię, ut nos prosternat vacuus ille rugitus. *b* Verè bestia, verè ra-

R 2

rationis

a Bern. tom. I. serm. 5. in Quadrages. mihi pag. 148.

b Ajunt nullam bestiarum ad rugitum leonis stare posse. ibid. Bern.

tionis expers, qui tam pusillanimis est, ut solo timore cedat, qui sola futuri exaggeratione laboris victus, ante conflictum non telo, sed tuba prosternitur. Nondum resistis usque ad sanguinem, ait strenuus ille dux, qui leonis hujus noverat vanum esse rugitum. *a* Si quis in militiam profecturus, se victorem, si quidem vellet, certò rediturum sciret, quàm hilariter & animosè ad arma convolaret. Hoc bellum adversus dæmonem prorsus tale est. Serium ac cordatum *Nolo* vel unicum parit victoriam. Exempli gratia. Diabolus blande adrepens: En, inquit, occasio invitat commodissima, utere illa & fruiere. Ad hanc diaboli tentationem si tentatus vel unum hoc dixerit: *Nolo*, jam omnis jugulata est tentatio. Sed adest iterum ex orco vulpes, &: En, ait, præsentem moneam; ostende tibi manus esse, & fac tuam: mortalium nemo reficiet. Si respondeo, *Nolo*, jam exspiravit tentatio. Recurrit, & suadens: En locum, inquit, peropportunum, en formam ad tuos natus facile persuadendam. Aude. Non opportunior esse potest, ipsa opportunitas. Indulge aliquid tibi. Tu verò si serius dixeris: *Nolo*, jam tota concidit hæc machina. Sed redit musca stygia, & insusurrans: En, ait, ipsissimum inimici ulciscendi tempus; cave id neglexeris. Si tu porò dicas; injuriam ulcisci nolo; jam superatus est diabolus; tormentum in te para-

*a Bernard. in Ps. cō. Qui habitat
serm. 12. mihi pag. 716.*

vit bellicum, sed pulvere tormentario vacuum. Verum Orcinianus impostor denuo adest, & hortatur, permitte aliquid genio, delectare iis, quibus pascaris, perfrui bonis. Si tu iterum constanter tuum illud regeras, *Nolo*: jam exarmatus, jam victus est, fugiet. Resiste tantum, & cedit.

Beatus Hieronymus larvata illa tentatoris verba expendens: *Mitte te deorsum*: suadere potest, ait, ut te ipsum dejicias, at verò neutiquam præcipitare, sed nec impellere te potest in ruinam. Imò in plerisque, si seriò agamus, jocabimur cum dæmone. Opportunum erit generoso irrisu dicere illi: Tu te deorsum, ad inferos mitte; jam viam illuc nosti. Ego me mittere nolo; præcipitium tam formidandum horreo.

Historiæ veteris est, hominem religiosum à diabolo accerrimè impugnatum. Hic spiritalem magistrum adiens: Ego, inquit, mi Pater, dies noctesque horrendè vexor à diabolo. Hic assidue suggerit importunissimus suavor: Tu tuis ipse miseriis impone finem; quid tamdiu te torques? Si vis, descendere potes ex hoc patibulo; en cultrum, en laqueum, en præcipitium. Hæc assiduus suadet. Cui spiritalis Pater: Mi fili, ait, neutiquam his consiliis opus est. Tu diabolo id unicum responde, *Nolo*. Atque post octiduum de successu rei me redde certiolem. Obsecutus est recta suadenti, & brevi omnis tentatio evanuit. Superbissimus hostis ferre

non potest, sua consilia detegi, se sperni.
Ergo resistite diabolo, & fugiet.

§. III.

Myfteriorum scriptor Joannes: Et vidi Angelum, inquit, descendentem de cælo, habentem clavem abyssi, & catenam magnam in manu sua. Et apprehendit draconem serpentem antiquum, qui est diabolus & satanas, & ligavit eum per annos mille. *a* Cum Christus expiraret in cruce, hic inferorum prator Angelus ligavit Luciferum catena stricti imperii divini, ne vel inde egredi, vel per suos pro libitu nocere posset. *b* Quomodo autem ligatus est, cum ubique tot malorum concitor, tot centenis millibus tam graviter noceat? Respondemus nocere illum non posse nisi otiosis, negligentibus, ignavis, qui nolunt resistere impugnanti. Hic trisauæ Cerberus latrare potest, sollicitare potest, mordere sane non potest nisi volentem. Si lupo aut molosso, aut ursus catenis vinciatur, pueri etiam puellæque illudentes victum temere laceffunt, & joco dicunt: pande os bestia. Pandenti pro pane lutum aut lapillum injiciunt. Ita qui diabolo resistere non recusat, securè illi insultat. Victus est avernalis lupo; & vincere illum & illudere potes. Augustinus illud carminis sacri explicans: Draco hic,

a Apoc. c. 20. v. 1. & 2.

b Per mille annos, hoc est, per longum & totum illud tempus, quo Christus hic in Ecclesia militante regnaturus est.

hic, quem finxisti ad illudendum ei. Jam
 tu, inquit, illude draconi; ad hoc enim
 hic factus est draco. Regnum ejus, quod
 putas, carcere ejus est. Multi enim dicunt:
 Quare tantam potestatem diabolus acce-
 pit, ut dominetur in hoc sæculo, & tan-
 tum valeat, & tantum possit? Quantum
 valet, & quantum potest. *a* Ligatum fa-
 cile vinces. Alligatio diaboli, ait idem
 Augustinus, est non permitti exercere to-
 tam tentationem, quam potest, vel vi vel
 dolo ad seducendos, in partem suam co-
 gendo violenter fraudulenterque fallen-
 do. Quod ne faceret alligatus est. *b* Hunc
 draconem alligatum illude; exprobra illi
 & dic: Spiritus miserabilissime, qui ali-
 quando cæli princeps eras, nunc lutum
 tractas & fimum sordidissima quæque ac
 foetidissima suggerendo. *c* Eras olim Ange-
 lorum summus, nunc erro es circumfo-
 raneus, qui radículas falsas & ampullas
 mendaciis plenas oggeris emptoribus.
 Hæc tua sunt artificia, diabolus vere pau-
 perimus es. Ita illudendus draco stygius.

Antonius Magnus, cum eum diaboli
 varias bestiarum formas induti cingerent;
 cum alii leonum, alii tigridum, pardorum
 & taurorum alii larvas gererent, ut An-
 tonium terrerent, veluti eum jamjam la-
 ceraturi. At ille impavidus: O miseri, ait,

R 4

fi

a Aug. to. 8 in Ps. 103. v. 26. mihi p. 497.

b Aug. tom. 5. l. 20. de Civit. c. 18. mihi
 pag. 261.

c Ein Himmels Fürst ladt jet-
 zunder Mist auff.

si quid haberetis virium adversus me, factis esset vel vestrum ut icus: nunc verò tot & tanti hominem unicum invaditis? quid opus apparatu tanto? En adsum, si permissum vobis, lacerate me: si negatam, frustra est rabies vestra. Ergo quod Paulus ait, Deo gratias, qui dedit nobis victoriam per Dominum nostrum **JESUM Christum.** *a* Quocirca resistite diabolo, & fugiet à vobis. Sed quomodo resistendum? Diversè; & hoc artis est, præsertim duplicis

Sunt vitia quædam molesta, tædiofa, amaroris plena: ut est ira, odium, invidia, rixa, impatientia, vindicta, merum merissimum absinthium. Sed sunt & alia vitia, aut vitiis valde affinia, quæ voluptatis aliquid habent, ut sunt esse, bibere, nugari, ludere, fabulari, choreas ducere, læticipare, libidini parere: ita duplicis generis tentationes sunt, quæ ad illa & ad ista vitia invitant. Quemadmodum verò militiæ diversi generis milites sunt: alii quos manipulares & legionarios, alii quos extemporales & subitarios appelles: illi cum sua quisque armatura, cum fistulis æneis aut hastis præpilatis in hostem eunt; isti è pagana plebe, rustici, stipitibus duris sudibusque præustis armati milites quandoque subitarii sunt: his certè aliter longè, quàm prioribus resistendum, alia iis opponenda sunt arma. Ita hîc prorsus: tentationes primi generis ad iram, odium, invidiam, & si quæ talia monstra, congressu

gressu & conflictu, pugnando & luctando sunt superanda. Sic & iracundum sibi quis statuatur ante oculos, & una expendat, quam foedum & nocivum sit vitium, velut infanum è vinculis erumpentem furere, in obvios quosque grassari, fel & ignem vomere, poenitenda loqui, &c. Imò ut Cassianus, Bonaventura, Climacus docent, bonus athleta se subinde in conspectum hosti det, atque cum eo congregiatur. Dicat mitis: En altercator hic est, cui Mars semper in lingua, qui neminem amicus affari soleat: congregiar cum eo, sed verbis quam potero mitissimis, ac suavissimis, melle ac saccharo sparsis; ita me Deus juvet, rabiem illius expugnabo: si æquè velim ac ipse tumultuari & furere, iræ ignes auxero, non sopivero. Ita & alius: Scio, dixerit, tam venalem esse invidiam in aulis, quam lolium in agris. Sed istud me non terrebit; invidiam perferam non inferam, sustinebo illam, non exercebo. Idem de aliis est iudicium. Atque hoc est cum hoste pedem conferre, & manus conserere.

Aliæ tentationes sunt viscosæ, piceæ, sola fuga vincendæ. Quod beatus Paulus docet: Fugite fornicationem. *a* Adversus bellica tormenta securissimus murus est procul abesse. *b* Ita hic, procul, ô procul, quidquid Venerem olet & cupidinem. Occasiones omnes vitandæ, aures & oculi claudendi, cogitationes imputæ statim, ut se produnt, eliminandæ.

a 1 Cor. c. 6. v. 18. *R* 5 Inter

b *Zeit darvon ist gut fürs schießen.*

Inter religiosos viros è Divi Francisci familia quaestio fuit nata, quomodo tentationibus sit resistendum: diversi diversa, F. Rufinus sententiam rogatus: Ego, inquit, humi me abjicio, & Deum oro, nec prius ab oratione surgo, dum solatii aliquid & praesidii obtineo. F. Simon: Ego, ajebat, confidero, quam foedum & abominandum sit vitium, quod lucem fugit, & modis omnibus absconditur, quod coram Deo, & Angelis Dei, quod coram Orbe universo pudori est. F. Juniperus, Cum sentio, inquit, incurfionem hostilem, mox portas claudio, & pii aliquid cogitare incipio; hæ meæ sunt excubiæ. Si acrior insistat hostis, & fores minetur effringere, ego vi alia non utor, hoc unum proclamo: Abi, cum tuis, miser, abi: jam pravenerunt alii; huic perditissimæ inferorum faciæ ostium non pando, ingressum non permitto. Ita risu & pudore obrutus cedit. Ad quæ F. Agidius: Cum ista, ait, sentio. Optimum est ejuscemodi cogitationibus omnem aditum obserrare, aut ingressas quamprimum ejicere. Non est cum illis disputandum, nec blandientibus respondendum. Expelle, si vis vincere. Fuge fornicationem, & quicquid picatam ejuscemodi oblectationem habet, fuge, fuge. Alia verò vitia cum impugnant congressu & conflictu superanda sunt. Hic resistendum diabolo. Sic partim fuga, partim pugna comparandus est triumphus. CA-

a Dem Hudlmanns gind
thue ich nit auff.

CAPUT V.

*Quintus resistendi modus.*FIDUCIAM OMNEM IN
DEO COLLOCARE.

UT coepimus, ita diversa diaboli vafra-
 menta ad numeros revocare pergi-
 mus. 20. Diabolus ebriis nescio, quas scin-
 tillas pietatis immittit, & suavissimos de
 divinis sensus ad ipsas usque lacrymas. O
 dulces lacrymas, sed non Christi! ^a Hinc
 illis ebriositas tam devota non est odio.
 21. Plurimos fallit & irretit diabolus,
 quos tam ex succos, aridos, omni solatio
 destitutos reddit, ut sint velut terra Sa-
 mariae triennio & semestri nullis pluviis
 rigata. ^b Hinc pessimæ voces illæ: Dese-
 runt me Deus: ergo meum erit obse-
 quium, prout est salarium, 22. Satanas
 tam artificiosus est ocularius faber, ^c
 ut quod videtur per specilla, longè aliud
 videatur esse quam sit. Exempli gratia.
 Est qui de aliis amarulento affectu nocen-
 dique animo loquatur pessima quæque,
 nihilominus faber ille artificiosissimus ea
 ipsius naso conspicienda infigit, ut improbus
 obrectator hæc in gratiam veritatis à se
 dicta nec malum esse credat sciri talia.
 Quemadmodum verò diabolus istum de-
 cipit, ut sibi persuadeat se neutiquam per-
 versè loqui, ita fallit alium, ut existimet
 se non vitiosè tacere, quæ forent dicenda.

Omnia

^a Sie wainen das truncken El-^b Jac. c. 5. v. 17.

(lend.

^c Drissen macher.

Omnia laqueis obducta. Ergo adversus hunc reſtioneſ & impoſtoreſ Vigilandum. Principiis obſtandum. Orandum, & ei Repugnandum, ut diximus. Hoc porro capite quintus reſiſtendi modus explanandus, Fiduciam omnem in Deo collocandum.

§. I.

Veriſſimè dixit religioſiſſimus ſcriptor. Initium omnium malarum tentationum inconstantia animi, & parvâ ad Deum confidentia. *a* Ubi vera in Deum fiducia vacillat, ibi animus & vires ſatanæ creſcunt. Deus olim Iſraëliſ populo edici juſſit: Cum introduxerit te Dominus Deus tuus in terram, quam poſſeſſurus ingrederis, & deleverit gentes multas coram te, Hethæum & Gergezæum, & Amorrhæum; Chananæum & Pherezæum, & Hevæum & Jebuſæum, ſeptem gentes multò majoris numeri quàm tu es, & robuſtiores te: tradideritque eas Dominus Deus tuus tibi, percuties eos uſque ad interneccionem. Non inibis cum eis foedus, nec miſereberis earum, neque ſociaberis cum eis conjugia. Quin potius hæc facieris eis: Aras eorum ſubvertite, & confringite ſtatuas, lucoſque ſuccidite, & ſculptilia comburite *b* At verò Judæi timidiſſimi contra ſic obducere. *i.* O Domine, non poſſunt hæc fieri. Nos pauci ſumus,

a Thomas Kemp. l. 1. de Imit. Chriſti, cap. 13. num. 5.

b Deut. c. 7. v. 1. & ſeqq.

& illis numero nimis quàm impares. Scio, ait Dominus, propterea dixi, Gentes multò majoris numeri. 2. Judæi iterum: Nos peregrini & alienigenæ, hostium medii sumus, & rerum pane omnium penuria laboramus. Scio, ait Dominus, idè solum peregrinum mutabo in patrium. 3. Sed Judæi denuo: Nos maximam partem inermes telis & machinis, commeatu & ceteris belli præfidiis destituti, quomodo geremus bella? illi plenius gaudent armamentariis, ab annona & aliis militiæ adjumentis instructissimi. Scio & hoc, ait Dominus, ego autem sum panoplia tua. 4. At iterum Judæi: Nobis nec unicum quidem propugnaculum est, quo in acie victis liceat refugere: Scit Deus & istud: sed Dominus refugium tuum & firmamentum tuum. 5. Nec obloqui cessant: Unde nobis pecunia belli nervus? unde panis militiæ anima? quis sine his ad arma eat? Noli metuere, ait Dominus, devorabis omnes populos, quos Deus tuus daturus est tibi. Si dixeris in corde tuo, Plures sunt gentes istæ quam ego, quomodo potero delere eas? Noli metuere, sed recordare, quæ fecerit Dominus Deus tuus Pharaoni & cunctis Ægyptiis. Sic faciet cunctis populis, quos metuis. Non timebis eos, quia Dominus Deus in medio tui est, Deus magnus & terribilis ipse consumet nationes has in conspectu tuo paulatim atque per partes. Non poteris eas delere paucior, ne forte contra te multiplicentur bestiæ

bestiæ terræ. *a* Dabitque eos Dominus Deus tuus in conspectu tuo, & interficiet illos donec penitus deleantur. Tradetque reges eorum in manus tuas, & disperdes nomina eorum sub cælo: nullus poterit resistere tibi donec conteras eos. *b*

Homini Christiano cum septem gentibus, septem capitalibus mortiferis criminibus pugnandum, quæ non Palæstina tantum, sed cælesti patria conantur excludere. Hic Deus trepidanti: Noli metuere, ait, sed recordare, quomodo tot centena millia beatorum hominum tibi simillimorum, qui jam cælo potiuntur, à temptationibus omnibus ope divina sint eluctati, post tot pugnas demum victores. Dominus Deus tuus in medio tui cordis est, atque necessitates tuas vel millies novit melius quam tu ipse. Et scies, quia Dominus Deus tuus, ipse est Deus fortis & fidelis. Fide illi: quid timidus es modicæ fidei?

a Si scilicet amplissima terra pars magna relinqueretur ab hominibus inculta, bestiis implenda.

b Deut. c. 7. v. 18. & seqq.

§. II.

Illud Jobi decantatissimum, utinam & re usurpatissimum (etiamsi occiderit me, in ipso sperabo *a*) altos revera sensus tegit vix satis cruendos verbis. Hoc ait: in ipsa etiam morte jam semimortuus spem certam fovebo, & cum Abrahamo contra spem naturæ, spem gratiæ complectar.

Hoc

a Job c. 13. v. 15.

Hoc animi sensu Jobus summam DEI clementiam plurimum commendat.

Ille à Ponto Romanus exul ut Augusti, Caesaris mitissimum ingenium extolleret, ira cecinit inter lacrymas:

Sed solet interdum fieri placabile Numen;

Nube solet pulsâ candidus ire dies.

Vidi ego pampineis oneratum vitibus ul-
mum,

Quæ fuerat saevo fulmine tacta Jovis.

Ipse licet sperare vetes, sperabimus: Atque

Hoc unum fieri te prohibente potest.

Spes mihi magna subit, cum te mitissime
Cæsar;

Spes mihi, respicio cum mea facta ca-
dit. a

Sed Jobi fiduciam in Deum multò quam maximam è Tarsensis Pauli epistolis melius eruemus. Paulus fiducia plenissimus: Quis ergo nos, inquit, separabit à Charitate Christi? tribulatio? An angustia? An fames? An nuditas? An periculum? Persecutio? An gladius? &c. Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à Charitate Dei. *b* Quæ autem hæc altitudo, quod istud est profundum? Augustinus hîc facem

a Ovidius l. 2. Tristium versu 141. elegia est unica, sed longa.

b Rom. c. 8. v. 35. & seqq.

cem præferens: Si altitudine, inquit, & profundo superna & inferna hujus mundi significantur: quis mihi cælum polliceatur, ut à cæli fabricatore sejungar? Aut quis terreat infernus, ut Deum deseram, quem si nunquam deseruisssem, inferna nescirem; *a* Si ergo alterutrum eligendum, aut conceptæ in Deum fiducia, aut cælo renuntiandum, ego potius cælo excidam, quam fiducia. Pari modo, si aut ad inferos detrudendus sim, aut fiducia spoliandus, malim ego ad inferos detru-di, quàm fiducia spoliari.

Atque hoc est in media morte imò post ipsam mortem Deo fidere. Sperabo in eum, etiamsi occideret me. Hanc fiduciam in Deum ad inferos mecum asportabo. Sed dixeris: Pæne ridiculum est male cælo excludi, quam spe. Ad ista rex David respondens: Neque irrideant me, inquit, inimici mei: etenim uiverfi, qui sustinent te, non confundentur. *b* Qui suam omnem fiduciam constanter inædificant Deo, ædificium struunt non ruiturum unquam, auxilium, quod sperant, certissimò impetrabunt. Auxiliis & favoribus humanis nihil incertius & inconstantius. Spem magnam miseris modis sapissime fallunt & illudunt. Hinc vetus verbum: Corvum deludet hiantem. Ita Coranus focerum Nasicam, qui heredem se Corani fore speraverat, insigniter elusit, quod vates Venusinus canit:

forti

a Aug. tom. 1. l. de moribus Ecclesiæ Cathol. c. 13. mihi p. 323. *b* Psal. 24. v. 2.

forti nubit procera Corano

Filia Nasica, metuentis reddere soldum, a
Tum gener hoc faciet; tabulas socero da-
bit, atque

Ut legat, orabit. Multum Nasica negatas
Accipiet tandem, & tacitis leget, in-
venietque

Nil sibi legatum, prater plorare ———
Captatorque dedit risus Nasica Corano. b

Ita spes humanæ præfidiis humanis nixæ,
cum minimè putes, collabascunt. Qui
subsidiis nititur divinis, qui Deo fidit, non
metuat, fallatur: Etenim universi, qui su-
stinent illum, non confundentur. c Non
deludet hiantem corvum Rex cæli, qui
etiam corvorum pullis suam submittit
escam. Scitote, ait Siracides, quia nullus
speravit in Domino, & confusus est. Ergo
qui timeris Dominum, credite illi, & non
evacuabitur merces vestra. Qui timeris
Dominum, sperate in illum, & in oblecta-
tionem veniet vobis misericordia. d

Quanti nihilominus sunt, qui Domi-
num non sustinent, qui non credunt Deo,
nec sperant in eum. Est virgo vel nupta
paupercula, quæ tamen videri talis non
vult; ut igitur sibi alimoniam paret, obse-
quiis Veneris se mancipat, & proficitur
impudicitiam. Non sustinet Dominum.
Est alius, qui victu gaudet commodo, sed

S. male

a Nasica sordidus & impensè tenax,
qui nihil integrè atque ex fide redderet.

b Horat. l. 2. serm. sat. 5.

c Psal. 24. v. 3.

d Eccli. c. 2. v. 8. 9. & 11.

male parto. Ille tamen malos quæstus neutiquam averſatus: Si velim, inquit, quadram ungere, hoc lucrum non debeo ſpernere. Non ſuſtinet Dominum. Quàm multi neceſſitate aliqua vel tentatione graviore urgente ad remedia properantes non conceſſa: Nihil agimus, ajunt, niſi ſic agamus. Nec iſti ſuſtinent Dominum. Quàm multi qui opimis inhiant donariis, ^a dicunt & ſcribunt nec dicenda, nec ſcribenda. Plane hiantes corvi. Sed hos deludet Deus; inaniffima ſpe ſua fruſtrabuntur, votis excident, vacui redibunt piſcatores, quia non ſuſtinuerunt Dominum. Univerſi autem, qui ſuſtinent illam, non confundentur.

Fuit, qui plurimum auri expenderet in largitiones, obtinendo, quod ambierat, officio. Sed piſces & hamum & eſcam ſimul rapuerunt. Ita ille pecuniam perdidit, & officium non acquiſivit. ^b Confundantur omnes iniqua agentes ſupervacuè. ^c Curio vitioſus famulam domi aluerat non bonæ famæ. Huic Episcopus graviter præcepit, aut feminam domo exigeret, aut curam meliori cederet. At Parochus planè fatuus; Ego, ajebat, parœcia potius carebo, quàm femina. Et illam & iſtam perdidit. Nam mulier in rem ſuam cata, cùm cerneret frigere jam nimium culinam, ultro aufugit. Confuſus eſt iniqua

^a Zählen auf faſte Brocken.

^b Narrat hoc Leonard. Lauredanus in ſilva morali. mihi pag. 250.

^c Pſal. 24. verſ. 4.

qua agens supervacuè. Hoc prorsus est inter geminum sedile humi corruere. Sunt innumeri, qui peccent, ut cupiditati suæ satisfaciant oblectatione peccati. Atque hinc quietis aliquid sperant, & suavioris pausæ. Errant gravissime. Cupiditates namque tantò irritatiores fiunt, & vehementiores, quò plus eis indulgetur: uti purulenta scabies, quò magis fricatur, magis etiam exasperatur. Confunditur iniqua agens supervacuè. Hæc omnium noxarum labes est, fallere, contaminare, hiantes corvos deludere, in præcipitium dare. At verò spes omnis & fiducia in Deum nunquam indotata, nunquam sine munere dimittitur. Ad hanc in Deum fiduciam tria sunt potissimum; quæ humanam mentem erigant.

§. III.

Primum: Deus nos oculo pervigili & insopito indefinenter alpicit; tum verò quàm maxime præsentem se spectatorem exhibet, cum in tentationibus luctamur & resistimus. Neque otiosus est spectator, quales sunt, qui pomeridianum palæstræ spectaculum festertio emunt, qui pugili seu palæstritæ succumbenti subvenire non possunt; contundi eum & vulnerari, vinci & solo affligi sinunt: hoc illis videre volupe est. Non ita Deus. Sed, quod Hani vates regi Asa ingerit: Oculi Domini contemplantur universam terram, & præbent fortitudinem his, qui corde perfecto credunt in eum: Quia habuisti fiduciam

duciam in rege Syriæ, & non in Domino Deo tuo, idcirco evasit Syriæ regis exercitus de manu tua. *a* Deus athletas suos dum spectat, juvat.

Alterum: De Dei honore, non solum de nostra salute agitur, cum tentamur. Quod Basilius affirmans: Diaboli odium, inquit, & insaturabilis furor adversus homines tum imprimis ac præcipuè contra Deum sævit. Deus illum præcipitavit celo. Sed quia is Deo nocere non potest, omnem iram effundit in hominem Dei effigiem. Hæc iræ indoles est, cum iracundus illum, quem odio Vatiniano insequitur, non potest lædere, detractam alicunde illius imaginem pungit, eradit, lacerat, conculcat. Perinde si dicat: Ita ipsum hominem tractarem, si eo potiri possem. Ipsius igitur effigies luat, quæ non luit tergum. Haud aliter diabolus: Mea inquit, indignatio, cum maxime adversus Deum est: sed quia ille nimium à me remotus est, huc adistu homo; ejus imago es; te conspuam, in te meas ejaculabor sagittas, cum primarium hostem meum ferire non possim.

Quando igitur in tentatione non nostra tantum salus, sed & Dei honor in discrimen & periculum vocatur, ita resistamus tentatori, ut non nostram tantummodò salutem, sed & Dei honorem propugnemus acerrimè. Hinc potius vel centies moriendum, quàm vel semel tentationi consentiendum, ne honor Dei nostra ignavia violetur.

Ter-

a 2 Par. c. 16, v. 7. & seqq.

Tertium: Quandoquidem ergo diabolus oppugnando homines, Deum impugnat, ne dubitemus quidquam de divinis subsidiis; securam in Deo fiduciam locemus, opem is feret certissimam; neque enim jus suum prodet; huic bello, quo diabolus ipsum petit per hominem, eas præstabit suppetias, ut non modo non vincamur, sed victoriam reportemus facilem & latam. Sæ causæ Deus non deerit, Dominus exercituum sat fortis & potens est protector. Solent Principes & Reges, si famulum fidelem sui causâ in necessitate constitutum videant, non facile desertum ire. Sic Assuerus rex Mardochæum in extremo discrimine cum suis laborantem, quod regis domui fidis obsequiis serviisset, contra adversarium acerrimum ac potentissimum defendit, Amanum cetera charissimum in editam crucem evahendo præcipitavit. Ita Deus certissimo sui causâ laborantes, suis subsidiis non destituet: auxilio suis veniet potentissimus adjutor. Ad ipsius enim honorem præcipue spectat hoc bellum, quod adversum nos geritur. Ergo fidamus Deo ex toto corde nostro, in omni tentatione nostra. Etenim universi, qui sustinent Dominum, non confundentur. Fiet Dominus refugium pauperi; adjutor in opportunitatibus, in tribulatione. Ergo sperent in te, qui noverunt nomen tuum, quoniam non dereliquisti quærentes te. *a* A magna in Deum fiducia pendet omnis

S 3

hæc

a Psal. 9. v. 10. & 11.

hæc victoria. Cum Deo audere principium est victoriæ. Juvante Deo gigantem Ilygium vel puer sternit. Freta Deo virtus vincit omnia.

CAPUT VI.

Sextus resistendi modus.

TENTATIONUM ORIGINES EXPLORARE.

Nemo unquam potuit tam vero nomine appellari Proteus aut Vertumnus, quàm tentator diabolus. Proteus, seu Vertumnus, ut somniabant prisca, in omnes, quas voluit, formas sese induit. Satanas omni Vertumno, Proteoque omni mutabilior in omnigenam speciem se variat.

— *formas fur aptus in omnes. a*
Huic amabilem sese, illi formidabilem; huic formosum, isti deformem; huic blandum, alteri terrificum exhibet; huic dulcem, illi acedulam, alii mixtam præbet potiunculam: & durus & mollis est, prout affectum esse novit, eum quem decipere conatur. Huic offert subsidium ad scandendum, illi ad natandum, alii ad volandum, isti ad reptandum. His pennas pavoninas, istis gruum aut struthionum plumas, illis gallinaceorum jubas, aliis uparum cristas imponit, prout quemque ornatu plumatili scit delectari. Plurimis crumenas saturas, innumeris patinas onustas,

a Ovid. metamorph. l. 14. propius finem, mihi pag. 193.

flae, cantharos plenos, coronata pocula, quibusdam etiam dulcissimum ingerit suffitum mutabilior omni Proteo. Ipsa etiam regna pollicetur. Elevat enim, inquit, Ambrosius, & extollit mentem suavisioris verbis, ostendit omnia terræ regna. Ibi tu cave, ne capiaris præterlabentibus & non manentibus, in quibus magna tentatio est. Tetenderat Christo diabolus primum laqueum gulæ, secundum jactantiae, tertium ambitionis & avaritiæ. *a* Tu ergo Vigila, Principiis obsta; Tu Ora & Repugna, Fiduciamque omnem in Deo colloca: de his resistendi nobis jam dictum. Addimus sextum. Tentationum origines explora: de quo jam differendum.

a Ambros. tom. 4. l. 1. de Cain & Abel, c. 5. mihi pag. 117.

§. I.

Deus olim interrogans Moysen: Quid est, inquit, quod tenes in manu tua? Respondit Moyses: Virga. Cui Deus iterum, Projice eam in terram: Projecit, & versa est in colubrum, ita ut fugeret Moyses. *a* Hic quæri potuisset è Moysè: Cur tuum esse scipionem fugis? Respondisset Moyses unique: Putabam me baculum gestare manu, sed ut video, coluber est, quem nemo non fugit. Quid esse censetis, ô mortales, res creatas omnes, præcipue illas, quas Mundus velut aurea idola colit? Quid omnes Mundi voluptates, quid ma-

S 4

gni

a Exodi c. 4. v. 2. & 3.

gni nominis amplitudo, & omnes horum gradus, quid montes aurei & thesauri universi? Humanæ vitæ baculus sunt ista, inquit, his fulcimur, his nitimur, absque his vivere supplicium est. Inter vivos numeramur, & à nemine honorari mors est. Inter homines agere, & ab omni delectatione ac voluptate arceri tartarum est. Auræ vesci, & omni pecunia destitui, vivi hominis sepultura est. Pecunia rerum omnium domina cibum, potum, vestitum, domum, cuncta vitæ subsidia suppetat. Planè baculus vitæ, necessarius tam paci quàm militiæ: ubi non est pecunia, ibi non est vita. Sed, ô boni homines, projicite, obsecro, hunc vitæ baculum in terram, serioque cogitate istud: Cùm nos sepulchrum hauserit, quid pecunia omnis proderit? Jam verba est in colubrum virga; fugite, fugite.

Hic Epictetus salubre monitum subiiciens: Unaquæque res, ait, duas habet anfas: unam tolerabilem, alteram intolerabilem. Si frater injuriam fecerit, non eâ prehendere, quâ facit injuriam: ea enim ejus anfa est intolerabilis. Sed illinc potius esse fratrem, esse unâ educatum, sic prehendes eum; quâ est tolerabilis. Res sane quælibet suum, & commodum & incommodum habet. Aurum, voluptas, honor, ceteraque rerum conditarum, duabus apprehendi possunt ansis, tolerabili & intolerabili. Si honorem, aurum, volu-

ptatem

a Epict. c. 65. Enchir. mibi pag. 74
editione minoris formæ, pag. 103.

platem consideres, solum ut corporis bonum, ut grande emolumentum, ut suavissimum vitæ præsidium, ut pictum, & elegantissimum baculum, cave, mi Christiane, manus fœdè combures; hæc anfa candens est, non tangenda; si autem illa omnia penitiùs inspicias, ut tentationis materiam & fomentum, quo diabolus incautos agit in ruinam, jam non venustus baculus, sed venenatus coluber videbitur; fugies illum, si sapies. Divinæ paginæ attestantur: Creaturæ Dei in odium factæ sunt, & in tentationem animabus hominum, & in musculam pedibus insipientium. *a* Cogita, quæso, quisquis es, non istud tantum; hoc mihi suave, hoc jucundum, hoc volupe, hoc corpori gratissimum est: sed unà etiam cogita, hoc grande animi malum, tentationis fomes, dulce toxicum est, inescat ut occidat.

Sapiens ille, quem dixi, a Stoâ philosophus: Singulis in rebus, inquit, quæ vel delectant vel usui serviunt, vel diliguntur, memento considerare, cujusmodi sint, exorsus à minutissimis. Si ollam diligis, te ollam diligere: nam eâ confractâ non perturbaberis. Si filiolum aut uxorem; hominem à te diligere: nam eo mortuo non perturbaberis. *b* Consilium saluberrimum. Ita prorsus, si ceream icunculam, si crystallinum vitium, si scutellam porcellanam *c* ames, memento hunc amorem

a Sap. c. 14. v. 11. S 5. tuum

b Epict. in Enc. c. 3. m. p. 17.

c De porcellanis Guido Pancirollus tom. 2. Memorabilem, tit. 2. mihi pag. 141.

tuum ictu, allisu, lapsuque unico confringi; ita vestem furto subduci, habitationem & domum charam incendio consumi, hominum charissimos tam facile mori, quàm vitrum frangi posse. Hoc igitur cogitatione tibi mer depinge: Illud quod delectat, quod diligo, duas habet ansas, una bonum corporis, altera malum animi monstrat; priorem ansam cave tangas: urit, tange alteram, quæ pericula & tentationes prodit. Eò Siracides monet: Communionem mortis scito: quoniam in medio laqueorum ingredieris. Ideo cùm tibi spes lucelli affulserit, præcipitantem manum contine, tentatio est, laqueus est. Voluptas blandiens invitat; subfringe cupiditatem; meræ fraudes & insidiæ sunt. Arridens honor ti illat? cautissimus incede, & muscipulam cave.

Ignorantia horum multa millia hominum miserrimè seducit, qui tentationis escam ab unâ solùm parte aspicientes: Hoc lucrosum est, ajunt, hoc jucundum, hoc honorificum: mox igitur illud obviis ulnis acceptemus. Ratiocinatio pessima. Rem ab altera etiam parte considera, & tentatoris dolum tentationisque periculum manifestè deprehendes: si inescari te pateris, jam vorasti hamum, non amplius tuus es, jam captus es.

a *Ecclesi. c. 9. v. 20.*

§. II.

Pharmacopolæ ita inaurant catapotia, a
ut

a *Pilulas.*

ut iis conspectis dicas: En aureolos pulchellos globulos, quis illos non avidè glutiat? Sume igitur, & dentibus commole ac gluti, experieris illorum dulcedinem, brevique senties, quantum molestiarum & tumultûs in ventre moveant. Ita diabolus inaurat ea, quæ doctis dictis consuadere cupit. Ita venenatam escam sed voluptatis saccharo sparsam alloquiis blandissimis prosequitur. *a* Ita Samuelis filios muneribus inescavit, quod Regum fasti testantur: Declinaverunt post avaritiam, acceperuntque munera, & perverterunt iudicium. *b* En catapotia inaurata, quæ senis optimi duobus filiis attulerunt mortem. Nam illi præverterunt iudicium donariis corrupti.

Rex sapiens & sanctus David, qui prudentia & sanctimonia reges omnes antecelluit, suos tamen liberos non optime educavit. Illustre hujus specimen Amnon juvenis tentatione carnis turpissime inflammatus oculos adjecit ad sororem suam Thamarem. Hem, quàm insolens tentatio! Ad explendas cupiditates nequissimas nactus est palatinum famulum valde opportunum, Jonadabum hominem ex asse nebulonem: qui non tantum non dissuasit facinus, sed ejus exsequendi modum docuit. O regie sanguis, ô Juvenis inconsideratissime, hæc catapotia sunt inaurata, brevè senties amarorem, & quidem letiferum. Ita prorsus evenit: nam

patrato

a Er schwängte einen ein.

b 1 Reg. c. 8. v. 3.

patrato jam flagitio eam ipsam sororem suam Thamarem, quod regis factis credimus, Exosam habuit odio magno nimis, ita ut majus esset odium, quo oderat eam, amore quo ante dilexerat. *a* O pilulas nimium amaras! Ipse Amnon ob scelus istud in mensa fratris Absalonis jam temulentus est confossus. O bolos nimium acerbos! Videte quid effrenata possint libidines; En seriem malorum tristissimam, tentationibus obsequi. Si Amnon credidisset esse tentationem, cavisset.

Adonias æquè Davidis filius, Amnonis frater germanus, sacrificium & à sacrificio convivium instituit opulentissimum, ad quod omnes fratres suos, & belli duces invitavit, Salomonem solum prateriit, idque suasu & impulsu tentationis pessimæ. O Adonia, ô nimium ambitose juvenis, hanc, obsecro, ambitiosissimam temeritatem cohibe, quidquid enim speciosi nominis prætuleris culpæ, acerbato fato audaciam hanc lues; cataportia sunt inaurata, ne te fallant, brevè ea senties amarissima. Nihilominus quod cœpit, audere perseveravit. Dissimulata res est ad id temporis, miniatula tamen facinori oppressa *b* est. Sed Adonias insuper, cùm minor natu frater Salomon jam ad clavum sederet rex, in conjugem petivit formosissimam puellam Abitag, quæ patri David ministraverat. Tentatio speciosa, sed multò pessima, sub

a 2 Reg. c. 13. v. 15.

b Man hats in ein rothes Wäp-
lein getrueckt.

Adonias auro letalis latuit amator. Iniquum
Adonias visum est, sic secum agi. Ego,
lebat, natu grandior fratrem minorem
eadeam regali folio residentem, ita mihi
Sceptrum & sceptrum è manibus rapiantur?
Hoc igitur conjugium, quod destinatum,
successum habeat, velint nolint superi.
De reliquis deinceps videbimus. Ne istud
casus, o nimium projecte juvenis, ad au-
dendum. Hoc pharmacum auro vestitum
est; actum de vita, si glutieris insidiosum
hoc aurum. Hoc profecto Salomoni ex-
actissime suboluit, ideo Bethsabeæ matri di-
xit: Quare postulas Abisag Sunamitidem
Adonias? postula ei & regnum. *a* Hodie
occidetur Adonias. Eoque die occisus est.

Sic Absalon ejusdem parentis filius, ju-
venis vaser & nequam, ambitione plenus,
non adeo vesana consilia videbatur co-
gere, sed ea propius inspecta, superbissi-
ma tentationis erant machinamenta. Sic
argumentabatur Absalon: Pater meus rex
modum prudens & magni consilii est:
sed consilium non perinde consequuntur
facta; prospicienter decernit, sed decreta
non exsequitur, aut lentissime: Ego si re-
tam potiar, longè aliter Reipublicæ me
impendam; probe statuta serio molimine
prosequar, ut nemini non consultum sit.
En Pharmacum & vere venenum, sed auro
vestitum. Abstine, quisquis es, abstine his
calibus catapotis; mors iis sese decentissi-
mè abscondit. Absalon suismet consiliis
perititus, demum miserabile ac vivum fu-
nus

nus, cæli terræque odium, pendit in quercu, suis capillis velut laqueis innexus, & tribus Joabi lanceis confossus, spiritum extremum infelici arbori suspendiarius infelicissimus impendit. Sua ipse consilia horruisset Absalon, si ea diaboli tentatoris credidisset esse merissima vaframenta. Ita tentationibus plena sunt omnia. Scito igitur, quia in medio laqueorum ingrederis. Optime dixit Bernardus: Minus semper malitia palam nocuit; nec unquam bonus, nisi boni simulatione deceptus est. a

a Bern, *serm. 66. in Cant. initio. mihi pag. 993.*

§. III.

Noluit Christus in panes mutare saxa, noluit è fastigio templi se dimittere, oblata regna Mundi noluit admittere; scivit non suæ fami, nec honori suo id suaderi, tentationem aureis scripturæ dictis velatam, paribus effatis repulit. Ita nos erudit, omnia in utramque partem libranda, utramque rerum ansam examinandam, sed unam demumprehendendam. Una rei ansa est: Hoc auctoritatem conciliat, hoc crumenam auget, hoc mihi voluptatem creat. Hæc ansa prima est pessima, plane non tangenda. Altera est: Attende tibi, mera hic latet tentatio, nisi pedem figas cautissimum, capieris: Creaturæ Dei factæ sunt in odium & in tentationem animabus hominum. Quisquis ea, quæ alligant, ab utraque hac parte inspicit, hunc tentator non facile decipit nisi volentem.

Subin-

Subinde herus aut hera studio strophiorum, aut chirothecas, aut pecuniæ aliquid neglectim spargunt, ut isto experimenti genere discant, quàm fideles in sua domo famulos aut famulas alant. Hamus est esca tectus; experimentum & tentatio est, non fortuna, bona invenire talia. Si ancilla aut servus vel leviter sapiat, dicet: tam fatuus non sum, ut ad ista meas ego manus comburam. Hic cerno muscipulam; non ingredior, quicquid hoc lintei vel auri sit, non clepo. Ad experiendam indem meam hæc sparsa sunt. Non tango insidiosam hanc picem. Sed hero potius aut heræ actutum id indico. Ita mediastinus vel focaria cavet, & à furto sibi temperat, quia tentationem esse non ignorat. At verò servus vecors & stultus, si pecuniæ sit avidus, ubi ubi invenerit propitiam fortunam, rapit; ita strophium, aut nammos, aut vinum inventum mox abicit, sed ita se furem prodit. His enim vigiliis deprehenditur, quàm homo nullus fidei, & promptæ furacitatis sit. Hinc si nihil nisi probè clausum & obseratum committitur, quia pessimum dedit specimen in tentamento.

Hoc ipsum nos omnes ac singuli assidue cogitemus: Cave tibi; tentaris. Attende, medius laqueorum ingrederis; Attende, Ubique & in rebus pæne omnibus tentationes gliscunt. Exemplis vicinissimis rem monstramus.

Accumbimus mensam, appetentia & vires stimulant, cibus sapiant, palato potus
&

& insigniter respondēt, humanissimæ ad edendum hortatiunculæ accedunt. En blanda quidem sed potentissima tentatio. Quàm pronum hîc Temperantiæ metas transilire. Attende igitur, & cave; alioquî certò vincêris, & comedendo ac bibendo transilies metam. Ita cùm pecuniâs quotidie tractemus, præsentissima semper est tentatio ad pecuniæ amorem inoblevabili trahens fallacia. Et quoties nos ac nostra laudantur? Mera est tentatio, quæ hominem sui amore ac pretio tectissimè fallit. Scito igitur communionem mortis, scito plurimum amaroris teterissimi his inauratis globulis tegi, scito tentationum laqueos nusquam non oppanfos. Tu igitur tentationum origines explora, & facile invenies, quod à carne oritur, in carnem desinere; quod à superbiâ incipit, in superbiam finire; invidiæ semen in invidiam excrescere; ambitionis lolium in ambitionem stirpem surgere; avaritiæ vepres in avaritiam propagari: quale ovum, talis & pullus, quale semen, talis & seges. Quævis autem tentatio tantò periculosior, quantò ignotior. Diabolus enim non tantum se transfigurat in Angelum lucis, a sed in ipsam meridianam lucem. At Deus protector suos à sagitta volante in die, à negotio perambulante in tenebris, abincursu & dæmonio meridiano liberat. *b* Meridianus dæmon est, qui mollissimo accessu subdubitantem animat ad frontem

perfr-

a 2 Cor. c. II. v. 14.

b Psal. 90. v. 6.

perfricandum : Quid hares, aut quid metuis? viâ rectâ graderis, nec malis rationibus niteris; audacter perge. Non est, quod formides; feliciter succedent omnia. En meridianum ex orco Angelum. Sunt fures holoserici splendide vestiti, quos nihil minus est, suspiceris, quàm exercitatos è Mercurii ^{et} illa diatarios, ^{et} donec crumena secta deprehendatur in manu furtiva. His personatis furibus simillimus dæmon, Angeli splendores induit, familiarissime accedit, omnem mentitur humanitatem, suadet, ratiocinatur, docet, instruit, ut quàm occultissime decipiat. Cave hunc suasorem, fuge palliatum hunc philosophum, diatarius est, fur est. Fur autem iste non venit, nisi ut furetur, & mactet, & perdat. ^b Hic primum & optimum est seipsum identidem commonere : Attende tibi; illud est tentatio, & hæc ejus origo.

Bernardus primam omnium tentationem oculis subjiciens : Quid putamus, inquit, quam plurimi usque hodie factum illud graviter dijudicant, & tamen insipienter imitantur. Indignantur adversus Adam, quod obedierit voci uxoris suæ plus quàm Dei : & ipsi quotidie Evam suam : carnem videlicet audiunt plus quàm Deum. Fratres, si modò præsentem videremus Adam in eo articulo positum : ascendentibus cogitationibus in

T

cor

^a Haimbliche Dieb / die in ein Zimmer gehen / als suchten sie etwas. ^b Joan. c. 10. v. 10.

cor ejus, coarctari inter precem uxoris, & præceptum Creatoris: nonne clamaremus adversus illum, dicentes: Cavetibi miser: vide ne feceris, seducta est mulier, non acquiescas ei. Ut quid ergo, quoties apprehendit nos tentatio similis, non persuademus similiter nobis ipsis?

Quando igitur vel levioris ^{nisi} species, & vel sola peccati umbra se prodit, quisque sibi ipse dicat: Eho pharmacopola venit cum inauratis catapotiiis; fur holosericus, daemon meridianus inserpit ad tentandum: Attende, ac tentationis originem explora. Labori ne parce; modis omnibus resiste. Virtus vera nunquam est otiosa.

a Bern. tom. 1. festo die Sanctorum omnium. serm. 1. mihi pag. 370.

CAPUT VII.

Septimus resistendi modus.

TENTATIONUM ILLECEBRAS VITARE.

IOabus Absalonem in quercu hærentem conto triplici confodit; diabolus plurimos robustâ sed tectâ triplici tentatione adoritur. Prima est sui nominis & famæ defensio. Qui sibi nequam est, ait tentator, cui alii bonus erit? a Qui suam ipse famam negligit, in seipsum tyrannus est. Hæc tamen nominis sui tentatio, nisi moderata sit & prudens, in mala non leviter impellit. Hinc enim ira, fastus, impatien-

tia,

a Eccli. c. 14. v. 6.

tia, animique nascitur perturbatio. Hinc remedia quærentur ad tuendam famam non legitima, nimis acerba. Hinc simulatè multa fiunt & fictè, modò mereamur os populi, & apud omnes bene audiamus. Hinc omnia aliorum dicta & judicia sæpe non ex vano hausta creduntur temeraria: Quis enim omnibus satisfaciat, ajunt, vitæ rationes exponere parati sumus, famamque nostram & ore & manu propugnare.

Altera priori est opposita. Sunt enim qui nihil penitus curent, quidquid de se dicatur. Offensioni sunt, nec adeò pudicè ac sanctè vivunt. Hinc sermones non optimi. Illi tamen inaniter semet solantes: Sinamus, ajunt, homines loqui cum anseres id nesciant. Rudissimæ plebis proprium est, aliis obrectare. Quid enim hos malevolorum fermunculos a moremur? Hoc nobis utile, hoc commodum, hoc volupe est; jam alii dicant, quod volunt. En & illi & isti ad extrema vergunt, illi nimium, hi nihil curant; nimirum medio gradi difficile. Quivis igitur suas actiones probe inspiciat. Si malæ sint, tantò magis culpandæ, quantò magis publicæ. Si bonæ sint, considerandum an aliter loquentes, ex ignorantia, simplicitate, nequitia id faciant, quod in aliis vix unquam satis emendabitur.

Tertium Tentamentum est prædestinatio, seu, divina ad æternam vitam electio. Hac tentatione non facile intrica-

T 2

tur,

a Gassenreden.

tur, quisquis rationes suas bene composuerit cum Deo, sic enim de se sentit: Ego vasculum è luto sum: quidquid meo figulo placuerit, quidquid ipse de me statuerit, id mihi placebit, sive alto me locare, aut humi affligere me voluerit: in ipsius manu sum testa samia. Et quando hactenus tam copiosis tamque eximiis à Deo beneficiis ornatus sum, non possum nisi optima quæque ab illo expectare: operi manuum suarum porriget dexteram. Scio, quòd Deus immensæ miserationis pater eos omnes, qui seriò suam ad ipsius voluntatem conformare, itaque ad ipsius arbitrium & vivere & mori cupiunt, non velit, non possit æternæ morti addicere: Atqui ego unice hoc cupio meam omnem divinæ voluntati subjungere. Intellexisti, diabole, hunc syllogismum? nunc porro gradum refer, & cum tuis sycophantiis discede, Prædestinationis arcanum ego non scrutor. Quid, oro, satanas adversus hunc talem potest? Præsertim si accedat, quod jam explicaturi sumus; *Tentationum illecebras vita.* Qui septimus resistendi modus est, de quo nunc plura.

§. I.

Parietes ligneos hortis sepiendis, parietes lateritios domibus claudendis sæpius & ubique videre licet, parietes ferreos & chalybeos thesauro custodiendo forsàn nunquam vidimus: de hoc tamen Venufinus canit:

Hic

— *Hic murus aheneus esto.*

Nil conscire sibi, nullâ pallefcere culpâ.

Ter si resurgat murus aheneus. a

Vere triplex, aheneus, adamantinus est murus adversus tentationes, & omnia eorum irritamenta, *Nunquam otiosi.* Bona conscientia sane robustissima, non tamen à tentationibus secura est: at verò semper esse occupatum, à laboribus honestis nunquam feriari, triplex aheneus, ter resurgens murus est. Priscorum Patrum nostra est parcœmia Occupatus ab uno diabolo, otiosus à nullo vellicatur, trahitur, tentatur Qui non laborat, sine muro est, diabolorum ludibriis expositus.

Putem ego, si Antistes, si Decanus, si Rector, si Guardianus in suo quisque cœnobio aut collegio rem bene geri velit, hoc modis omnibus agendum illis, ut sui omnes semper sint occupati, nec unquam vel horulæ parte otientur. Si istud impleverint, in ceteris omnibus religiosa disciplina non agere sancietur. Ubi feriæ & cessatio, ubi desidîa & iners otium, ibi claudicant illa omnia, labat disciplina, languent studia, silentium exulat, perstrepunt colloquia, vigent symposia, somnus imperat, diabolus triumphat, fere nusquam res bene geritur, cùm nihil agitur. Sanctus Ignatius Lojola, legem quadragesimam quartam hanc scripsit: Omnes, quamdiu corpore bene valent, in spiritualibus vel exterioribus rebus habeant, in

T 3

quo
a Horatius l. i. epist. ep. I. ad Mæcenatem & l. 3. Odarum odâ 3.

quo occupentur, ne otium malorum omnium origo, quoad ejus fieri possit, domi nostræ locum habeat. *a* Quemadmodum homo contagiosus peste infectus, ulceribus, chironiis ac pestiferis plenus, in nullum domus angulum admittitur, ne lues propagetur; ita otium pestis ipsissima, contagio foedissima nullo ædium hypo-causto, non conclavi, nullo cubiculo, non culina, non stabulo, non ambulacro ullo recipiatur; nihil loci reperiat; ex omnibus undique angulis eliminatum & proscriptum sit; nusquam unquam totâ domo inveniatur ullus, qui sibi permissum putet ex toto feriari. A primo diei exordio ad usque postremam clausulam *b* labor continuus omnes occupet. Sed nunquid semel iterumque de die licebit respirare? Ita, licebit; sed hæc ipsa respiratio non penitus sit otiosa, suas & illa tam loquendi quàm agendi leges habeat. Otium, origo, seminarium, lerna malorum omnium. Otium vita, & multa simul jugulasti.

Sed quid ego de Antistitibus, Decanis, Guardianis, Rectoribus hîc dicam. Deus ipse summe sollicitus est, & pæne hoc unum fatagit, ut nos amantes otii mortales variis laboribus distineat, ne certatim defluamus ad vitia. Hinc multa millia hominum egestate premit, ut ad labores adigat. vis esse? labora. Quod si tot egenorum millibus in parato esset victus & vestitus,

a Reg. Summarii 44.

b Ab horâ quartâ matutinâ ad noctis nonam.

stitus, laborem & opus fugerent, libidines sectarentur. Ideo & divitibus ac opulentiis suos Deus ingerit labores. Variæ illos exercent lites, non rarò turbulenta fatigant negotia, rationes rei familiaris & sumptuum inspiciendæ, æs otiosum, nummi vacui exercendi, *a* pecunia fenori locanda, villæ suburbanæ & prædia lustranda, domestici gubernandi, liberi operosè curandi. Quia tamen labores isti opulentiorum sæpe non sunt catenati, nec enim in pistrino assidue molunt; ideo has ipsas à labore cessationes & inducias diversis Deus occupat ærumnis. At pauperes, quia ferè semper in opere sunt, plerumque tam permolestis miseriis non urgentur. Malum eorum maximum paupertas, quam illi tamen ut rem necessariam jamque insuper assuetam non adeò acerbè sentiunt, ut divites ad egestatem devoluti. Ita Deus omnia molitur, ut palam & ligonem manibus nostris inferat, nosque adigat ad fodiendum. Velimus, nolumus, fodiendum est. Ad laborem nascimur, perinde ut avis ad volatum. *b* In sudore vultus nostri vescimur pane nostro, *c* nec enim aliter possumus. Quisquis oblectatur, & illud pigri curatoris excusat: Fodere non valeo. Perinde loquitur, ac si dicat: Vincere non valeo. Nam observemus sedulò, an non plerumque verum sit: Ideo tentatus, quia non occupatus. Millè

T 4

dia-

a Das Geldt anlegen.

b Job. c. 5. v. 7.

c Gen. c. 3. v. 19.

diaboli otiosum vellicant, trahunt, excitant, & ad prava stimulant; laboriosum unicus, & velut jam exarmatus. Hinc cum Hieronymo præcipiebant præsci. Nunquam non occupatum diabolus te inveniat.

Ita Dei, liceat sic loqui, primaria est cura, nos ad opus ducere, & semper tenere occupatos. Ubi sedulus quis est magnæque operæ, ac laborem perpetuat, ibi Deus quasi sine curâ est.

§. II.

Degebat in sacra Parthenone Euphrasia ^a maxima sed occultæ sanctitatis Virgo. Hanc diabolus, quia omnium erat denimississima, extremè oderat, & modis omnibus, quibus licuit, dies noctesque infestabat. Die quadam Euphrasia, dum hauriret aquam, præceps in puteum delapsa est, sed casu innoxio: nam fune situla prehenso suppetias inclamavit. Ad clamantis vocem accurrerunt ceteræ, & extraxerunt occulta vi dejectam. Illa verò jam extra puteum familiariter subridens: Vivit Christus meus, ait, quia non me vinces diabolè, neque cedo tibi. Hactenus unam tantum modò hydriam culinæ detulit: verùm ex isto die laborem duplicabo, & posthac deferam duas. Quod dixit, fecit. ^b Oleum & operam perdit diabolus ubi labor non tantùm non minuitur, sed augetur.

^a Alii, Euphraxia.

^b Vita S. Euphrasie, c. 21. apud Rosin.
l. 1. pag. 356.

augetur. Labores multi tentationes paucæ. Beatus, quem ipse labor, velut importunus creditor locis omnibus compellat: Heus tu, quando absolves pensum? Nomina exacturus adsum. Hic pro se quisque dixerit: Non cedo tibi, diabole; non vinces me. Si hactenus labori horam unam impendi, imposterum impendam duas. Ita faciam; ita me superi juvent. Sicut autem otium, ita omnes tentationum illecebræ sunt fugiendæ. Quemadmodum verò vitiorum, sic & illecebrarum ad illa discrimen est. Sunt vitia, quæ amarorem & nauseam propinant, hæc conflictu superanda. Sunt alia, quæ voluptatem, & nescio, quid mellis atque sacchari lambendum oggerunt: hæc fugâ sunt vincenda; procul abesse, optimum hinc remedium.

Carthaginensium bellicus Imperator Hannibal, vir magni animi, singularis solertia, manu & consilio fortis ac bellicosus Romanas vires non unâ fregit victoriâ. Fuit, cùm Roma tota tremere, tanquam ad portas jam esset Hannibal. *a* Sed demum dux iste bellicosissimus miserè seipsum exarmavit & perdidit. Quod Annæus ingemiscens: Una, inquit, Hannibalem hiberna solverunt, & indomitum illum nivibus atque alpibus virum enervarunt fomenta Campaniæ. Armis vicit, vitiis victus est. Nobis quoque militandum est, & quidem genere militiæ, quo nunquam quies, nunquam otium datur. De-

T 5

bellandæ

a Post Trebianam, Thrasumenam, & maxime post Cannensem Romanorum cladem.

bellandæ sunt imprimis voluptates, quæ, ut vides, sæva quoque ad te ingenia rapuerunt. Si quis sibi propoluerit, quantum operis aggressus sit, sciet nihil delicti, nihil molliter esse faciendum. Id agere debemus, ut irritamenta viriorum quam longissimè profugiamus. Indurandus est animus, & à blandimentis voluptatum quam longissimè abstrahendus. *a*

Hebræus psalter canit: Rex virtutum dilecti, dilecti. *b* Chaldaus interpres cum Hieronymo: Reges exercituum, inquit, fortissimi ac potentissimi cedent ac subduntur ditioni ejus, qui est dilectissimus Deo. Sunt, qui legendum censeant. *c* Reges exercituum fugerunt, fugerunt, hoc est robustissimi & ab omni virtute instructissimi valde fugerunt vel minimas tentationum illecebras. Rex iste David ejus rei specimen præbens: Deus, qui præcinxit me virtute, inquit, qui docet manus meas ad prælium. Et posuisti ut arcum æreum brachia mea. Videte regem David pectore leonino ferreum, adamantinum virum. Nihilominus adjungit: Qui perfecit pedes meos tanquam cervorum. *d* Quorsum, obsecro, vires tam inaudita? videntur frustra concessæ. Et quorsum ferrata brachia? Si pedum celeritas pare-

a Seneca epist. 51. initio mihi p. 468.

b Psal. 67. v. 13.

c Hebræa hic mysteria non excutimus. Inter alios videri potest Jacobus Tirinus in hunc locum.

d Psal. 17. v. 33. 34. 35.

ad fugam. Ridiculum prorsus est dicere: Robustissimus, ferreus, animosissimus sum, armisque munitissimus; fateri tamen: sed cervorum timidos & fugaces habeo pedes. Hæc vera est fortitudo, Christiani, hæc vires regia. Nam quædam vitiorum aggressu magnanimo & conflictu sunt vincenda. Hic manus ad prælium dantur, hic ærea brachia sunt opportunissima. Sed & alia sunt vitia viscosa, piceata, voluptatem, libidines, gulam ingerentia; huc cervini pedes conferunt quàm maximè. Fuge igitur, dilecte mi, fuge, fuge non vivam duntaxat, sed & mortuum, sic loquar, diabolum. *a* Id certè simulat subinde, ut putari possit mortuus. Exemplis dicta firmamus.

a Verbum vetus: Er sieht auß wie der lebendige Teuffel.

§. III.

Est qui diversi loci genium ita calleat, ut possit dicere: Hic plerumque aliis detrahitur, & maledicatur, hic litigatur, hic luditur, hic potatur, hic amores & colloquia pessima seruntur, hic chori agitantur, hic lascivi mores exercentur, hic nihil boni fit. Fuge hinc igitur dilecte mi, fuge has charybdes & scyllas, fuge loca naufragiis tam infamia, fuge societates & amicitias tuam periculosas, tam noxias. Castissimus Joseph Ægypti Prorex cor habuit leoninum, sed cervinos pedes, libidinis illecebras fugit. Ambrosius hoc fugæ genus modis omnibus consuadens: Perfe-

Persequuntur nos, inquit, peccatorum illecebræ, persequitur libido. Sed tu fuge, tanquam furiosam dominam, quæ si comprehenderit, nec die, nec nocte requiescere finit, exagitat, incendit, urit. Jacob fortior in Labano tentatore, quàm in Esau persecutore fugiendo fuit. Fugit Elias sæcularem illecebram, & conversionis maculosæ contagionem, & impiæ ac prævaricatoris nationis sacrilegia. Eugiamus, sicut Loth Sodomitana crimina ampliùs quàm supplicia formidans. Nam monitus ab Angelis de futuro incendio cunctabatur. *a* Magis enim pius certa scelerum fugit contagia, qui Sodomitanis domum clausit, nec cohabitans, nec cogitans eos, quorum flagitia nesciebat, & opprobria averfabatur, nec fugiens respexit eos, quorum conversationes non desiderabat. Gloriosa hæc fuga est, fugere à facie peccati. *b*

Hieronymus de suspecto contubernio vitando differens: Quid tibi, ait, necesse habes quotidie aut perire, aut vincere? Quis unquam juxta viperam securos somnos caruit? securius est perire non posse, quàm juxta periculum non periisse. *c* Origenes Apostoli monitum illud, *Fugite fornicationem*, exponens: Ista fuga, inquit, virtutis est, ista fuga beatitudinem confert.

a Gen. c. 19. v. 16.

b Ambros. tom. 1. l. de Fugâ sæculi, c. 4. mihi pag. 226. Idem eodem l. c. 6. pag. 234. & c. 9. pag. 239.

c Hieron. epist. 47.

a Ideoque cum psalte regio precamur:
 us refugium nostrum & virtus. b Virtus
 stantibus & pugnantibus; refugium
 gentibus. Hæc Hieronymus, quem
 i, commonitione saluberrimâ confir-
 ans: Si quis existimat, inquit, posse se
 ferari in deliciis, & deliciarum vitiis non
 meri, seipsum decipit Rex Solymorum
 David asylum securissimum non igno-
 ans: Factus es, ait, spes mea, turris
 fortitudinis à facie inimici. c Augustinus
 Dominum IESUM patientem ac
 morientem velut in securissimam turrim
 stinans: Hic est turris fortitudinis, ait,
 cum fugero, non solum vitabo tela
 inimici, sed etiam in illum, quæ voluero
 iacurus ipse jaculabor. Ipse enim Christus
 turris: ipse nobis factus est turris à fa-
 cie inimici, qui est & petra, super quam
 edificata est Ecclesia. Cave, ne feriaris à
 diabolo: fuge ad turrim Nunquam te ad
 talem turrim diabolica jacula secutura
 erant: ibi stabis munitus & fixus. Quomo-
 do autem fugies ad turrim? Ne forte quis-
 que in tentatione positus corporaliter qua-
 rat turrim istam: & cum eam non inve-
 nerit, fatigetur ac deficiat in tentatione.
 Ante te est turris: recordare Christum,
 & intra in turrim. Quomodo recordaris
 Christum, ut intres in turrim? Quid-
 quid pateris, cogita, quia prior passus est,
 & cogita, quo fine passus est, ut more-
 retur, & resurgeret. Talem & tu finem
 spera,

a Orig. hom. 8. in ep. I Cor. c. 6.

b Psal. 45. v. 2. c Psal. 60. v. 4.

spera, qualis in illo præcessit, & intraſti in
turrin non conſentiendo inimico. Si
enim conſenſeris inimico, tunc ad te per-
venit oppugnantis jaculum inimici. Tu
potius in illum jaculare tela, quibus ſeria-
tur, quibus vincatur. Quæ ſunt iſta tela?
Verba Dei, fides tua, ſpes ipſa, tua bona ope-
ra. Non dico, ſic eſto in iſta turri, ut vaces
ibi, & ſufficiat tibi, ad te hoſtis Tela,
quòd non perveniant: age tibi aliquid,
non ceſſent manus. Opera bona tua gladii
ſunt interficientes inimicum. *a* Quiſquis
igitur tentationes cupis vincere, tentatio-
num illecebras diſce fugere. Apertum eſt
aſylum, in turrin quam monſtravi evo-
la. Hic vinces fugiendo.

*a Aug. tom. 8. in Pſal. 60. mihi
p. 249. col. 2. fine.*

CAPUT VIII.

Octavus & Nonus reſiſtendi modus.

CORPUS CASTIGARE, CARNEM
JEJUNIIS EDMOMARE.

H Umanam vitam eſſe tentationem &
militiam initio libri è Jobo diximus.
Hic omnium ſapientum ſenſus eſt. Epi-
ctetus, ſapiens reverà monitor. Militia,
eſt, inquit, cujuſque vita, eaque longa
& varia. *a*

Ergo cui vivendum, ei & militandum
eſt. Quæ militi non ignavo præcipuè ſint
agenda

*a Στρατεία τις ἐστὶν ὁ βίος ἐν πόλει, καὶ
αὐτὴ μακρὰ καὶ πικρὰ. Epiſtetus lib. 3.
diſſert. c. 24. mihi pag. 335.*

agenda superioribus dissertationibus explicatum. Præceptiones ista sunt. 1. Vigila. 2. Principiis obsta. 3. Ora. 4. Resiste ac Repugna. 5. Fiduciam omnem in Deo colloca. 6. Tentationum origines explora. 7. Tentationum illecebras evita. Hic addimus octavam & nonam præceptionem: Corpus castiga; Carnem jejuniis edoma.

§. I.

Corpus non molliter habendum, pro mancipio tractandum, severius subinde castigandum, jejuniis frenandum, docuimus libro singulari, quem de jejunio dedimus. Hic ergo dictorum memoriam solum refricamus.

Misnensis Ecclesiastes Meffreth de triplici tentatione pro suggestu differens: Mali hospites in sinu sunt, inquit, mus, vipera, & ignis, nam malam pro hospitio relinquunt symbolam. ^a Mus avaritiæ, vipera luxuriæ, ignis superbiæ ac vindictæ tentationem adumbrat. Excute hos hospites malos, quisquis es, sed scias non excutiendos tam facile, vi opus. Variis rigoribus exercendum corpus, nec indulgenter unquam habendum, alioqui certò insolescit & abrumpit frenos. Beatissimus Paulus, Gentium Apostolus, Orbis Magister & Doctor, è cælo vocatus, in tertium cælum evectus, divino spiritu plenus, omnivirtute ornatissimus, exemplat & idea sanctimonix, nihilominus fate-

tur

^a Meffreth. *serm. 4. post Dom. Remissionis, litt. F. mihi pag. 247.*

tur ipse de seipso: Et ne, inquit, magnitudo revelationum extollat me, datus est mihi stimulus carnis meæ, angelus satanæ, qui me colaphizet. *a* Perinde si dicat? Hic vexator meus, non perfunctorie, nec planâ manu me cædit, ut mater solet infantulum, sed pugnâ in me grassatur, & atrociter me verberat. Quid hic opis, optime Paule, quid remedii? Sciendum ante omnia, quod & assidue cogitandum, hanc vitam esse tentationem, militiam, velitationem, luctum, pugnam, conflictum, prælium: Ego igitur sic curro non quasi in incertum, sic pugno non quasi aërem verberans, sed castigo corpus meum, & in servitutem redigo. *b* Si vir iste sanctissimus sui defendendi causâ his armis usus, cur nos ea rejiciamus, qui illis egemus quàm maximè? Tentationibus resistere est pugnare cum animo suo, & palæstricis vacare, quod sanè nec amœnum est, nec suave: nam ictus, plagæ, collisus, verbera, impulsus, vulnera sunt excipienda: sine his Palæstra non fervet. Nec est, quod palæstrita miretur, aut indignetur, si ex arenâ gladiatoriam cruentum caput referat pro laureâ. Hæc certè sacra aliter non constant. Hodie illi, cras alteri; *c* & forsan brevi acceptam plagam cum fenore repperdet. Cum diabolo configere, tentationes vincere, cordatum hominem desiderat,

a 2 Cor. c. 12. v. 7.

b 1 Cor. c. 9. v. 26. *sine.*

c Heut schirist du mir / morgen schir ich dir.

derat, qui neutiquam parcat corpori. Hanc ob causam Paulus: Induite vos, inquit, armaturam Dei, ut possitis stare adversus insidias diaboli. *a* Hic adversarius est callidissimus, tamque potens, quàm vigilans; oculorum plenus, imò merus oculus. Propterea accipite armaturam Dei, ut possitis resistere. State ergo succincti lumbos. *b* Quod & Christus præcipit. Sint lumbi vestri præcincti. *c* Equitatio ea est miserrima, si equicingulum fluens sit & laxum, si ephippium malè hærens & solutum: ita humanum corpus indolis beluinae ac brutum, nisi arctius stringatur, in libidines & pessimas appetentias effervesceat. Res certa. Stringe igitur lascivum pecus, castiga, & in servitutem redige. Da corpori, quod sufficit, non quod petit. Turpissima servitus, suo servire corpori. Ergo jejuniis carnem edoma. Inter omnes castigationes carnis nec antiquior, nec melior, nec probatior, quàm Cilicium & Jejunium. Ab Orbis incunabulis hæc approbavit usus. Josephum lugens Jacob indutus est cilicio. *d* Cùm regi David molesti essent hostes, induebatur Cilicio, humiliabat in jejunio animam suam *e* Ponebat vestimentum suum cilicium. *f* Populante Samariam fame Rex Israël Achab

a Ephes. c. 6. v. 11.

b Ephes. c. 6. v. 13.

c Luc. c. 12. v. 35.

d Gen. c. 37. v. 34.

e Psal. 34. v. 13.

f Psal. 68. v. 12.

chab cilicio vestitus per murum transiit, cumque audisset à matribus in cibum occidi filios & lixari, scidit vestimenta sua. Viditque omnis populus cilicium, quo vestitus erat ad carnem intrinsecus. *a* Juditha in secreto cubiculo suo cum puellis suis clausa morabatur: & habens super lumbos suos cilicium jejunabat omnibus diebus vitæ suæ. *b* Mardocheus audiens Judæos omnes jam macello destinatos scidit vestimenta sua, & indutus est sacco, spargens cinerem capiti. *c* Dux Mathathias & filii ejus operuerunt se ciliciis, & plangerunt valde. *d* Frequenter toti populo imperatum ciliciis uterentur: super hoc accingite vos ciliciis, plangite & ululate, quia non est averfa ira furoris Domini à vobis. *e* Super omne dorsum cilicium. *f* Cilicium, usitatum poenitentiae signum, tranquillum corporis supplicium. Cilicia Reges, Reginae, Imperatores veste Attalicâ sapius tegebant.

Verum in edomandâ carne nihil opportunius, præstantius nihil jejunio. Jejunium sanè optimum, probatissimum, utilissimum, saluberrimum, summè necessarium, laudatissimum, Deo acceptissimum sacrificium, expedientissimum homini remedium, Christi omniumque ejus sectatorum exemplis conformissimum.

I. Ajo.

a 4. Reg. c. 5. v. 30.

b Judith. c. 8. v. 6.

c Esther c. 4. v. 1.

d I Mach. c. 2. v. 14.

e Hierem. c. 4. v. 8. *f* Hier. c. 48. v. 31.

§. II.

1. Ajo. Jejunium esse præstantissimum ac probatissimum malis maximis perta-
 mandis remedium, quod totis bibliis im-
 pensissime commendatur, frequentissi-
 me præcipitur. Jejunium laudant Ange-
 li. Aliger è cælo tabellarius: Bona est,
 inquit, oratio cum jejunio & eleemoly-
 nâ.^a Prophetæ ac reges jejunium non lau-
 darunt tantum, sed & ipsi jejunarunt. Disci-
 puli JESU esurientes coeperunt vellere
 spicas & manducare.^b Sed multò magis
 ablato jam Domino jejunarunt & esurie-
 runt. Tam Græci, quàm Latini Ecclesiæ
 doctores, omnesque præsci & sancti Patres
 Jejunium eximiâ laude ornavunt & usur-
 parunt. Tam virgines quàm conjuges &
 viduæ Jejunium, quod summe laudârunt,
 religiosissimè servarunt. Verbo: Omnes
 amici & sectatores Christi, ob Christum
 assiduè corpus afflixerunt inedia. Eò Pau-
 lina spectat & gloriatio & cohortatio. In
 vigiliis multis, in fame & siti, in jejuniis
 multis.^c Exhibemus nosmetipsos sicut
 Dei ministros, in multâ patientia, in labo-
 ribus, in vigiliis, in jejuniis, in castitate.^d
 Rex David tam crebram, tamque rigi-
 dam inediam toleravit, ut de seipso fa-
 teatur: Genua mea infirmata sunt à jeju-
 nio, & caro mea immutata est^e ab habi-

V 2

tiore

^a Tob. c. 12. v. 8. ^b Matth. c. 12. v. 2.

^c 2 Cor. c. 11. v. 27.

^d 2 Cor. c. 6. v. 4. & 5.

^e Psal. 108. v. 24.

tiore & corpulentiore vultu in macilentum Rex David macrescebat jejuniis.

II Ajo Jejunium esse utilissimum ac saluberrimum non ad animi solum, sed & corporis valetudinem tuendam pharmacum. Imò ausim vel jure jurando confirmare, ex omni pharmacorum numero, Jejunium non tantum securissimum, sed & excellentissimum esse pharmacum. Deus bone, quoties post innumera omnis generis exhausta medicamenta ad unius & solius abstinentiæ atque Jejunii crebriorem usum sanitas est restituta? Vox una omnium eruditorum ac sapientum est, & vel sexcenta testimoniorum millia, ad valetudinem conservandam, aut reparandam, nec opportunius quidquam, nec aptius, neque salubrius esse, quàm moderatum jejunium. Moderatum passim appellamus, de die semel duntaxat comedere, & vel prandere tantum, vel tantum cenare. Et quid opus testibus? Apertissimè Ecclesiasticus: Qui abstinens est, inquit, adjiciet vitam. *a* Saturitas omnis noxia. Citra saturitatem ergo vescere, & à mensâ cum fame, non cum fastidio surge. Utamur, inquit Ambrosius, temperantiæ naturali cibo pro remedio parcius, non pro deliciis redundantius; propter infirmitatem non propter voluptatem. Non enim solum adversus nequitie spiritualia, sed etiam adversus carnem & sanguinem lucta nobis, lucta adversus satietatem, lucta ab ipsis frugibus

terra,

terræ, lucta cum vino, quo etiam iustus inebriatus, quo etiam integer Judæorum exercitus supplantatus est: lucta cum feris bestiis, lucta cum volatilibus cæli: quibus caro saginata non redigitur in servitutem. Vides, quanta certamina. Terra ergo exercitium est hominis, cælum corona. Ob istas igitur tot luctas cum gulâ, ob quotidiana hæc pericula ad principium mensæ præmittuntur preces, ut appetentia in escas nimium effundi solita possit refrenari.

Sobrietas & abstinencia sanitatis, sapientiæ, castitatis, sanctimonix ac longioris vitæ mater: Ingluvies verò & crapula hebetudinis morborum, libidinis, vitiorum, ac brevioris ævi fecunda parens.

Gula cliens sanitatem serio amare non potest. b

III. Ajo Jejunium esse acceptissimum Deo sacrificium, expedientissimum homini remedium, & adversus diaboli tentationes singulare præsidium ac munimentum. Augustinus hac in re testis locupletissimus, qui certum abstinentiæ modum à Deo sibi traditum asseverans: Reficiamus, inquit, quotidianas ruinas corporis edendo & bibendo, priusquam escas & ventrem destruas. c Nunc autem suavis est mihi necessitas, & adversus istam suavitatem pugno, ne capiar, & quotidianum

V 3

bel-

a Ambros. tom. 3. l. 9. epist. ep. 38. mihi pag. 165.

b Vet. Trochaic.

c 1 Cor. c. 6. v. 13.

bellum gero jejuniis sapius in servitutem redigens corpus meum Hoc me docuisti, ut quemadmodum medicamenta, sic alimenta sumpturus accedam. In his ergo tentationibus positus certo quotidie adversus concupiscentiam manducandi & bibendi. ^a

Ergo Augustini sensu alimonia capienda est ut medicina. Quis autem agrotorum adeò insanit, ut ubi novem glutierit catapotia, duodecim aut novemdecim sibi velit porrigi, aut ubi unam potionem medicam exhauserit, mox alteram tertiamve infundi poscat. Sicut igitur agrotus ad legem sanitatis pharmaca, ita nos ad necessitatis præscriptum sumamus alimenta. Hoc suos docet Deus, ruinas corporis reficere, ut Augustinus loquitur, non in cibo voluptatem querere; non edendi cupiditatem explere, alimoniam ut medicinam sumere. Quod non Augustinus tantum, sed & alii sanctissimè observarunt.

^a *Aug. l. 10, Confess. c. 31.*

§. III.

B. Otho Babenbergensis Episcopus triginta septem annis in mensâ nunquam ad satietatem comedit. B. Posthumius simillimè à mensâ nunquam satur & ventris pleno recessit; corpus vigiliis, cilicio, jejuniis, laboribus assiduis fatigavit. ^a Beatus Hieronymus Eustochio virgini diatam saturitatis expertem constituens: Sit tibi mode-

^a *De his duobus vide l. 1. de Jejun. c. 11. §. 3.*

moderatus cibus, inquit, & venter nunquam expletus. Plures quippe sunt, quæ cum vino sint sobriæ, ciborum largitate sunt ebræ. Sint tibi quotidiana jejunia, & refectio satietatem fugiens. *a* Hæc talis strictior diæta, non salubrior tantum, sed & jucundior est vel ipsi corpori: Notum vetus illud.

Plus habet molestiarum quam voluptatum gula. b

Quod Socrates inter Philosophos eximius frugalitatis sectator & præco confirmans: Qui frugaliter vivunt, ajebat, plus amœnitatis, minus cruciatuum habent, quam qui genio indulgent. Certissimum vel ex aureo Ecclesiaste Chrysostomo, qui voluptati deditos negans vivere: An non, ait, simul atque prateriit linguam & fauces, voluptas omnis extincta est? sensus quippe omnis in gustu est, Ceterum post hæc ubi voluptas illa pertransiit, magna prorsus tristitia relinquitur, sive stomacho per cruditatem oppresso, sive qualibet aliâ difficultate laceßente. *c* Ubi ergo tantillum faucis spatiolum persultaverit escarum titillatio jam nulla est amplius oblectatio, nulla voluptas angustissimis his cancellis tota clauditur. Ita omnis ciborum sensus ad palatum terminatur. Idem Bernardus adstruens: Voluptas gutturis, inquit, vix duorum obtinet latitudinem digitorum,

V 4

&

a Hieron. ad Eustoch. de Custod. Virgin.

b Trechaic. Vêt.

c Chrysost. tom. 4. hom. 13. in 1. Timoth.

65. mihi pag. 1346.

& ejus tam modicæ partis tam exigua delectatio quantâ paratur sollicitudine, quantam deinde molestiam parit? *a*

In cellâ quadam, quod ille Phryx fabulator narrat, effuso melle convolarunt muscæ; & ad inemptum epulum avariter sese ingurgitarunt. Sed implicitis earum pedibus & volatu jam negato: Nos miseras ajebant, ob voluptatem modicam hîc perimus. Ita plurimorum malorum causâ plurimis est gula. *b* Rectissimè Musonio, Fundamentum sapientiæ est continentia circa cibum & potum. *c* Qui ventri deditus, teste Climaco, tentationem libidinis superare conatur, similis est ei, qui incendium restringit oleo.

IV. Ajo, diabolum absque jejunio non facile vincendum. Ambrosius testatissimis monitis: Jejuna, inquit, si vis vincere. Diaboli verbum est, cum dicit: Homo fortis esto, manduca & bibe, & similis mane. Noli te tibi credere, non erubescas egere præsidiis, quibus non egebat Christus, & tamen ea non negligebat, ut te doceret, dicens: Cavete, ne gravetur cor vestrum vino & crapula. *d*

Fuit in eremo, quem libido acrius vellicaret. Is igitur spiritalem partem accedens: Tibi obsecro, ait, curæ sim, & Deum pro me ora. Oravit fideliter &

con-

a Bern. de Persecut. susten. c. 12.

b Æsopus parte 1. fab. 31. pag. 34.

c Muson. l. 1. de Alimentis

d Ambros. tom. 5. l. 4. in c. 4. Luca, mihi pag. 94.

constanter. Post aliquot elapsos dies tentatus rediens: Ora fortius, inquit, nil remisit tentatio. Oravit fortius, sed denuò rediit, & eodem se luto hædere non dissimulavit. Mirabatur senex suas preces tam nullius fuisse ponderis. At sequenti nocte oblata ei species illiusmet tentati hominis, qui bene pastus, insuper & otiosus sedet, pugnam averfatus. Huic libidinum præses Asmodæus omnigenas imagines ac formas repræsentabat. Has ille spectavit, placuerunt; imò & delectatus est visis. Die alterâ se rursus seni stitit, & immaniter suas deploravit misérias. Cui senex candidè: Tuâ culpâ, inquit, mi homo, irritæ sunt preces pro te fusæ. Vis molestos ignes illos excutere sinu? vis vincere? Laborandum & certandum est. Luctare, pugnare, carnem edoma, vigiliis, laboribus, precibus, jejniis. Quid agro profit medicina, si eâ recuset uti? si cibus vetitis non abstineat? Tu hoc age, labores ne fuge, cibo abstine, rebelles in te motus inedia coërce. Nec surdo hæc dixit, Obscutus is consilio, jejunia inivit. Et brevî, cùm ille esurire, mox & tentatio cœpit remittere. Reverà hic hostis, non nisi his armis debellatur. Et quis unquam sine jejunio vicit diabolum? Apertissima Christi assertio est: Hoc genus non ejicitur, nisi per orationem & jejunium ^a Inediâ & jejunio hi mures, hæc vipera, hi ignes, diaboli tentationes excutiuntur sinu. Nec aliter constare potest hæc victoria. Non

V 5

amat

^a *Matth. c. 17. v. 21.*

amat hujuscemodi victoriam, qui recusat perferre inedia. Quod Ambrosius luculenter affirmans: Dominus JESUS, inquit, volens nos adversus diaboli tentamenta fortiores reddere, certaturus jejunavit, ut sciremus, quia aliter illecebras mali non possemus vincere. Quomodo enim voluptas (edendi) ad paradisum revocare nos potest, quæ sola nos paradiso exuit? *a*

Hinc religiosissimus Deique amantissimus presbyter Philoromus, teste Palladio, triginta duobus annis nullos arborum fructus, fructus nullos attigit: annis quadraginta nihil calentis & cocti edulii comedit, eo fine, ut tentationibus gulæ tantò potentiùs resisteret. *b*

Orationis & jejunii mixturam Chrysostomus ut remedium adversus diaboli tentationes valentissimum summè commendans: Aspice, ait, quot ex ambobus (oratione ac jejunio) bona nascuntur. Orans enim, & ut oportet jejunans, non multis eget; qui verò non multis eget, nunquam fiet avarus, & ad eleemosynam magis est aptus. Jejunans levis est, & alatus, & cum solertiâ orat, & improbat, extinguit concupiscentias, Deum placat, & insurgentem animum humiliat. Propterea & Apostoli ferè semper jejunabant. Orans cum jejunio geminas habet alas, & ipsis

a Ambros. tom. 3. l. 10. epist. 82. mihi pag. 240.

b Pallad. c. 113. apud Rosveyd. mihi pag. 770.

ipsis quidem ventis leviores : nec enim oscitat & distenditur , & orans languescit, quod multi patiuntur , sed est igne vehementior , & terra superior. Propterea talis maximè dæmonibus est infestus , & hostis. *a* Quæ Basilii confirmans : Contumelia dæmonum, inquit, nihil audet adversus jejunantem , & vitæ nostræ custodes Angeli alacrius manent apud illos, qui per jejunium sunt purgati. *b*

Cùm Elifæus grassante fame prophetarum filiis pulmentum coqui jussisset. Egressus est unus in agrum , ut colligeret herbas agrestes , invenitque quasi vitem silvestrem , & collegit ex eâ colocynthis agri, *c* & implevit pallium suum , & reversus conscidit in ollam pulmenti. Cùmque gustassent de coctione , clamaverunt , dicentes : Mors in ollâ vir Dei , & non potuerunt comedere. At Elifæus farinam , quam præceperat adferri , misit in ollam. Et non fuit amplius quidquam amaritudinis in ollâ. *d* Hanc ollæ mortem pauxillo farinulæ hordeaceæ propheta sustulit momento. Habet abstinentia & jejunium amaroris aliquid , sed reverà multò plus intemperies gulæ , omnem verò amarorem tollit præstantissimum illud amy-

a Chrys. tom. 5. hom. 71. ad pop. mihi p. 377.

b Basil. apud Anton. Melissam , seu Melissa Abbatem , pag. 1. c. 38.

c Wilde Reben/wilde Kürbes / Coloquint / ein Muscalantz.

d 4 Reg. c. 4. v. 39. & seqq.

amylum, *a Spes futura satietatis.* Eo famem & appetentiam omnem rex David differens; Satiabor, inquit, cum apparuerit gloria tua. *b* Eandem satietatem inhiabant viri olim religiosi, quibus, Hieronymo teste, costum aliquid accepisse luxuria videbatur. Tam procul à vino quàm ab urbibus aberant, tantòque magis Deo ferebantur, quantò continentius vivebant. Spes deliciarum in cælo amylum illud est, quod omnem vel rigidissimi jejunii amaritiam emendat. Non pigeat, obsecro, perpaulum esurire brevissimo tempore; satiabimur æternum.

*a Alica, seu Halica, Krafftmehl/
Zuckermehl.*

b Psal. 16, v. 15.

CAPUT IX.

Quomodo diversi suis tentationibus vel restiterint, vel cesserint, exemplis docetur.

Hic temporis vel rei gestæ seriem & connexionem attendere non est animus. Ordo nobis hîc erit optimus, qui confusus. Hæc, illa, aliaque mixtim prout occurrerint, narrabimus. Auctores singulos fidelibus notis laudabimus; penes illos sit fides rei quam narrant. Verè dixit Augustinus: Major est adjutor, quàm tentator. Quod è sequentibus etiam liquebit.

a August. tom. 16. serm. 160. c. 4. mihi pag. 331.

S. I.

Puella queindam è juvenibus deperibat, sacerdoti tamen illi, cui conscientiam credi.

crediderat, bene monenti optemperabat. Quodam mane adeò urgebat tentatio, ut jam sibi videretur impotens sui, quæ diutius tot cacodæmonibus, insultibus obfisteret. Itaque jam pæne ex toto victa, moliendo facinori se accingit; cùm ecce oculis etiamnum semi-hiantibus à somno, Christi Crucifixi & velut recens vulnerati species sese ingerit, affaturque patriâ linguâ, *a* quam latinè sic reddimus: Me ama: ego sum formosus, bonus, suavis & verè nobilis. Dixit, & cum objectâ effigie simul diuturna tentatio evanuit. *b*

Beati Faronis uxor cùm in Parthenonem marito consentiente jam Christo denupsisset, recrudescens mariti tentationem tam prudenter, quàm sanctè repressit. Cùm enim semel iterumque ac tertium invitaretur à viro, illa tentationis vim in conjugè subodorata, ut suæ ac illius pudiciæ consuleret, cultiori veste positâ, & attonsis capillis horrido se cilicio induit, eâque cultus deformitate viro se obtulit visendam. Ille ad aspectum tam inopinatum cohorrui, ingemuitque tentationi eatenus se cessisse: sic ab opere illicito se ipsum generosè revocavit. *c*

S. Hugo è Carthusiano Lincolnienfis Episcopus virginæ puritatis amantissimus fuit. Sed tantò magis illi cacodæmon insidiatus innumeris eum tentationibus

Carnis

a Moy dois aymer, je suis tresbeau.

Bon & doux, noble & loyan.

b Thom Cantiprat. l. 2. c. 57. n. 25.

c Zach. Lippelootom. 4. die 28. Oct. p. 335.

Carnis diu noctūque fatigavit. At Hugo has diaboli oppugnationes, vigiliis, precibus, jejniis, flagellis, ciliciis insigniter repulit. Panis aridus in cibum, fontana illi fuit in potum. Quadragintadiali jejunio ter quavis hebdomade solo pane & aquā contentus victitavit. *a*

B. Macarius Alexandrinus, Palladio teste, cū membrorum & carnis rebellio- nem sentiret, sex mensibus in Scetes palude vestibus rejectis sedit & culicum *b* morsibus se exposuit, qui eum tam immaniter & foede vulnerarunt, ut aliis leprosus videretur, è solā voce agnitus. *c* Nimirum hoc est tentationes pellere.

B. Hilarion etiamnum juvenis opertus sacco (hæc ei vestis) quindecim tantum caricas *d* (hoc illius prandium & cœna fuit) post solis occasum comedebat. Diabolus virtuti tantæ invidens, & à puero se victum cernens titillabat juveniles sensus, & Macario ignota voluptatis incendia subiciebat, incipiebat tiro Christi cogitare, quod nesciebat, & ejus rei pompam animo volutare cujus experimenta non noverat. Iratus itaque sibi & pectus pugnis verberans, quasi cogitationes cæde manus posset excludere: Ego te, aselle, inquit, faciam ut non calcitres, nec enim te hordeo alam sed paleis: fame conficiam, & siti,

gravi

a Idem die 17. Novemb.

b Culices illic vesparum instar, & qui vel apri pellem perforent.

c Pallad. c. 20. apud Rosvū. mihi p. 722.

d Dürre Seizen.

gravi onerabo pondere, per ætus & frigora exagitabo, ut potius escam cogites, quam lasciviam. Igitur herbarum succo & paucis caricis post triduum vel quatri-duum deficientem animam sustentabat. Interim fervebat opus. Aut enim laboribus vacabat, aut precibus, ut inedia fationem labor operis duplicaret. *a*

Idem fere contigit Senensi Virgini Catharina, quæ demonum in turpissimas &que species se transformantium pugnam sustinens; vix ullo loco, ne sacro quidem potuit consistere, quin fœda illa monstra obscœnos gestus oculis, impuras voces auribus ingererent, exosæque nuptias & detestanda flagitia suaderent. Multo tempore molestissima hæc probatio duravit. Illa interim corpus jam notis suppliciis afficere non cessavit. Nec demonum minæ defuerunt. Fuit qui vociferetur: Non cessabimus, quod probè nôris, te dies noctesque infestare, dum nobis consentias. At illa è cælo firmata: Has, inquit, molestias omnes pro Domino JESU perpeti, jucundum mihi erit, quamdiu illi visum fuerit. Placuit Christo tam prompta virginis ad divinos nutus conformatio. Mox hostilis cacodæmonum acies in fumum abiit. Jamque Christus spectatoris personâ positâ, solatoris induit. At illa sordiam priorum, quas cogitatione volverat memor, ac pudicè metuens, ne iis animum contaminasset, in has voces erupit. Ubi obsecro, mi Domine, fuisti,

fuiſti, cū animus meus tot ſpurcitiis ſcateret? Cui Dominus: In corde tuo. Catharina denuò: Et quī fieri potuit, ō mi amantiſſime JESU, ut eſſes in corde meo tot ſœdis cogitationibus infecto? ſed reſponſum tam candidè quærenti: Cogitationes ille gaudiumve an mœrorem tibi pepererunt? Mœrorem ſummum, ait illa. Atque hoc, inquiebat conſolator, effecit mea præſentia, quā deſtituta, ſpurcitiis illis fuiſſes oblectata. Conari talia repellere, nec poſſe, mœrorem adfert. Cec ego poenis, ſed voluntate poenas fortiter perferente delector. Neque tu tuâ, ſed virtute mea certâſti. Dilatum tibi præmium differendo creſcet. *a*

a Surius tom. 2. die 29. Aprilis.

§. II.

Hic opportunè poſſim attexere: Abbatem Poëmenem, *a* interrogans quiſpiam è religioſis aſcetiſ: Quid faciam, mi Pater, ajebat, & Impudicitia, & Iracundia tentationes me graviter exercent; quid faciam obſecro? Cui prudenter Poëmen reſpondit: Quid fecit David, cū veniret leo vel urſus, & tolleret arietem de medio gregis? Percutiebat, ſuffocabat, interficiebat illos. *b* Ita tu quoque, mi frater, leonem tuum, tuam iracundiam percutere ſubmiſſione, ſuffoca manſuetudine; urſum tuum, carnem tuam in libidines pronam laboribus & jejuniis exarma. Ita cum his leonibus

a Sen, Paſtorem.

b 1 Reg. c. 17. v. 35. Eccli. c. 47. v. 2. 3.

leonibus & urfis ludendum. *a* Optimè dixit Petrus Chrysologus : Nemo quasi concretis sibi vitis obsequatur, & quod est criminis, esse putet naturæ; sed sumat cum Christo arma jejunii, criminum propellat impetus, prosternat castra vitiorum, ut de ipso auctore mali sumat, Christo dimicante, victoriam. Diabolo victo vitia nihil valebunt. *b*

Marcus eremita, vir centum annorum, edentulus, capularis senex, qui vetus & novum testamentum memoria complexus, homo mitissimus, & ad omnem temperantiam excultissimus, quando se solum credidit, secum ipse & cum diabolo auditus est disputare. Seipsum graviter objurgans: Quid tibi, ajebat, amplius possis, *Κακόγυρε*, *c* an nondum gulæ tuæ satisfactum? Ecce jam vinum bibisti, & Deum glutisti. Num plura vis, *Πολυφόγε*; *d* An necdum satiatus venter *Κοιλίόδαλε*? *e* Hæc sibimet vir temperatissimus occentavit. At verò cacodæmonem irridens: Abi, ajebat, abi à me diabole, consenuisti mecum in dissensionibus & jurgiis: fecisti me bibere vinum, & sumere oleum, ita me reddens voluptarium, & corpus meum delicatum. Num aliud aliquid tibi debeo? Nil apud me invenis, quod diripere possis. Inimice hominum recede; amplior

X

rem

a Ruffin. Aquil. n. 16. apud Rosin. p. 467.

b Chrysol. serm. 11. mihi pag. 34.

c Male senex

d Manducus & heluo es.

e Ventri serviens.

rem prædam frustra exspectas, recede. Seipsum rursus exstimulans: Adeldum, inquit, ô nugator, in canicie vorator, in senectute heluo. Quamdiu tecum ero? quamdiu te patiar? Hæc Palladius, ut ipse narrat, ad tugurioli fores clam latitans, Marcum & cum diabolo & secum altercantem audit, & in suos profectus traxit. *a* Non omnis culpanda est tentatio, inquit Augustinus, quia & gratulanda est, quâ fit probatio. Et plerumque aliter animus humanus sibi ipsi innotescere non potest. *b*

Evagrius qui scripsit Ἀντιρρητικὰ, *c* seu tres libros, quibus omnigenam artem docet adversus dæmonem utendam, hic ipse tamen gravissimas tentationes dæmonum non evasit. Cùm enim cogitationibus sordidissimis impugnaretur, totâ nocte, licet austerâ hiems esset, in puteo contans perstitit, ut congelaret. Ars sane valida sed acerba his tentationibus vincendis. Idem hic Evagrius, cùm eum etiam blasphemix spiritus lacefferet, diebus quadraginta nullum lectum subiit, à muscis & culicibus miserrime vexatus. Et quamvis antea vitam egerit delicatam, in solitudine tamen pluribus annis die uno ultra unam panis libram non comedit, nec ultra olei sextarium *d* trimestri toto insumpsit.

Non

a Palladius c. 21. apud. Rosuv. mihi p. 725.

b Aug. to. 5. l. 16. de Civit. c. 31. mihi p. 199

c Seu, contraria, & inter se pugnancia.

d Ein halbe Maß Pallad. c. 76. apud Rosv. p. 764. Heraclides in suo paradiſo, c. 25. p. 964.

Non ergo hic oratur, inquit Augustinus, ut non tentemur, sed ut non inferamur in tentationem: tanquam si quispiam, cui necesse sit igne examinari, non oret, ut igne non contingatur, sed ut non exuratur. Vasa enim figuli probat fornax, & homines justos tentatio tribulationis. *a*

Tragicum prorsus est, & perquam horribile, quod subjungo, Apud Geldenses urbe Durborcensi juvenis eò prolapsus est spurcissimæ libidinis assuetudine, ut omnem sui emendationem desperarit. Principiis non obstitit, tentationibus cum etiamnum facile posset, non repugnavit: ita demum in eam vitiositatis voraginem præcipitatus est, ut ipse sibi facultatem emergendi ademerit. Vivebant adhuc in illo juvene quadam scintillæ pietatis, quas ille tamen suis nequitiiis velut copioso cinere sopivit & exstinxit. Conscientiæ labes ac vulnera patefecit sæpius, sed ad pristina identidem relapsus nullum seriæ poenitentia dedit specimen. Quem sacerdos demum officii Christiani commonefaciens: Mi fili, ait, hæc in confessionis sacramento sæpius exposuisti, & unà emendationem promisisti, sed nulla sequitur; usque & usque redis ad vomitum. Ego te tandem, quod pars officii mei est, noxis absolvere non potero, nisi pedem revoces & abstineas vitio jam toties deplorato. Ego quidem vel etiam hac vice peccatis te solvam, si quidem statuas seriò resipiscere;

X 2

scere;

a Aug. tom. 4. l. 2. de serm. Domini in monte, c. 8. mihi pag. 350.

scere, sed cave redeas eodem scelere confictus, ne facere cogar, quod facturus sum vel invitus. At juvenis in crocodili lacrymas solutus. Quid, Pater, te diutius, inquit, vanis promissis fallam, & promittam, quæ præstiturus sim nunquam. Ut scias, ea vis est tentationis, ut si hinc hiantes inferos, & totos diabolorum exercitus in me ruituros cernam, illinc assueti criminis occasionem videam, me sane cohibiturus non sim, quò minus ad objectas voluptates tuam, etiamsi certò sciam à diabolo ad inferos me rapiendum. Doleo, sed vetitis abstinere nequeo. Jam actum est. Viam non video, quâ emergam. ^a Nimis vehementer trahit tentatio: resistere non possum. O miser, potuisses, si voluisses. Nemini ad salutem præclusa est via, inire eam cupienti. Nec unquam nimis serum est resipiscere, dum vita est. Sua humanæ voluntati libertas semper constat. Pars bonitatis magna est, velle bonum fieri. ^b Quid tibi opus est, inquit Seneca, ut sis bonus? VELLE. ^c Quod Chrysostomus clarissimè demonstrans: In te est, inquit, ut possis: quia in te est, ut velis. Quia Zachæus idcirco potuit, quia voluit. Ita enim velle efficit posse, ut efficit nolle non posse. Magna enim vis est voluntatis, quæ nos efficit posse, quod volumus; & non posse illa,

^a Joan. Major. Theolog. in speculo, mihi pag. 783.

^b Seneca epist. 34. mihi pag. 445.

^c Idem ep. 8. pag. 535.

quæ nolumus. Et ex voluntate nostra divinitus celebratur iudicium, ut homo quicquid nunc voluerit, eligat; & quod elegerit, ex eo ipso iudicio cælesti subiaceat. Nec enim quisquam poterit excusari, quasi voluerit, & non potuerit; cum constet eum idcirco non potuisse, quia noluit: ut nolens, volentis exemplo, damnetur: & volens voluntate propriâ, quia implevit, quæ voluit, muneretur. *a* Itaque nulla tentatio tam gravis esse potest, quam vincere non possit, qui serio velit. Quem verè poenitet peccasse, non solum commissis noxis à Deo veniam, sed etiam ne eas denuo committat, opem obtinet largissimam.

Sed hæc est libidinis & luxuriæ expavescenda nequitia, quem ea semel robustius illaqueavit, non facile amplius dimittit, nisi ligatus rumpat hæc vincula festio conatu. Hic opus est vi. Languide velle nolentis est.

Præclare dictum à priscis: Voluntariam prædam diabolus etiam inermis expectat. *b* Cave, quisquis es, Asmodæum libidinis præsidem. Halitus ejus, quod Jobas dixit, prunas ardere facit, & flamma de ore ejus egreditur. *c* Dæmonis ad li-

X 3. biddi-

a Chrysost. tom. 2. serm. de Zachæo, fine, mihi pag. 1174.

b Ein zeitigen Dieb erlauffte auch ein hinfender Scherg: Freywilliger Gefangner ist leicht zu halten. *c* Job c. 41. v. 12.

bidinem instigantis; non solum teter & pestilens est anhelitus, sed adeo acer & igneus ut humanam mentem fœdi amoris incendio nimium quantum inflammer. Igitur tentatio, monente Paulo, nos non apprehendat nisi humana. *a* Quod Gregorius Magnus explicans: Ac si aperte diceret, inquit, Humanum quidem est tentationem in corde perpeti, dæmoniacum verò est in tentationis certamine & in operatione superari. *b*

Joannis Climaci sententiâ, vitio nullo ita delectantur dæmones, uti foetore luxuriæ, & nostri corporis iniquatione. *c* Hinc Cassiani salubre monitum. Impurioris affectus recordationem vel tenuissimam minimè admittendam. *d*

a 1 Cor. c. 10. v. 13.

b Greg. parte I. Pastoral. c. 11. mihi pag. 150.

c Climacus gradu 20, mihi pag. 195.

d Cass. collat. 19. c. 16.

§. III.

B. Vincentio Ferrerio diabolus se spectandum præbuit venerandi senis habitu, barba ad usque genu promissa: sed è consilio quod suggererat, coluber tortuosus est agnitus. Sic autem loquebatur larva stygia: Ego, agebat, unus sum è priscis patribus, qui Ægypti solitudinem annis compluribus magnâ vitæ austeritate habitavi. Juventutem ad Mundi leges inter delicias & voluptates exegi. Hinc senectutis vera & constans poenitentia est secuta. Tu igitur mihi seni tot annorum usu pollenti

pollenti tutò crede, & præmaturam, quam orsus es corporis castigationem de-
 fecato senio reserva saluberrimo consilio.
 Paratissimam habemus Deiveniam, vel
 ad unicam pœnitentis voculam. Vincen-
 tius è dictis stygias fraudes subodoratus:
 Jam novi, ait, antique serpens, tuos fi-
 bilos. Abi, nihil persuades. Deprehen-
 sum se cernens daemon non sine fœtore ac
 ejulatu grandi evanuit. Sed brevi rediit
 Avernalis hic lavernio, solâ voce tectus.
 Dum enim precaretur Vincentius, velut è
 cælo missam vocem audiit: Non omnes
 possumus esse virgines. Hoc voluit Ache-
 ronticus impostor, Vincentii decretum
 in servandâ castimoniâ expugnare. Hic
 athleta Christi ardentius precari, divinæ
 Matris Virginis patrocinium ambire, &
 auditæ vocis sensum poscere. Ita demum
 audiit non fallax, cæleste monitum: Tu
 autem cautus esto, & animo constanti
 perseverato: Virginitas sine luctâ & pu-
 gnâ non defenditur. a

B. Ignatius Loiola postquam difficili
 peregrinatione in Palæstinam defunctus in
 Hispanias rediit, non fuit consilium, re-
 liquam ætatem sine litterarum cultu dege-
 re: nempe quam Orbi laboranti opem
 ferre, Deoque impensius obsequium pro-
 bare vellet, intelligebat esse cum studio
 virtutum subsidia scientiarum etiam con-
 jungenda. Proinde annos jam natus tri-
 ginta tres aggreditur prima linguæ Ro-

X 4

manæ

a Surius die 5. Aprilis, è Petro Rausano
 Panormitano, l. 1. de Vitâ Vincentii, c. 9.

manæ elementa condiscere: eamque ob rem in disciplinam se Hieronymo Ardebalo tradidit, viro probo in paucis & humano, grandis prætextatus. ^a Hic verò minime otiosus artifex infernus, sed futuri sagax, magnis conatibus hoc sibi agere sumpsit, ut hæc Ignatii cœpta quàm primum impediret. Eam ad rem conficiendam, in varios se vultus identidem abdere, aliasque fraudes ex aliis ducere nunquam omittebat: in hunc præcipuè adversarium ingeniosus. Cùm enim Ignatius nominum & verborum inflexiones memoriæ mandare laboraret, tanto splendore illustrabatur animus ad capienda cælestia, ut novi nihil posset edificare, & quod jam ante memoriæ traditum erat, facile totum efflueret. Neque videbatur Ignatius omni studio animique contentione tam amœnas & sublimes cogitationes posse excludere. Ita novitate tantæ luminis percussus: Quid hoc rei est, inquit, cùm oro, cùm exomologesin obo, cùm Eucharistiam sumo, cùm totus ad divina vigilare contendo, tantum divini luminis se neutiquam offert; cùm tracto puerilia, & de Deo propter Deum non cogito, tam speciosæ imagines, tam miræ illustrationes menti occurrunt. Agnosco callidissimi hostis solitam vasritiem, agnosco nequissimi veteratoris simbriatas fallacias; à discendis litteris avocare nititur. Ut igitur diaboli à studiis nequiter avocantis consilium

elu-

a D H Er Gott / ein alter
Schueler.

caderet, præceptorem suum adiit, eique damonis tentamenta exposuit, & novam in proximum biennium assiduitatem pollicitus (modò panis & aqua in victum suppetat) fidem suam obstrinxit. Unà ad præceptoris pedes se abjiciens, etiam atque etiam rogavit, ut sese haud aliter atque puerum, sicubi minùs diligens deprehenderetur, castigaret. Ita ille tantò maxime in inceptis pergebat, nec pariebatur, ut ullam aliquando studiorum omissionem stygiis larvis gratificatus videretur.

Astutissimus est tentator ex orco, qui non refugit, per dispendia etiam lucrari. Quemadmodum is, qui latrunculis ludit, subinde locum adversario cedit, & unum aliquem latrunculum è suis auferri finit, ut ipse duos aut plures subducat collusori: ita diabolus honesta suggerit, & utilia, ut iis tegat noxia; voluptates offert, sed tectas; ita perituras, ut tantò faciliùs rapiat aternas.

Josaphatus regis Abenneri filius inter puèllare famulitium, quod ei pater nequissimo consilio adhibuit, de castitatis constantiâ gravissime tentari cœpit. At ille sibi auxiliatorem Deum statuens, preces sub vesperam cœptas, ad solis ortum perpetuavit, & unà vim tentationis omnem excussit. *a*

Egmondus Cantuariensis Præsul etiamnum adolescens ab impudicis feminis ad improbos amores sæpiùs blandissime invitatus admirandâ semper constantiâ repugnavit.

X s.

a Damascenus de vitâ Josaph. c. 20.

gnavit. Semel etiam virgis infidiatricem excipiens ad frugem correxuit. *a*

Pari modo Bernardinus Senensis cum jam presenti periculo perdenda pudicitia stringeretur inter angustias & preces, hoc unum reperit consilium: Flagro quod ad manus tunc erat, invitantem feminam excepit, ut omnem in eâ libidinis ardorem exstinxerit. *b*

a Surius tomo 6. die 16. Novemb. c. 8. in vitâ Edmundi.

b Surius die 20. Maii. in vitâ Bernardini, c. 23.

§. IV.

Martinianus non procul Cæsarea Palæstina in eremum juvenis secedens, perditâ muliere ad flagitium provocatus jam consenserat lupæ. Subitò ipse sui memor & tribunal cæli metuens raptim media casa è sparsis sarmentis flammam excitavit, eamque nudis pedibus semel iterumque insiliit, dum ambustum eum doloris acerbitas humo affligeret. Septem ipsos menses inusta pedum vulnera tenuerunt decumbentem. At æger interim ex hac victoria tantum percepit gaudii & volupratis, quantum ea mulieri primum admirationis, dein pudoris attulit & emendationis. *a*

Haud aliter Joannes Bonus Mantuanus incendium libidinis incendio doloris animosè repressit. Nam assulas cuspidatas unguibus infixit, manus sic armatas lapidi

alio

a Metaphrastes die 13. Februarii.

allisit summo doloris sensu. Adfuit Deus tam legitimè solatus in somnis: Confide, ait, perseverabis. *a*

Sara Thebaidis Antistita tredecim annis secum ipsa & contra diabolum acerrime luctata est orationibus assiduus. Nec tamen ut non impugnaretur, sed ut vinceret, oravit. Sic autem ope divina vicit, ut diabolus cogeretur vel invitus proclamare: Vicisti, Sara, vicisti. At illa nil penitus laudis sibi vendicans: Non ego te vici, aiebat, sed Dominus meus JESUS. In omni tentatione ad divinam opem confugiendum; omnis victoria Christo soli adscribenda. Uti Joab regi David civitate Rabbath jam expugnanda nuntians: Obside civitatem, inquit, & cape eam, ne nomini meo adscribatur victoria. *b*

Conon Alexandrinus castimonie amantissimus sacerdos rebellionem tamen carnis non ignoravit. Et quamvis eum ad certamen animasset divina vox: Tolerare & perseverare: Nihilominus ille velut familiariter cum cælo exoptulans: Auxilium, aiebat, promissum sapius non respondet, prout putabam. Ergo mutandus mihi locus evitandis tentationibus tam infestis. Jam abituro Joannes Baptista, viri hujus tutelaris divus, se objecit cum his vocibus: Si avversaris pugnam, perdidisti coronam. Conon igitur resumpto animo id egit, non ut feriretur pugna, sed ut potire-

a D. Antonius parte 3. hist. tit. 24. c. 13.

b 2 Reg. c. 12. v. 28.

potiretur victoriâ, & non privaretur coronâ. Non meretur miles donativum & stipendium, qui detrectat prælium.

Gregorius Nazianzenus vir sanctissimus illibatam virginitatem à puero non difficulter tuitus, jam senex & podagræ & aliarum ægritudinum molestiis vexatus, à diabolo nihilominus variè impugnatus, illum ipsum castimonie florem multis lacrymis, precibus, vigiliis, jeuniis, meditationibus, aliisque corporis rigoribus, quod de seipso testatur, non sine grandi luctâ defendit. *a* Nimirum ita disponit Deus, ut exercitior miles quantò plus sperat honoris, tantò plus subeat laboris, quàm tiro qui etiamnum expallescit, cùm suum spectat sanguinem. Ita veterani milites illi se gesserunt. Antonius Magnus ultrices gehennæ flammæ, solitudinis squalorem, tolerantiam inedia libidinum igni opponit. Benedictus seipsum inter urticas & vepres volutat, ut malos animi æstus sopiat. Franciscus nives tractat, ut calores mentis noxios exstinguat, Thomas Aquinas raptò ex ignibus titione pugnat, Bernardus ob incautiorem aspectum frigidissimo se stagno inersat. Wolstanus femina ad flagitium allec tanti colaphum infligit. Hieronymus repugnantem carnem hebdomadarum inedia domat, precando diem nocti jungit, lacrymas

a Greg. Nazianz. *Carm. adversus carnem*, *Carm. de Calamitat. animæ suæ*, & *epistol. 196. ad Valent. Baron. & Spendannus ad An. 389. n. 3.*

crymas fundit, pectus tundit, vigilias extendit, dum reluctantem & invitum somnus opprimat, & ossa male sibi hærentia nuda humo aternat. Nota cano. Sed nec recentia defunt triumphati tentatoris exempla.

§. V.

Ingolstadii adolescens amplius annum iuges stimulos perpeßus, quibus ad spurcas voluptates adigeretur, nullam interdum noctuque quietem capiebat. Legit is Beati Aloisii Gonzagæ res gestas, & preces ei quasdam nuncupavit suimet vigilans custos. Brevi refrixit incendium. *a*

Alius è divinæ Matris Virginis sodalitie clam admotis facibus in flagitium agebatur. Ter illum nocturna molitione Orcus impetiverat; jam in virum procerus; mox intra pusionis modum contractus; denique virgine assimulata nihil virgineum meditabatur. In his angustiis deprehensus juvenis, quicquid armorum habuit, hosti objicere; Præsidem suam aliquando ingemitare; rursus cruce pectora notare velle; sed irritò ferme conatu. Nam torpebat exanimis pollex, & manus nihil virium retinebat. Ad ultimum lingua suppetias tulit, ut cum ardentè bis terve inclamasset, (Domine JESU) redirent manus ad officium, & Sirenium ora in fumum dilaberentur. Nec restinctum tamen ea fuga incendium est; sed viventibus adhuc flammis miserè conflagrabat. Lecto igitur sese corripit, abjectusque hu-
mi

mi verberibus castigare corpus incipit. Sumptâ de se voluntaria poena, cum per horam extra plumas decubisset, tandem ab omni incendio liber triumphavit. Subinde vi planè opus, & *violenti rapiunt illud, a* quod Christus Agonotheta proposuit castitatis præmium. Necesse est, ut ad omnem hostis occursum simus parati fortiter agere. Pacis tempore consilia belli tractanda sunt. Quia cum dispositio-
ne inicitur bellum. *b*

Philopæmenes Megalopolitanus Dux Græciæ præcellentissimus tantum abfuit, otiosus aliquando fuerit, ut cum solus iter faceret, aut deambulare speculabundus, occurrentium locorum situm contempleretur, seipsum ita explorans: Quid si tibi exercitum ductanti hostis hic fiat obuius? Aut à lateribus eò repentè velut ex insidiis confurgat? qua figura aciem instrues? Continendus miles, an illico signa inferenda? Quòd si continendus, quomodo præsidiarios locabis, aut subsidia dispones? Fecit ejusmodi meditatio, ut in præstantissimis Græciæ ducibus Philopæmenes sit demum celebratus. Ita planè animus ad excipiendas tentationes parandus, & ante pugnam seriò commeditandum: Quid si talis aut talis me tentatio invadat, quid opus facto? quomodo me geram? quibus armis resistam? quibus auxiliis hostem repellam? Hinc ad bellum erudimur, hinc animus crescit, hinc nascitur

a Matth. c. II. v. 12.

b Prov. c. 24. v. 6.

nascitur in tentatione constantia , quam in optimis pugnatoribus illis spectamus. Castissimus Joseph in impudicæ dominæ manu pallium relinquit : Bartholomæus non pallium solum , sed & pellem pro Christo impendit pugnae ; pectus Agatha , dentes Apollonia , oculos Lucia , multi capita , Ignatius Antiochenus , Jacobus Intercisus , aliique membra omnia. Et juvenis ille fortissimus , qui , Hieronymo teste , a in hortulo amœnissimo inter flores ad lectulum plumis mollissimum nexu serico blandè alligatus à formosa pellice omni blanditiarum genere ad amores improbos stimulatus , quàm generosè tamen restitit ; quàm viriliter pugnavit , quàm gloriose vicit ? suam namque libertatem captivus etiam & inter vincula invenit. Cùm enim manibus pedibusque vinctis negaretur omnis ad pugnam motus , nec alia arma ulla suppeterent , fauce pro pharetra , lingua pro telo usus , suam ipse linguam suis dentibus præmorsam in lupæ os impurum exspuit , victoria multò illustrissima æternùm prædicanda. *b*

Ita olim tentatio ignem experta est in Mutio , paupertatem in Fabricio , exilium in Rutilio , tormentum in Regulo , venenum in Socrate , mortem in Catone. Ita Christiani sanguinis heroës ac heroides causâ meliori fidem suam inter tentationes acerrimas Christo suo probarunt : Ludibria

a In vita Pauli Eremitæ primi. Surius die 10. Januarii.

b Vide Nicetam meum, l. I. c. I. & 2.

dibria & verbera experti, insuper & vincula & carceres: lapidati sunt, secti sunt, tentati sunt, vere fortes facti sunt in bello. *a* Deus tentavit eos, & invenit illos dignos se. *b*

a Hebr. c. II. v. 35. & pluribus.

b Sap. c. 3. v. 5.

E P I L O G U S D I C T O R U M D E T E N T A T I O N I B U S.

ANtonius Magnus vitæ jam peractæ additurus Epilogum, ad suos versus: vos, inquit, ô viscera mea admonéo, ne tanti temporis laborem repenti perdati. Varias dæmonum nostis insidias; vidistis eorum & impetus feroces & vires effeminatas. **JESUM** *a* suspirate, & credulitatem nominis ejus vestris figite mentibus, & à certa fide universi dæmones fugabuntur. Si alacres fuerimus in Domino, & futurorum bonorum cupido nos succenderit; si semper omnia manibus Dei committamus, nullus dæmonum ad expugnandum valebit accedere. Una est ratio vincendi inimicum, lætitia spiritalis, & animæ tem-

per

a *Ha voces geminæ: Domine JESU: planè sunt aureæ, etsi sint solæ, in omni tentatione usurpandæ.*

per cogitantis Dominum jugis recordatio. *a*

Hæc morientis optima cohortatio tentatis crebrius instillanda. 1. In tentatione JESUM inclama. 2. Omnia divinæ providentiæ committe. 3. Futuras cæli voluptates considera. 4. Alacer & latus resiste; contemne dæmonem, & vicisti; Fuge omnem libidinem, & tua est palma.

a Athanas. in ejus vita c. 20. & c. 58. apud Rosæid. mihi pag. 47. & 59.

§. I.

Pollicitus olim Moses; Non est, inquit, Deus alius, ut Deus rectissimi; ascensor cæli auxiliator tuus: Ejiciet à facie tua inimicum, dicetque: Conterere. *a* Tu tantum occasiones & pericula peccandi fuge. Quis enim miserebitur incantatori à serpente percusso, & omnibus qui appropiant bestiis? sic & qui comitatur cum viro iniquo, & obvolutus est in peccatis ejus. *b* Vir iniquissimus tentator diabolus, peccata illius sunt tentationes, & peccatorum, quas offert occasiones. Tu cave hunc virum ultro comiteris, cave peccandi periculis teipsum ingeras & involvaris. Quis enim miserebitur tui, si loca illa easque domos frequentes, in quibus tentari soles, si cum feminis familiariùs ac blandiùs colloquaris, si merendas, symposiola, & omne forum escarium tam cupidè secteris, si omnem oculis licentiam indulgeas.

Y

Si

a Deut. c. 33. v. 26. & seqq.

b Eccli. c. 12. v. 13.

Si legas, si spectes, si audias impudica, & hausto veneno gaudeas. Quis miserebitur tui, si taurum, si serpentes, si leonem sponte tangas & lædaris? si ames hæc pericula, peribis in illis. *a* Qui tentationi causam dat, culpâ non vacat; multò minus qui è tentatione non invitus oblectationem percipit, quamvis ei non consentiat.

Moses Ægyptum fugit, cùm in ea sibi periculum cerneret. *b* Rex David civitatem fugit, & in solitudine mansit, ut Achitophelis perfidiam exiret. *c* Josephus Christi nutritius Judæam fugit, ut insidias Archelai declinaret. *d* Quisquis es, vel umbram peccati fuge. Cùm peccandi occasiones & illecebras non vitamus, cùm tentationibus tam facilè cedimus, illud Judithæ ad Acheronticum Holofernem usurpare poterimus: Et non latrabit vel unus canis contrate. *e* Gregorio teste, dimissus sibi, cujuslibet tentationis aura raptatur. *f* Miser iste impeditur, & non resistit; diripitur, calcatur, venditur, & nil contra mutit. Sed cur, ô ignave & deses homo, pugnare non vis? Hic sane aliud non habes dicere quàm inertissimum illud: Nolo laborare, nolo carnem fatigare; nolo genium suis commodis fraudare. At verò,

a Eccli. c. 3. v. 2.

b Hebr. c. 11. v. 27. Fide reliquit Ægyptum.

c Psal. 54. v. 8. *d* Matth. c. 2. v. 22.

e Judith. c. 11. v. 15.

f Greg. l. 9. Moral. c. 29. mihi pag. 533.

verò, qui pugnare non vult, non vult vivere, non cupit vincere, recusat coronari. Ad pugnam promptissimus fuit, qui dixit: Proba me, Domine, & scito cor meum, & vide, si via iniquitatis in me est. *a* De tota hominis vita verissime pronuntians Augustinus: Vita nostra, inquit, in hac peregrinatione non potest esse sine tentatione, quia profectus noster per tentationem nostram fit, nec sibi quisquam innotescit nisi tentatus, nec potest coronari, nisi vicerit; nec potest vincere, nisi certaverit, nec potest certare, nisi inimicum & tentationes habuerit. *b* Hoc scio, quia tentatio est vita humana super terram. *c* Neque verò Jobus dixit: Multæ sunt in hac vita tentationes, sed, tota hæc vita tentatio est merissima. Deus meus, clamat Augustinus; libera nos ab adversario nostro quotidiano, qui sive dormiamus, sive vigilemus, sive comedamus, sive bibamus, sive quodcunque opus operemur, omnibus modis instat die ac nocte, fraudibus & artibus, nunc palàm, nunc occulte, sagittas venenatas contra nos dirigens, ut interficiat animas nostras: & tamen, Domine, pessima infamia nostra: quia cum continue videamus contra nos draconem ore aperto paratum ad devorandum, nihilominus dormimus, & lascivimus in pigritiis nostris, tanquam securi ante eam: qui nihil aliud desiderat, quàm ut nos

Y 2

perdat.

a Psal. 138. v. 23.

b August. tom 8 in Psal. 59. mihi p. 249.

c Idem in Psal. 118. mihi p. 549.

perdat. Inimicus ut occidat semper vigilat sine somno, & nos ut custodiamus nos, nolumus evigilare à somno. Ecce tendit ante pedes nostros laqueos infinitos, & omnes vias nostras variis replevit decipulis ad capiendas animas nostras. Et quis effugiet? Laqueos posuit in divitiis, laqueos posuit in paupertate, laqueos tendit in cibo, in potu, in voluptate, in somno, & in vigilia: laqueos posuit in verbo & in opere, & in omni via nostra. ^a

Tota igitur vita non solum tentationibus referta, sed tentatio est assidua. Sed forsan quaras: Quæ autem tentatio est omnium gravissima? nullam habere tentationem. Si enim, ait Augustinus, nunquam tentaris, nunquam probaris. Nonne melius est tentari & probari, quam non tentatum reprobari? ^b Tentatio non est peccatum, Hieronymo teste, sed peccati initium. Non enim sensu tentationum vincimur, sed consensu. Suavius est autem vicisse tentationem, quam consensisse. Porro crebra tentationum victoria illustre Prædestinationis argumentum est. Pollicetur Veritas: Vincenti dabo manna absconditum. ^c Si cui de singulis in tentatione victoriis promitterentur centum aurei, quis non paratissimus ad pugnam, quis non animosissimus in hostem iret, quis non ad sanguinem usque resisteret?

^a Aug. tom. 9. l. Soliloquiorum, c. 16. mihi pag. 378.

^b Idem in Psal. 114. mihi pag. 683.

^c Apoc. c. 2. v. 17.

O sordidissimi mortalium, nedicam ô stultissimi: si pugnae præmium, si victoriæ donativum ponerentur centum aurei, nec pugnandi alacritas, nec vincendi cupiditas ulli deesset: Hic verò cælum proponitur, felicitas æterna promittitur victori, & ea quidem fide quæ nesciat fallere: Promisit enim, qui dixit: Cælum & terra transibunt, verba autem mea non præteribunt. *a* Hic, inquam, vincenti promittitur cælum, & tamen ignavissime agimus. Opulentissimus promissor Christus divitias & delicias immortales, sempiternas pollicitus est, vel seriò solum volenti vincere, & tamen etiamnum torpemus atque sæpissime nec vincere volumus, nec repugnare. Ignavia foedissima & vel sola inferis digna. Pro centenis aureis, pro auri libra unica vitam discrimini obicimus, & sanguinem prodigimus, pro cælo, pro thesauris infinitis æternùm possidendis languidissime agimus, marcemus, oscitamus frigidissimi Christiani. Nunquid non ita est? dicit Dominus. *b* Nota sunt Christi cohortantis verba: Fili, non te frangant labores, sed mea promissio in omni eventu te roboret & consoletur. Non diu hic laborabis, nec semper doloribus gravaberis. Modicum est & breve, omne quod transit cum tempore. Age quod agis; fideliter labora, ego ero merces tua. Sustine viriliter contraria: digna est his omnibus & majoribus præliis vita æter-

Y. 3 na.

a Matth. c. 24. v. 35.

b Ames c. 2. v. 11. & Aggeic. 2. v. 4.

na. *a* Si quæris in hac vitâ requiem, quomodo pervenies ad æternam? Non ponas te ad multam requiem, sed ad magnam patientiam. Pro amore Dei debes omnia libenter subire; labores scilicet & dolores, tentationes, vexationes, anxietates, necessitates, infirmitates, injurias, oblationes, reprehensiones, humiliationes, confusiones, correctiones, & despectiones. Hæc probant Christi tironem, hæc fabricant cælestem coronam. *b* Ergo, quod Jobus monet, memento belli. *c* Quomodo autem hoc bellum sit gerendum, diversas supra præceptiones dedimus. In auctarium memoriæ firmandæ, has breviores, quas Joannes Picus Comes Mirandulanus *d* tradit, apponimus.

a *Imit. Christi, Thom. à Kempis, l. 3. c. 47. n. 1. & 2.*

b *Idem l. 3. c. 35. n. 2.*

c *Job c. 40. v. 27.*

d *Et sanguine & scriptis multò Illustrissimus Auctor obiit Anno 1494.*

§. II.

Duodecim Regulæ in Tentationibus observandæ.

I. Si via virtutis videatur aspera, si molesta & difficilis pugna, scito in quavis re alia multa esse dura & difficilia. Sapientissimo Ecclesiastæ, Cunctæ res difficiles. *a*

II. Quanta

a *Eccles. c. 1. v. 8.*

II. Quanta in gratiam mundi, corporisque tui & agis & pateis? Nihilne pro Christo agere, nihilne vis pati? Paulus præcipiens: Humanum dico, inquit, propter infirmitatem carnis vestræ: sicut exhibuistis membra vestra immunditiæ & iniquitati ad iniquitatem: ita nunc exhibete membra vestra servire iustitiæ in sanctificationem. *a*

III. Stultum est credere ad cælum se se aliter quàm vi perventurum. Clarum nimis Christi pronuntiatum: Violenti rapiunt illud. *b*

IV. Conare quàm maximè potes, conformis fieri imaginì filii DEI. Non enim habemus Pontificem, qui non possit compati infirmitatibus nostris: tentatum autem per omnia pro similitudine, absque peccato. *c*

V. Fiduciam summam in Christum auxiliatorem jacta. In eo enim, ait Paulus, in quo passus est ipse & tentatus, potens est, & eis qui tentantur, auxiliari. *d* Hortatur & ipse Christus: Confidite, ego vici Mundum. *e*

VI. Superatâ tentatione una, expecta aliam. Quoniam per multas tribulationes (& tentationes) oportet nos intrare in regnum Dei; *f* non per unam tantum, aut

Y 4

alte-

a Rom. c. 6. v. 19.

b Matth. c. II. v. 12.

c Hebr. c. 4. v. 15.

d Hebr. c. 2. v. 18.

e Joan. c. 16. v. 33.

f Actor. c. 14. v. 21.

alteram. Nam, in omnibus tribulationem patimur. *a* Qui autem perseveraverit usque in finem, hic salvus erit. *b*

VII. Non vincendus tantum diabolus, sed etiam illius oppugnatio ad utilitatem trahenda, ut sit salus ex inimicis nostris. Exempli gratia; Superbiæ tentatio Humilitatis sit commonitio; irritamentum gulæ causa sit abstinentiæ; lenocinium lasciviæ, stimulus sit pudicitie. Ita diligentibus Deum omnia coöperantur in bonum. *c*

VIII. Sic pugna, quasi post pugnam habetur, ut sit pax perpetua; sic vince, quasi non pugnaturus; dæmonem, quasi non vincas. Dum autem luctaris & pugnas, tenet te crucifixum non tantum, sed amplexare, stringe, crucifigere, & colare. Et scias inter Christum & diabolum te stare medium, ut per te utroque pronunties, & vel Christi, vel diaboli partes defendas. Vociferabatur enim Elias: Si Dominus est Deus, sequimini eum; si autem Baal, sequimini illum. *d* Si Christum amas, propugna Christum. Si tuus Dominus est diabolus, diabolum ergo sequere,

IX. Peccati occasiones semper fuge. Hesiodi scitum est: Si juxta claudum habites, subclaudicare disces. Fuligine notabitur, qui culinam frequentat; farina volatica

a 2 Cor. c. 4. v. 8.

b Matth. c. 24. v. 13.

c Rom. c. 8. v. 28.

d 3 Re. c. 18. v. 21.

latica conspergetur, qui molendinum non vitat; peccato vicinissimus est, qui peccandi occasiones non declinat. Illecebrosius fieri nihil potest dulcedine vitiorum. Qui tetigerit picem, inquinabitur ab ea. *a*

X. Principiis occurre. Flecte rami dum tener est, jam validum non flectes sed franges. Ita puerilem indolem mature corrigendam monens Siracides: Curva cervicem ejus in juventute, inquit, & tunde latera ejus, dum infans est, ne fortè induret, & non credat tibi, & erit tibi dolor animæ. *b* Ita tentationi, antequam invalescat, obstitute: irroboratam, difficillime, aut nunquam expelles. Ergo, velociter spolia detrahe, citò prædare. *c* Tentationem quamcunque principio sui exarma, aut amissa est victoria.

XI Conare semper victor evadere. Dulcius est tentationem vincere, quàm peccato succumbere. In hunc finem parata & in promptu semper habeas remedia contra omne vitiorum genus, præcipuè adversus domesticum & familiare tibi vitium, quod te magis, quàm alia, inficit & impedit. Vince teipsum in eo, in quo minime vis vinci. Securis ad radicem arboris ponenda. *d* Quotidie te ipso fias fortior, quemadmodum David proficiens & semper seipso robustior. *e*

Y 5 XII. Ten-

a Eccli. c. 13. v. 1.

b Eccli. c. 30. v. 12.

c Isai. c. 8. v. 1.

d Matth. c. 3. v. 10.

e 2 Reg. c. 3. v. 1.

XII. Tentatus bonas actiones ne omittas ob tentationis molestiam, nec facile nova in eas consilia, sed in antiquis persevera, donec remittat tentatio. Homo tentatus nec aliis nec sibi bonus est consiliarius. In tentatione tristitiam, impatientiam, & animi perturbationem omnemque immoderationem summo studio cave. Hic maxime mediocritati studendum: mediam, non extrema, tenuere beati. Nec enim ad dextrum, nec ad sinistrum latus exorbitandum, mediotutissimus ibis. Ante omnia vide, ut tibi ipse sis præsens, & divinæ voluntati eò subiectus, ut animo possis dicere: Domine **JESU**, divina permissione tua omni contentissimus sum; placet mihi, quidquid in me decernis; quantumcunque afflictus aut tentatus sim. Unica voluntas tua, & vel nutus à te unicus mihi instar mille decretorum est. Fiat, non quod ego volo, sed quod tu. *a* Hæc voluntas hominis divinæ sic conjuncta vincit omnes diabolos. Vir (ita) obediens loquetur victoriam. *b*

a Marc. c. 14. v. 36.

b Prov. c. 21. v. 28.

§. III.

Nemo igitur cum tentatur, à Deo se desertum arbitretur, aut minus charum acceptumque Deo. Tobia: seni dictum scimus ab Angelo: Quia acceptus eras Deo, necesse fuit, ut tentatio probaret te.

te *a* Tentatio cos virtutis, humilitatis nutrimentum, spei & orationis stimulus, mentis illuminatio, futuri argumentum præmii. Tentatio, ait Augustinus, probatio est, non ad peccatum seductio: nec ideo probatio, ut Deus noverit, sed ut ipse ipsis hominibus ostendat, quò humiliores fiant ad petendum adjutorium, & agnoscendam gratiam. *b* Nescit se homo, nisi in tentatione discat se. Cùm autem didicerit se, non negligat se. Si enim se negligebat latentem, non se negligat notum sibi. Petrus qui ante tentationem præsumpsit de se, in tentatione didicit se. *c* Si Deus tentat, ut doceat, diabolus tentat, ut decipiat. Cui tamen nisi ille qui tentatur, dederit locum, inanis tentatio & irritanda repellitur. *d* Non facile nocet, dum displicet tentatio.

Clearchus Lacedæmoniorum dux egregio dicto militarem disciplinam continebat, identidem exercitus sui auribus inculcando: *A militibus Imperatorem potius, quàm hostem metui debere.* Quo apertè denuntiabat futurum ut spiritum poenæ impenderent, quem pugnae acceptum ferre noluisent. *e* Hoc à duce præcipi nemo miretur, cùm & ipsæ matres filios ad præliandum exituros monerent, ut aut vivi
cum

a Tob. c. 12. v. 13.

b Aug. tom. 4. l. 2. Quæst. super Exodum, q. 58. mihi pag. 62.

c Aug. tom. 8. in Psal. 36. mihi. p. 112.

d Idem tom. 10. serm. 72. mihi p. 230.

e Valer. Max. l. 2. c. 2. circa finem.

cum armis in conspectum suum venirent, aut mortui in armis referrentur. Hinc illud fortissimum Lacanæ dictum, cum filio scutum traderet: Aut cum hoc, aut in hoc redi. Aut enim vince, aut gloriosus occumbe. Idem sibi ipse dixerit tentatus: Aut vincendum, aut moriendum.

Idcirco non inimicus humanæ gentis diabolus est pertimescendus, sed Imperator Christus. Nam quisquis subeundam pro Christo detrectaverit pugnam, non effugiet pœnam. Pugnandum est. De Duce Christo ad pugnam præeunte Tertullianus: Ipsum Dominum, inquit, post lavacrum statim tentationes circumsteterunt, quadraginta diebus jejuniis functum. *a*

Itaque parandus est animus ad multiplex luctamen, ad continuas tentationes. Quod etiam vetus verbum monuerit: *Ne incalceatus in montes.* *b* Via ad virtutem, ad calum ardua, confragosa, tribulis & spinis obsita. Arcta enim est via, quæ ducit ad vitam. *c* Quapropter quod Ecclesiastes præcipit, custodi pedem tuum ingrediens domum Dei, & appropinqua, ut audias. *d* Nec novi quidquam, nec miri est, hominem omnigenis & perpetuis tentationibus incurfari.

Aufert

a Tertull. l. de Baptismo.

b Ex Euripide *ἰννομαχοῖ*. Batte, cave pedibus nudis perrepere montem, quippe rubis tribulisque virescit mons undique densus.

c Matth. c. 7. v. 14.

d Eccles. c. 4. v. 17.

Aufert coronam, qui aufert aduersarios. a Æterna Sapientia quos amat, hos probat, exercet, tentat, recognoscit, indurat. Res certa ex oraculis diuinis. Eos autem, quibus videtur indulgere, quibus parcere, molles venturis malis seruat. Erratis enim, si quem iudicatis exceptum à tentatione: veniet ad illum diu quietum sua portio, veniet vel sub ipsum vitæ terminum. Quisquis videtur dimissus esse, dilatus est. De sapientia æterna differens Siracides: Quoniam, inquit, in tentatione ambulat cum eo, & in primis eligit eum. Timorem, & metum, & probationem inducet super illum, & cruciabit illum in tentatione animæ suæ, donec tentet eum in cogitationibus suis, & credat animæ illius. c Quem Deus inter primos sibi vult adsciscere, eum reverà in deliciis non habet, severè examinat, variè tentat, asperè durèque tractat, ad quotidianas ferè pugnas exturbat. d Hinc optimum quemque aut paupertate, aut animi cura & dolore, aut mala valetudine, aut aliorum vexatione, aut aliis incommodis experitur, ut multifarie tentatus, & Deum rectius & seipsum

a *Jamb. Vet.*

b *Cum homine tentando.*

c *Eccli. c. 4. v. 17. & seqq.*

d *Ein lieben Menschen setzt
 Gott auff kein Küssel. Hinauß
 mit ihm hinauß ins Feld / dem
 Feindt zu.*

seipsum nosse incipiat. Nimirum flores suavius halant contacti, odores non fragrant, nisi prunis injecti. Unguenta non redolent nisi commota, aromata non sentiuntur nisi contusa. Abel esse non poterit, quem maltitia Caini non exercuerit. Abraham, quod Siracides affirmat, in tentatione inventus est fidelis. *a* Tentationes Abrahami graviores decem numerant Hebraei. 1. Jussus procul à patria & cognatis in terram ignotam proficisci. 2. Jussus est ob grassantem in Cananitide famem, in Ægyptum peregrinari. 3. Uxor ei à Pharaone abiata; ipse subit periculum vitæ, uxor pudicitia. 4. Ob famulorum jurgia coactus est divelli à Loto, quem ut filium amavit & aluit, 5. Ad liberandum Lotum captivum contra quatuor reges in aciem descendit. 6. Agarem, quam in uxorem duxerat, à Sara compulsus est domo ejicere. 7. Jam nonaginta novem annorum senex cum omni familia virili jussus est circumcidi. 8. A rege Abimelech abstracta ei uxor. 9. Receptam Agarem jussus est rurtum cum Isinaële filio adibus expellere. 10. Jussus est Isaacum filium multò charissimum immolare in victimam. Horribilis prorsus, & omnium gravissima tentatio: In hac ipsa tamen inventus est fidelis. Luctatus est secum ipse Abraham, & seipsum oppugnavit, & verò etiam se ipsum fortissime vicit.

Pugnandum est, Christiani, pugnandum. Tolle pugnam, & sustulisti victoriam;

riam; non sit victoria, nec erit corona. Sed qui vincit, non sibi arroget, victoriam, sed eam Deo deferat. Hoc & Abraham docet, qui triumpho humilior est factus non superbior. *a*

Duos Pæanas prisci cantabant: Ante bellum Marti, post bellum Apollini. Nos uni & soli Christo **J E S U** canimus Pæana: & ante conflictum quidem Christo tentato, Esurienti, Crucifixo; post commissum verò prælium partamque victoriam Christo Redivivo, Ascendenti, Glorioso.

Beatus Prosper de his victoribus disserens: Quamvis, ait, auxilio Dei steterint, tamen, quia in se habebant, unde caderent, ipsorum est meritum, quo steterunt. *b* Deo conjunctus homo in tentatione stat, semperque superat & crescit malis, iraque dæmonis in laudes suas fruitur, ejusque odium in suum vertit promeritum pugnando. Pugnandum est: diabolus inducias non init, nisi suo modo. Dixerat, Rufino teste, asceta senex alteri: Ego mortuus sum Mundo. Mox illi alter: Etsi tu dicas: Sum mortuus, diabolus tamen non est mortuus, cujus innumerabiles sunt artes malæ. *c*

Quocirca nemo miretur, si quotidie classi-

a Ambros. tom. 4. l. I. de Abraham, c. 3. mihi pag. 172.

b Prosper. l. 2. de Vocat. gent. c. 28. mihi pag. 345.

c Rufinus l. 2. n. 116. Pelag. libell. II. n. 38. apud Rosweid. mihi pag. 670.

classicum illasque belli voces audiat: *Ad arma, ad arma.* Etsi vel centies, etsi vel millies vincamur, aut vincamus, recurrendum identidem ad arma, & revocans animis novaque semper alacritate certandum. Vox belli in terra, inquit Hieremias, & contritio magna. *a* Ergo, Præparate scutum & clypeum, & procedite ad bellum: state in galeis, polite lanceas, & induite vos loriceis. *b* Non est gloriosa victoria, ubi non sunt laboriosa certamina. Ad hoc enim, ait Augustinus, sunt Christiani, ut præsentia superent, & futura sperent. *c*

a Hierem. c. 50. v. 22.

b Hierem. c. 46. v. 3. & 4.

c Aug. tom. 8. in Psal. 90. mihi pag. 410.


F I N I S.


A P P R O B A T I O

R. P. Provincialis.


PALÆSTRAM CHRISTIANAM à P. Hieremiâ Drexelio Societatis nostræ Presbytero p. m. conscriptam & à destinatis Societatis Patribus lectam probatamque, ego Wolfgangus Gravenegg, per Superiorem Germaniam Præpositus Provincialis, factâ mihi potestate ab admodum R. P. N. Generali, Mutio Vitellesco, in lucem edi permitto, fidemque rei meâ manu & officii mei sigillo facio. Oetingæ Veteris 14. Julii, Anno 1640.

Wolfgangus Gravenegg.









PC 845258

